

19503



de la Haye

John. Brown

Dec

T 1316
2 E

HAEMATOLOGIA
HISTORICO-MEDICA,
HOC EST
SANGVINIS

CONSIDERATIO
PHYSICO-MEDICO-CVRIOSA,


QVA
NON SOLVM IPSIVS MATERIA ET
CIRCVLATIO CHYLI, SANGVIFICATIO,
MOTVS AC CIRCVLATIO, PARTES, ET COLOR
EIVS, SED ETIAM QVANTITAS
AC DEFECTVS,

ITEM
EIVSDEM EXCRETIO PRAETERNATVRALIS,
NEC NON
VARIA DE PERICARDIO ET CORDE
RARIS ATQVE SELECTIS OBSERVATIONIBVS

CVM
INDICE LOCVPLETISSIMO

PROPONVNTVR ET EXPONVNTVR

A
D. MARTINO SCHVRIGIO,
PHYSICO-DRESDENSI.



DRESDAE ET LIPSIAE

APVD FRIDERICVM HEKEL, MDCCXLIV.

WELLCOME INSTITUTION

10, BEDFORD SQUARE, LONDON, W.C.1

LIBRARY

10, BEDFORD SQUARE, LONDON, W.C.1

WELLCOME INSTITUTION

10, BEDFORD SQUARE, LONDON, W.C.1

WELLCOME INSTITUTION

10, BEDFORD SQUARE, LONDON, W.C.1

WELLCOME INSTITUTION

10, BEDFORD SQUARE, LONDON, W.C.1

WELLCOME INSTITUTION

10, BEDFORD SQUARE, LONDON, W.C.1

WELLCOME INSTITUTION

10, BEDFORD SQUARE, LONDON, W.C.1

WELLCOME INSTITUTION

10, BEDFORD SQUARE, LONDON, W.C.1

WELLCOME INSTITUTION

10, BEDFORD SQUARE, LONDON, W.C.1

WELLCOME INSTITUTION

10, BEDFORD SQUARE, LONDON, W.C.1



PRAEFATIVNCVLA.

Hæmatologiam seu considerationem sanguinis expositurus, consultum erit, ordinem, quem in hoc Tractatu servavi, præmittere; agit nempe Cap. I. de sanguinis materia & circulatione chyli, ubi non solum sententiæ veterum, sed & recentiorum de hac materia traduntur; item an chylus per vasa lactea transeat, an venæ lacteæ chylum exfugant, aut an chylus per hepar feratur. Cap. II. tractat sanguificationem, an nempe in epate, corde, aut a sanguine & spiritu vitali &c. fiat? Cap. III. exhibet sanguinis circulationem & motum, quem plerique duplicem statuunt, nempe intestinum & circularem s. progressivum; sequitur quæstio, an circulatio veteribus fuerit nota, quæ affirmatur; describitur porro circulationis inventio & inventores, item ejus usus & necessi.

PRAEFATIVNCULA.

cessitas. Cap IV. agit de sanguine, de globulis in sanguine, colore naturali & praternaturali, differentia inter sanguinem arteriosum & venosum, consistentia, quantitate, plethora, defectu. Cap. V. tradit sanguinis excretionem praternaturalem & hæmorrhagiam cadaverum. Cap. VI. describit pericardium, & quidem 1) quid sit pericardium, 2) ejus vasa, 3) connexionem cum diaphragmate, 4) foramina, 5) pinguedinem, 6) crassitiem, 7) figuram, 8) defectum, 9) usum, 10) varia in eo reperta, 11) liquoris pericardii ortum, 12) hydropem pericardii, 13) usum liquoris, 14) liquorem ex latere Christi. Cap. VII. tandem de corde prolixè agens hunc Tractatum concludit.



HÆMATOLOGIÆ

CAPUT I.

DE SANGVINIS MATERIA

et

Circulatione Chyli.

§. I.

Sicuti a prima alimentorum in ventriculo & toto intestinorum canale facta mutatione ac digestionem, seclusis fecibus oritur chylus, seu humor lacteus, iisdem, quibus lac gaudet, partibus, scilicet serosa seu aquea, caseosa & butyracea seu pingui, præditus, ita hæ chyli partes per certos canales in sanguinem delatæ & cum eodem intime commixtæ magisque subactæ sanguinis partes constituunt, primo nimirum lympham seu serum, quod reliquarum vehiculum est, & continuato motu per habitum cutis, renes aliaque emunctoria abscedit; secundo gelatinam, quæ sero diluta fibras carneas & osseas implendo fibrosam partium solidarum substantiam constituit; & tertio purpuram, quæ lymphæ ruborem conciliat, unde ista sanguinis appellationem induit. Ortum hæc debet

*Sanguinis
materia.*

Hæmatol.

A

parti

parti chyli butyraceæ seu pingui, quæ si leni motu per rivum sanguinis propellitur, interstitia seu folliculos membranarum implet & suffarcit, adeoque sævum, lardum & axungiam aliasque pinguedines efformat. Quodsi vero intensius cum lymphâ truditur adeoque nimium atteritur, eidem flavum conciliat colorem & bilem auget, sub quo schemate alias redundans per hepar abscedit. Exsuperantia partium dictarum in sanguine fingit temperamenta. Nunquam vero aliqua deest, sed mixtæ se invicem amplectuntur, etsi portio lymphæ, h. e. feri gelatina diluti a sanguine arterioso abscedat in vasa lymphatica, unde ille sanguis, qui in venis ducitur, vividum colorem amittit, & nigricat. Ejusdem lymphæ portio magis subacta poros nervorum implet eosque tendit, & tunc, quibusdam Autoribus succi nervei seu spirituum animalium nomine venit.

§. 2.

De Chyli viis.

De canalibus autem, per quos chylus ad sanguinem defertur, sive de chyli circulatione, item de epatis sanguificatione sanguinisque circulatione diversas neoterici atque veteres fovant sententias; siquidem hi chylum in ventriculo & intestinis elaboratum aque impuritatibus depuratum ad pancreas atque dehinc ad epar ferri statuunt. Inquit enim Daniel Beckherus *Microcosm. Medic. Lib. I. cap. 14. pag. m. 68.* Chylus depuratus illico beneficio lactearum venarum ad pancreas, tandem ad epar defertur, innataque hepatis vi in sanguinem transmutatur. Juxta Albert. Kyper. *Anthropolog. Cap. XIII. pag. m. 349.* Motus chyli naturalis est ex ventriculo in intestina tenuia, ex his in venas lacteas, & ex his in hepar. Sic etiam Daniel Sennertus *Institut. Medicin. Lib. I. cap. 9. p. m. 60.* hanc sententiam vulgatam retinet, & de sanguinis generatione ita statuit. Quamprimum a venis mesaraicis recipitur chylus,

chylus, alteratur & mutatur nonnihil: ita alteratus per mesaraicas primum ad venarum portæ radices & epar defertur, a quo porro coquitur & in eo solum veri sanguinis formam accipit. Geniti hoc modo sanguinis portionem aliquam sibi, ut eo nutriatur, epar adjungit, reliquum per venam cavam in totum corpus omnesque partes, ad eas nutriendas, distribuit &c. Cui sententiæ plerique veterum sunt addicti. vid. Gaspar. Asellii *Dissert. de Lactib. Cap. 22. p. m. 45. seq.*

§. 3.

Econtra recentiores, chylum potius ex intestinis per venas lacteas ad receptaculum chyli seu pancreas Asellii, dehinc per ductum thoracicum Pecqueti propelli atque ex isto canali chylifero per ipsius insertionem in venam subclaviam, indeque per venam cavam ascendentem in auriculam cordis dextram deportari & sanguinis massæ infundi, variis rationibus defendunt. Inquit enim Jo. ex Pecqueto hannes Pecquetus *Experim. nov. anat. cap. 1. pag. 1. seq.* Lactearum in anatomica Republica Venarum Auctarium inventum est Asellii, non commentum: sed quod αἱματώσους cum antiquis putat esse principium hepar, & ad ipsum lacteas confluere, ejusdem est erratum. Causa quidem errandi fortasse hæc fuit Asellio, quod, cum intra glandulam, in medio sitam mesenterio (pancreas vocat) in unum omnes coire lacteas, inde tum sursum porrigi, tum deorsum animadverteret, pro certo habuit, quos genuinos & interdum fruticosos numerosiori furculo ramos, confundi uspiam plane non videbat, ad ipsam usque jecinoris fissuram ascendere. Nec ab eo tempore quisquam lacteos venarum ejusmodi latices studuit devolvere; Infelicitati tamen potius, quam incuriæ eorum idtribuendum arbitror, quod ignoraverint, non ad hepar, non ad venas portæ, non ad cavam prope emulgentes, ut receptus error obtinuit,

obtinuit, derivari chylum, sed, quod inter dissecandum potest cuilibet luce clarius innotescere, ab intestinis ad receptaculum quoddam; quod supra lumborum vertebrae, disseminatarum in mesenterio lactearum liquorem excipit, refunditque per eas, quæ intra thoracem abditæ, ad ramos usque subclavios ductu continuo propagantur, donec intra venæ cavæ caudicem ascendentem circa jugulares externas mixtus cum sanguine, communi tum demum alveo, in cordis voraginem muricandus & in alimentarem concoquendus substantiam præcipitet.

§. 4.

ex Charleto-
nio.

Gualterus Charleton *Oeconom. animal. Exercit. III. p. m. 22. seqq.* de Galaxia seu itinere chyli ita scribit: Chylus, postquam requisitam elaborationem perfectionemve acceperit, sensim mox (cavitatem suam arctante ventriculo) exprimitur in intestina; neutiquam vero ab iis attrahitur, sive allicitur, sicut perperam olim a plerisque creditum. Intestina autem eo liquore repleta, & quodammodo distenta, testudineo quodam, sive peristaltico suarum fibrarum motu a pyloro usque ad intestinum rectum successively propagato sese contrahere incipiunt, eoque pacto chylum detrudunt deorsum. Dum vero eorum cavitates perlabitur iste succus, utiles illius sive alimentosæ partes ab inutilibus, sive excrementitiis separantur, ut hæc per alvum foras egerantur, istæ autem derivantur in venas lacteas. Quæ per exiguis quidem, numero tamen infinitis ostioliis in ipsas intestinorum tunicas hiantes, indeque ad mesenterium usque continuis ductibus excurrentes, quum exceperint liquorem candicantem, illico deferunt in communem quendam oceanum, sive stagnum, conceptaculum Pecquetianum dictum; quod membranea constans substantia, ad mesenterii radicem supraque lumborum

rum vertebrae, situm est, totamque $\psi\omega\omega\nu$ intercapedinem complet. Ex hocce receptaculo communi emergunt alii etiam ductus chyliiferi, qui sursum per ipsum thoracem prope spinam dorsi interius, recto tramite ascendentes ad subclavios venae cavae ramos usque pertingentes; eisque uniti prope jugulares externas, in horummet rivulos sese prompte exonerant. Unde chylus eo loci in sanguinis confluxum infusus eidemque intime permixtus per superiorem venae cavae truncum, in dextrum cordis ventriculum cito importatur. Atque haec quidem vera Galaxia seu via regia est, per quam chylus e ventriculo in ipsum contraducitur &c. Ibidem etiam dictus Autor de aliis ductibus agit chyliiferis.

§. 5.

Sic Daniel Sauvry *Anatom. ration. cap. III. pag. 45. seq.* ex Sauvry
de motu & via chyli agens ita scribit: in canibus & aliis quibusdam animalibus in centro mesenterii insignis glandularum fasciculus reperitur, quem pancreas Asellii nominant: in homine vero glandulae per universum mesenterium sunt disseminatae. Ut vero naturam vasorum lymphaticorum bene intelligamus, sciendum est, eorum nullum in mesenterio tempore digestionis, infinitas vero lacteas apparere: e contrario vero, transacto digestionis tempore, ne unicam quidem venam lacteam, prodigiosum vero vasorum lymphaticorum numerum deprehendi. Hoc phaenomenon doctis quibusdam Anatomicis ansam dedit conjecturandi, vasa lymphatica mesenterica a venis lacteis nullatenus differre, illaque nunc chylum, nunc lympham vehere; hancque eorum sententiam confirmat, quod, nisi hanc naturam regulam observet, venae lacteae non semper apertae ac ad chyli receptionem paratae esse possent. Omnes venae lacteae in nonnullis animalibus in pancreate Asellii, in homine vero in glandulis mesenterii

terii terminantur; In brutis animantibus hoc receptaculum chyli membranosum existit, in homine vero binæ ibi sunt glandulæ, quæ lumbares nominantur; Ex his duo egrediuntur rami, qui invicem juncti canalem seu ductum thoracicum formant, qui inter costas & pleuram, secundum longitudinem aortæ descendit & in venis subclaviis prope axillares terminatur. Hæc vasa valvulas sive pelliculas habent, introitum chyli facile permittentes, regressum vero ejusdem impediētes, quoniam foris intro sunt dispositæ. In specie in ductu thoracico hæ valvulæ visibiles sunt, ac in reliquis quoque vasis lymphaticis, quamvis paulo difficilius videri possunt, inprimis quando liquor, quem continent, in cursu suo impeditus est, aut coagulatus. Ubi ostium ductus hujus in venam axillarem existit, reperitur valvula sanguinis in ductum ingressum impediens, chylo vero introitum in venam concedens &c. Et *Cap. IV. p. 54.* repetit idem, chylum per ductus thoracicos ascendere in venam subclaviam, indeque per venam cavam ascendentem in auriculam cordis dextram deportari; nullumque per venas lacteas ad hepar chylum pervenire per Loweri experimentum probat.

§. 6.

ex Craanio.

Itineris chyli continuationem ita describit Theodorus Craan *Oeconom. animal. pag. m. 251.* Chylus ex intestinis per vasa lactea defertur ad pancreas Asellii in centro mesenterii situm; ex hoc porro per vasa lactea secundi generis defertur ad cystemam sive receptaculum chyli commune, Pecquetianum dictum. Ex hac autem cisterna, quæ sita est intra tendines diaphragmatis supra vertebra a ductu thoracico defertur ad venas subclavias sinistras, ubi chylus cum sanguine ex vena axillari versus cavam descendente, (quæ alias male vocatur ascendens; vena enim in extremitate cordis oritur, & in cor desinit) sicque impel-

impellitur in dextram cordis auriculam, ex qua in ipsum thalamum dextrum cordis diffunditur.

§. 7.

Juxta verba Guilielmi Cockburn *Oeconom. Corpor. ex Cockburnio. animal. p. 24. seq.* vasorum lacteorum orificia in intestina hiare, licet non satis sint spectabilia, docet contenti succi color albicans, qui in animali tribus quatuorve post partum horis interempto, lactis cremori similis est, & finita chyli distributione disparet, neque sanguis unquam in ejus locum succedit, atque sic evacuato chylo ipsa illa pellicula tenuissimaque vascula, defectu coloris lactei conspectum omnino fere effugiunt; sed demonstrat etiam ligatura vasis istis injecta, in animali vivo, bene pasto, repente post tres horas aperto; mox enim ligaturam inter & intestinum fit intumescencia, altera vero parte detumescencia subita. Progreditur itaque chylus, in intestinis tenuibus secretus viscerum vicinorum ope per vasa lactea non in hepar, sed recta in receptaculum chyli, seu saccum lacteum, indeque per canalem Pecqueti (quem tamen antea Thomæ Bartholino ab Anglo quodam communicatum haud improbabiler Glissonium asserere memini) in venam subclaviam, plerumque, ambas licet nonnunquam, aliquando dextram defertur, unde cum refluxo sanguine in cor devolvitur, illique intimius admiscetur. Inquit etiam Valentinus Andreas Moellenbroccius *de Arthrit. vag. Scorb. cap. III. §. 28. p. m. 40.* In intestinis chylus ulterius præparatus tandem per venas lacteas ad chyli receptaculum situm ad tertiam circiter lumborum vertebra sub mesenterico centro, a Johanne Pecqueto, Medico Monspeliensi inventum, ex hoc per thoracicas lacteas in venas subclavias, ex his cum decurrente per circulationem sanguine ad cor, non epar, uti vulgo statutum est, defertur. Nam

Nam lacteæ ad hoc tendentes nullæ hætenus ab oculatissimis etiam Anatomicis videri potuerunt.

§. 8.

ex Wald-
schmidio.

Ad mentem Johannis Jacobi Waldschmidii *Institut. Medicin. rational. cap. 3. p. m. 21.*

Chylus ex angusto intestinali canali per angustissimos tubulos lacteos in amplum chyli receptaculum, cisternam chyliferam dictum, & ex hac lymphæ ascendente magis dilutus per angustiore canalem, ductum thoracicum dictum, ad angustos cordis thalamos transfertur, atque paulo ante cor sanguini per axillarem redeunti, & lymphæ a partibus superioribus refluenti sive descendenti confunditur. Hæc sic confusa per venam cavam dextro cordis ventriculo infunduntur, ut ibidem prævia rarefactione magis magisque attenuentur atque accuratius etiam secundum minima misceantur. Secundum Casp. Portæ *Medicin. brev. cap. 1. §. 5. p. 12.* chylus lymphæ glandularum dilutior factus a vasis lymphaticis & perpetuis vaporibus viscerum circumjacentium, quasi totidem balneis, aptus natus est ulterius moveri ad ejus receptaculum commune, quod situm est inter duos diaphragmatis processus: hoc enim requirebatur, ut succussio diaphragmate chylus quoque propelleretur ad ductum thoracicum, qui in homine sub arteria magna, in brutis vero ad ejus latus juxta dorsum ascendit, & in venam axillarem uno vel pluribus ramis inseritur. Cautum vero est multis valvulis, in hoc thoracico ductu reperiendis, ne chylus ascendens relabi posset, in quo adjuvatur tam ab inspiratione quam expiratione: utraque enim continua pressione huic ductui incumbunt.

§. 9.

ex Heinso

Ernestus Heinsius *de Purgant. in Febr. Curat. pag. 13.* scribit: Cum chylus e cibis in ventriculo factus est, partim viscera circumjacentia, partim spiritus animales per
fibras

fibras tunicarum influi ventriculum magis contrahentes & pulsantes, illum in duodenum propellunt, unde etiam ad sequentia intestina fertur, motu quem habent hæc continuo peristaltico juvante. In quorum cavitatem cum orificiis suis hient venæ lacteæ, subit illa ingrediturque harum canaliculos chylus, a blando corporis calore in vaporem quodammodo resolutus: Imo cum varii intestinorum anfractus illum ubique impedian, intestina autem continuo contrahantur, quasi manibus truditur in vasa lactea, & per illa in receptaculum chyli lumbare colligitur. Inde ascendit per ductum thoracicum ad venam subclaviam, ubi sanguini miscetur & cum eo per venæ cavæ ramum ascendentem pergens ad truncum ejusdem & cordis auriculam dextram fertur; hinc cordis dextro ventriculo infunditur. Secundum Christiani Johann. Lang. *Ex Langio. Physiolog. Thes. 15. fol. 100.* susceptus in vasa lactea chylus omnis, ut magis diluatur, glandulis infunditur ad mesenterii centrum vel lumbos positum, indeque per vasa lactea secundi generis ad receptaculum chyli & lymphæ commune, alias lumbare dictum, ex quo postmodum per ductum thoracicum ad venam subclaviam sinistram defertur. Ibidem etiam scilicet *Oper. Part. I. fol. 101. seq.* dictus Langius hanc suam thesin ulterius explicat variisque objectionibus respondet.

10.

De circulatione chyli per venas lacteas per receptaculum seu reservatorium Pecqueti & ductum thoracicum ita scribit Autor *Tractatus Gallici Essais d'Anatomie Disc. 14. p. 137. seq.* Ce lait n'est que le chyle tout pur, qui a passé de la cavité des intestins gréles, dans celle de venes lactées. On a quatre experiences, qui nous font entrer dans ce sentiment. La 1) est que le lait, qui coule

An chylus per vasa lactea transeat? Essais d'Anatomie.

Hæmatol.

B

dans

dans les venes lactées, vient des intestins, cette verité pareil à l'oeuil, lorsqu'on presse les vénes lactées avec les doigts. Elles se vuident de lait, & on les voit ensuite venir du côté des intestins, pour remplir la véne, qui en a été vuidée. La 2) est, qu'on ne trouve du lait dans les vénes lactées, que quelques heures après qu'on a fait manger l'animal. La 3) est, qu'on trouve le jejunum presque toujours vuide, a cause de la grande quantité de venes lactées, qui en sortent. Et enfin c'est qu'on trouve les excremens presque tout purs dans l'ileum, qui se rendent encore plus grossiers, en passant par cet intestin, parce qu'il y a plusieurs venes lactées, qui en partent. Au reste les vénes lactées ont plusieurs valvules placées fort près les unes des autres. Leur disposition est telle, qu'elles permettent bien au chyle de couler dans les vénes lactées en allant des intestins aux glandes du mesentere; mais elles empêchent son retour. Elles sortent des intestins en grand nombre & elles s'anastomosent plusieurs ensemble à mesure qu'elles avancent. Elles composent par ce moyen des troncs un peu plus gros, qui versent le chyle, qu'ils portent dans les vesicules de glandes mesenterique. Après que le chyle a passé par les vesicules des glandes mesenteriques, il se rend dans deux ou trois canaux, qui en sortent par dessous. Il vont aboutir ensuite dans un sac membraneux situe sur les vertébres des lombes. On luy a donné le nom de reservoir du chyle. Le chyle se mêle dans cet endroit avec beaucoup de lymphe, dont le reservoir est toujours plein. Elle le detrempe & le rend plus liquide, afin qu'il coule plus aisement. Enfin, il part du reservoir du chyle un canal, qu'on appelle le canal thoracique, parcequ'il est couché sur les vertebres du thorax. Quelque fois ce canal se fourche & ses branches se réunissent ensuite, & quel-

quelques fois aussi on le trouve simple. Le canal thoracique se va insérer dans la veine sous-clavière, au dessus de son insertion il est une valvule, qui la couvre comme une petite voute. De sorte que le sang, qui coule par veine sous-clavière passe par dessus, sans s'opposer à l'entrée du chyle. Lors qu'on enfle le canal thoracique on voit plusieurs valvules dans sa cavité. Elles sont placées à très peu de distance les unes des autres, & leur disposition est telle, qu'elles permettent bien au chyle de couler vers la veine sous-clavière, mais elles l'empêchent de descendre dans le réservoir de Pecquet. D'où nous pouvons conclure, que le chyle coule de son réservoir par le canal thoracique dans la veine sous-clavière gauche. Là il se mêle avec le sang. Il en suit le cours & il se va rendre dans la veine cave, qui le conduit à l'oreillette droite du cœur. L'oreillette le verse dans le ventricule droit. Et comme le chyle fait alors partie du sang, il en suit tout le cours, & circule avec luy par tout le corps.

§. II.

Utrum vero venæ lacteæ in intestina hient, dubitat Richardus Lower *Tract. de Cord. Cap. V.* ubi de chyli in sanguinem transitu agit, *pag. m. 211. seq.* inquiens: quo modo secretio chyli perficiatur, non aliunde datur intelligere, quam quod diversi pori in interiore intestinorum tunica ita dispositi & configurati sunt, ut cremorem solum lacteum admittant; crassiores vero partes, cum nullam habeant similitudinem aut proportionem cum intestinorum poris, per quos in lacteas transitus fit, ideo illibatae prætereunt, & a motu intestinorum deorsum usque depelluntur; si autem venæ lacteæ in cavitatem intestinorum apertis osculis & immediate hiarent, non solum faculentior & impurior pars massæ in intestinis contentæ, sed & flatus & halitus foetidi & stercoracei perinde in sanguinem transi-

*Juxta
Lowerum*

rent, eumque pessime inquinarent. Verum ut hujusce rei experimentum faceret, in animali cibis prius optime satiato intestinum jejunum, ubi in ilia transit, arcte ligavit, atque folle per pylorum immisso aërem valide immisit, cumque intestinum illud satis distentum fuerit, pylorum pariter fortiter strinxit, & dein postea intestinum aëre usque adeo repletum & tumefactum manibus compressit, & expectavit illico chylum in venis lacteis statim ab insequente aëre versus commune receptaculum urgeri, quod neutiquam tamen successit, adeo ut certum sit venas lacteas in intestina recte non hiare, neque spiritum ullum aut flatum in illas admitti, sed oblique inter eorum tunicas ferri, antequam in cavitates intestinorum penetrent. In dictum receptaculum commune venæ lacteæ omnes, velut totidem fistulæ in commune lactis castellum sese exonerant, & ne inibi stagnare & concreescere contingat, vasa lymphatica omnia lympham suam in receptaculum deponunt, ut chylum magis diluant. Et quandoquidem chylus per vasa thoracica, præsertim in erecto corporis situ, sicut in homine, difficilius ascendit, ideo inter tendines diaphragmatis magnum hoc receptaculum constituitur, quo fit, ut quoties diaphragma in omni inspiratione contrahitur, tendines isti valde attracti sacculum hunc lacteum, modo chylo turgidus fuerit, plurimum comprimant & exagitent, adeoque chylum in illo contentum per ductus chylicos in venam subclaviam propellant, & constante vectigali massam sanguinis continuo pereuntem æque certo instaurant. Quoniam autem sanguis vitæ ipsa a continuo recentis chyli influxu dependet, necesse fuit, ut via libera & expedita semper in eum transeat; quare ductus chylici per totum fere tractum a receptaculo ad venam subclaviam usque, nisi prope cordis regionem, duo sunt & velut scalæ latera mutuo inter se communicant; non ali-

um

um certe ob finem, quam ut, si alter obstructus fuerit, chylus per alterum ascendat. Ne denique ad ipsum limen impingat, aut quoquo modo præpediatur, ideo ostio plerumque duplici, nonnunquam etiam pluribus (aut sicubi unicum tantum reperiatur, eo laxiore hiatu) in venam subclaviam suffunditur; & ne sanguis præterlabens aperturæ ejus incurrat ipsamque oppleat, ideo valvula isti quasi operculum obducitur, quæ sanguinem a vena jugulari & axillari redeuntem rejiciat, & obtento quasi velo foramen illud ab irruentis sanguinis affluxu præmuniat. Atque hæc via sola atque unica est, qua chylus e ventriculo & intestinis in ipsum sanguinem & cor infunditur. Verum, pergit Lower, quia nonnulli in eodem cum veteribus errore etiamnum versantur, venasque mesaraicas chylum ex intestinis excipere confidenter statuunt, ipse ut de hac re certior fierem seriam aliquando impendi operam, atque non uno experimento tandem mihi constitit, totum chyli penum nulla alia via, quam per ductus chyliferos, in sanguinem infundi; si enim cursus ejus per vasa thoracica impediatur, animal qualicumque cibo satiatum intra paucos dies fame penitus interibit; quod in duobus canibus, diverso licet modo expertus sum. Alterius enim thorace dextri lateris intra duas costas inferiores aperto, digitum immisi & ungue velut in ferram resecto commune receptaculum tribus horis a pastu valde turgidum perfregi & laceravi, ut chylo in cavitatem thoracis exitu dato transitus ejus in ductus chyliferos penitus interceptetur; quo facto & consuto vulnere animal hoc cibo, quantum capere voluit, postea satiavi; cum autem intra paucos dies exspiraret, & a me statim diffecaretur, ventriculum atque intestina valde repleta, quin & venas lacteas chylo plenas inveni, nihil autem ejus in toto ductu thoracico apparuit, verum in eo pectoris latere, in quo com-

mune receptaculum disruptum est, duæ libræ chyli repertæ sunt; unde certo constare arbitror, ob præpeditum chyli per ductus thoracicos transitum animal hoc ventriculo licet cibis referto utcumque fame periisse. Quod tamen ut certius redderem, alium canem simili modo, sed in adverso seu sinistro latere intra tertiam & quartam costam superiores perfodi, qua in regione ambo ductus chyliferi in unum plerumque truncum coeunt, qui deinceps ex latere œsophagi inferiore, ubi musculo substrato incumbit, versus venam subclaviam sub communi pectoris tunica incedit; immisso itaque per vulneris orificium digito ductum istum pariter diffregi, quo disrupto chylus in cavitationem lævi pectoris exire, ulterius vero penetrare neutiquam potuit; quare vulnere, ut prius, curato, canem per paucos dies bene pastum detinui, ex quo tempore elanguescere cœpit & paulo post obiit. Cum autem thoracem ejus dissecarem, claustrum illud pectoris, ubi ductus iste disruptus fuit, chylo penitus repletum inveni &c.

§. 12.

Ortlobii
Sententia

Circa hæc tamen Loweri experimenta sequentia admonet Johannes Fridericus Ortlob *Histor. Part. Dissert. VIII. §. 8. p. 61.* quoniam hæc enchiresis id dubium relinquit, utrum chyli, an lymphæ defectu mors acciderit, sequentis argumenti robur potius mihi videtur; scilicet digito pariter, secundum modo memoratas circumstantias canis thoraci immisso ductus chyliferus comprimitur, & sic nullum chylum in sanguine per apertam venam extracto, reperire est, facile vero si remisso digito, currenti per suum canalem chylo, transitum concesseris. Ad quæstionem autem, quid chylum versus sanguinem urgeat, & eidem infundat? §. 9. & 10. ita respondet: chylus ex constrictis & abdominis contractione compressis intestinis in venas lacteas propellitur, ex his ad glandulas mesenterii

senterii effusus, a vasis lacteis secundi generis suscipitur & ad receptaculum confluit, ex quo superiora versus a diaphragmate adigitur, & sanguini, ne ejus motum inhibeat & turbet, per diversos ut plurimum ramos, partitim infunditur, ita quidem ut cum eo cor versus proferri valeat. Neque sic opus est, ut cum Theodoro Craanio existimemus chylum in vaporem resolvi, & instar fumi ex sacculo chyliifero per Pecquetianum ductum ascendere, quia autopsiæ repugnat. Verum potius facile mechanismum ejus invenire licebit, si perspiciamus vasa esse chylo aut sero turgida, & inter se continua, ut sic chylus ad venas lacteas primi generis ex intestinis venire nequeat, quin expellat eum ex glandulis versus vasa secundi generis, hinc ad receptaculum, ex hoc illum, qui in thoracico ductu continetur, ad sanguinem, simili artificio, quo aqua, in canalibus licet longissimis, externa vi in eos adacta, ob continuitatem provolvitur, quia tum rationem habere solet ejusmodi liquor tubulos opplens corporis continui, i. e. prout in hoc, una extremitate mota, eo momento movetur altera, ita etiam contiguæ invicem liquoris guttæ per totum meatus tractum susceptam impressionem continuant, ut quantum in principio ejus subit, tantum in fine iterum effluat. Præsertim vero hic maximam utilitatem concedunt valvulæ, per omnia hæc vasa perspicuæ, quod impellens per vices agat, atque sic facile cessante ejus impulsu tantum retrocedere possit, quantum prius affluerat, nisi per valvulas reditu interdiceretur, atque simul, quorsum moveri debeat, determinaretur.

§. 13.

Prolixe etiam & accurate de chyli motu per hæc vasa agit Johannes Bohnius *Circul. anat. physiol. Prog. XII. p. 167. seq.* ubi non modo chylum per vasa lactea ferri defendit, sed

Bohni

Bartholini

sed ad aliorum etiam Autorum, contra venarum lactearum usum & pro venis mesaraicis militantium argumenta respondet, quem benevolus Lector evolvat. Per viam chyli intelligit Casparus Bartholinus *Specim. Histor. anat. cap. II. p. 32. seq.* omnia illa vasa, quæ interiecta sunt inter intestina tenuia & venam axillarem vel jugularem sinistram, dicata chylo ab intestinis in sanguinem vehendo. Illa autem sunt 1) venæ lacteæ ab intestinis usque ad receptaculum chyli decurrentes, quæ communiter dicuntur vel primi generis, scilicet illæ, quæ inter intestina & glandulas in medio mesenterii sitas interceptæ sunt destinatæ soli chylo vehendo; vel secundi generis, quæ a glandulis mesenterii ad mesenterium lumbare tendunt, quæque tempore distributionis alimentorum chyli turgent, illa autem finita, lympham vehunt, 2) ipsius chyli receptaculum in lumbis situm, excipiens non solum chylum a vasis lacteis, sed etiam lympham ab artuum inferiorum & abdominis lymphaticis ascendentem, 3) ductus thoracicus a receptaculo secundum longitudinem dorsi ascendens, usque ad locum insertionis in venam axillarem vel subclaviam sinistram. Et *pag. 40.* ita de vasis lacteis & ductu thoracico loquitur: Lacteæ venæ sunt peculiaris in mesenterio vasa, destinata vehendo chylo ab intestinis ad receptaculum quoddam, quod in brutis est instar capacioris vesiculæ, in lumbis situm, unde una cum lymphâ, per propria vasa a partium inferiorum glandulis conglobatis illuc delata, per ductum thoracicum adscendit ad venam subclaviam vel axillarem sinistram, ibique cum sanguine miscetur, confluenta & illuc lymphâ a partibus superioribus derivata. Et hæc vera dictorum vasorum distributio, de qua tamen non ita inter recentiores anatomicos convenit. Etenim initio post primam venarum lactearum inventionem, ad solum hepar eas tendere crediderunt,

runt, & tandem invento ulteriori illarum progressu per receptaculum lumbare & thoracicum ductum, ad cor simul & hepar, donec cum novissime deprehensum sit, esse lymphatica ex hepate prodeuntia illa vasa, quæ pro lacteis, chylum ad hepar allaturis, sumserunt alii, unica chyli via ad cor demonstrata sit. Lactea illa vasa valvulis copiosissimis donata sunt, & ubi ab intestinis prodierunt, ad glandulas in mesenterio sitas pergunt, unde, sive in glandulis deponatur chylus, sive pertranseat sine percolatione, ad receptaculum lumbare confluunt omnia, nec ulla vel ad mammas, vel renes, vel uterum derivari hætenus observatum est. Ut autem hæc vasa, quæ sunt inter glandulas mesenterii & venam subclaviam sinistram, secundi generis lactea communiter dicta, paucis a pastu horis, lacteo liquore plena sunt, ita, chyli distributione finita, color albus sensim fit aqueus, & lymphæ turgent, more aliorum lymphaticorum. Receptaculum lumbare, vel, ut alii appellant, cisterna chyli, instar capacioris vesiculæ est in brutis, sed in homine saltem est quasi ductus thoracici pars inferior nonnihil dilatata, quæ annexas sibi habet quasdam glandulas lumbares conglobatas, a quibus lympham excipit per vasa lymphatica, quæ, una cum reliquis abdominis & partium inferiorum lymphaticis, in hoc receptaculum confluunt. Thoracicus ductus a receptaculo chyli lumbari ortus, secundum longitudinem dorsi ascendit, & in venam axillarem vel subclaviam, nonnunquam & jugularem, sinistram inseritur, atque tempore distributionis alimentorum chylum una cum lymphæ vehit ad cor, illa autem distributione facta, lympham solam a partium abdominis & artuum inferiorum lymphaticis acceptam vehit, unde rectius vasis lymphatici nomen meretur. Præter illam valvulam, quæ in vena axillari ad ingressum hujus ductus patet, plurimis valvulis in to-

to suo progressu donatus est hic ductus, quæ descensum liquoris impediunt, & variis in locis interdum in binos vel etiam plures ramos finditur, qui iterum coëunt, atque unico semper ostio in supradictam venam inseritur, ubi nonnulli inepte labyrinthum sibi finxerunt, cum sit saltem ibi concursus lymphaticorum descendantium & ascendentium a partibus inferioribus, quæ nonnunquam tortuoso ductu feruntur.

§. 14.

*Vicarium
Juxta*

Secundum verba Johannis Jacobi Francisci Vicarii *Bas. univers. medicin. Lib. I. cap. 5. §. 21. p. 88.* chylus a lacteis absorbetur & pure mechanice sursum scandit, nam dum motus peristalticus continuus est, hinc jam hiant quædam orificia vasorum lacteorum & sic chylum suscipiunt, mox vero a tergo coarctantur & sic illum ulterius protrudunt, atque sic successive totum chylum absorbent, relictis fœculentiis. Ad hoc negotium vasa lactea plurimis ramulis capillaribus in crusta spongiosa intestinorum, jam per lineam rectam, jam curvam terminantibus donantur; Habent item valvulas sublunares binas per vices, ne pondus nimis graviter inferioribus partibus incumbat. Imo hisce valvulis quasi scalæ gradibus elevatur chylus, quousque lumbarem glandulam seu chyli receptaculum attigerit, ubi cum lymphâ ex inferioribus ramis ascendente permiscetur & diluitur, sicque ulterius continuato pulsionis locali motu per ductum thoracicum in venam axillarem sinistram infunditur, ibique etiam cum lymphâ ex superioribus ramis descendente denuo permiscetur, tandemque in venam cavam & cordis dextrum ventriculum cum sanguine una fluit &c. vid. etiam Jacob. Pancrat. Brunon. *Propyl. Medic. Physiol. pag. 19.* Justi Vesti *Oeconom. Corpor. human. Dissert. II. §. 8. p. 23. seq.*

§. 15.

§. 15.

Nonnulli etiam chylum a venis lacteis ex intestinis exfugi statuunt, unde easdem vasa chylifuga nominant, ^{An vena lactea chylum exsugant?} vid. Johann. van Horne *Microcosm.* §. 22. p. m. 45. cui tamen sententiæ contradicit Johannes Guilielmus Pauli *Annotat. in eundem locum.* p. 53. inquiens: Vasa lactea chylum sugunt minime, sed particulæ hujus proprio potius motu atque pondere poros villosque tubulosos magnitudine & figura sibi proportionatos ingrediuntur. A villis etiam intestinorum chylum recipi ac in radices vasorum lacteorum derivari, non admodum dissimili ratione, ac fibræ & radices plantarum haustum e terra aut aqua succum ad vasa interiora utriculosque deducunt nutritionis & incrementi commodo, arbitratur Johannes Conradus Peyerus *M. N. C. Dec. II. An. 6. Obs.* 132. p. 275. ubi meminit sæpius vidisse villos chylo turgidos, cum animalium recens mactatorum intestina perlustrasset.

§. 16.

Quamvis autem præter hætenus recensitos adhuc plerique recentiorum huic de chyli per vasa lactea ad ductum ^{An chylus ad epar feratur?} thoracicum & cor descripta via sententiæ adhæreant, nihilominus tamen ex modernis veterum opinioni de chyli per venas mesaraicas ad epar tendente meatu favere videtur Georgius Philippus Nenterus *Physiolog. med. cap. IV. Membr. 4. Art. 2. Punct. 3. pag. 226. seq.* Veteres, inquiens, credebant, omnem chylum a vasis mesaraicis absorberi & ad hepar, sanguinis officinam ferri: quæ tamen sententia a variis Autoribus & imprimis Bartholino multis scriptis refutata fuit: Quamprimum enim vasa lactea a Caspares Asellio Anno 1622. detegebantur, omnes fere, veterum castris relictis, statuebant chylum moveri per vasa lactea. De hujus tamen sententiæ certitudine non pauci dubitare cœperunt, & adhuc sunt, qui dubitant, probabilius existi-

mantes, portionem quoque chyli ferri per vasa mesaraica ad hepar; rationes eorum sunt sequentes, 1) quod animalia pennata omnia vasis careant lacteis & 2) flatus in horum intestina immissus in vasa mesaraica penetret, 3) quod maxima vasorum mesaraicorum in intestinis copia, & quidem longe major, quam quæ privato intestinorum usui inservire queat, reperiatur: imprimis vero 4) venæ mesaraicæ copiosiores sint arteriis, ac earum frequentia & amplitudini arteriæ minus proportionatæ sint, 5) quod observatum fuerit continuum chyli stillicidium e vulneribus thoracis: manifesto indicio, ductum thoracicum læsum fuisse, & homines nihilominus tamen per plures annos vixerint, (quod exemplis probat) 6) quod sanguis venarum mesaraicarum paulo post pastum chylo tinctus appareat: quibus 7) addunt, quod male actum esset de genere humano, si vita a tam parvo filo, quale est ductus thoracicus, penderet. Quæ sane rationes, pergit Nenterus, si æquo judicio considerantur manifeste probare videntur, non per vasa tantum lactea ductumque thoracicum, sed etiam per vasa mesaraica chyli portionem ferri. Si enim in pennatis omnis chylus a vasis recipitur mesaraicis, cur non concedamus in homine etiam a vasis mesaraicis copiosissimis portionem ejus recipiet, quem in finem adessent tot vasa, nisi usum publicum haberent? Sed regerunt communiter, utique tam propter usum publicum, quam etiam privatum adesse copiosa ista vasa: publicum esse depurationem sanguinis per intestina, privatum vero intestinorum nutritionem: venas vero revehere sanguinem superfluum ad hepar, ut bilis ibidem secernatur. Sed hæc responsio locum haberet, si arteriarum & venarum numerus esset æqualis: cum vero venæ numero & amplitudine insuper arterias longe superent, maxime probabile est, venas aliquid recipere sive alii adhuc usui, quam

quam revehendo solum sanguini, dicatas esse. Unde porro esset color sanguinis cinereus in venis mesaraicis post pastum, nisi chylus ipsi misceretur? Et cur homines non statim moriuntur, si ductus thoracicus læsus est? quod tamen necessario contingere deberet, si a parvo hoc filo vita nostra penderet? Cum vero hoc læso nihilominus homines per plures annos superstites maneant, quod ex observationibus (ibidem allegatis) constat, non video, quare chyli portionem quandam in ipsas quoque venas mesaraicas recipi, adeo præfracte negari debeat. Quamvis enim chylus in venis mesaraicis in homine non adeo manifeste, ac in venis lacteis, demonstrari possit, considerare tamen deberent contrariæ sententiæ Patroni, corpus humanum vivum undiquaque esse porosum, & non solum per vias manifestas, sed etiam, ut ita loquar, cæcas, humoribus transitum præbere. Manifesta hujus rei exempla habemus, quod 1) statim post pastum, imo in ipso statim pastus principio, quando cibos laudabilis nutrimenti assumimus, insigniter statim refocillemur, & etiam si antea fuerimus maxime lassī & debiles, nihilominus tamen insigne virium augmentum sentiamus: quod sane minime contingere posset, si ciborum horum pars laudabilior prius per ventriculum & intestina, vasa lactea, ductum thoracicum, venam subclaviam cordi infundi & per arterias ad universas corporis partes distribui deberet. Probabilius enim longe est, per poros ventriculi portionem laudabiliorem statim ipsa vasa ingredi & hanc refocillationis subitanæ esse causam. Manifeste quoque talis refocillatio deprehenditur in statu morbofo, ubi homines maxime debiles, exhibito uno vel altero tantum potiunculæ confortantis cochleari statim alacriores redduntur. Novi hominem, qui febre laborans adeo debilis erat, ut non nisi a duobus hominibus erigi posset, nil cernebat, non nisi

confuse audiebat, & ob summum languorem linguam vix movere poterat, qui tamen dato vitro vini generosioris cum pane biscocto, elapsa dimidia hora non solum plenarium sensuum usum recuperabat, sed etiam solus electo surgebat. 2) Deinde etiam humorum transitum per vias minus manifestas maxime probat continuus viscerum mador, qui sane minime deprehendi posset, nisi humores per vias hujusmodi occultas in cavitates, quibus viscera continentur, deponeretur. 3) Omnium autem maxime tales cœcos meatus, evacuatio feri extravasati asciticorum per purgantia fortiora probat; hæc enim tantam sæpe ejusdem copiam per alvum evacuant, ac si primitus in intestinis ipsis contenta fuerit. Si ergo per poros, etiamsi minutissimos & visum latentes, nihilominus humorum fit transcolatio, cur non etiam chylo introitum per poros in venas mesaraicas concederemus.

§. 17.

*De chyli viis
autores.*

Cum vero circa hanc quoque Nenteri & aliorum sententiam tam ratione vasorum, quam ductus thoracici læsionis, non semper lethalis, item quod equidem spirituosæ alimentorum & potulentorum particulæ citius ad massam humorum & cor penetrare possint, quam chylus, de quo proprie hoc loco agimus, per vias lacteas & ductum thoracicum ad sanguinem pervenire soleat, varia objici possint, non immerito cuilibet liberam de his chyli viis iudicandi sententiam relinquimus. Quod si quis vero plura de chyli ad sanguinem motu ejusque vasis & ductibus desideret, alios adhuc evolvat Autores, e.g. Christian. Vater. *Physiolog. experiment. Sect. VII. cap. 5. pag. 457. seq.* Martin. Lister. *Dissert. de Humorib. cap. 23. p. 218. seq.* ubi varia reperies. Philipp. Verheyen. *Anatom Corpor. hum. Tr. II. cap. 12. pag. m. 102. seqq.* Venas lacteas ad epar non abire. vid. Gothofred.

Gothofred. Moebii *Physiolog. cap. 14. p. 324. seq.* Plurima de vasis lacteis vid. Thom. Bartholin. *de lacteis thorac. & lymphatic.* Anton. Deusing. *Exam. Anatom. Bilbian. seu Epistol. de chyli motu.* Act. Erudit. Lips. An. 1699. Mens. Februar. pag. 55. seqq. de singulari & stupendo ductu thoracico. v. Act. Erud. An. 1718. Mens. Jan. pag. 9. seq. Frid. Nitzsch. *Ephemerid. Erudit. pag. 661. seq.* de valvula in ductu Thoracico v. Frid. Ruysch. *Dilucidat. Valvul. pag. 27.* de ductu rorifero v. Ludov. de Bils *Respons. ad Admonit. Joh. ab Horne pag. 7. seq. 11. seq.* Anton. Deusing. *Exercit. de chylicat. & chyli mot. pag. m. 43. seqq.* Ludov. de Bils *Respons. ad Horn. & Barbett. pag. 7.* Georg. Abrah. Mercklin. *de Transfus. Sanguin. cap. 4. pag. 51. Ephemer. Acad. N. C. Cent. III. & IV. Append. pag. 120. seq.*

§. 18.

Haftenus de sanguinis ex chylo petenda materia egimus, cum autem, secundum Harvæum & alios, primis statim a conceptione diebus, ante chylicationem, & antequam placenta utero adhæreat, jam jam in puncto saliente sanguis appareat, duplicem quoque sanguinis materiam duplicemque sangvificationem dari videmus; quarum altera, quæ omnem chylicationem antecedit, atque in utero materno locum habet, materiam suam ex liquore seminali, vel ex ovulo muliebri, in quo sanguis, licet non formaliter, materialiter tamen continetur, procul dubio accipit, atque proprie sanguinis, nondum existentis, prima generatio seu sangvificatio vocanda est; altera vero extra uterum, ex chylo materiam accipit sanguisque jamjam existens per eandem multiplicatur, de qua in sequenti capite plura videbimus. Interim de priori videatur Jacobus de Sandris *de natural. sangv. stat. cap. III. p. 66. seq.* Joh. Fried. Ortlob *Hist. Part. dissert. XII. p. 89.*

CAPUT II.

De Sanguificatione.

§. I.

*Sanguificatio
ubi fiat?*

Postquam dictus chylus, seu liquor albicans, & copiosissima lympa dilutus supra recensito modo sanguini fuerit permixtus, statim proprium colorem mutat atque rubicundum induit, licet ipsius particulæ nondum perfecte in cruorem seu purpuram sint permutatæ. Vera enim chyli in sanguinem mutatio, sive sanguificatio, quam veteres in epate, tanquam officina sua fieri statuebant, juxta modernos non in eodem viscere, sed secundum quorundam opinionem in corde tantum, vel potius in hoc & omnibus vasis sanguivehis, seu toto venarum systemate, per crebriorem hujus mixturæ circulationem seu motum demum perficitur, quapropter sanguificationem potius sanguini ipsi cum organis, corde scilicet, arteriis, venis & vasis lymphaticis adscribendam esse, ex plurimis Autoribus constat.

§. 2.

*An in epate?
affirmatur.*

Sanguificationem in epate fieri, non solum statuebant veteres, sed etiam nonnulli recentiorum, quorum varios allegat Gothofredus Mœbius *Physiolog. cap. 14. p. 330. seqq.* vid. etiam Daniel. Sennert. *Institut. Medic. Lib. I. cap. 9. pag. m. 59. seq.* ubi ad quæstionem, an epas sit officina sanguificationis? ita respondet: Chylus a crassioribus fecibus separatus a venis mesaraicis ad portæ venas & epas deferatur, atque ibi, ut communissima medicorum fert sententia, per innatam epatis vim in sanguinem convertitur: De qua re tamen aliter quidam sentiunt, & carni jecoris vim sanguificandi tribuendam non censent, sed hunc solum
ejus

ejus usum esse statuunt, ut ejus quasi medio conjugio copularentur primæ & secundæ venæ & diffusus per innumeras minutas venulas in carne epatis dispersas sanguis alteratione *παρεγχύματος* perfectior fieret: vim vero *αιματοποιητικήν* solum venis tribuunt. Cur tamen præcipuam vim sangvificandi epati adimamus, & solum venis attribuamus causam non videmus &c. Sic etiam Joannes Riolanus *de Circulat. Sanguin. Oper. anat. fol. m. 541.* sangvificationem constituit in hepate, quamvis ab eo sanguis subministretur cordi, ut vertatur in arteriosum &c. Juxta Claud. Deodat. *Panthei Hygiastic. Lib. III. cap. 2. pag. 7.* gignitur præstantissimus hic humor ex hepate, in venis, & arteriis continetur & soli corpori distribuitur, a corde perfectionem quandam adipiscitur. Sanguinem in jecore tantum & non in corde gigni, jecurque sanguinis fontem esse, ait Realdus Columbus *de Re anatom. Lib. VI. p. 300.* De hepatis sangvificandi vi vid. etiam Casp. Bauhin. *Theatr. anatom. Lib. I. cap. 44. pag. 153.* Paul. Zacch. *de Affection. hypochondr. Lib. III. cap. 6. p. 622.* Dominicus de Marchettis *Anatom. Cap. IV. p. m. 41.* vocat hepar officinam sanguinis & principium elaborationis ejusdem. Varia etiam vide in Hieron. Barbat. *de sanguin. § ejus sero per totum Tractatum.* Et Johannes Riolanus *Opuscul. anat. inonit. ad Lect. A. 2.* Sangvificationem constituit in hepate, quamvis ab eo sanguis subministretur cordi, ut vertatur in arteriosum &c. vid. etiam Joh. van Horne *Microcosm. §. 29. opusc. p. 69. seq.*

§. 3.

Hanc autem epatis in chylicatione functionem recentiores rejiciunt; Inquit enim Albertus Kyperus *Anthropolog. Lib. I. cap. 9. §. 7. p. 96.* Medici complures existimarunt, sanguinem in hepate plene confici. Contra autem sentiendum est, cum nec moram longam in hepate chy-

Negatur.

lus trahat, nec calorem tam magnum possideat, nec sanguinem pro nutritione partibus communicet, sed universam substantiam, quam vasa ejus continent, ad cor transferat. Alii venis hepatis sanguificationem primariam transcripserunt, sed pariter non levi errore, cum nec temperamentum illarum, huic operationi aptum sit, & fabrica earundem manifeste monstret, ventioni materiæ illas esse destinatas. Publicum etiam sanguinis faciendi munus hepati nequaquam competere, sequentibus rationibus affirmat Gualtherus Charleton *de Oeconom. animal. Exercit. IV. p. 50. seq.* 1) cum vel ad sensum dissecantium pateat, nullam chyli partem unquam, ex naturæ instituto, deferri ad hepar, ex venis lacteis, sed universim sese in receptaculum commune deplere; ἀδύνατον proinde prorsus fit, ut hepar chylum, quem nunquam recipit, in sanguinem commutet. 2) Sanguis in embryone, sive fœtu recens concepto per aliquot dies ante conspicitur, quam vel minimum quid jecoris delineatur; & quod existentia prius est, non potest esse effectus ejus, quod est posterius. Tantum itaque abest, ut jecur sit opifex sanguinis, ut contrarium plane ex pulli fabrica in ovo apertissime constet, nimirum sanguinem ipsum potius esse autorem nedum hepatis, ast cordis etiam, & omnium reliquarum partium. 3) Postquam pullus in ovo, & ex ovo perfecte formatus est, venisque & arteriis sanguine refertis donatur, hepar tamen illius adhuc albescens & pallore suffusum conspicitur. Quod argumentum ex se validum satis est, jecur de sanguificandi solio dejicere, illudque officium in aliud accommodatius efficiens conferre. Nempe, qui fieri posset, ut hepar chylum rubore impertiat, quo etiamnum destituitur? Estne naturæ legibus consonum, ut aliquid alteri daret, quod ipsum non habet? vid. etiam Thom. Barthol. *Dissertat. de Hepat. defunct. in Tract. de Lacteis p. 550. seqq.*
item

item Franc. Glisson. *Anatom. Hepat. cap. 35. p. 357. 375.* Johannis Bohnii *Circ. anat. Progymn. XIII. pag. 195.* verba sic sonant: Epatis per tot secula conservatam auctoritatem in dubium vocat 1) quod sanguis in ovo & pulli primis staminibus observetur, antequam epatis aut ullius visceris solidioris rudimenta compareant; & ubi nihil sanguinis, prout in viviparis alias fieri, vulgo credunt, a matre ad pullum pertingit: 2) quod epar plerorumque piscium candicet, imo quorundam viridescat, sanguine illorum pariter purpurascete: 3) formati pulli epar notabiliter palleat ac successive demum conspicuam magis rubedinem a sanguine transcolato recipiat; seu potius mutuetur; quippe in decollatis aut quibus alias sanguis substractus, pariter pallet, ejusque compagi integræ per aquæ tepidæ frequentiores ejectiones omnis purpura exui potest. 4) Imo ipsi Galenici & epatis summi fautores inviti confiteri videntur, sanguinem non ab epate, sed epar a sanguine proficisci, dum parenchyma illius quandam sanguinis affusionem, seu sanguinis quoddam coagulum pronunciant; unde antequam vel affundatur vel coaguletur, rutilarit sanguis, necesse est. Quibus demum & 5) accedit, quod chylus seu succus nutritius, foetui a matre suggestus, penitiora hepatis haud subeat, sed per canalem venosum amplissimum immediate ex vena umbilicali & venæ portæ sinu in cavæ radices absque ulla per substantiam illius transcolatione feratur, in sanguinem nihilominus vitalem faciens &c. vid. etiam ejusdem Autoris *Exercit. Physiol. VII. de Sanguificatione.*

§. 4.

Liceat etiam ex dicti Johannis Bohnii *Discursu de Erroribus Pathologico-Anatomicis* in Cathedra publica Anno 1684 Lipsiæ habito, ad quæstionem: an epar sanguificet? sequentia adducere: Olim Galenus & ex veteribus Græcis alii

hanc docuere doctrinam, quæ postmodum increbuit, ut nulla amplius de ea sententia in scholis dubitatio fuerit, & saltem disputaverunt, quomodo? non an sangvificet. Argumenta pro hoc asserto stabiliendo erant. I) Quod morbos epatis læsa sequatur sangvificatio. II) Quod ad epar vehatur chylus, tanquam materia sangvinis proxima: sive enim per vasa lactea, nobis dicta, sive per venas mesaraicas illum vehi supposuerint, in hoc tamen conveniebant, quod ad epar ducatur, cum statuerint radices venæ portæ. III) Quod epar sit principium radicationis venarum. Triplex enim statuitur vulgo principium 1) originationis, a quo quid tanquam principio provenit. 2) radicationis, in quod aliquid radicatur, v. g. terra vegetabilium. 3) Distributionis, a quo illud, quod distribuitur, fluit, ut fontes ex mari. IV) Ab excrementis sanguinis; supponebant enim, ubi aliqua officina ad succum aliquem elaborandum, ibi etiam peculiaria excrementa, ita & hic, qui a folliculo fellis est. V) A fœtu & vasis umbilicalibus, si vena umbilicalis, per quam fœtus nutrimentum capit, prodit ab epate, sequitur, quod sit officina sanguificationis. Omnia autem recensita argumenta tanti non sunt ponderis, ac quidem vulgo habentur. Nam quoad I) nulla est consequentia, quia partibus etiam externis male constitutis sæpe læditur sanguificatio. Sed limitanda potius fuisset major: Si epate solummodo læso læditur sanguificatio &c. Sed sic negatur minor, v. g. pulmones male affecti lædunt sanguificationem, ut non raro sequatur tabes aut hydrops. Vel renes, si fuerint exulcerati, aut si quis si stula intestini recti laboret, læditur etiam sanguificatio. Ratio, cur a partibus externis male affectis sanguificatio lædatur, ex circulationis lege patet; Ulcus enim in brachio sæpe numero potest efficere, ut corpus intumescat, contabescat vel hydropicum evadat; & scabies ab extra inducta totam

tam massam sanguineam potest inficere. Quoad II) argumentum, posito, chylum ad epar vehi, nulla tamen exinde sanguificationis in eodem apparet consequentia; Notum enim est, chylum ex intestinis per lactea vasa ad mesenterium, hinc ad receptaculum lumbare & ductum thoracicum vehi, quis vero putaret, ullibi horum locorum sanguificationem fieri? III) Quamvis ratione principii radicationis venarum, majorem concederem, minorem tamen nego, quod sit, ex quo recipit suum succum, sed potius ex toto corpore, quemadmodum vena mammaria non ex mammis. IV) Quod excrementa saltem colligantur circa epar, concessio majore, negatur minor; Et licet sit excrementum bilis, non tamen est solitarium, sed etiam urina in renibus secernitur, qui tamen propterea non sanguificant. Quoad V) quod foetus vena umbilicalis ab epate prodeat, nulla ad sanguificationem valet consequentia. Primo enim concedo, venam umbilicalem cohaerere & abire in venam portae, & hanc hepatis substantiam subire; verum hæc non sufficiunt, deberet enim etiam recipere sanguinem ex proprio hepate, quod tamen non fit; recipit enim suum nutrimentum, & quidem sanguinem jam elaboratum, a placenta uterina. Cum enim veteres statuunt, sanguine nutriri foetum, & hic sanguinem jam elaboratum, uti dictum, accipiat, hepar non opus habet, ut denuo sanguificet. Recentioribus vero sanguificatorium hepatis munus ex hoc fundamento defendentibus, respondendum, quod, cum statuunt, chylo nutriri foetum, chylus jam præparatus & massæ sanguineæ admixtus foetus hepati afferatur, & hoc hac ratione pariter officio suo sanguificatorio supersedeat. Secundo dico, non in omnibus animalibus venam umbilicalem connecti hepati, cum in omnibus pennatis ad venam cavam supra hepar implantetur.

§. 5.

Ejusdem.

Deinde in allegato discursu Bohnius argumenta in contrariam & suam partem facientia, in medium proferebat, quorum 1) erat Harvæi sententia suffultum, quod *de Generat. Animal. Exercit. XVI.* sanguinem prius, quam hepatis rudimenta observavit. Quod ipsum etiam Galenus innuere videtur, dum hepatis parenchyma per affusionem sanguinis vasis suis produci describit. Si itaque hepar ex sanguine tanquam materia constituitur, sequitur, quod sanguis epate sit prior, & consequenter epar non sanguificet. 2) Certum est, postquam sanguis jam productus, & post hunc hepar conspicitur, illud pallescere, non vero rubere. Cum autem Galenici hepati officium sanguificatorium propter ruborem attribuerint, contrarium licebit argumentari, scilicet hepatis substantiam minus adæquatam esse pro sanguine elaborando. 3) Prius argumentum ulterius confirmatur, dum epar aqua eluitur. Hac enim ratione omnis rubedo transit, hancque sanguinis per illud transcolationi debere apparet. 4) In quibusdam animalibus epar non saltem post primum conceptum, sed omni tempore pallet, v. g. in piscibus, in quibusdam etiam viridem colorem habet. In junioribus autem ideo pallet epar, quoniam, quamdiu intra uterum existit foetus, tam diu sanguis non per hepatis substantiam & vasa minora colatur, sed mediante majore canale venoso per venam cavam defertur. 5) Evidentissime sequitur, si sanguificatio fit in foetu, ubi tamen sanguis non per epar, sed per venosum canalem ad portam & cavam defertur, sequitur, quod hepar non sanguificet. Atqui verum est prius, ergo & posterius. 6) Suppono epar componi ex vasis ac parenchymate, si igitur fieri debet transmutatio, in alterutro horum fiat necesse est. Superius jam monitum fuit, Autores, qui hepati sanguificatorium munus

munus tribuunt, in duas abire sententias, aliosque assignare parenchymati, alios vasis. Sed in vasis non posse fieri patet, 1) quia vasa biliaria chylum non recipiunt, nec etiam, quamvis recipiant, id præstare possent, quoniam bile amaricante semper turgent. 2) Vasa lymphatica etiam inepta sunt, hæc enim per epar dispersa præter lympham nihil in se habent, nunquam sanguinem. 3) Nec in nervis, quia hi spirituum animalium undulationi ministrantur. 4) Nec in vasis sanguiferis; sunt enim hæc vel arteriosa, vel venosa; Illa non sanguificant, quoniam exilia adeoque muneri ejusmodi publico non proportionata; imo recipiunt a corde & pulmonibus sanguinem, qui non stagnat, sed semper movetur. Hæc, scilicet vasa venosa, etiam non elaborant sanguinem, quia hanc virtutem aut a seipsis, aut ab alio haberent. A se ipsis non habent, quia, si vel venæ portæ, vel cavæ attribuere hoc vellemus, puri puti canales membranei sunt, quibus fabrica ea non competit præ aliis vasis elaborandi sanguinem, alias enim venæ ventriculi, lienis &c. eadem vi gaudent. Neque ab alio virtutem hanc habent, cum, etsi Helmontius *Sextupl. digest.* fermentum aliquod hepaticum subornat, quod epaticis ac mesentericis venis inspiratum, chylum in sanguinem mutet, hoc ipsum aliter concipi nequeat, quin in fermentum illud hepaticum, vim chylo sanguinis rudimenta injiciendi possidens, perveniat ad venam portæ & venas ventriculi, cum omnes ab eodem portæ trunco dependeant. Si enim in fœtu sanguis adest, ubi hepar pallet, adeoque nec fermentum producendi vi gaudet, sequitur, quod sanguis alio modo producat. Nec secundo parenchyma hepatis ad munus sanguificatorium aptum est, quia, ex illorum hypothese, nihil aliud, quam affusio sanguinis, quæ, cum coaguli saltem nomen mereatur, organica structura præditum esse non pote-

poterit. Sequitur igitur, cum nec parenchyma, nec vasa, nec fermentum, in sanguificationis munere locum habeant, in superioribus quoque satis superque hepatis illud officium sit destructum, quod & ab hepate deducti morbi nullum habeant fundamentum. Inquit etiam Valentinus Andreas Mœllenbroccius *de Varis cap. III. §. 29. p. m. 41.* cum lacteæ venæ ad epar tendentes nullæ hætenus ab oculatissimis etiam Anatomicis videri potuerint, unde quoque liquet, ipsum sanguificationis officinam non esse, &c. Secundum Joach. Targir. *Medicin. compendiar. Lib. 1. cap. 12. p. 141.* Seculi nostri industria fuit, ut plane confirmati esse possimus, neque in venas meseraicas chylum confluere, neque jecur in sanguine conficiendo occupatum esse. vid. etiam Joh. Sophron. Kozak *de Sal. Cap. V. Sect. 18. p. 225. seq. & Cap. VI. Sect. 12. p. 256.*

§. 6.

*Sanguificatio
an in corde?*

Hac itaque epatis hæmatosi rejecta a plerisque sanguificationis munus cordi assignatum fuit, siquidem juxta Gothofredi Mœbii *Fundam. Physiolog. cap. XIV. p. 337.* industria hujus seculi magis ad indagandum, quam ad credendum nata palmam aliis præripit, non solum lactearum ortum in mesenterio, sed & earundem progressum ad cor, per tot seculorum decursus latentem mundo detegens. Cor solum sanguinis esse officinam jam est in aprico, non tamen nova, sed vetustissima opinio. Et *Cap. XII. p. 246.* rationes, quibus cordis principatum in sanguificatione defendendum suscepit Conringius, communicat, 1) cum cor sit arteriarum & venarum principium, necesse quoque esse, ut sit primaria sanguinis officina. 2) Firmat idem sanguinis omnis ad cor fluxio, & ex corde promanatio, quod ad nullam aliam partem fieri videmus. Omnis autem modus boni obtinendi gratia instituitur, adeoque in corde omnis sanguis maximum suum bonum adipiscitur.

tur. 3) Cor primum omnium inter alias partes generatur, sangvinemque & gignit & continet, nullo alio viscere adhuc nato; quod argumento est, sine alterius visceris adminiculo posse cor sangvinem conficere. 4) In nonnullis sangvis generatur, hepate & liene corrupto, modo cor sit robustum, ut colore suo hepatis lienisque labem queat compensare. 5) Alendi aptitudinem a corde esse, argumento est, quod nulla pars corporis nutriatur, nisi sangvine in corde ante elaborato. In foetu sane sangvis, materia partium primo omnium in corde spectatur & ipsummet hepatis parenchyma, procedente tempore, hinc generatur. 6) Quia omnis calor animalis ab uno est corde, dubitandum non est, omnem sangvinis ultimam perfectionem a corde esse, adeoque cor esse primam sangvinis omnis officinam. Sangvinem esse corpus liquidum, pingve, rubrum, in corde formatum, ait Raymundus Vieussens *de Mixt. Princip. cap. VIII. pag. 65. § 67. § cap. XVI. p. 165.* sangvinem primitus a corde & in corde confici ac fermentari docet. Cor sangvinis elaboratorium esse scribit etiam Benjaminus a Brœckhuysen *Oeconom. corpor. animal. Artic. 52. pag. m. 103.* quia in hoc & ex hoc omnes sangvinis particulae pelluntur & deferuntur, quemadmodum in ventriculum alimenta ingeruntur & ex eodem detruduntur. Cor igitur sangvinis olla seu lebes est, uti ventriculus alimentorum. Inquit etiam Emanuel Kœnig *Regn. animal. Sect. 1. Art. 5. p. 17.* postquam chylus elaboratus & per ductus peculiare distributus fuerit, ut magis animalis fiat, sangvini vitæque fontibus intimius conjungatur, necesse est; dum itaque chylus in homine per ductum chyloferum thoracicum in venas subclavias migrat, & cordi, ad vitalitatis characterem ulteriorem recipiendum, appropinquare nititur, novamque quandam alterationem ac particularem immutationem a spiritibus

sangvini inexistentibus reliquoque sangvine sustinet; statim enim incipiunt chyli bullulæ ac sphærulæ, aëris & spirituum plenæ, a calore, motu, spiritibus sangvinis, quousque hi vincendo pares sunt, dividi, compages ejus laxari, particulæ sulphuræ, salinæ, spirituosæ, similibus in sangvine existentibus associari ac conformari, ulterius volatilifari ac a spiritibus vitalibus dominium obtinentibus purificari, quo aptus & animal nutriendum selectus evadat liquor. In corde etiam ejusque vasis, non autem a corde sangvificationem fieri statuit Michael Ettmüllerus *Oper. Vol. I. Instit. Physiol. cap. IX. fol. m. 101.* inquit, dum movetur chylus cum sangvine confusus, in venis axillaribus sensim sensimque subigitur, successive permiscetur, notabiliter mutatur, quæ mutatio speciatim in aut circa cor absolvi videtur & sangvificatio dicitur. In hoc negotio sangvificationis cor, ipsique annexa vasa se habent tantum pure passive, non active, & nihil quam locum aut spatium his liquoribus pro motu & transitu meliori concedunt: est enim cor officina, in qua peragitur ista transmutatio; est olla vel vas, in quo fit coctio; est instrumentum quasi chymicum certo modo fabricatum, in quo fit ista digestio, & insignior mutatio.

§. 7.

Item

Conversionem chyli in sangvinem in dextro cordis ventriculo præcipue inchoari, ait Petrus Dionis *Anatom. Corp. hum. Demonstrat. III. pag. 172.* Sangvinem modis omnibus in corde perfici atque in corpus universum distribui scribit Johannes Veslingius *Syntagm. Anatom. cap. X. pag. 145.* Et Gerardus Blasius *Comment. in eundem locum* inquit: sangvinis generatio tam in ventriculo dextro cordis quam in sinistro, in sola chyli attenuatione, rarefactione, dissolutione & exinde nova aliqua unione
con.

consistit, quæ actio in sinistro cordis ventriculo evidentior & majoris est considerationis, quam in dextro. Sic etiam Constantius Varolius *Anatom. Lib. 2. cap. 1. pag. m. 50.* ait: quia cor est membrum absolute princeps, aliunde nequaquam dependens, propterea in eo sanguis & spiritus generantur; quæ duo ea copia in corde gigni debebant, ut non solum eidem sufficerent, verum etiam ad singulas corporis partes inde transmitterentur. Cor sanguinem ex chylo conficere, & alium circulatione redeuntem perficere & renovare, defendit Thomas Bartholinus *Anatom. renov. Lib. II. cap. 6. p. 365.* Cor sangvificare seu esse primum & principale sanguinis organum, in eodem chylum nomen amittere & characterem sanguinis demum recipere, docet Georgius Wolffgangus Wedelius *Physiolog. medic. Sect. III. cap. 14. p. 137. seq.* Ad quæstionem, an cor primarium sit sangvificationis organum? ita respondet Albertus Kypertus *Anthropolog. Lib. 1. cap. 13. p. 352.* etsi plerique id munus hepati, aliqui & vasis adscripserunt, nos tamen cum Philosopho *l. 4. de part. anim. c. 6.* idem officium cordi attribuimus. Nam ad id chylum in hepate elaboratum deferri omnino experientia confirmatur, deinde in eodem magis calefieri, adeoque & coqui, sensus & ratio docent, quæ utique attestantur, cor calidissimum viscus esse, atque sic eum in omnes partes corporis distribui, iisdem documentis approbatur. Unde taliter concluditur: Ad quod viscus aliquid devehitur, ut incalescat & coquatur, ac quod idem sic confectum in suum finem refert, id est ejus primaria officina. At respectu sanguinis se ita cor habet. Ergo &c. ubi plura. Item Fridericus Hoffmannus in sua *Mantissa*, quam *Historiæ de Cardianastroph.* seu *Cordis Inversione* annexit, sangvificandi facultatem in corde sitam esse, sequenti ratiocinio probat. Ad quameunque partem omnis chylus adducitur, ut in san-

E 2 gvinem

gvinem mutetur, illi principatus debetur in opere sangvificationis. Atqui ad cor omnis chylus adducitur ut in sangvinem mutetur. E. cordi principatus debetur in opere sangvificationis. Major patet, quia chylus proxima est materia, ex qua sangvis conficitur omnium consensu. Minor probatur, quia omnis chylus per ductum lacteum thoracicum a Pecqueto & Bartholino inventum ad cor defertur &c. Juxta Franc. Zypæi *Fundam. Med. Part. II. cap. 7. Art. 5. pag. 185.* fit sangvificatio in toto corpore, sed præsertim in corde & quidem in ventriculo ejus sinistro, in quo particulæ chyli cum sangvinis particulis maxime rarescunt, agitantur, & in se invicem impellendo varie contorquentur, fiunt tenuiores, flexibiliores, & tandem, ob aliam luminis reflexionem, rubræ, unde non mirum, quod sangvis coagulatus solidiorem massam faciat, quam chylus, licet particulas habeat tenuiores, quia habet saltem magis flexiles, ramosas, & sibi invicem intricabiles, quam chylus, qui per rudiorem partium a se invicem discriptionem, a fermento stomachali factus est. Deinde fit etiam sangvificatio in totius corporis arteriis venisque ad quas sangvis etiam ex corde ignem evexit; Unde verisimile est, ejus tenuiores particulas illo motu rarefactionis, quem habent ultra suum circularem, extrorsum magis & ad latera vasorum projici; crassiores vero minusque mobiles in medio magis detineri, & sic venæsectione saltem cum apertura minore tenuiorem duntaxat sanguinis partem educi. Secundum Valent. Andr. Möllenbrocc. *de Varis Cap. III. §. 30. pag. m. 41.* chylus in corde ulterius concoquitur, coloratur & in sanguinem vertitur. Sanguis autem multis adhuc humoribus vitiosis scatens, quos cor, ne immaturi visceribus communicentur, ac iis damnum inferant, aliquo modo correxit & concoxit, arteriis distribuitur. Ita scribit

scribit Jacobus Rohaultus *Tract. physic. Part. IV. cap. 22. p. m. 746.* nullus amplius dubio locus est, quin chylus sanguinis formam in corde nanciscatur, mea autem sententia verisimilius est, chylum ruborem contrahere ab immutatione inducta per ebullitionem & æstum cordis, in illius figuram & collocationem partium. Eoque pacto cor ad sanguinis generationem non aliter fere concurrit, quam Pistori stipes ad pastæ confectionem. Ex sententia Francisci Piens *Tr. de Febr. in Gener. cap. 5. p. 88. & 90.* interna sanguificationis causa est insitus in ipsa materia in sanguinem vertenda spiritus; & externa causa est id, quod in principio extrinsecus ipsam materiam fovet, concoquit, elaborat, perficit, & in similem materiam, spirituosam, vitalem, actione transiente, seu qua est principium transmutativum in alio, redigit. Sub hoc intelligendum ipsum cor, in quo præ reliquis visceribus omnibus primo vitæ actus elucescit, ac quo vegetantur in corpore animali omnia, & sine quo nec ipsa sanguificatio procedit. Item sanguinem in corde fermentari ac perfici, *pag. 91.* variis rationibus probat. vid. etiam G. W. Wedel. *Physiolog. Sect. III. cap. 14. p. 137.* Cor sanguinem conficere & perficere pluribus docet Thomas Bartholinus *Anatom. Lib. II. cap. 6. p. 365. sqq.*

§. 8.

Soli tamen cordi hoc hæmatoseos officium alii Auto- res pariter minime adscribunt. Inquit enim Johannes Fridericus Ortlob *Histor. Part. Dissert. XII. §. 15. p. 95.* non est cor, cui munus hoc demandare soli valeamus. Erroneo enim doctrinæ fundamento innititur, quando scilicet alii spiritum vitalem in eo hospitari, alii calidum innatum ei insistere, alii flammulam quandam vitalem inibi concipiebant, alii rarefactionem, ebullitionem, accensionem illic institui, sed vane, opinabantur. Enimvero cum tan-

Non soli
cordi.

tum sit machina illa, quæ sanguinem, per venas ad cavitates suas derivatum, expellat, & per arterias ad partes, tanquam canales & rivos ex hoc fonte propullulantes deducat, muneri illi amplo sanguificationis non sufficit. Argumenta Conringii pro cordis hæmatosi a nobis in paragrapho præcedenti ex Mœbii Physiologia recensita prolixè refutat. Jacobus de Back *Dissertat. de Cord. cap. X. pag. m. 166. seqq.* quæ hic recensere supersedemus. Secundum Gualther. Charlet. *Oeconom. animal. Exercit. IV. §. 5. p. 55.* neque cordi, viscerum omnium nobilissimo primigenitoque potiori jure concedi potest cruentum isthoc in animali imperium, hepatis venisque, recentiorum votis, tam digne ereptum. Nam cum ipsum cor omnem suum calorem & activitatem (imo forsan & motum) solum ex sanguine per ipsius ventriculos circulato, inque ejus substantiam per arterias coronarias immisso, sceneretur, eoque duntaxat nomine vitalitatis reddatur particeps: manifeste injusti essemus profecto, si ipsum primarium hæmatoseos præsidem constitueremus, cui de negativo jure primario non inhæret vis vitalis, sed ab alio derivatur. Et si contingeret (ut contingit in ipso semper mortis articulo) ut hujusmodi influxu vitali, vel per paucula momenta temporis, privaretur cor: subito quidem langueret, a motu cessaret, & æque torpidum ac immobile evaderet, atque alia quælibet totius corporis pars, a vitæ fonte remotissima: tantum equidem abest, ut chylum in tam nobilem, ac sanguis est, liquorem, ulla sui propria activitate seu energia sit transmutando. Ibidem adhuc plures rationes reperies. Item cum cor sit musculus, non est radix vitæ: nam ipsum cor suum esse habet a sanguine cordiali, & remedia cordialia sunt figmenta anicularum, cum ea sint simplicia volatilia aromatica, quæ spirituum vigorem possunt conservare & confortare. Ergo nec cor nec he-

par

par sanguinem facit, quia sunt organum primario effectivum, adeoque proprie nullum viscus organorum sanguificationis meretur; juxta Michael. Etmüller *Oper. Tom. I. Instit. medic. Physiol. cap. IX. fol. 101.* De organo sanguificationis ita scribit Johannes Ludovicus Hannemannus: Haëtenus cum Amplissimo Collegio Hallensi & aliis Celebrerrimis Medicis de sanguificandi organo prolixè disserui, qui omnes pro corde stabant, ita ut me etiam fere ad palinodiam redegissent, sed cristam mea opinio iterum erigit sub præsidio Joachimi Georgii Elsneri; hic enim in chylo in vasis lacteis existente, ibidemque per ligaturam retento, post aliquot horas, cum amicis invenit liquorem rubicundissimum, sanguinis instar, loco chyli; hinc ego iterum in eam ivi sententiam, qua statuo, sanguinem a sanguine modo assimilationis ex chylo fieri, & sic nullum viscus, nullam venam vel arteriam & nullum locum sanguine præditum, & naturaliter cruorem foventem a sanguificandi facultate proscribo vel excludo, dummodo cordi non solum elaboratio sanguinis tribuatur, quod nobis non verisimile, omnia enim illa requisita ad sanguificationem apprimè necessaria & cordi a cordis patronis assignata debentur eodem jure sanguini, sit cor primum vivens & ultimum moriens, ego tamen provoco & peto apostolos ad Glissonii & Francisci Piens cathedram. Uterque vidit micans punctum sanguineum ante omnium viscerum existentiam. vid. Thom. Bartholin. *Act. Hafniens. Vol. II. Observat. 101. pag. 245. seq.* Cor etiam non sanguificare, præter alias rationes Johannes Bohnius *Circul. anat. physiol. Progymn. XIII. pag. 196. seq.* sequentibus rationibus probat: quamvis vix infallibiliter determinare possimus, an cor sanguine, an hic illo prior existat, sanguis tamen in pullo prius circa vasorum umbilicalium extremitates conspicitur, antequam in puncto saliente appareat. Cui accedit,

accedit, quod cordis fabrica mere musculosa muneri huic haud accommodata existat, sed recipiendo ac impellendo tantum sanguini destinata videatur. Neque enim ideo contingere poterat cordi hoc munus, quod omnem sanguinem ex toto corpore ac chylum immediate magis recipiat, ac toti corpori eroget: cum eo ipso, dum sanguinem partibus impellere debet, recipiat pariter eundem, necesse sit, adeoque antiæ potius in machina nostra hydraulica vices exinde concludere par est. Quam præterea coloris sanguinis venosi & arteriosi disparitatem adducunt, quasi ille nigricans crassior & effœtus dextro ventriculo influens e sinistro purpureus atque tenuior emanet per hanc fallaciæ secundum non causam ut causam se implicant, minus attendentes, mineam rubedinem sanguini venoso non intra cordis sinus, sed pulmonum compagem, induci, ita ut sub hac e vena pulmonali jamdum profluat & ad sinistrum illius ventriculum derivetur. Poterimus nihilominus etiam sub his conceptibus Hippocrati & Platoni condescendere, cor sanguinis fontem appellantibus; cum fontium non sit, aquam conficere, sed paratam aliunde excipere & scaturigine sua promere ac erogare. E. cor quoque sanguinem fundens naturæ animalis fons erit.

§. 9.

An a sanguine & spiritu vitali.

Alii autores nec epar, nec cor pro sangvificationis officina & efficiente agnoscunt, sed sanguinem ipsum seu spiritum vitalem, sanguinem conficere asserunt; siquidem Johannes Ludovicus Hannemannus ad Valentinum Andream Mcellenbroccium ita scribit: Ego nulli omnino visceri sive cordi, sive epati sangvificandi facultatem tribuo, sed sangvis ipse ea vi & facultate pollet, qua ex chylo sanguinem facere queat; imo non otiosus est, sed agit, transmutat & decorat, transmutat autem chylum

lum in eum locum, qui sua vi colorifica exsiccatuſ eſt, & quod quoque in alimentum abſumpſit &c. v. Caſp. Theoph. Bierling *Theſaur. theor. pract. Obſ. 100. p. 1198.* Juxta Joh. Jac. Franciſc. Vicarii *Baſ. univerſ. medicin. Lib. I. cap. 6. p. 92.* eſt hæmatofiſ ſucceſſiva chyli cum ſangvine mediante aëre & motu inteſtino a ſpiritu vitali inſito facta aſſimilatio &c. Et Franciſcus Gliffoniſ *Anat. Hepat. c. 35. p. m. 359.* inquit: ſi accurate penſitemuſ, quidnam ſangvinem primitivum efficiat, liquido conſtabit, non hepar, neque cor, nec etiam venas, ſed ſpiritum vitalem, in prima ſeminali materia hoſpitantem illiuſ auctorem eſſe. Nam in ovo incubato ſangvinem reperiſ, antequam cor, hepar, venæque efformatæ fuerint; imo priuſquam in ipſo puncto ſaliente vel minimum ſangvinis extiterit. Liquor tamen hic vitaliſ, antequam ſangvinis ruborem induit, ſeſe a reliquiſ ovi partibuſ (quibuſ promiſcue commiſcetur) ſegregare incipit, & in rivuloſ ſive ramificationeſ quadaſ excurrere, quæ poſtea in venas evadunt. Rivuli iſti in unum punctum coëunteſ in eum locum conveniunt, qui punctum ſaliens & cor appellatur. Idque fieri videtur diu antequam ſangvinis veſtigium aliquod compareat. Quamprimuſ igitur rivuli iſti conjunguntur, fluxuſ in iſiſ aliquandiu reprimitur, indeque humor exæſtuat, locumque ampliorem requirit: cumque ille, ob affluenteſ jugiter novoſ gurgiteſ, eodem itinere reverti nequeat, neceſſe habet, efformatiſ novoſ ductibuſ, in ſeminalem materiam, unde profluxerat, retrogredi. Hinc oboritur circumgyratio, tandemque ductuſ priorēſ in venas, poſteriorēſ in arteriaſ abeunt, atque in earum confluentiæ puncto cor enaſcitur. Rivulorum horuſ intro forasque fluentium opera ſuccuſ vitaliſ, dum vita ſuperſteſ eſt, motum ſuum perpetuat, irrigatque ſimul ac vivificat omneſ materiæ parteſ, quaſ continue perlabitur. Fit iſte circuituſ, uti arbitror, priuſquam ſuccuſ vitaliſ in

sangvinem excoctus fuerit. Cœpta hoc modo vitæ choræa, licet sangvis etiamnum nullus appareat, liquor tamen vitalis, dum continue (quamvis pedetentim) rotatur, formam sangvinis paulatim induit &c. Deinde pag. 362. Glissonius a calore ac motu colores sæpe ex albo pallido-ve ad rubicundiorum speciem exsurgere, plurimis experimentis palam facit, & liquores omnes vitales (si modo caloris, quantum fatis est, & luctationem in motibus suis obtinuerint) in sangvineum colorem evasuros, defendit, uti in animalibus omnibus sangvineis perspicuum sit, in quibus chylus primum albicat, rubrum demum colorem adipiscitur. vid. etiam Gualth. Charlet. *Oeconom. anim. Exerc. IV. p. 65. seq.* Hanc tamen hypothesin Glissonianam, qua prolixè explicat, quasi scilicet sangvis vitalis sui ipsius opifex existat, ideo quod chylus ipsi intimius & per minima commisceatur, & cum hoc frequentius per corpus circuletur, unde fieri non posset, quin ejus, utpote mole & viribus chylo potentioris, particulæ in hujus minima agant, hæcque sibi assimilent; non adeo absolute & solitarie admitti posse, judicat Johannes Bohnius *Circul. anat. physiol. Progymn. XIII. p. 197.*

§. 10.

*A sangvine
cum organ-
is.*

Interim idem autor *l. a.* sangvini cum organis sanguificationem attribuit, inquiens, haud equidem nego, motum illum intestinum, quem ab aëre sangvis intra pulmones recipit, chylo immutando ac sanguini effæcto & quasi grumescenti restaurando maxime appropriatum esse, quatenus eos in minima diversi generis divellit, horumque nonnulla componit: quia nihilominus sub motu hoc vario concipi non potest aliqua immutatio atque assimilatio, i. e. quæ chylum in sangvinem abire jubeat, dubitare mihi concedatur, an sine omni partium concursu organico sanguificatio contingat? quatenus quidem reliquis quoque

quoque functionibus animalibus spiritus ille seu motus vitalis, tanquam motor primus, præest, ut v. g. nec lienis actio fieri queat, nec urina in renibus separetur, nisi sub motoris illius universalis directorio, nunquam tamen ille ad functionem hanc vel illam determinatur, nisi sub organica membrorum conformatione horumque concursu specialiore. Et juxta Friderici Hoffmanni *Medicin. rational. Tom. prior. Part. I. cap. 9. p. 145.* apparet, sanguificationis officinam perperam a veteribus in hepate, & a recentioribus in corde collocatam fuisse, neque hujus causam spiritum in corde vitalem aut peculiare in sanguine fermentum statui posse; sed præcipua viscera emunctoria imo ipsum sanguinem, symbolum suum conferre, ut ex chylo sanguis fiat. Cumque ad chyli mutationem in sanguinem & ipse sanguis & omnium viscerum functiones conspirent, hinc consequitur, hisce læsis cessare quoque sanguinis generationem. De sanguificatione ita loquitur Christianus Johannes Langius *Physiolog. Thes. 16. Oper. Vol. I. fol. 103.* infusus chylus albus venæ subclaviæ sensim sensimque quoad moleculas sulphureas & oleosas a principio vitali agitata rubescit eleganter, eoque ipso in sanguinem abit, dum per vasa sanguifera ad artus non minus, quam viscera indefinente circulo movetur. Et Philippus Verheyen *Anatom. corp. hum. Tr. III. cap. 7. pag. m. 258.* scribit: Sicuti olim veteres hepati passim attribuerunt propriam facultatem conficiendi sanguinis, ita nunc plures moderni specialem, nescio quam, sanguificandi potentiam cordi adscribunt. Cum enim advertant, chylum per venas lacteas & ductum thoracicum tendere ad venam subclaviam, e qua necessario una cum sanguine ulterius fluere debet ad cordis cavitatem, judicant a natura ordinatum esse, ut chylus iste ibidem virtute & actione ipsius cordis convertatur in sanguinem: Quod certe cum grano salis intelligendum est; etenim

proprium & proximum sanguificationis principium est ipse sanguis, quatenus aliis humoribus & spiritu imprægnatus, aut potius ex illis compositus. Fit enim novus sanguis per multifariam agitationem materiæ sanguificandæ & crebrum impulsum particularum massæ præexistentis in particulas chyli noviter effusi: ita ut hic, si alibi, locum habeat tritum illud philosophorum axioma: simile simile gignit. Quatenus tamen per cordis constrictionem particulæ sanguinis in particulas chyli, & hæ in se mutuo magis impelluntur, & quatenus ob protrusionem sanguinis a corde superflua variis in locis separantur, aliaque necessaria (quod potissimum de materia aërea intelligendum est) de novo affunduntur, eatenus etiam cor dici potest principium sanguificationis. Sic sanguinem a sanguine elaboratum & confectum perenni circuitu a corde tanquam a machina hydraulica ad omnes & singulas corporis partes propelli &c. ait Bernardus Connor *Evangel. medic. Art. 2. p. 13.*

§. II.

Ortlobii
Sententia

Porro Johannes Fridericus Ortlob opinionem suam de sanguificatione sequentibus verbis in *Histor. Part. Disp. XII. §. 12. sq. p. 94. seq.* explicat: Non opus est, spiritum quendam vitalem in auxilium vocare, cui causæ efficientis officium tribuamus, quod sola anima rationalis in homine intelligenter agat, actio vero hæc plane eidem incognita, & ejus imperio subiecta non sit. Sed motus ille sanguinis vitalis, intestinus pariter & circularis, ejus in locum merito reponitur, qui successive efficiat, ut non modo sanguis, sed & reliqui humores vel secernantur, vel reparentur, aut etiam partes corporis exinde augeantur; atque sic chylus tandem in sanguine dispareat, qui primum in eodem pluribus horis a translatione, præsertim in sanguine ex vena secta educto & frigefacto invenitur. Motus, quo hæc

hæc assimilatio peragitur, non nisi in paucis quibusdam circumstantiis cum fermentatione & rarefactione comparari valet. Est autem sanguificatio ejusmodi actio, quæ & organis & ipsi sanguini attribui debeat; Ita tamen, ut sub organorum nomine comprehendatur non solum cor & vasa, quibus circularis motus instituitur, sed & pulmones, utpote qui instrumentum primarium sunt, in quibus aëris & sanguinis communicatio maxime requisita adornatur, sine qua vitalem dispositionem sanguis nullatenus obtineret: Imo reliquæ quoque corporis partes, quæ vel laudabiles vel superfluas vel minus œconomix animali congruas particulas separant, & sanguinem eatenus corpori congruum & proportionatum efficiunt, similiter suum symbolum conferant. Sanguis autem ad sanguificationem contribuit, quatenus motu intestino partes chyli affusi subiguntur, ad secedendum disponuntur, ad assimilationem aptantur inque varias formas, œconomix animali debitas, modificantur. Non ergo videntur intentionem naturæ aut actionis hujus formalitatem affecuti, qui unam aliquam partem solitariam vel pro instrumento, vel officina sanguificationis asserunt. Glissonio etenim largimur, sanguinem quoque esse, qui sanguinem faciat & præparet; Ut vero soli eidem spartam hanc committamus, prohibere videtur, quod motus sanguinis in se non habeat principium illius agitationis immutatorix, sed vel intestinus ab aëre, vel circularis a motu organorum & instituatur, & diversimode varietur. Juxta Joachimi Targiri *Medicin. compendiar. Lib. I. cap. 12. p. 162.* non imaginaria facultas, non hepar, non ipsum cor, non venæ sanguinem faciunt, sed ipse sui sanguis opifex ex se, non aliunde acceptum calorem & spiritum producit; sibi proprium ruborem, non parenchymati alicui debet. Ex dissolutione enim sulphurearum, quas continet ipse, particularum ille

oritur & partibus aliis impertitur. Albent enim partes ceteræ & frigent; quod vero rubescant, quod caleant, id omne sanguini acceptum referre debent. Ex variis etiam causis statuit Christianus Vater *Physiolog. experiment. Sect. VII. Art. 2. cap. 3. p. 636.* sanguinem nullibi nisi in ipso sanguine fieri sive generari, saltem quod viscera beneficio texturæ & conformationis suæ organicæ, tanquam instrumenta opem suam eidem conferant: & quidem cor in anfractuosis suis ventriculis partes chyli & sanguinis conquassando, atque sic intimius miscendo; pulmones aërem, motuum omnium naturalium principium, largius admitendo; hepar lympham & bilem separando; lien prætermistionem in tot vesiculis succum nervorum spirituosum addendo; renes urinam separando & sic porro, quibus tandem omnibus sanguificationis negotium demum absolvitur & perficitur. Alias vero sanguis sui ipsius opifex in statu generationis & formationis animalium longe ante viscerum omnium perfectionem existit, utpote a quo suam vitam, nutritionem & perfectionem habere debebant. Causam effectricem pariter & officinam sanguificationis esse sanguinem ipsum, in vitali motu constitutum & canales atque organa, quibus ille continetur & vehitur, præcipue vero cor cum pulmonibus, quorum omnium assidua actione, & intestino humorum dissidio, non minus divisio, quam mixtio & temperatio chyli & sanguinis perficiatur, statuit etiam Johannes Gothofredus Bergerus *Physiolog. medic. cap. IX. pag. 158.* De hac tamen quæstione an sanguis sanguificet? contra Harvæum & Glissonium prolixè militat Edmundus de Meara *Exam. Diatrib. Thom. Willis. de Febr. cap. IV. §. V. a pag. 37. ad p. 82.*

§. 12.

Digestio.

Ad sanguificationem præsupponunt nonnulli medici solam digestionem novam, alii vero effervescentiam & fermentum.

fermentum. Ex sententia Christiani Vateri *Physiolog. experim. Sect. VII. cap. 24. p. 606.* chylus per vasa lactea & ductum thoracicum ad venam axillarem traductus & sanguini primævo permistus, mutatur statim per novam digestionem in eundem purpureum succum, quem sanguinem & balsamum vitalem appellare consueverunt. Estque sanguis dicto Autori humor secundæ digestionis, purpureus & spirituosus, e chylo per novam digestionem in sanguine productus. Et *Artic. II. cap. 3. p. 636.* inquit: sufficit hic sola rursus digestio, qua partes chyli cum sanguineis tamdiu intestino quodam motu agitantur, transponuntur & quasi rotantur, donec eandem formam, colorem & texturam induant.

§. 13.

Chylum in dextro cordis ventriculo non tantum mi- *Effervescentia.*
sceri, sed etiam fervere defendit Joachimus Targirus *Medicin. compendiar. Lib. I. cap. 12. §. 18. p. 141. seq.* inquit: hucusque exposuimus vias, per quas chylus ex ventriculo ad sanguinem accedit, sumusque illius iter ad venam subclaviam sinistram persecuti. Nunc porro videndum, quomodo in eo permutetur, atque illinc revertatur. Non contineret subclavia chylum, qui perenni fluxu affluit, nisi eum statim ad cavam descendentem transmitteret, ex qua tandem in ventriculum cordis delabitur. Apposita huic auricula impedit, ne immenso gurgite sanguis adductus ventriculum penitus oppleat, & copia sua perturbet lenem placidamque effervescentiam. Præterea auricula justam sanguinis portionem ventriculo demittitur. Mox dicemus, quomodo sanguis & chylus convertantur in corde, non quod, mistis solummodo humoribus atque confusis, nulla porro in hoc ventriculo mutatio fiat, uti sentiunt hodie scriptores aliqui; sed quod effervescentia sanguinis major atque luculentior in altero ventri-

ventriculo fieri cognoscatur. Ceterum hic quoque sanguinis humorumque ebullitio est, sed lenior ac tardior, propter liquorum cruditatem, minoremque spirituum animalium accursum. Nisi enim qualiscunque adesset effervescencia atque attenuatio, neque tam prompte sanguis erumperet, neque tam facile minimas pulmonis arteriolas permearet. Id nobis indicare quoque videntur valvulæ tricuspidales, quæ conspiciuntur ante introitum dextri ventriculi, quæque in eum finem hic constitutæ videntur, ut caveant, ne fermentando sanguis attenuatus per eandem viam regrediatur, sed ut post effervescenciam cordisque constrictionem in arteriam pnevmonicam abeat, quam quoque a tergo sanguinis claudunt tres valvulæ semilunares. Et *pag. 158.* de sanguinis effervescencie modo, ita pergit Targirus: Sin attendimus ad liquores, qui vulgo dicuntur fervere, observamus minima illorum corpuscula vi quadam interna vehementius inter se agitari, & fieri propterea, ut eodem, quo ante continebantur spatio includi non possint: atque illam quidem internarum partium perturbationem motusque incitationem sequitur liquoris ipsius major attenuatio & rarefactio. Neque alio se modo res habet in sanguine, quando in corde dicitur effervesce; cum per motum illum auctum partium minimarum idem quoque attenuetur & rarefiat. Quam rarefactionem & effervescenciam dictus autor ibidem prolixè explicat. Talem sanguinis in corde effervescenciam defendit etiam Laurentius Donckers *de Febr. petechial. cap. III. membr. 2. pag. m. 24. seq.* Item Theodorus Craan *de Homin. cap. 16. p. 137. seq.* Cordis effervescenciam ejus varia requisita explicat.

§. 14.

Fermentatio.

Quoad fermentationem, nonnulli sanguificationem peculiari fermento in corde nidulanti adscribunt, alii vero

vero ejusmodi fermentationem alio modo explicant. Inquit enim Benjaminus a Brœckhuysen *Oeconom. animal. Artic. 51. p. 102.* chylus quamprimum sanguini permixtus est, cito ad cor rapitur. Verum non statim in cordis ventriculum dextrum importatur, sed in auriculam prius dextram, priusquam eo dilabatur, infunditur. Auriculæ illæ cordis ideo factæ sunt, ne sanguis indefinente & præcipiti motu fluens cor obruat, sed idem ad mensuram ipsarum auricularum recipiatur intus. Hic sanguis cum chylo in auricula dextra aliquantulum mutatus, fermentatus, in cordis thalamum dextrum, valvularum trium foris intro spectantium apertura data, pellitur. Hic ubi vario suo conflictu in ipsam cavitatem conjectus est, occurrit humori residuo ab ultima fermentatione in ipsis rugis ventriculi relicto: qui humor vim fermentandi (ei similem, vel analogam, quam spiritus nitri rectificatus in butyrum antimonii infusus excitare solet) obtinet, ipsumque sanguinem jamjam illapsum, & dissimilitudine partium suarum fermentationis novæ recipiendæ capacem, ad motum stimulat &c. Ex mente Mich. Ettmüller. *Oper. Tom. I. fol. m. 104.* transmutatio chyli in sanguinem & sanguinis renovata fermentatio fiunt hoc modo, chylus sanguini permixtus in vena subclavia seu axillari sinistra ibique cum copioso ad cavæ truncum properante sanguine, blande adhuc fermentante, confunditur, ab eo attenuatur, solvitur & subigitur, & cum eo copiose ex utroque cavæ trunco ad cordis deferitur ventriculum dextrum, ex quo in pulmones expellitur. In his tota massa sanguinea ex aëre inspirato hujus sale seu spiritu nitro-aëreo, penetralia ejus subeunte, & mixti texturam salino-oleosam seu sulphuream dissolvente, ac ita compagem sanguinis laxante insigniter ex illius vi elastica rarescit, novoque quasi fermento inspirato, tota ejus in pulmoni-

bus præfens materia turgescit, inflatur & intensiorem concipit fermentationem &c. Sanguinem naturaliter fermentescere, variis rationibus probat Martinus Kergerus *de Fermentat. Sect. III. cap. 2. pag. 207. seq.* vid. etiam Steph. Blancard. *Instit. medicin. cap. 4. Oper. Tom. I. p. 191. seq.* Juxta Joh. Bapt. van Helmont. *Blas human. §. 24. fol. m. 113.* Fermentum vitale finistri sinus, per motum cordis, statim sanguini datur eumque ad festinam obedientiam suæ impressionis cogit: secundum Frid. Hoffmann. *Mantiss. in Cardianastroph. F. 2.* in elaboratione sanguinis a corde perficiendi nulla opus est mora, sed indefinente motus continuitate. Scilicet, chylus massæ sangvineæ in corde mixtus solutionem, rarefactionem, blandam ebullitionem & fermento ejus vitali imprægnatur, accedente cordis motu & spirituum vitalium insito lumine præditorum operatione, nec non ipsis principiis chyli activis &c. Chylum per vasa lactea ductumque naturæ in dextrum cordis ventriculum, sanguine ibidem per venam cavam una influente, propulsum, in eo quasi coqui ac fermentari videmus; id ipsum sanguificatio appellatur, referente Francisco Piens *de Febr. in Gener. cap. 5. p. m. 86. Et pag. 91.* sanguinem in corde fermentari ac perfici probat. Francisco Zypæo *Medicin. Fundament. cap. VII. Art. 5. p. 185.* causa sanguificationis est calor seu igniculus noster naturalis, qui a prægressa sanguinis in corde fermentatione superstes statim se insinuat in poros alterius sanguinis cum admixto ipsi chylo in cor illapsi, in quorum transitu, dum occurrit aliquibus particulis minus accommodabilibus, amplius in illis poris colligitur, ut eos repleat, sicque chyli particulas inter sese, & cum sanguine in corde arteriisque fermentando, varie agitando & contorquendo, paulatim comminuit, flexiles reddit & ad rubedinem disponit. Et *pag. 87.* aliquot objectionibus respondet. Inquit etiam
Fride-

Fridericus Hoffmannus *Medicin. ration. systemat.* Tom. I. *Part. I. cap. 9. §. 8. p. 144.* sicuti portio vini immissa in acetum diuturna digestionem ac macerationem in illud convertitur: ita etiam chylus, intus cum sanguine mixtus, diuturniori mora & calore demum cum ipso confermentatur inque vasis maxime venosis figuram, texturam & situm partium sanguinis adsumit. Pagina tamen sequenti neque sanguificationis causam spiritum in corde vitalem aut peculiare in sanguine fermentum statui posse scribit. Item Louis Bellefontaine *dans la Medecine dogmat. cap. 13. p. 55.* ita scribit: La sanguification est la conversion ou changement du chyle en sang. Cette conversion se fait dans l'un & l'autre des ventricules du cœur, par plusieurs causes concourrantes; car ici & là affluent diverses particules de chyle, de sang & de lymphe revenantes des diverses parties & ainsi diversement figurées, de sorte, qu'il est impossible, qu'en une matiere si heterogene, il ne se fasse une forte effervescence. v. etiam Raym. Vieuss. *de Mixt. Princip. Tr. I. c. 15. §. 16. p. 153. §. 163. seq.*

§. 15.

Huic tamen cordis fermento & sanguinis in eodem ^{*Fermentatio rejicitur.*} effervescentiæ alii Autores contradicunt. Richardus enim Lowerus *Tract. de Corde cap. II. p. m. 64.* ait: cum nonnulli diversos liquores chymice præparatos atque invicem commissos magna partium lucta atque effervescencia ebullire, intumescere, &, nisi libero aëri exponantur, vasa, quibus continentur, diffringere observarent, mutato vix nomine de sanguine eandem fabulam narrarunt; quo autem facilius hæc sententia fidem obtineat, fermentum quoddam nitro-sulphureum in cordis ventriculo præsertim sinistro hospitari docuerunt; sanguinem autem particulis heterogeneis & valdè fermentativis saturatum, quamprimum hujusmodi fomitem attigerit, illico rarefieri, inflari

flari ac turgescere; ut jam amplius spatium requirens suo potius quam cordis impetu in aortam erumpere atque exilire necesse habeat. Verum nec in sanguine talem ebullitionem excitari, nec in corde hujusmodi fermentum adesse facile erit ostendere; quanquam enim inter corpora, quæ ex salibus, contraria prorsus indole præditis, constant ubi commiscentur, magna effervescentia atque lua exoritur, multaque effluvia discedant; dissimilis tamen omnino & magis benignæ naturæ sanguinis liquor existit, quam ut in corde & vasis suis tam æstuose & subito effervescat; quippe novimus, quam mitis ejus liquor, quam benigno plerumque succo perfusus, quam lenis & placidus ejus in venis versus cor refluxus, atque ubi exitus ei aperitur & in vascula excipitur, quam cito instar lacticinii concrescit, & nullum ebullitionis aut luctæ indicium prodit. In corde autem hujusmodi fermentum dari qui contendunt, unde illud continuo suppeditetur, ostendere debuissent &c. Robertus Boyle ab experimentis a se factis, haud tantam concepit spem, ut ex humano sanguine expectaret spiritum vinosum seu ardentem, etiamsi talis plerumque ex liquorum fermentatione emergat; eoque minus animatus est, istiusmodi spiritum sperare, quod adhuc incertus sit an ulla fermentatio, proprie sic dicta, unquam fiat in sanguine humano, sive intus in corpore remanente, sive foras effuso; uti ex Boyle refert Gulielmus Cockburn *Oeconom. Corp. anim. p. m. 33.* quo loco nullam hujusmodi sanguinis esse fermentationem ulterius probare conatur; nulla enim fermenta, dum alia corpora in fermentationem abripiunt, his fermentatione formam suam induunt. v. g. fæces vini vegetabile fermentandum sibi non simile, multo minus idem reddunt; sed excitatiores tantum existunt potentiæ fermentativæ intrinsecæ, per quam nihilominus, sine omni fermenti extrinseci

feci contactu, fermentandi naturam adæquatam sibi recipit, quamvis lento forsan motu, dum mustum, v. g. in vinum sponte sua faceffit. Et si fermentantium tanta sit vis, ut alia sibi dissimilia transmutatione quadam sibi assimilent; cur mustum ex aqua, sanguine animalium, similive mustum non efficit, sed seipsum tantum perficit & in vinum redigit? Contra sanguinis fermentationem disputat etiam Archibaldus Pitcarnius *Element. Medicin. cap. 4.* & hac occasione notat, fermentationem esse acidi & alcali actionem mutuam cum bullis, qua olea mutantur in spiritus ardentes. vid. *Act. Erudit. Lips. An. 1718. Mens. Decembr. p. 551.* vid. etiam Joh. Frid. Ortlob. *Histor. Partium dissert. XI. §. 6. p. 83. seq.* Dan. Tauvry *Anatom. ration. cap. 5. p. 89.* ubi inquit: Credebatur sanguificatio fieri ope fermentationis: at vero probabilius sanguinis motui tribuitur. Ad quæstionem, an sanguificatio fiat per fermentationem aut effervescentiam? respondet Petrus Linsing *Institut. med. pag. 79.* quod non: nam 1) motus ille adeo intemperatus actiones nostras ubivis temperatus non juvaret, sed potius turbaret, imo destrueret. 2) Non dantur signa talis fermentationis vel effervescentiæ in corpore sano. 3) Nec fundamenta, nec requisita earum reperiuntur. Secundum Johannis Bohnii *Circul. anat. physiol. Progym. VI. pag. 113.* Fermenti ejusmodi cardiaci existentiam dubiam reddit fabrica cordis mere musculosa, adeoque ad fluidi ejusmodi activi productionem inepta; & quamvis etiam tale quid concederetur, tanta tamen ebullitio, quæ calori producendo adæquata, a sanguine, humore adeo miti, in loco ejusmodi arcto, qualis est spatium ventriculorum cordis, & sub adeo exili mora concipi nequit, præprimis cum sanguis ex arteria magna seu sinistro ventriculo prodiens non magis spumofus, ac qui ex auricula sinistra confluit, con-

spiciatur. Et Martinus Lister *Dissert. de Humorib. cap. 26. pag. 261.* ait: cordis fermentum a quo spiritus effervescentiam continuo mutuatur, merum figmentum est, imo nec uspiam intra sanguinis orbem aliquod fermentum latere credibile est. Multo etiam cum robore fermenta decantata impugnat Melchior Fridericus Geuderus *Diatrib. de Ferment. Sect. I. cap. 2. p. 16. seq.*

§. 16.

Camerarii
Sententia.

De Sanguificatione sive candidi chyli in purpureum mutatione ita loquitur Elias Camerarius *Medicin. conciliatric. p. 89.* Controversia, an hepar sit organum principale sanguificationis, dudum esse desiit; sed id quæritur nunc, an cor sanguificet, an vero quod alii malunt, sanguis in omnibus partibus fiat, intraque suam massam; hic posset tironi dubium oboriri, an cum restitutoribus circulationis cordi adscribere hanc actionem debeat, an vero illud ex folio, quod non diu possedisset, dejicere. Antequam vero conciliato tentetur, vel quicquam decidatur, tribus verbis describendus est modus, quo fieri sanguificationem ita concipi possit, ut omnes dissentientes eam possint admittere. Chylum igitur tum abiisse in sanguinem, seu sanguificationem factam esse supponamus, quando is cum sanguine commixtus, ejus minutia divulsæ, separata, attenuata, sanguineis particulis mixta, interposita, combinata, & subjugata, idque non obiter & subito, sed per minima mire inter se agitata & confusa, quæ tamen intima commixtio & confusio quendam ordinem, quandam proportionem supponit, ut gelatinosæ, salinæ, sulphureæ, terreæ, aqueæ, aëreæ, probe inter se contemperatae sint, una alteram moderetur, ut sic æquabilem & uniformem massa sanguinea habeat, qua singulas suas portiones, dispositionem, mixtionem & temperiem, idque non uno momento fit, sed crebris sanguineæ massæ, sub tam celeri circula-

culatione, conquassationibus, particularum divulsionibus, combinationibus transeundo per vasa plus quam capillaria contingentibus. Ex hac vero descriptione jam colliget studiosus tiro, quæ hic locum habeat conciliatio: scilicet in ipsa quidem massa sanguinea sanguinem ex chylo confici, ita tamen, ut non sine insigni in corde conquassatione, & hinc oriunda mixtione accuratiore id fiat; ubi tamen ultro ipsi innotescet, hoc sensu nec aliis partibus plane denegari posse concursum ad sanguificationem, tum ob circulationem ejus & colationem, tum potissimum in visceribus, pulmonibus maxime & hepate, ubi per intricatas, exiles intortasque vias & colatoria propellitur sanguis.

§. 17.

De commemorata sanguinis conquassatione videatur *Conquassatio* etiam Observatio Georgii Wolffgangi Wedelii M. N. C. Dec. I. An. 6. Obs. 2. p. 1. seq. ubi inquit: Sanguinis in corde motus nihil aliud esse videtur, quam conquassatio quædam continua, ut partes heterogeneæ dispositionem nanciscantur, debitis locis fecernendæ, & purus sanguis arteriosus ad partes veniat. Non intelligitur conquassatio v. g. 1) chymica, quo modo conquassari dicuntur medicamenta: Nec 2) physica & mathematica, qua ratione conquassantur nubes & aër, sed talis, quæ non solum propulsando sanguini apta nata est; verum ut in œconomicis solet lac conquassari & concuti, pro segregandis partibus heterogeneis, ita hæc omnisque etiam reliqua sanguinis in aliis visceribus depuratio instituitur, tum, ut sanguis aptior fiat suis usibus, alendo & reficiendo corpori, tum ut consistentiam debitam servet illibatam. In simili, ex parte, conquassatione œconomica occurrit dilatatio & constrictio, ut, quod modo in altum ascendit lac, iterum deprimatur. In corde est systole & diastole, quibus modo dilatatur, modo constringi-

stringitur, & ad vasorum parietes alliditur, eoque magis attenuatur & subtilisatur sanguis: Sic, cum chylus cordi per venam cavam infunditur, conquassandus est, ut uniat cum sanguine & fiat rubicundus. Color autem rubicundus maxime est diffusivus sui, & facile admittit alios colores, modo non sint oppositi, sed subalternati. Sic alliso tali modo sanguine, seu conquassato ad segregationem disponuntur partes heterogeneæ & distinctæ in eo existentes, alibi postmodum secernendæ; homogeneæ vero, imprimis spirituosæ magis uniuntur & colliguntur.

§. 18.

Sententia Vicarii.

Hæmatoseos rationem & modum alii aliter explicant, e. g. Johannes Jacobus Franciscus Vicarius *Bas. Univ. Medicin. Lib. I. cap. 6. pag. 92. seq.* inquit: Hæmatosis est successiva chyli cum sanguine mediante aëre & motu intestino a spiritu vitali insito facta assimilatio; fit successive, quod apparet in sanguine, venæsectione emissio, in quo sæpius chylus apparet: Ratio formalis habetur per ipsam chyli in sanguinem assimilationem; Materiam præbet chylus, efficiens est spiritus vitalis; modus est accensio per aërem & motum intestinum; finis patet: actio hæc quidem videtur esse tota similis, eo quod sanguis principiis immutativis sulphureo-salinis imprægnatus chylum iisdem principiis saturum successive immutat, & sibi ita assimilatur, ut huius characterem tandem induat. At videtur tamen etiam ex parte organica esse actio, adeoque mixta, eo quod chylus in partibus parenchymaticis, corde nimirum, pulmonibus, glandulis & aliis continuo conquassatus a particulis serosis (instar butyri conquassatione a sero lactis separandi) alibi secernendis sequestretur.

§. 19.

Willisi

Thomas Willis *Pharmac. ration. Part. II. Sect. 2. pag. m. 155.* sanguificationis modum ita describit: Hæmatoseos ratio

ratio omnino in hoc consistit, quod sanguinis veteris particulæ activæ, nempe salinæ & sulphureæ cum spirituosiss in vigore positæ, illico in symbolas chymi infusi particulas in statu adhuc inferiori existentes agunt easque exsuscitant adeo & fermentant, ut exinde statim hæ crassiorum involucris extricatæ in parem cum prioribus exaltationis aut perfectionis gradum evehantur, ipsisque demum associatæ ac insimul homogeneæ & similes factæ eandem sanguinis naturam induant, particulis interim crassioribus & heterogeneis, a quibus exuuntur & emergunt illuc alio ablegatis. Enimvero sanguificatio, quemadmodum musti in vinum aut cerevisiam mutatio, omnino fermentatione peragitur, verum discriminis ratio est, quod vinum doliolo inclusum usque in eadem massa integre permanens, quoad totam ejus compagem lente fermentatur, & non nisi longo tempore perficitur; sanguis autem in perpetuo flexu, & partium quarundam impendio aliarumque reparatione constitutus per partes usque recentes fermentatur & de novo generatur. Profecto sanguis vetus erga chymum recentem fere idem præstat, ac fermentum e cerevisiæ veteris flore aut fæce, cerevisiæ novellæ adjectum: attamen modo quasi inverso, quia sanguinis massa ingens prius fermentata chymi portiones exiguas continue infusas subito fermentat alteratque, in cerevisia vero liquor fermentans in quantitate perexigua alterius massæ ingenti fermentandæ imponitur, quam non nisi longo tempore ad maturitatem perducit. Post sanguinis rudimenta ita per fermentationem jacta, complementum ejus & perfecta in sanguinem assimilatio, per accensionem acquiritur. Dum itaque tota sanguinis massa, ex cruore & chylo simul confusis constans, inter circulandum fermentatur, eadem insuper in portiones minutissimas divisa per totos pulmones explicatur, ut ab aëre nitroso inspi-

rato secundum omnes suas partes successive accendatur: ita namque & flamma vitalis perennatur, porro & sanguinis particulæ omnes, velut ignem passæ, defæcationes, ac inter magis congruæ evadunt, &c. De sanguinis generatione vid. etiam Jac. de Sandris *de Sangu. stat. nat. & præternat. Cap. III. pag. 64. seq.* Bernardus Connor *Evangel. Medic. Art. II. pag. 12. seq.* ait: Chylus per ductum thoracicum in subclaviam venam finistram exoneratus isthinc declivi tramite per venam cavam ad cordis ventriculum dextrum tendit, & tanquam rivulus cum toto massæ sanguineæ flumine a toto corpore huc confluyente commiscetur; ubi cum eodem subactus per totum corpus & per exilissimos & anfractuosos partium canaliculos jugiter circulator; ab inspirato aëre rarefactus, intestina principiorum turba fermentescit, & cruoris tandem naturam assumit. Sanguis sic a sanguine elaboratus & confectus, perenni circuitu a corde, tanquam a machina hydraulica, ad omnes & singulas corporis partes per venas ad cor denuo revertitur, hinc iterum in orbem confestim agitandus.

§. 20.

De Moor.

Sic Bartholomæus de Moor *de Instaurat. Medicin.* circulationem sanguinis a nullo hucusque rite explicatam, probe considerandam monet animadvertendumque ad impetum sanguinis ex corde erumpentis. Qui cum maximi fit momenti, & ex vi illa maxima, qua sanguis premitur in arterias repletissimas, plurima alias explicatu ardua facile deduci possint, fusius hujus naturam & usum dictus Autor exponit. Ut ergo rite intelligatur valida illa pressio, quæ vel hinc colligi, quod cor sese horæ spatio bis milies contrahat, & supponendo, duas uncias singulis pulsibus expelli, & sanguinem humanum esse circiter viginti librarum, tredecim vicibus unica hora massam sanguineam in circulum agat, attendere jubet ad amplissimarum

rum arteriarum in angustissimos tubulos divaricationem, sanguinis texturam ramosam, aeris externi pressionem & hinc ortam constipationem fibrillarum minimarum, tumicæ arteriarum majorum, quarum tamen capacitas, minor capacitate venarum, crassitiem & contrahibilitatem, valvularum semilunarium, quæ sanguis ad latera arteriæ aortæ in circulum & quasi vorticem acti regressum prohibent, necessitatem. Provocat etiam ad ejaculationem sanguinis in capite truncatis & sectionibus vivorum animalium, dum sanguis non subsultim, sed magno & continuato erumpit impetu, quod a sola circulatione aut motus celeritate non procedit. Huic pressioni deinde tribuit majorem particularum sanguinis divisionem, caloris intestini conservationem & augmentum, nec non mixtionem partium accuratiorem. Unde consequitur sanguificationem nec in hepate aut corde solo, nec a sola chyli & sanguinis confusione peragi, sed valido & intestino motu mediante, a particularum divisione subtilisatione & plusquam perfectione, tum in corde, tum in ipsis arteriis absolvi. Ex eodem fonte derivat sanguinis vim elasticam, quæ non tam dependeat a particulis aëreis sanguini in pulmonibus admixtis, quippe quæ admodum copiosæ non sint, sed quia particulæ a pressione divisæ, mixtæ, in sanguinem redactæ, calidæ & pulsu valido evibratæ conantur se expandere, & spatium proinde majus requirunt. Ex eadem pressione repetenda ratio separationis spirituum animalium in cerebro secretionumque reliquarum, imo ipsius etiam motus musculorum. Hunc enim tum fieri putat allegatus auctor, cum spiritus animales influunt in fibrillas nerveas per musculorum carnes dispersas, & ubi coeunt, tendinem constituentes &c. uti ex dicti de Moor tractatum referunt auctores Aëtior. Lips. An. 1696. mens. August. p. 370. seq.

§. 21.

Cornelii

Item Thomas Cornelius Consentinus, *Progymn. phys.* VI. pag. 271. ait: Plerique putant alibilem succum ad jecur delatum ingenita illius visceris vi in sanguinem verti: nonnulli hæmatosin omnem cordi tribuunt; quidam etiam lieni hujus operis participem & adiutorem esse volunt. Sed perperam munus hoc conficiendi sanguinis uni alicui certo visceri adscribunt. Observatum enim est in conceptibus animalium, sanguinem gigni antequam vel membra conformari vel viscera corporari cœperint. Quamvis autem una fere cum sanguine compareat punctum micans, cordis tamen parenchyma cum ventriculis nec non jecur & lien visi aliquot post dies non absolvuntur. Quamobrem veritatem bene intuentibus videbitur sanguis non horum modo viscerum membrorumque autor esse, sed ab illo totius plane corporis fundamenta constitui.

CAPUT III.

De Sanguinis Motu & Circulatione.

§. I.

Sanguinis
Motus.

Cum in antecedente capite ad sanguificationem motus sanguinis sæpius fuerit requisitus, nunc etiam ad eundem & sanguinis circulationem progredimur. Est scilicet secundum plerosque Autores motus sanguinis duplex intestinus & circularis seu progressivus. Ille singulis particulis & moleculis sanguinem constituentibus proprius & peculiaris est, fitque ordinarie circa eorum centrum; & licet hic sanguinis motus intestinus avtopsiæ non adeo facile patefeat, uti circularis, eum tamen sanguini viventi subesse, imo motu locali priorem & posteriorem esse, atque ab eodem sanguinis portionem rubicundam dependere, diversa

versa suadent, quæ apud Johannem Bohnium *Circul. anat. juxta Bohnium physiol. Progymn. IV. pag. 56.* reperiuntur, quatenus scilicet primo ejus massa ex variis diversæ texturæ & gravitatis particulis coagmentatur, quas utut motu cordis simul omnes versus eandem plagam abripiantur, diversis nihilominus ad & a se invicem tendentiis gaudere, præter experientiam ratio suadet. Dum non tantum globuli, tanquam partes magis compositæ & sensibiliores, portionem ejus rubicundam constituentes, quamdiu hæc fluorem naturalem retinet, modo sursum, modo deorsum, modo ad hæc vel illa latera feruntur, prout quidem per microscopia cernere licet: sed simpliciores quoque & sensus nostros fugientes moleculas, scilicet pingues, salinas, aqueas ac terreas, ex quibus fluidum hoc coagmentari, non improbabile est, diversos suos impetus & nifus habent. Deinde varietatem sanguinis partium, harumque varios motus ac tendentias evincunt dispares adeo liquores, quos in animalis diversis colatoriis separari & ex penu hac depromi, experientia edocti novimus: utpote quarum heterogeneitatum secessus sine sui evolutione & motu intrinseco nec concipere quidem nobis possumus. Quibus denique aëris accedit activitas, quam nunquam non experitur fluidum hoc nostrum universale, quamque alias solidiora & compactiora corpora exagitare & commovere, variis phænomenis contra adversarios morosos probare possem. Hæc Bohnius. Ab hoc motu intestino sanguinis rubedinem & calorem dependere ait Daniel Taurvy *Anatom. ration. cap. 5. p. 89. ipsique p. 90.* extra dubitationis aleam positum esse videtur, nisi quælibet sanguinis particula motu proprio gauderet, motum totius massæ non sufficientem futurum ad penetrationem particularum sanguinis crassiores in venarum poros minimos perficiendum.

Taurvy

§. 2.

Ortlobii
sententia.

Intestinam particularum sanguinis agitationem dari, secundum Joh. Frid. Ortlob. *Histor. Part. Dissert. III. §. 12. pag. 21.* multa confirmant, quatenus 1) vix fluidum aliquod corpus de loco in locum propelli possit, quin necessarium sit concipere, ejus partes singulas quasi inter se agitari, cum 2) particularum sphaëricarum, quæ in sanguine inveniuntur, aptitudo, & 3) reliquorum eidem simul inexistentium diversitas, assertum probabilius reddat; præsertim cum 4) adeo differentes liquores exin secernantur, atque 5) ex urinæ illa intestina agitatione heterogeneitatum secretiones, sive coctiones proveniant, illa vero a sanguine secreta ejus conditiones sequatur. Et juxta *dissert. XI. §. 2. seq. p. 81.* utriusque motus, intestini scilicet & localis, mutua est conspiratio & dependentia, quatenus aucto aut impedito motu intestino, augetur & impeditur motus localis, & vice versa, pro vario localis impetu & conditione, intestinus quoque multis vicissitudinibus & alterationibus fit obnoxius. Et sic uterque junctis mutuo viribus, ad vitalitatem corporis animalis symbolam suam tribuunt. Motum intestinum fluiditas asserit, cujus formalitas non in eo tantum absolvitur quod facile termino alieno, suo difficulter contineatur, sed quod omnes fluidorum partes, quamvis aliquæ solidæ existant, vel actu commoveantur, vel ad motus suscipiendos pronæ atque aptæ existant, & ad situm mutandum commodæ inveniuntur. Multo minus autem fluidum ejusmodi de parte in partem propelli valet, quin singulas particulas, inter se tantum contiguas, varia ratione moveri, concipi necessario debeat. In quo tamen hujus motus formalitas consistat, determinare, aut concipere adeo facile non esse §. 4. addit, partim quod sensibus non pateat, partim nullus in hoc universo motus, aut inter operationes chymicas

cas aliqua huic conveniat aut comparationem cum ea admittat. Tandem §. 8. p. 85. annectit, motum, ejusmodi intestinum sanguinis ampliolem, quam vulgo creditur, usum obtinere, & optandum esse, ut majore evidentia eum cognoscere liceret. Inquit etiam Malachias Thru-
ston de Respirat. p. 14. ut fluida & humida, quæque dissimilibus, & quoad motum, & quoad figuram, particulis constant, cujusmodi sanguinem esse jam diximus, motum suarum particularum intestinum variumque tueantur, oportet ut spatiola quædam inter ipsas mobilia aliqua atque perpetim agitata materia relinquantur. vid. etiam Joh. Gothofr. Berger. *Physiolog. med. Lib. 1. cap. 3. p. 12.*

§. 3.

De duplici hoc sanguinis motu ejusque usu scribit Johannes Henricus Bollmann *de Febr. intermitt. Thes. 2. pag. 10.* vitalem nostrum sanguinem duplici gaudere motu, intestino nimirum & circulari, & alterum ab altero dependere ita, ut debitam particularum sanguinem constituentium mixturam uterque præsupponat. Ut enim sanguinis nostri flumen circulum suum vitalem coire queat, omnes ejus particulæ minimæ a globulis cœlestibus intestinam motionem instituentibus agitari debent, quæ insensibilium commotio ut rite procedat, talem illorum situm, magnitudinem, figuram, ordinem & proportionem requirit, ut intra vasorum angustias aliquo modo coërcitus illisque particulis intermixtus intus agens æther subtilissimus citra magnum tumultum poros sanguinis consueto modo & motu pertransire, totamque horum molem commovere & in varias dimensiones citra confusionem movere possit; quod quando peragitur, & optima sanguinis mixtio conservatur & motus omnis tam progressivus, quam intestinus recte cietur & tum ex actionibus corporis bene procedentibus, tum vero præcipue ex pulsu caloreque

Ejus usus

loreque nostro naturali, quorum uterque in laudabili sanguinis motu recte est constitutus, cognoscitur. Secundum Eliæ Camerar. *Dissert. de Usu & abus. Potuum Thée & Coffé* p. 5. sanguinis moleculæ seu minutia ita sunt attritæ, divisæ, divulsæ, ut libere inter se intestino moveantur motu, sibi invicem, ubi opus fuerit, compedes injiciant, unaque alteram moderetur, ut vitalis hujus fluidi moleculæ in ipsa confusione suum servant ordinem, &c. Dum sanguis circulare suum iter toties totiesque instaurat, ejus particulæ motu intestino circa proprios axes gyrent, referente Johanne Gladbachio *Prax. medic. p. 5.* vid. etiam Benjam. Broekhuys. *Ration. Philos. medic. cap. 15. p. 167.*

§. 4.

A Fermenta-
tione.

Nonnulli talem motum sanguinis intestinum fermentationi adscribunt, unde Louis Bellefontaine *dans la Médecine dogmat. Exerc. 14. pag. m. 61.* ait: le mouvement du sang est confidère double, sçavoir le mouvement intestin ou fermentatif des particules, qui composent le tout liquide, & le mouvement progressif ou circulaire de toute la masse: Le mouvement intestin & cette fermentation vitale, qui donne au corps la chaleur & la vie. Il se fait par une douce impression de la matiere subtile du premier élément temperée, commençant au moment de la generation, & continuant pendant toute la vie, sous une même détermination, c'est à dire, dans l'état de sante & non autrement, entretenant toujours le conflit de l'acide & de l'alcali dans une certaine mediocrité, d'où suit la fermentation, qui maintient toute la masse dans une deüë consistance & mixtion de ses particules. Que si quelques-unes de ces choses viennent à défaillir, il survient incontinent un trouble dans toute la mixtion, cause de toutes les maladies aiguës. vid. etiam Steph. Blancard. *Oper. Tom. I. Instit. medic. cap. 4. p. 191. seq.*

§. 5.

§. 5.

Huic tamen fermentationi alii contradicunt, e. g. Jean Baptiste Verduc *au Traité de l' Usage des Parties Tom. I. cap. 4. p. m. 78.* scribit: Pour le mouvement intestin du sang, il n'est pas apperçû des sens; mais les différentes filtrations font bien voir, que le sang est composé de plusieurs & diverses particules, qui ont differens degrés de mouvement & de pesanteur. Ce mouvement intestin du sang ne dépend pas de sa fermentation; car le sang, non plus que le vin, n'est pas une liqueur capable de fermenter, mais ce mouvement vient des particules subtiles de l'air, qui se mêlent avec le sang, & qui penetrent toutes les molecules. Et juxta Martin. Lister. *de Humor. c. 26. p. 261.* admodum mitis sanguinis motus intestinus sensibus nostris imperceptibilis est, & ab aëre tantum sanguini per minima commisto oritur. Huic autem sunt, qui nimium insistunt; mihi certe, pergit Listerus, videtur iste intestinus sanguini motus æque notandus, ac ipsi spiritus animales. Nam utrumque allegare, admodumque urgere in rebus physicis, est obscurum per obscurius exponere; cum neuter constet certis experimentis, sed tanquam fabulæ sunt. Sanguinem præterea fermentatione aliqua moveri, ut vinum & similia, cogitare absurdum est; nam 1) spiritus aliquos ardentes in distillatione sanguis minime dat; acres quidem & urinosos ab eo obtineri posse, sed oleosos, volatiles atque ardentes omnino nullos. 2) Cordis autem fermentum, a quo isti spiritus effervescentiam continuo mutuuntur, merum figmentum est, imo nec uspiam intra sanguinis orbem aliquod fermentum latere credibile est &c. Imo talem motum intestinum a circulante distinctum sanguini inesse penitus negat Archibaldus Pitcairnius, uti ex ipsius Elementis medicinæ physico-mathematicis recensent *Acta Erudit. Lips. 1717. Mens. Decembr.*

pag. 549.

Hæmatol.

I

§. 6.

Negatur

§. 6.

*Motus circu-
laris.*

Ratione motus sanguinis progressivi seu circulatorii varia veniunt observanda, & quidem aliter fieri talem sanguinis circulationem in fœtu, utero materno vel membranis suis, chorio scilicet & amnio, adhuc incluso, aliter in infantibus in mundum editis liberaque respiratione fruentibus incipere atque per totum vitæ cursum continuari; de qua hoc loco acturis, quamvis non immerito ab embryonibus incipere deberemus, quia tamen talis circulatio absque dubio citius in hominibus adultis, quam fœtibus, ab anatomicis fuit observata, nobis etiam illorum circulationem hoc loco præmittere libet.

§. 7.

Modus.

Postquam itaque in adultis chylus dicto supra *cap. 1.* modo ad dextrum cordis ventriculum pervenit, non diu ibidem moratur, sed statim per arteriam pulmonarem ad pulmones fertur, atque ex his, mediante vena pulmonari in sinistrum cordis thalamum per auriculam revehitur; dehinc per arteriæ magnæ seu aortæ truncum utrumque, tam adscendentem, & quidem ope arteriarum carotidum & cervicalium, ad caput, & axillarum arteriarum medio in brachia, quam descendentem ad reliquas corporis partes æque internas ac externas, mediantibus arteriis cœliacis, mesentericis, emulgentibus, spermaticis, iliacis, aliisque ramusculis propellit; ab his autem partibus per venarum ramos minores ad majores demumque per venam portæ & venam cavam inferiorem & superiorem ad dextrum cordis ventriculum regreditur. Quo vero sanguis refluens, spissior factus, debitam fluiditatem recipiat, ex variis glandulis lymphæ vel serum per vasa lymphatica ad receptaculum lumbare indeque per ductum thoracicum ad venam subclaviam vehitur ibique una cum sanguine venoso cordi infunditur.

§. 8.

§. 8.

Hanc circulationem alii autores aliis verbis explicant scilicet modus ejus est secundum Joh. Jac. Francisc. Vicar. *Bas. Univers. Medicin. Lib. 1. cap. 7. pag. 102. seq.* sanguis a vena cava dextræ cordis auriculæ, dein dextro ventriculo communicatur, hic contractione cordis facta per venam arteriosam seu arteriam pulmonalem ad accensionis fontem (pulmones) propellitur, & rursus per arteriam venosam in sinistrum cordis ventriculum revehitur, atque exinde facta fibrarum contractione per arteriam aortam ad ejus minutissimos ramulos, atque ex his in totum corpus propellitur, & hic demum per venas ceu viam regiam ad cor circulariter redit. Juxta Steph. Blancardi *Institut. med. cap. 4. Oper. Tom. I. pag. m. 190.* chylus venam subclaviam intrans in eadem purpura sanguinis induitur, & una cum eodem in dextram cordis auriculam fluit, & deinde in dextrum ventriculum per arteriam pulmonalem in ipsos pulmones, qui, ibidem fermento ex aëre imbuitur, per venam pulmonalem in sinistram cordis auriculam & deinceps in ejusdem lateris ventriculum fertur. Chylus itaque & sanguis ex corde pressus per arteriam in universum vehitur corpus tam sursum quam deorsum: quorum pars inter circumducendum ab his vel illis tubulis sequestratur, & reliqua a venarum ramulis absorpta, de novo ad dextrum cordis ventriculum & pulmones reducit. vid. etiam ipsius Blancard. *Anatom. reform. cap. 2. p. 23.* Casparus Porta *in Medicin. brev. p. 12. sq.* ait: protrusus ad venam axillarem chylus in mare rubrum microcosmi demergitur, & per venam cavam progreditur ad cordis auriculam dextram, hinc ad ejusdem dextrum ventriculum, in quo non potest sanguini intimius misceri, cum hic nunquam interruptus servetur motus, tam intestinus, quam progressivus: exinde non tam excipitur, quam quidem

*Autorum
verba.
Vicar's*

Blancardi

Porta

Sperlette

urgetur in arteriam pulmonalem a valvulis ad orificium dextri ventriculi cordis impeditus, ne relabatur in auriculam: postquam autem arteriæ pulmonalis ramificationes trajecit, atque aëris subtilioribus particulis per pulmonum cellulas separatis magis magisque subactus & micantioris coloris existit, redit per venam pulmonalem & sinistram subit auriculam, hinc cordis sinistrum quoque thalamum, e quo propellitur in arteriam dictam magnam, mox ad omnes corporis partes devolvendus. Et Johannes Sperlette *Physic. nov. Part. 4. Sect. 4. Art. 3. p. 242.* sanguinis circulationem ita describit: cum chylus delatus est ad auriculam cordis dextram, quæ est extremitas venæ cavæ, tunc ipsius impulsioni cedunt tres valvulæ triglochinx, quibus apertis magna satis gutta sanguinis cum chylo admixti in cavitatem illapsa, ob calorem maximum & residuum sanguinem fermentatur & rarefit; & sic turgescit cordis ille sinus, qui dilatatus ex una parte, ex alia constringitur: ubi repulsæ valvulæ triglochinx dextram cordis auriculam occludunt, sanguinis introgressi regressum, & alterius sanguinis ingressum prohibent. Postea vero sanguis ille rarefactus, magnumque spatium suo motui continuando exigens propellit undequaque cordis substantiam; & sic facile aperit sygmoides valvulas venæ arteriosæ, per quas egressus dispergitur in substantia pulmonum, transitque postea in arteriam venosam, in cujus orificio, quod est ipsamet sinistra cordis auricula, apertis valvulis, sibi viam facit, ut in sinistrum cordis ventriculum ingrediatur; ubi rarefactus, apertis aortæ valvulis, egreditur, & a subsequentibus similiter guttis per omnes arterias propellitur. Et tandem ab arteriis per prædictas anastomoses ingressus in venas, defertur ad venam cavam, ut ex ea iterum in cor ex corde in corpus refluat: quod pluries uno die accidit.

§. 9.

Verba Michaelis Ettmülleri sic sonant *Instit. med. §. 128. Ettmülleri*
Oper. Vol. I. fol. m. 9. ubi cum sanguine chylus in vena axil-
 lari permixtus ad dextrum cordis ventriculum pervene-
 rit, ex eo ulterius derivatur per arteriam pulmonalem seu
 venam arteriosam in pulmones, ex his vero per venam
 pulmonalem seu arteriam venosam infunduntur in fini-
 strum cordis ventriculum, ex quo impellitur in arteriam
 magnam seu aortam, per quam derivatur in universam
 corporis machinam, ubique tamen resorbetur per vena-
 rum furculos, qui omnes tandem in venam cavam desi-
 nunt, ex qua omnis liquor dextro cordis ventriculo denuo
 infunditur. Ordinem hujus motus circularis ita refert
 Johannes de Muralto *in Vademec. anatom. Exercit. IV. pag. Muralti*
133. seq. Sanguis ad venam cavam delatus dextram cordis
 auriculam ingreditur, inde in ventriculum cordis dextrum
 effunditur; a dextro cordis ventriculo secundum ductus
 arteriæ & venæ pulmonalis ad sinistram traducitur, & ab
 hoc per truncum arteriæ descendentem & ascendentem,
 secundum ramorum ductum in universum corpus pro
 ejus nutritione ac vigoratione distribuitur. Reliquus,
 qui a nutritione redundat, rursus in venas recipitur, & per
 recurrentes venarum ramos, ab inferna quidem parte per
 hepar, & a superna immediate per venam cavam ad cor
 revehitur. Ex eo rursus eadem ratione in totum cor-
 pus, ex corpore iterum, modo præcedente ad cor redit, &
 ab hac ipsa motus reciprocatione convenientiam quan-
 dam cum circulo habente, circularis dicitur. Secundum
 Gualt. Charleton. *Oeconom. animal. Exercit. III. pag. 93. seq. Charletonii*
 Sanguis primo e vena cava ventriculum cordis dextrum
 ingreditur, & ex hoc per venam arteriosam in pulmones
 impellitur, ejus ne guttula quidem per septum interme-
 dium in sinistram ventriculum transfluente: ut falso opi-

nati sunt nonnulli: pulmonum parenchyma pertransiens arteriam venosam ex templo intrat, quæ eum in sinistrum cordis ventriculum infundit: E sinistro cordis ventriculo (corde se fortiter constringente) exprimitur in arteriam magnam, per eam tam sursum, quam deorsum, & ad latera in arterias majores, inde in minores, ac in ipsam mox carnis substantiam; quæ sanguinem absorbens eundem in venas minores deducit, unde per majores in venam cavam, tandemque in dextrum cordis ventriculum refluit, ut novam inibi circulationem denuo exordiat.

§. 10.

Bartholini

Ex Caspari Bartholini *Specim. Histor. anat. Cap. III. p. 45.* sententia chylus una cum sanguine per universum corpus ita circulatur: ubi in vena axillari vel jugulari sinistra sanguini immixtus est chylus, percurrit totum corpus una cum sanguine, quem motum circulationem sanguinis vocant. Inserviunt motui sanguinis, cor, sanguinem propellens, arteriæ, sanguinem deferentes ad omnes corporis partes, & venæ, sanguinem, ab iisdem partibus revehentes ad cor. In illa per totum corpus via hunc cursum servat sanguis: a dextro cordis ventriculo propellitur sanguis per arteriam pulmonalem in pulmones, a pulmonibus per venam pulmonalem revertitur in sinistrum cordis ventriculum, a quo per arteriam aortam propellitur in universum corpus. Arteria illa aorta, postquam cor egressa est, & arteriam coronariam emittit, quæ substantiæ ipsius cordis sanguinem arteriosum suppeditat, dividitur primo in ramos ascendentes, qui sanguinem mittunt ad caput, per arterias carotides & vertebrales, ad artus superiores, per subclavias & axillares, & per mammarias ad mammas & musculos pectoris. Ramus autem arteriæ aortæ descendens reliquis partibus prospicit per arterias, quas hoc ordine emittit: primo bronchialem & intercostales,

stales, phrenicas seu diaphragmatis arterias, ramum mesentericum, qui dividitur in tres arterias, coeliacam, hepaticam & splenicam; ramum mesentericum inferiorem emulgentem, iliacas, hypogastricas, crurales &c. Per venas autem ab omnibus partibus iterum revehitur sanguis, sunt venæ illæ duum generum, venæ cavæ rami, qui immediate inseruntur cordi, & vena, quam vocant portam, quæ non cordi, sed hepatis inseritur per varios ramos, qui per totam hepatis substantiam disperguntur, & sanguinem suum infundunt in venæ cavæ ramos ibidem dispersos. Et per hanc venam portam, revehitur sanguis immediate per venæ cavæ ramos.

§. II.

Sequentibus verbis mentem suam de sanguinis circulatione exprimit Louis Bellefontaine *dans la Medecin. dogmat. Exercit. 14. p. 62. seq.* La circulation du sang est un mouvement, par lequel ce liquide est incessamment porté par le moyen des arteres du cœur à toutes les parties du corps, d'où ensuite il retourne vers le cœur par les moien des veines. Voicy la mécanique de cette circulation. Le sang de la veine cave tant ascendante, que descendante entre par la diastole dans oreille droite du cœur, & de là dans le ventricule droit pendant sa diastole contraire à celle de l'oreillette. Etant en cet endroit il se rarefit, puis par la systole du même ventricule, il est poussé dans l'artere pulmonaire, qui le conduit par le moien de ses rameaux dans les vesicules pulmonaires. Le sang parvenu en ce lieu est mêlé avec l'air entré par l'inspiration dans les bronches. Cet air entraine avec soi quelques particules nitro-aërienes, & quelque portion de matiere subtiles temperée par la matiere celeste: Ces choses rendent le sang encore plus rarefiable, qu'il n'étoit auparavant, de sorte que recuelli par les rameaux capillaires de la veine pulmo-

De Bellefontaine

pulmonaire; ceux ci le conduisent dans le tronc principal, d'où il est ensuite versé dans l'oreillette gauche, où il se rarefie puissamment, & en fin par la forte constriction du même ventricule, il est poussé dans l'aorte, qui le conduit par le moien de ses branches dans toutes les parties du corps. Le sang dans cette route laisse échaper plusieurs de ses particules chyleuses sous une forme cristalline: ce qui arrive lorsque le chyle delayé de beaucoup de lympe sort par les pores des arteres capillaires, pour s'attacher à l'extremité des fibres. Il se separe encore de la masse un tres-grand nombre des particules differentes en figure, grandeur & mouvement, qui forment diverses sortes d'humeurs. Le sang aiant donc parcouru toutes les parties, & passé par tant des pores figurez si diversement en doit revenir tres-inegal. En cet état il passe derechef dans les rameaux tant de la veine-porte que de la veine cave, soit que ces mêmes rameaux soient immediatement joints avec ceux des arteres, comme il arrive vraisemblablement en ceux, qui se dechargent dans les sinus de la dure mere, qui sont joints par anastomoses avec les branches des arteres carotides & cervicales, comme pensent avoir observé quelques anatomistes; soit par le moien des fibres charnues, ou autres sortes des vesicules ou vaisseaux: ces rameaux, quoi qu'il en soit, le conduisent derechef dans le tronc de la veine cave, d'où il est ensuite reporté dans l'oreillette droite du cœur; Et en cette circulation il faut remarquer principalement deux choses, l'une que le poumon à chaque fois, que le cœur se contracte dans la systole, reçoit autant de sang par l'artere pulmonaire, que fait tout: le reste du corps par l'aorte & toutes ses branches. L'autre que le sang se doit beaucoup plus rarefier dans le ventricule gauche, qu'il ne fait dans le droit.

§. 12.

Hunc circulationis sanguinis modum ita concipit Christianus Vater *Physiolog. Sect. VII. Art. 2. cap. 3. p. 645. sq.* Auricula cordis, dextra & sinistra, simul & semel dilatata simul quoque portionem quandam sanguinis recipiunt, illa a vena cava, hæc a pulmonari: hæc deinde auriculæ ab eodem sanguine illabente expansæ & quodammodo pressæ, vi texturæ & elasticitatis suæ mox se constringunt eundemque sanguinem in ventriculos cordis, interea relaxatos, effundunt. Hi rursus ab eodem sanguine irruente impleti & extensi, se constringendo, eundem in arterias, & quidem dexter in pulmonarem, sinister vero in arteriam magnam propellit. Quibus adeo alternatim repetitis cordis & auricularum expansionibus & constrictionibus, necessario fit, ut, qui e venis primum recipitur sanguis in corde, ab eodem statim in arterias, & ex his rursus in venas propellatur, atque sic circuitus per omnem vitam continuetur. Juxta Casp. Bartholinum, præcipua cordis functio consistit in propellenda tota massa sanguinea in orbem, quem motum sanguinis circulationem nominarunt, quia per arterias a corde sanguis continuo pellitur in universas corporis partes, & ab iisdem iterum per venas reducitur in cor circulo absoluto. In animali jam aërem hauriente & adulto e dextro cordis ventriculo exiens sanguis ad pulmones per arteriam pulmonalem, iterum a pulmonibus redit ad sinistram cordis auriculam, per venam pulmonalem, & inde per sinistrum ventriculum & arteriam aortam versus omnes corporis partes distribuitur. A quibus iterum per venas reflui sanguinis pars ab intestinis & liene veniens, mediante vena porta & hepatis cava, reliqua immediate venam cavam ingreditur, & inde primo in dextram auriculam, hinc in ventriculum dextrum revertitur. Et ita circulum suum absolvit sanguis

Vateri

ad locum reversus, unde primo distributus est. v. Casp. Bartholin. *Specim. Hist. anat. cap. III. p. 52. seq.*

§. 13.

Nenterus

Circulationem sanguinis adultorum ita delineat Georg. Philippus Nenterus *Physiolog. med. cap. IV. membr. 3. Artic. 3. p. 115. seq.* sanguis per venam cavam ascendentem & descendentem a partibus refluus tendit ad centrum sive cor, ut lymphæ ac chylus ipsi arctius admisceantur: ne autem a capite descendens cruor in venam cavam inferiorem præcipitetur & sanguinis ascendentis cursum impediat, provida natura tuberculum venæ cavæ implantavit, quod sanguinis cursum finistrorsum ad cordis auriculam dextram dirigit. Sanguis in hanc dilatatam infusus tamdiu hic moratur, donec is, qui in cordis ventriculo dextro continebatur, per systolen expulsus sit. Hinc contracta auricula (quæ eodem modo systole ac diastole gaudet ac cor) in dextrum cordis ventriculum impellitur sanguis, cujus reditum ad auriculam & venam cavam valvulæ tres (triangulares, tricuspidæ, sive mitrales dictæ) impediunt, unde corde contracto per arteriam pulmonalem in pulmones impellitur; ne tamen ex hisce, ob eorum intumescentiam & motum, reditum tentet, valvulæ ibidem tres semilunares & sigmoideæ a figura vocatæ, obicem ponunt. In pulmonibus autem subsistere nescius sanguis, dum novus a tergo affluens eum continuo urget, ex arteriæ propaginibus in venæ pulmonalis ramulos receptus, adjuvante æris pressione, per truncum ejus in sinistram cordis infunditur auriculam, e qua postea, corde in diastole constituto, per auriculæ systolen in sinistrum ventriculum propellitur, ne vero antiqua, dum cor contrahitur, ad pulmones & auriculam legat vestigia, valvulæ duæ triangulares obstant: Ex sinistro denique ventriculo, in cujus principio itidem tres valvulæ semilunares, sanguinis reditum

tum impediētes, occurrunt, per aortam expellitur, ex qua per varios ejus ramos in universum corpus distribuitur, per venas minores ad cavam, & per hanc ad cor revehitur, denuo per priores vias ad partes propellendus & revehendus. vid. etiam Thom. Bartholin. *Act. Hafn. Vol. V. Obs. 32. p. 105.*

§. 14.

In foetu vero materno utero adhuc incarcerato, vel *Circulatio in foetu.* etiam extra uterum membranis suis sine respiratione incluso circulatio sanguinis non eadem via progreditur, qua in adultis & post partum respiratione libera fruentibus solet; siquidem sanguis pulmones præterlabitur, & statim partim e vena cava brevi itinere, scilicet per foramen ovale & venam pulmonariam immediate, & absque ingressu in pulmones, in ventriculum sinistrum illabitur, partim ex dextro ventriculo per canalem vel tubulum arteriosum in aortam seu arteriam magnam transmigrat.

§. 15.

Quem sanguinis in foetu circuitum alii autores diversi *Verba Bohnii.* mode explicant; Inquit enim Johannes Bohnius *Circul. anat. physiolog. Progymn. II. p. 33.* in circulatione sanguinis foetus non omnes quas in nato, observat circumstantias natura, sed harum quasdam peculiare habet. Ordiamur hujus periodum a placenta uterina, ad quam depositus succus chylosus in venæ umbilicalis radices percolatur & per hujus tubulum cum sanguine arteriarum umbilicalium ad sinum venæ portæ fertur. Qui quamvis in quinque ramos notabiles facessat, propaginibus suis in quasvis epatis plagas exporrectus, nihil aut parum tamen cruoris chylosi hujus acinulas penitiores subit, & mediantibus demum his ad cavæ radices capillares, sed immediate per canalem venosum patentissimum, ex sinu portæ in illius truncum adigitur, in quo sub dextra auricula & antequam

in dextrum ventriculum explicatur, partim hunc & pulmones otiosos præterlabendo, per anastomofin amplam & ovalem in venam pulmonalem hujusque auriculam & ventriculum sinistrum derivatur; partim ad dextrum dimittitur. Qui tamen sanguis pariter pulmones præterfluit, quatenus quidem ad ostium arteriæ pnevmonicæ a cordis contractione urgetur, exinde vero per canalem quendam arteriosum, fœtui itidem proprium, in aortam eandem defleſcit. Adeoque sicut epar a cœliacæ propagine dextra, sic pulmones ab arteria bronchiali, omnem vitalitatem & alimoniam capeſſunt. Confluus autem, qui modo divulſus erat, in arteria magna sanguis non tantum per hujus ramulos ad omnes fœtus partes propellitur, & per harum venulas ad arteriæ magnæ orificium denuo circumgyratur: sed hujus quoque aliqua portio extra corporis proprii ambitum, per arterias nempe umbilicales ad secundinam, devehitur, cum lactescente matris succo per venam umbilicalem fœtui retribuenda.

§. 16.

Ortlobii

Hunc circulum in fœtu hoc modo describit Johannes Fridericus Ortlob *Histor. Part. Dissert. XXXVI. §. 15. p. 287. seq.* a placenta per venam umbilicalem sanguis & cum eo alimentum, per umbilicum ad hepar atque venam portæ, hinc vero per canalem venosum Glissonii immediate ad cavam transit, & mediante hac ad dextrum non modo ventriculum, sed viam concedente foramine ovali ad sinistrum quoque traducitur. Exiens hinc sanguis ex sinistro ad aortam immediate, & ex dextro quidem ad arteriam pulmonalem, sed mox post exitum per canalem arteriosum, qui utramque arteriam conjungit, ad eandem aortam deducitur; dum interim arteria atque vena pulmonales feriantur. Ope ergo aortæ non solum ad omnes partes, & per ramulum bronchiale Ruyschii etiam ad pulmo-

pulmones sanguis dispescitur, reditu per venas circulum in embryone perennans, sed etiam per arterias umbilicales, quæ ex iliaticis erumpunt, per umbilicum exiens ad placentam iterum revertitur, denuo & perpetuo per venas rediturus.

§. 17.

Secundum Francisci Stockhameri *Microcosmograph.* Stockhameri
cap. 18. pag. 234. foetus sanguis a dextro cordis ventriculo non circumducitur per pulmones in sinistrum, neque idem, qui in dextro jam semel rarefactus est, in sinistro rursus rarefit. Quippe vena cava intra cordis ventriculum dextrum pone suum orificium in magnum aperitur foramen, figura ovale, quo unitur venæ pulmonariæ, ut ita sanguis per venam cavam in ventriculum dextrum delapsurus, maxima sui parte foramine ovali intercipiatur, & per venam pulmonariam immediate illabatur in ventriculum sinistrum: Et duobus circiter transversis digitis supra cordis basin ab arteria pulmonari oblique assurgit canaliculus ad arteriam magnam, quo sanguis a dextro ventriculo expulsus immediate protruditur in aortam, pulmonibus insalutatis, vel saltem pauca tantum quantitate in eos irrumpens. Post partum vero dictum foramen ovale membrana quadam pellucida occluditur, quæ prius valvulæ vicem egit. Et canaliculus arteriosus in ligamentum facessit ejusque cavitas penitus obturatur, atque deinceps sanguinis circulatio ordinario modo procedit.

§. 18.

Circa usum cordis annotat Philippus Verheyen *Anatom.* Verheyeni
Corp. hum. Tract. III. cap. 7. p. 259. vias speciales in foetu, per quas sanguis a pulmonibus declinando e vena cava in aortam brevi itinere transmigrat. Sunt autem viæ illæ foramen quoddam, a figura ovale dictum, & brevistubus arteriosus. Foramen istud ovale situm est inter venam

cavam inferiorem & venam pulmoriā, in illam hians immediate ante tuberculum, quod divisioni venæ cavæ adjacet: in vena autem pulmonaria patet omnino prope ventriculum finistrum, habetque ibidem quandam membrulam instar valvulæ appensam, quæ sanguinis regressum impedit, & post nativitatem foramen occludit, quatenus scilicet a sanguine per venam pulmonariam jugiter affluente applicatur limbo ejusdem foraminis, quorum etiam decursu temporis arcte concrescit. Usus istius foraminis est, sanguinem a partibus inferioribus advenientem transmittere e vena cava ad finistrum cordis ventriculum. Tubus arteriosus situs est inter arteriam pulmonariam & aortam descendantem, in quam sanguinem e dextro cordis ventriculo receptum immediate transfundit. Sanguis itaque in fœtu a partibus inferioribus, adeoque a placenta ad cor regrediens transit plerumque immediate e vena cava inferiori ad ventriculum finistrum; qui vero per venam cavam superiorem adventat, ingreditur quidem ventriculum dextrum, sed inde expulsus statim pro majori parte per dictum tubulum transmigrat in aortam descendantem; sic ut non nisi admodum paucus viam in nobis ordinariam per pulmones insequatur; quia videlicet defectu respirationis nullum omnino commodum ex iis reportare valet. Post nativitatem, libera jam respiratione, latera præfati tubuli coalescunt, atque ita cavitas prorsus occluditur &c.

§. 19.

Blancardi

Advertit etiam Stephanus Blancardus *Anatom. cap. II. pag. 23.* quod fœtui adhuc in utero concluso cubi respiratio libere fieri non potest (& proinde totus sanguis per pulmones transire necesse non habet) provide cautum est, ut maxima pars ejus alia via transferatur; quippe in fœtu nondum excluso, immediate infra tuberculum (supra memora-

moratum) foramen ovale dictum in venam pulmonariam proxime adjunctam, recta ante finistri ventriculi fores, aperitur, per quod maxima pars sanguinis a vena cava reducitur, immediate ante dextri ventriculi limen in venam pnevmaticam, infusa cum reliquo sanguine, ab accensione in pulmonibus redeunte, simul in sinistrum ventriculum demittitur. Ne autem eadem via redeat, membrana quædam undique foraminis ejus limbo, nisi in parte infima, attexitur, & tanquam velum infra ostii ejus infimum ambitum in venæ pulmonariæ trunco laxè dependet; adeo ut sanguini e vena cava affluentis facile cedat, & fores quasi ultro pandat; ex adverso autem latere, si sanguis e vena pulmonaria in venam cavam remeare forte urgeatur, membrana ista, primo sanguinis appulsu, venæ pulmonariæ lateri arctè applicatur, adeoque incursum ejus omnino repellit, non absimili prorsus modo ac ductus ureteris inter duplicem vesicæ tunicam perforatus, liberum & apertum urinæ influxum concedat, refluxum vero omnino prohibet. Quoniam sanguinis reliqui in ventriculum cordis dextrum influentis, & ab illo in arteriam pulmonariam ejecti, copiam omnem per pulmones adhuc pertransire nulla cogit necessitas, ideo ad partem ejus a pulmone divertendam, canalis insuper arteriosus ex arteria pulmonaria in aortam ipsam aperitur; unde sanguis e dextro ventriculo expulsus magna ex parte per istum canalem in aortam trajicitur, atque una cum reliquo sanguine in totum corpus dispergitur. Quum autem fœtus excluditur & respirare incipit, foramen & canalis iste, utpote quibus nihil ultra opus est, sensim & indies coalescunt, donec hoc tandem penitus occludatur, ille in ligamentum impervium paulatim degeneret. vid. etiam ejusdem Blancardi *Institut. Medicin. cap. 4. Oper. Tom. I. p. 191. seq.*

§. 20.

Bergeri

Monente Johanne Gothofredo Bergero *Physiol. medic. Lib. II. cap. 2. p. 483. seq.* revereri debemus providentiam Dei, qui, quoniam fœtus non respirat, & propter compressos adeo pulmones, sanguis ex cordis ventriculo dextro ad sinistrum, per arteriam venamque pulmonarias, pleno flumine duci nequit, singulares quosdam, eosque temporarios, ductus effinxit, per quos sanguis cor ingrediturque per corpus circumagi possit, ita ut minima ejus pars pulmones pervadat. Nam vena cava juxta cor amplo & ovali foramine cum vena pulmonali, arteria vero pulmonaria, ubi dextro cordis ventriculo exivit, medio canale quodam arterioso cum arteria aorta commercium colit. Quibus ductibus fit, ut sanguis ambos cordis ventriculos, uti in nato fit homine, non ingrediatur, sed ex cava juxta cor in duos dividatur rivos, alterque mox per foramen ovale in venam tendat pulmonariam, & auriculam sinistram, atque ex ventriculo sinistro in aortam exprimatur; alter vero in dextram cordis auriculam, ventriculumque dextrum immittatur, & hujus contractione in arteriam pulmonalem, atque ex hac per canalem arteriosum in aortam pariter devehatur, atque adeo sanguis alterutrum saltem ventriculum cordis subeat, vasa autem pulmonalia fere omnis præterlabatur nec nisi parcissime perfluat. Recollectus vero sanguis eo modo in aorta, per hujus propaggines, in omnes corporis partes diffunditur, per venas more naturæ solenni reducendus &c.

§. 21.

Bartholini

De fœtus circulatione inquit Casparus Bartholinus *Specim. Histor. anatom. Cap. III. p. 54. sq.* in embryone, dum adhuc intra aquas in utero vivit animal, sanguis, qui per venam cavam ad dextram auriculam pergit, non omnis ingreditur ventriculum dextrum, sed ejus pars ex dextra auri-

auricula immediate in sinistrum ventriculum transfunditur per foramen, quod ovale vocant. Qui vero dextrum ventriculum ingreditur sanguis, non totus inde abit in pulmones, sed maxima sui parte per canalem seu tubulum arteriosum in arteriam magnam propellitur. Est itaque hæc differentia inter sanguinis motum in animali vivente intra aquas in utero, & vivente in aëre, quod in hoc omnis sanguis, in illo non nisi exigua ejus pars per pulmones transeat, adeoque ab auricula dextra duplex sit via in arteriam aortam, una per auriculam sinistram & ventriculum sinistrum, altera per ventriculum dextrum & canalem proprium. Notandum autem, postquam editum jam est animal & respirationis usum habet, ultimam hanc viam aboleri, cum ille canalis obturetur & naturaliter in ligamentum degeneret, quemadmodum & foramen ovale membrana clauditur. Per aortam in foetu distributus sanguis non totus intra foetum manet, sed ejus pars exit ad membranas & glandulosa corpora utero annexa, indeque novo succo imprægnata per venam umbilicalem redit ad hepar, & cum sanguine foetus jungitur. Sic in foetu uterque cordis ventriculus junctis viribus pellit sanguinem in aortam, quemadmodum etiam uterque junctim recipit redeuntem per venam cavam. Magna hujus diversitatis necessitas est, quia in foetu ut longior est via, per quam pellendus est sanguis, nimirum per vasa chorii & cotyledonum, ita & ab iis redeuntis major est quantitas, quam in adulto. vid. etiam *Act. Hafn. Vol. V. Obs. 32. p. 105.*

§. 22.

Selon la medecine dogmatique mechan. de Louis Bellefontaine, *l. a. exerc. XIV. pag. 64.* dans le foetus le sang circule tout autrement; car de la veine cave il passe dans la veine pulmonaire par un trou ovale, de sorte qu'il en entre fort peu dans le ventricule droit: de l'artere pulmonaire

De Bellefontaine.

Hæmatol.

L

monaire

monaire il est conduit dans l'aorte par un certain canal arterieux, & il en passe encore la moindre partie par le ventricule gauche. Celui qui ne suit point ces voies, enfile le chemin ordinaire par le poumon. Le sang circule ainsi dans le fœtus, mais lorsque l'enfant est né, ces passages se ferment incontinent. Le trou ovale semble être fait par le sang de la veine cave ascendante, lorsqu'il commence à se mouvoir dans la generation, qui perce les tuniques de la veine pulmonaire, qui sont tres-tendres à lors, par la seule impulsïon, & je croite canal arterieux être fait par le sang du ventricule droit entrant dans l'artere pulmonaire; car a cause que ce vaisseau est fort pressé par la substances compactes des poumons, il ne peut donner au sang un passage assez libre; c'est pourquoy ce liquide se fait un chemin a cote dans l'aorte par son impulsïon. Mais lorsque déjà l'enfant respire plus librement, ses poumons sont vendus de plus en plus spongieux, & leurs vesicules reçoivent plus d'extension, de sorte que le sang trouve non seulement un libre accez dans l'artere pulmonaire, mais encore est-il proportionnellement absorbé par les rameaux de la veine du même nom, & ainsi une certaine membrane est appliquée & collée par le sang aux bords du trou ovale, la quelle s'agglutinant avec le temps, le bouche entierement. Le canal arterieux se flétrit & se desèche en ligament pour la même raison; car le sang ayant son passage libre par le tuyau de l'artere, pulmonaire vers le poumon, il n'est plus besoin, qu'il soit detourné par ce canal. Enfin la circulation du sang dans le fœtus differe encore en ce la, que cette liqueur est portée hors du corps du fœtus vers le placenta, par deux arteres, qui sortent des iliaques, & qui revient en suite dans le fœtus par la veine umbilicale.

§. 23.

Item Johannes de Muralto *Vade mec. anatom. Exerc. IV.* *Muralti*
p. 140. seq. de diverso sanguinis in foetu itinere scribit: Sanguis prægnantis e sinistro cordis ventriculo per arterias ad omnes partes, nutritionis gratia, devehitur; qui cum in arteriis hypogastricis & spermaticis ad uterum porrectis hæreat, a placenta uterina spongiosa imbibitur, ramusculis venæ umbilicalis eo porrectis ingeritur, & motu continuato, embryonis abdomen, funiculi umbilicalis ductu transmeat, canaliculum venæ portæ in hepate infantis transscendit, cavam subit, corculi dextram auriculam replet, non vero ventriculum ejusdem lateris ingreditur, ubi effervescentia & calore innato, sibi & omnibus membris proportionatur, (qui enim sanguis respectu matris est arteriosus, is respectu infantis multo tenerioris venosus esse debuit) ac per foramen ovale, sive anastomofin in venam pulmonalem, seu potius auriculæ sinistræ initium, sicque in ventriculum sinistrum transit; qui vero sanguis in dextrum ventriculum irrupit arteriam pulmonalem ingressus, superiora petens, non ad pulmones pergit, sed a latere secedit, per canaliculum arteriosum, paulo supra valvulas sigmoides, in aortam, ulterius in corpus, transversa linea, pergit; nam per suas arterias propulsus hic sanguis, ope iliacarum, ad latera vesicæ urinariæ, in funiculum pergentium, magna ex parte, venis matris hypogastricis, in placentam hiantibus, revehitur, ut ad cordeferatur, iterumque spirituum vitalium particeps fiat. Pars residui sanguinis in foetu, quæ non per iliacas arterias matri advecta est, ab infantis partibus revehitur per venas proprias; ex imi ventris visceribus per portam ad hepar, ut ibi bilis segregetur; ex aliis vero partibus immediate ad cavæ ramos cordi advehitur. vid. etiam Muralt. *Anatomisch. Colleg. p. 90.*

§. 24.

Craanii

Ad quæstionem, quomodo circulatio sanguinis per cor in foetu, utero adhuc concluso fiat? ita respondet Theodorus Craan *Oeconom. animal. p. 290.* cum infans non respiret in utero, pulmones habet subsistentes, adeoque nullum sanguinem suscipientes. Duplices igitur ramuli in foetu reperiuntur, per quos hic defectus compensatur. Primus scilicet oritur ex vena cava duobus vel tribus digitis supra diaphragma (falso oriri dicitur ab anatomicis supra cor) & inseritur in venam pulmonalem prope sinistrum cordis ventriculum, quem statim ingreditur & post peractam fermentationem inde per arteriam aortam distribuitur per universum corpusculum: reliqua vero portio sanguinis per venam cavam ulterius ascendit, & ingreditur dextrum cordis ventriculum, ex quo post peractam fermentationem exit in arteriam pulmonalem, ex qua mox post sui ex cordis ventriculo egressum oritur alter canaliculus, qui immediate ad arteriam magnam excurrit, & in eam sanguinem venientem ex dextro cordis ventriculo effundit, ut sic per totum corpus distribuatur. Hinc itaque sanguis, cum non possit transire per pulmones, qui ingreditur sinistrum cordis ventriculum, ingreditur dextrum, & sic per hosce canales compensatur defectus viarum per pulmones. Postquam autem infans in lucem editus est, hi duo ductus solidescent & obliterantur, tanquam non amplius usum habentes, sanguinisque circulatio per medios pulmones instituitur. vid. etiam ejusdem *Dissert. de Homin. cap. 166. p. 729. sq.*

§. 25.

Nenteri

Sanguinis circulatio in foetu juxta Georg. Philipp. Nenteri *Physiolog. med. cap. IV. membr. 3. Art. 3. p. 117.* hoc modo fieri solet: sanguis, ex hepate uterino, utero matris adnato, per venam umbilicalem ad hepar fertur & venæ portæ

portæ infunditur : non tamen per hujus ramos in universum hepar dispergitur, uti in adultis id contingit sed per ductum Glissonianum immediate ad venam cavam ab inferioribus ascendentem pergit, & ad cor ascendit, ejusque portio auriculam ingreditur dextram, portio vero per foramen ovale ad auriculam transit finistram : hinc qui dextram ingressus erat auriculam, ex hac in ejusdem lateris ventriculum infunditur : ex hac autem ope systoles in pulmones expulsus, non in eos distribuitur, sed per ductum arteriosum Botalli ad arteriam derivatur aortam : alter vero, quem per foramen ovale sinistra receperat auricula, ventriculo infunditur sinistro & ex hoc in arteriam aortam expellitur : sicque sanguis foetus non bis, uti in adultis, sed semel tantum cor ingreditur. Expulsus hoc modo sanguis in totum corpus nutritionis gratia distribuitur & per venas redit : portio tamen ejus per duas arterias umbilicales, utrinque ex ramis aortæ iliaticis oriundas, ad placentam revehitur, ut ibidem novo imprægnetur succo nutritio & per venam ad foetum revehatur.

§. 26.

Juxta Johannis Brœn *Medicin. theor.* §. 315. p. 129. duplex modus circulationis sanguinis est in foetu, hoc est, per duplicem viam, secus ac in natis & adultis; videlicet notabile est in vena cava ascendente, prope cor, ostium amplum foramen ovale passim nunc dictum, quo transitus patet e cava in venam pulmonalem, a parte hujus venæ obtenta membrana, tanquam valvula munitum; canaliculus item ex arteria pulmonali in aortam protensus, ob tunicarum crassitiem arteriosus dictus. Itaque sanguis qui per venam cavam ascendentem e partibus inferioribus accedit per foramen ovale transit in venam pulmonalem, & sinistrum cordis sinum ingreditur; qui vero per venam

Brœn

cavam a superioribus descendente movetur, in dextrum cordis ventriculum cogitur, indeque partim per arteriam pulmonalem in pulmones, & porro per venam pulmonalem ad sinistrum cordis ventriculum circulum suum absolvit, partim in arteriam pnevmonicam expulsus per canaliculum istum arteriosum in arteriam magnam transfunditur &c.

§. 27.

Bierlingii

Ex foetus sinistro cordis ventriculo per arterias sanguis in totum corpus deferitur, per iliacos autem ramos in umbilicales extra corpus in placentam, ubi respondentes venulae recipiunt, & in venam umbilicalem intra corpus remittunt, quae eum ad hepar in portam, & mediante canali venoso in cavam versus dextrum ventriculum ducit. Non omnis autem in dextrum ventriculum illabitur, sed maxima pars per foramen ovale in sinistrum, dum altera ex dextro in arteriam pulmonalem, & per canalem intermedium in arteriam aortam fluit. Quando vero jam ad est placenta utero adhærens, probabile est, aliquid a matre ad placentam deferri, ab illa imbibi, recipique a minimis venis illius & in umbilicum ad hepar duci, vid. Casp. Theoph. Bierling. *Thesaur. theor. pract. Obs. 51. Schol. p. 658.* circulationis sanguinis in foetu rationem peculiarem annotavit Daniel Sauvry *Anatom. rational. Part. 1. c. 6. pag. 103. seqq.*

§. 28.

Varii Autores.

Insuper adhuc alii Autores de motu & circulatione sanguinis non modo tota Capita Operibus suis inseruerunt, sed nonnulli etiam integros Tractatus variis repletos opinionibus, de eadem ediderunt, quo benevolum Lectorem remitto. Videri autem possunt Georg. Entii Opera de *Demonstrat. Circulat. Sanguin.* Johann. Walæi *Epistolæ duæ de Motu chyli & sanguinis ad Thom. Bartholin.* in *Oper. pag. 221. seq.* & in *Thom. Bartholin. Anatom. pag. 761. seq.* Franc. Zypæi

Zypæi *Fundam. Medicin. Cap. VII. Artic. 6. pag. 188. seqq.* Nathan. Highmor. *Corpor. human. disquisit. anatom. Lib. II. Part. 2. cap. 5. fol. 144. seqq.* Et fol. 251. Anacephalæosin totius circulationis sanguinis per totum corpus annectit. Guiliel. Harvei *Exercitat. anatom. de Motu Cordis & Sanguinis Circulo.* Theodori Craanen *Brevis delineatio ad Circulationem sanguinis, in Oeconom. animal. pag. 249. 252. 257. seqq.* Hermann. Boerhav. *Institut. medic. p. 54. seq.* Michael. Ettmüller. *Institut. medic. cap. 10. Volum. I. fol. m. 106. seq.* Joh. Pecqueti *Dissert. anatom. de Circulat. Sanguin. in Experiment. anat. pag. 43. seqq.* Traité de l'Ame & de la Connoissance des Bêtes *Chapitr. 17. p. 150. seqq.* Jean Baptiste Verduc *Trait. de l' Usage des Parties Tom. I. Chap. 6. p. 88. seq.* Philip. Jacob. Sachs. *Ocean. Macro-microc.* Joh. Riolan. *Liber de Circulat. Sanguin. in Opuscul. anat. ubi variorum Autorum opiniones examinantur.* Raymund. Vieussens *de Mixt. Princip. cap. 14. p. 136. seq.* Joh. Bapt. du Hamel *Philos. vet. & nov. Tom. poster. Physic. Part. III. cap. 3. p. 773. seq.* Christ. Johann. Langii *Physiol. Tbes. 17. Oper. Tom. I. fol. 109. item Tom. III. Disput. 16. fol. 217.* Isbrand. de Diemerbr. *Anatom. Lib. II. cap. 8. fol. 272. seq.* Clopton. Havers *Osteolog. nov. pag. 9. seqq.* ubi inter alia quæstionem, in quem finem natura videatur in foetu foramen ovale formasse, & cur sanguis in foetu non per pulmones transeat? vid. insuper Martin. Lister. *Dissert. de Humor. Cap. 1. pag. 2. seqq. 5. 6. seq.* Jacob. Primerof. *Destruct. Fundamentor. Medicin. Vopisc. Fortun. Plemp. p. m. 96. seq. 102. seq.* Philosophie naturelle de Henr. le Roy. *Lib. IV. cap. 15. p. 377.* Carol. Drelincurt. *de Concept. Conceptus Perioch. 38. & 39. p. 74. & 79. seq.* Theod. Craan *de Homin. cap. 15. p. 128. seq.* Abrah. Cyprian. *Epistol. de Fœt. human. excisione p. 36. seq.* Gulielm. Cockburn *Oeconom. animal. a pag. 36. ad 54.* Dan. Sauvry *Anatom. cap. 5. p. 88. & cap. 7. pag. 118.* Frid. Hoffmann. *Medicin. rational. Systemat. T. I. c. 6. p. 103. seq.*

seq. Gualt. Charleton. Oecon. anim. Exerc. 6. p. 89. seq. Anton. Deusing. de Mot. Cord. & Sanguin.

§. 29.

Joh. Mery sententia.

Peculiarem etiam de sanguinis circulatione in foetu opinionem fovet Johannes Mery, cui tamen alii scriptores v. g. Taury, du Verney, Buffiere contradicunt. Summa autem hujus quaestionis huc redit, an sanguis, qui per foramen ovale deferatur, a dextro cordis latere ad sinistrum, secundum opinionem communem? an vero, juxta Mery sententiam, a sinistra parte, deferatur? de qua contentione, vid. *Nouveau Systeme de la circulation du sang par le trou ovale dans le foetus humain; avec les réponses aux objections de Messieurs du Verney, Tauvry, Verheyen, Silvestre & Buffiere contre cette Hypothese, par Jean Mery. Act. Erudit. Lips. An. 1693. Mens. Majo p. 231. seq. Hist. Academ. reg. Scient. Paris. An. 1699. p. 35. usque ad 42. item pag. 168. seq. Et in Act. Eruditor. Supplement. Tom. II. Sect. 5. p. 229.* Secundum Dominum Mery credibile est, in foetu non partem sanguinis, ut vulgo putant, qui cor ingreditur per venam cavam, per foramen ovale exonerari in venam pulmonalem, & hinc statim absque eout dextrum petat ventriculum, ingredi sinistrum, sed contra potius, partem sanguinis, qui ad ventriculum sinistrum per venam pulmonalem allabatur, per foramen ovale pervenire ad venam cavam, non obstante valvula, qua ejus ostium munitur, ut inde pergat in ventriculum dextrum cordis, nec ingrediatur ventriculum sinistrum &c. Et Jean Palfin de la circulation du sang dans le foetus, pendant qu'il est encore renfermé dans le sein de sa Mere, avec une description tres exacte des conduits particuliers, qui y concourent, pour la confirmation de l'opinion des modernes, contre le nouveau Systeme de Monsieur Mery, touchant l'usage du Trou Ovulaire p. 44. seq. Dictus Palfynus juxta

juxta Laur. Heist. *Orat. de Increm. Anat. p. 35. sqq.* Historiam curiosam anatomicam duorum infantum modo monstroso concretorum Idiomate Belgico edidit; quibus in fine, occasione controversiæ de foramine ovali adjunxit descriptionem peculiarem illarum viarum, quæ in foetu reperiuntur, per quas sanguis alium servat circuitum, quam in adultis: quæ omnia novis & nitidis figuris illustravit. Et juxta Heisteri *l. a.* edidit Londini Ridlejus Observationes medico-præcticas & physiologicas, quibus multas annectit anatomicas curiosas & simul, occasione illius controversiæ, in Gallia natæ, inter Meryum & alios de foraminis ovalis usu in foetu, Dissertationem de structura vasorum cordis in embryone, & sanguinis juxta eum circuitu, quam novis figuris simul illustravit, adjecit. Circulum sanguinis matrem atque foetum medio placentiæ uterinæ intercedere, Mery singulari confirmat exemplo mulieris alicujus ultimo mense gravidæ, infelici lapsu subito enectæ, ac in dissectione abdominis cavitatem sanguine turgidam, e diverso cuncta vasa sanguifera, tum propria, tum foetus una mortui, prorsus vacua exhibentis, cum placenta nihilominus uterina matrici etiamnum integra sine ulla sanguinis extravasatione adhæresceret, uti ex *Histor. Acad. Reg. Scient. An. 1708.* referunt *Acta Erudit. Lips. An. 1710. Mens. Jun. p. 247.* Et *An. 1719. Mens. Aug. p. 341. seq.* idem Mery ex certa Observatione concludit, sanguinem a matre deferri ad foetum, & inter foetum ac matrem circulationem esse reciprocam. Equidem non nemo hanc circulationem impugnavit, quod in canis, catulos mox edituræ, venis apertis, ut sanguis omnis efflueret atque ipsa moreretur, dimidia post mortem hora catulos in utero vivos & sanguine plenos repererit; sed sanguine destitutos ab aliis deprehensos notavit Mery, qui uterum non ante aperuerunt, quam ipsi quoque catuli mortem subiissent.

§. 30.

Tres Circula-
tiones in gra-
vida.

Curiosam trium in prægnante foemina circulationum indagatorem sistit Johannes Georgius Volckamerus *M. N. C. Dec. II. An. I. Obs. 185. p. 444.* sequentibus verbis: Quam magnifica summi nostri creatoris opera se ubique manifestent, palam in confesso est: sed vix ullum majus se humanæ affert menti miraculum, quam hominis, partus tempore, ex utero egressus, quem si ambabus, nondum a secundinis liberatum, genitrix teneat manibus, tres percipies circulos in se invicem redeunt. In puerpera siquidem eadem, quæ in omnibus hominibus contingere solet, sanguinis per universum corpus succum alimentarem distribuentis circulatio virtute exercetur pulsifica, quæ prima esto. Secundam in foetu paremque prorsus reperiri circulationem, nemo negare ausit. Quicquid enim vita præditum est, continuo & circulari motu indeficiente, in seipsum redeunte necessario movetur. Per umbilicum vero tertia ex vena umbilicali circulatione in hepar foetus abundans succo alimentari transfunditur sanguis; inde ad cor recta tendit, & per dextram ejus cameram in sinistram transitu sub auricula concessio fluit. Hinc vi cordis pulsifica in universum ex aorta per omnes artus agitur corpusculum, cumque omnibus alimoniam desiderantibus ejusdem particulis, vel etiam minutissimis, quicquid secum ex utero alimenti affert, liberrime communicat. Exinanitus deinde sanguis ille, absumpta scilicet nutritia ista substantia, & sincerus per arterias umbilicales sursum in chorium pellitur, &c.

§. 31.

Circulatio an
veteribus fue-
rit nota?

Affirm.

Utrum vero circulatio sanguinis veteribus fuerit nota, alii negant, talemque inventionem recentioribus Medicis adscribunt, uti in sequentibus videbimus, alii e contra eandem sapientissimo Regi Salomoni jamjam innotuisse ex sacra

cra scriptura & quidem *Ecclesiast. Cap. XII. vers. 1. & 6.* judicant. Ipsius autem verba secundum Sebastiani Münsteri Versionem vulgatam sic sonant: recordare, juvenis, creatoris tui in diebus juventutis tuæ, antequam rumpitur funiculus argenteus, & frangitur fons aureus conteriturque hydria apud scaturiginem, & confringitur rota in fovea. Vel juxta versionem Tremellii & Junii vers. 8. tantisper dum non procul amovetur funis argenteus, & excurrit orbis aureus & frangitur hydria ad scatebram, dirumpitur rota ad cisternam. Versio Sebastiani Schmidii hæc habet: dum nondum remotus fuerit fonticulus argenti, & confracta lenticula auri, & contusus cadus apud scaturiginem, & corrupta rota apud cisternam. Quæ verba B. Lutherus, ita reddidit: *ehe denn der silbern Strick wegkomme, und die gülden Quelle verlauffe, und der Eymmer zu- leche an dem Born, und das Rad zubreche am Born.* Hunc vero Ecclesiastes locum ad circulationem sanguinis applicat Johannes de Muralt. *Vademec. Exercit. IV. §. 5. pag. 131. seq.* in- quiens: motus hic sanguinis circularis divinum revera inventum est, ab ipso spiritu sancto Salomoni, Regum sapi- entissimo inspiratum, *Ecclesiast. cap. 12. v. 6.* his verbis: Me- mento creatoris tui antequam abrumpatur argenteus fu- nis, & aurei liquoris fons diffuat, & urna dissolvatur ad ci- sternam, & rota confringatur ad scatebram; id est, vene- rare & adora Dominum Deum tuum, antequam medulla dorsi marcescat, & sanguinis motus imminuatur, & arte- riæ cordis pulsare desinant, & sanguinis circulatio cesset. Quem textus Salomonis genuinum sensum esse, fuse, eru- dite & clare nos docuit celeberrimus Vir, Johannes Schmith, Medicinæ Doctor Londinensis, cujus expositio- nem videre est in *Synopsi Critica Poli Tom. 2. pag. 1954. &c.* Hunc versum translatore in Linguam Belgicam ita ex- plicant. v. 6. 32. Eer dan de silveren Koorde ontketent

worde, ende 33 de guldene Schale in stucken gestooten worde, ende 34 de Kruycke aen de Sprinck-ader gebroken worde, ende 35 het radt aen den born-put in stucken gestooten worde. Id est, 32 eer het merch opte pit in den rugge-strang los worde. Dit merch is wit als silver, ende'tgaet van de hersenen af langst den rugge-strang, als en Zeed of touwe. Andere verstaen hier door de silveren Koorde, de puls-aderen. Andere, wech-gedaen. Andere geketent, ofte gebonden. D. verdroocht, verstijft. 33 dat dunne huysken, velleken, daer de hersenen in liggen, ofte't welck goutverwich is. Andere verstaen hier door de guldene Schale, hec beekeneel, daer de hersenen in besloten ligghen. Hel welcke mede door den toodt vergaet, ende als gebroken wort. 34 D. de voornaemste bloedt-ader aen den lever. 35 D. de longe, die door hare gheduerige beweginghe den adem van sich stoatt, ende dann wederom tot haer treckt, gelijk het rat aen eenen water-put nu den emmer tot sich optreckt, dan van sich in den put nederlaet. Prolixe etiam Cornelius Bontekoe *Tract. de human. Vita, sanit. Morb. & Mort. Part. II. §. 80. pag. m. 278. seqq.* hunc Ecclesiastæ versum explicando, Regem Salomonem citius ac melius, quam Hippocrates, sanguinis circulationem intellexisse statuit. Sic Conradus Victor Schneiderus *de Catarrh. Lib. III. cap. 2. pag. 26. seq.* scribit: cum Salomon divina vir scientia, senii mortisque jam adventantis signa exequatur, sanguinis in orbem meantis & a tali cursu jamjam cessantis, ante omnia meminisse, necesse habuit. Rem autem per ænigmata exponit: Primum ait: antequam funiculus argenteus rumpatur, vel incurvetur, evertatur, elongetur aut vitietur. Affecta ætate spina dorsi torquetur, & mox inclusa medulla, quam appellat funiculum, si spinalis medulla de vertebriis, omni diligentia adhibita, extrahitur & in aquam infertur, omni

Salomoni.

ex parte habet speciem cujusdam funiculi. Argenteus dicitur, quod spinalis medulla instar argenti candeat. Dehinc ad sanguinis motum venit: & aurea scaturigo desinat fluere. Quoniam spinalis medulla albet & sanguis rubet, illa argentea, hic aureus dicitur.

§. 32.

Imprimis autem Medicorum Principi, Hippocrati, Hippocrati?
hunc sanguinis circuitum non ignotum fuisse, ex ipsius scriptis varii probant Autores. Inquit enim Georgius affirm.
Wolffg. Wedelius *Physiol. Sect. III. cap. 15. p. 140.* probari potest, creditum a veteribus solidioribus & sanioribus esse, 1) moveri sanguinem, 2) moveri in orbem. Utrumque infinitis locis apud Hippocratem clarum redditur. Ait enim, venas, per quas vasa sanguifera conjunctim putat, per totum corpus diffusas, spiritum, fluxionem & motum exhibere, meminit τῷ κύκλῳ, circuli, *lib. de Off. c. 10.* meminit τῷ αἵματος περιόδῳ, sanguinis circuitus *l. de insomn. c. 13.* meminit τῆς κοινωνίας φλεβῶν, communionis venarum, quod omnes inter se communicent, in se ipsas transfluant *l. de loc. in hom. c. 3.* Et *l. de aliment. c. 39.* ait: alimentum (sanguis) in pilos, in ungues & in extimam superficiem ab internis partibus, ἐνδὸθεν pervenit. Vid. etiam Joh. de Muralt. *Vademec. Exercitat. IV. pag. 132.* Joh. Antonid. van der Linden *Select. med. Exercitat. XIII. Oeniad. famelicof. §. 232. p. 536.* Loca Hippocratis, quæ mentionem circuitus sanguinis faciunt, ex ipso allegat Fridericus Hoffmannus *Medicin. ration. Tom. I. Part. I. cap. 6. §. 2. Schol. p. 104.* item Joh. Wallæus *Epist. I. de Mot. Chyl. Oper. p. 241.* & Thom. Bartholin. *Anatom. p. m. 773.* Juxta relationem Georgii Paschii *de Nov. Invent. Cap. VI. §. 3. p. 311.* asseruit Almeloventius, haud fuisse incognitum Hippocrati sanguinis circuitum. Quod ut probet, removet initio obstacula, in dubiumque vocat: Hippocratem illius ne verbo quidem

dem mentionem fecisse. Ad quod respondet primum: Hippocratem ea, quæ ab aliis dici posse noverat, non scripsisse, ne actum ageret, aut iliada post Homerum scribere, aut artem medicam, per se satis difficilem, librorum pondere aggravare velle videretur; mox vero recitat aliquot ex Hippocrate loca, quæ manifesto indicio sunt, propugnasse eum utique sanguinis motum. Sic Jacobus Sponius *Aphorism. novor. Sect. 1. Aph. 51. pag. 44.* hunc Aphorismum communicat: Alimentum in pilos & ungues extimamque superficiem ab internis partibus pervenit, rursusque ab externis partibus extimaque superficie ad interna redit. Tunc ita pergit: Circulationem sanguinis hoc sæculo ab Harvæo detectam non latuisse magnum Hippocratem, textus hic evincere videtur. Quomodo enim alimentum, quo nomine sanguinem intelligit, in extimas usque corporis partes fertur, & ab externis ad interna redit sine circulari sanguinis motu? At si sequentes Aphorismos addideris, ii simul quasi demonstrationem efficient: quanquam fane non ita distincte ab eo educta fuerit, ut scilicet sanguinis impulsus per arterias, reditum vero per venas explicuerit: at nemini mirum videbitur, qui perpenderit, multa Hippocratis Opera periisse, præsertim vero Librum de venis & arteriis, quem citat ipsemet in Libro de articulis: Venarum, inquit, & arteriarum communicationes, quotquot & quales sint, & unde initium ducant, quamque in quibus vim habeant, alio in libro declarabimus. Hujus forte libri reliquiæ interpolatæ supersint Libro de ossium natura, & Libro de natura hominis, in quo ultimo hæc verba leguntur, quæ & lacteas & lymphaticas venas adumbrare videntur, & omnium cum venis arteriisque communicationem; venæ enim nomine venam & arteriam intelligit. Existunt, inquit ibidem, etiam ex ventre permultæ & varii generis venæ,

venæ, per quas in corpus alimentum defertur. Ferunt & alimentum a crassis venis in ventrem & reliquum corpus, & ab extra & ab intra, fibique mutuo subministrant internæ venæ externis, vicissimque externæ internis. Et *Libr. de loc. in homin.* Hæ omnes venæ inter se communicant, & fluentem humorem mutuo recipiunt: aliæ enim fibi invicem concurrunt, aliæ per venulas a majoribus venis exortas. De Tractatu quodam Gallico hujus Tituli: Hippocrate de la Circulation du Sang & des Humeurs par Mr. Pierre Barra sequentia recensentur dans *le Journal des sçavans Tom. X. pag. 412.* Si nous en crayons cet Auteur la circulation du sang n'est pas une nouvelle découverte; puisque selon luy elle n'a pas esté inconnuë à Hippocrate. Ce qui luy persuade une chose si peu receuë encore parmi les Medecins, c'est la parfaite connoissance qu'il prouve, que cet Auteur avoit acquise par l'Anatomie, du coeur, de toutes ses parties & de tous ses mouvemens, aussi bien, que du poulmon & des vaisseaux, qui servent à la circulation: & il ne sçauroit se persuader, qu'Hippocrate ait si bien connu toutes ces choses sans avoir pénétré le mystere. Il apporte pour cet effet une infinité de passages, qu'il explique dans cette pensée: & elle luy paroît d'autant mieux fondée que les termes formels de vicissitude & de circulation, qu'il reconnoit dans l'univers & dans l'homme, & qu'il admet dans les humeurs avec plusieurs autres choses de cette nature, ne luy laissent pas douter de ce qu'il avance. Varias etiam rationes pro Hippocrate adducit Carolus Drelincurtius *Dissert. de Licnos. pag. m. 163. seqq.*

§. 33.

Utrum vero Hippocrati sanguinis circulatio adeo cognita fuerit, ac recentioribus Anatomicis, non immerito dubitat Andreas Ottomarus Gœlicke *Histor. Anatom. antiqu.*

§.13.p.11.sq. equidem, inquit, si secundum parasitarum quorundam & adulatorum placita rem anatomicam Hippocratis dimetiendam atque judicandam esse sentiamus, nihil erit, quod eidem in solidum vindicare non susceperint, quorum tamen pleraque ita comparata sunt, ut citra omnem contradictionem pro recentioris ævi inventis reputari mereantur: cujus generis sunt negotium circulationis sanguinis, quod disertis verbis Hippocrati adscribere non dubitat Theodorus Janssonius ab Almelooven, in alienum quippe sensum detorquens loca quædam textus Hippocratici, in quibus tamen quidvis aliud potius, quam sanguinis motus circularis, de quo hic solummodo quæstio est, evinci potest. Jejuna admodum sunt, quæ circa originem arteriarum atque venarum Hippocrates protulit. Licet enim alicubi per transfennam velut agnoscere videatur, sanguinis omnis fontem universalem esse cor, sicuti pituitæ locum in capite, aquæ in liene, bilisque in jecore quærit: Alibi tamen iterum adserit, venarum originem tanquam radicem esse hepar, & arteriarum cor, atque ex his per omnia sanguinem & spiritus pervagari, caloremque per hæc permeare; Mox vero iterum aperte sibi ipsi obloqui videtur, dum adstruit, venas pariter atque arterias originem suam æqualiter ex corde derivare: Quis autem hæc omnia Hippocratem tanta contradictione proferre potuisse existimet, si circulationem sanguinis, ut nonnullis visum est, cognovisset?

§. 34.

Item de aliis.

Absque dubio etiam de aliis Autoribus antiquis, quibus circulationis sanguinis notitia adscribi solet, v. g. de Aristotele & Platone, &c. idem ferendum erit judicium. Quamvis enim juxta Joh. Ægid. Euth *Anatom. Umbilic. curios.* p. 60. vetustissimus Philosophorum, Plato, non semel περιόδῃς circuitus mentionem faciat, imo cor πηγὴν τῶ περι-

φερμένῃς

Φερημένον κατὰ πάντα τὰ μέλη σφοδρῶς αἵματος, fontem sanguinis per omnia membra cum impetu circulati, sapienter nuncupet; quin tamen hoc de sanguinis circulatione dogma ab istorum philosophorum tempore per aliquot secula a curiosis ac indefessis Anatomicis, successive majorem perfectionem acquisiverit, dubitandum non est, ideoque etiam antiquitas, tanquam omnium artium & scientiarum parens, licet non adoranda, laudanda tamen non immerito videtur. Quid autem de Andreae Clyeri (quem alii Cleyerum appellant) in Epistola ad Simonem Pauli in *Act. Hafniens. Vol. IV. Part. I. Obs. I. p. 4.* perscripta, relatione, quod nimirum unicam saltem rem, magnæ molis, quam vix mente complecti posset, nedum facultate consequi, mirari liceat, Medicis Sinenfibus tot retro seculis ultra 4000 annorum, (quem numerum Georgius Paschius *Invent. nov. antiqu. cap. VI. p. 312. ad 400. annos* reducit) usum circulationis sanguinis præ Europæis innotuisse, sentiendum sit, benevoli Lectoris judicio relinquo. vid. etiam *Sim. Pauli de Febr. malign. §. 10. p. 11.* §. 35.

Porro etiam motum sanguinis alium veteres, alium recentiores statuerunt. Nam juxta Albert. Kyper. *Anthropolog. s. Univers. Medicin. Lib. I. cap. 13. §. 53. p. m. 357.* quicumque Galeno assentiuntur, duplicem motum in sanguine ponunt, utrumque a centro ad circumferentiam. Unum nempe attribuunt sanguini venoso, cujus principium hepar constituunt, quem per venæ cavæ truncum ascendentem ejusque ramos ac propagines, in partes supra hepar positas, at per truncum venæ cavæ descendentem & truncum venæ portæ, eorundemque ramos & furculos in inferiores ac laterales hepatis respectu partes pro alimonia singularum partium deduci existimant. Alterum posuerunt pro sanguine arterioso, ejusque principium con-

*Veterum
Opinio.*

Hematolog.

N

stitu-

stituerunt cor, ex quo eum per arterias in universum corpus distribui putarunt, non pro partium alimonia, sed ut esset vehiculum spiritus vitalis. Aliqui tamen tenuioribus & subtilioribus partibus eum inservire posse pro alimento statuunt. Secundum Isbrand. de Diemerbroc. *Anatom. Lib. II. cap. 8. fol. m. 274.* duæ de circulationis modo sunt sententiæ, quarum una est Riolani, quam pauciores sequuntur: altera communis, quam maxima philosophorum pars amplectitur. Riolanus *Lib. de Circul. sangu. cap. 16. § 17. p. 65. sq.* scribit, sanguinem per vasa tantum majora circulari; illum vero, qui ad propagines canalium majorum est effusus, non amplius recurrere ad canales majores, sed absumi in nutritionem partium universi corporis: præterea sanguinem primæ regionis etiam non circulari, sed similiter ad partium in ea latentium nutritionem absumi. Hæc opinio hodie a quibuslibet viris doctis merito rejicitur, cum nullam possit dare rationem, quare sanguis per minimas arterias majore copia impulsus, quam pro partium nutritione opus est, non æque necessario circuletur per minimas venas, quam si per magnas arterias esset impulsus: nec etiam quare sanguis per cœliacas & mesenterias arterias magna copia ad ventriculum & intestina impulsus, per earundem partium venas non circularetur. Cum denique in utroque casu experientiam ipsam contradicentem habeat: quippe si in extremitate manus vel pedis minima arteriola fuerit incisa, plus sanguinis una hora effluit, quam integra die in totius manus vel pedis nutritionem absumi posset: & in vivorum brutorum sectionibus per autopsiam liquet, injecta vasis mesentericis ligatura, sanguinem per arterias propelli ad intestina & satis copiosum etiam per venas refluere ad portam. Altera communior sententia statuit, circulationem sanguinis fieri per anastomoses arteriarum & venarum, quibus oscu-
la

la arteriarum cum venarum osculis uniuntur, & in se mutuo patent: ita ut ubicunque sunt tales anastomoses, bi fiat circulatio. Inde concludit Isbrandus de Diemerbroek, quod, ubi illæ anastomoses non sunt, ibi circulatio non sit; quam sententiam defendere admodum difficile foret &c. Sic etiam scribit Jean Bapt. Verduc *de l' Usage des Parties* Tom. I. cap. 6. p. 88. seq. tout le sang passe du cœur aux extremités, & des extremités au cœur; c'est ce que l'on appelle circulation. Rien n'est plus certain, que le sang, après avoir passé dans les parties, revient ensuite; c'est une vérité si constante, que personne n'en doute l'expérience le montre, les anciens & les modernes en demeurent d'accord, ils veulent tous, que le sang se meuve, & s'ils different entr'eux, ce n'est que de la maniere, dont ils le font mouvoir. Les premiers (anciens) ont d'abord supposé deux sortes de sang, celui des venes & celui des arteres. Ils ont dit, que le sang des venes venoit du chyle, qui étoit attiré par les mesaraïques, dont le plus grossier alloit à la ratte, par le rameau splénique, & que le plus subtil du chyle étoit porté au foye pour se changer en sang par la vertu de ces deux visceres, & que le sang du foye étoit conduit tant par la cave ascendante, que descendante, pour servir de nourriture aux parties; qu'il falloit pourtant en excepter les parties, qui servent à la digestion, parcequ'elles étoient nourries par le sang de la splénique, qui est le plus grossier, & que celui de la cave ascendante alloit aux extremités superieures, comme à la tete; mais qu'il y en avoit une partie, qui se détournoit d'abord pour aller dans le ventricule droit, & de là dans le gauche, tant en traversant les poulmons, qu'en passant par la cloison qui separe les ventricules: Que cette portion du sang remplie, de l'esprit vital renfermé dans ventricule gauche, en sortoit pour se repandre dans toutes les artères: de sorte

que dans la pensée des anciens, le sang des artères & des venes se meut toujours du milieu du corps vers les extrémités, sans jamais retourner. Voila en peu de mots le sentiment des anciens sur le mouvement du sang. Et Georgius Philippus Nenterus *Physiolog. med. cap. IV. Memb. I. p. 88. sq.* ait: Veteribus motus hic circularis incognitus erat, unde etiam ob hanc ignorantiam in multis hallucinati sunt, & variorum phaenomenorum causas & cum aliis connexionem tradere non potuerunt. Credebant autem veteres sanguinem, quem duplicem, vitalem & nutritium supponebant, in vasis tantum stagnare, & præter fluiditatem prorsus nullo progressivo motu gaudere. Sanguinem vitalem in arteriis contineri asseriebant, & quo ejus fluiditas conservaretur & eo facilius ad partes, necessitate urgente, ab anima propelli posset, spiritus vitales, in corde generatos & sanguini vitali innatantes, in scenam producebant, ut scilicet anima horum ope ad assequendos fines uteretur. Cum vero cernerent, & experientia deprehenderent, sanguinem sensim sensimque fatiscere & consumi, & sic continua restitutione opus habere; statuebant, venas, præsentæ materiæ nutritiæ defectu, sugere & attrahere chylum sive succum nutritium: quo vero & sanguinis venosi vitalitas conservaretur, spiritus vitales per anastomoses arteriarum & venarum in venas infundi credebant. Hæc per multa secula veterum erat sententia, quam pro aris & focis defendebant, adeo ut, cum circulatio sanguinis detegeretur, quidam lacrymas profunderent, turpe existimantes, novo hocce, uti putabant, recentiorum commento, veterum per multa secula stabilitam opinionem destruere; alii contra omnes demonstrationes, a Bartholino aliisque ad confirmandum circulum variis scriptis propositas, aures obturantes, veterum sententiam ad mortem usque defendebant, & sic cum veteribus

bus errare, quanquam cum recentioribus apertam hancce veritatem agnoscere malebant.

§. 36.

Feliciori autem circulationis sanguinis indagationi ac *Circulationis Inventio.* inventioni modernorum tempore ansam atque occasionem dubio procul dederunt valvulæ seu ostiola ab Hieronymo Fabricio ab Aquapendente, Professore Patavino, Anno 1579 in artuum venis majoribus inventa, de quibus dictus Autor *Oper. Anatom. & Physiolog. a Johanne Bobnio editor. fol. 150.* ita scribit: Venarum ostiola a me nuncupantur membranulæ aliquot tenuissimæ in interna cavitate venarum, quæ potissimum in artus distribuuntur per intervalla, nunc singulatim, nunc geminatim dispositæ, ac sursum quidem versus venarum radicem, orificium habentes: infra vero clusæ, & non dissimilem formam exterius præ se ferentes ac nodi in plantarum ramulis, & caule apparent. Ea ratione, ut opinor, a natura genitæ, ut sanguinem quadantenus remorentur, ne confertim ac fluminis instar, aut ad pedes, aut in manus & digitos universus influat, colligaturque duoque incommoda eveniant, tum ut superiores artuum partes alimenti penuria laborent; tum vero manus & pedes tumore perpetuo premantur. Ut igitur justissima mensura & admirabili quadam proportionem sanguis ad singulas partes alendas quoquoeversum distribuatur; ostiola venarum comparata fuere. Talia venarum ostiola idem Fabricius *fol. 153. sqq.* in octo tabulis eleganter delineat. Harumque valvularum in venis non obscure meminisse Andream Cæsalpinum, refert Georgius Wolffgangus Wedelius *Physiolog. Sect. III. cap. 15. p. 141.*

§. 37.

Postea autem, ubi penitus excoli cœpit Anatome, in *Inventores* aprium magis sistebatur sanguinis circulatio, circa ejus

Paulus Servita

tamen inventorem vel restauratorem dissentientes autores alii Paulum Servitam, alii Sarpam, alii Guilielmum Harvæum agnoscebant, quorum ipsissima verba hic inferre liceat. Inquit enim Wedelius *l. a. p. 141.* inventor quidem communiter habetur Guilhelmus Harvæus, Anglus, qui Anno 1628 eandem in lucem protraxit & stabilivit. Viam huic stabiliverunt valvulæ venarum, quarum inventio vulgo Aquapendenti tribuitur. Sunt tamen, qui non sine ratione statuunt, Harvæum propalasse quidem circulationem sanguinis & publicasse, ipsum tamen non fuisse primum inventorem, sed monachum, Paulum Servitam, qui utraque, & valvulas venarum & sanguinis circuitum, notaverit, hocque secretum suum communicaverit cum Aquapendente, qui iterum degenti Patavii tunc Harvæo id commisit, qui, juxta ac Legatus Anglicus, cum Servita familiariter conjunctus, hinc in Anglia id per experimenta probavit & publici juris fecit. Paulum Servitam, Venetum, auctorem hujus circulationis, statuit etiam Thomas Bartholinus *Epistol. medicin. Cent. I. Epist. 26. p. 115.* inquit: de circulatione Harvejana secretum mihi aperuit Veslingius, nulli revelandum, esse nempe inventum Patris Pauli Veneti (a quo de ostiolis venarum sua habuit Aquapendens) ut ex ipsius autographo vidit, quod Venetiis servat P. Fulgentius, illius discipulus & successor. Hujus Pauli Servitæ patrocinium in se suscepisse Andream Cæsalpinum, Pontificis Romani, Clementis VIII. tum archiatrum, nec non Johannem Nardium, at Clarkium e contraria parte Pauli Veneti defensores refutasse, scribit Georgius Paschius *de Invent. medic. cap. VI. pag. 313.* Ductu Pauli Servitæ, Monachi Veneti motum sanguinis circularem demonstrasse Harvæum, Anglum, ait Christianus Vater *Physiolog. Sect. VII. cap. 4. pag. 645.* vid. etiam Thom. Bartholin. *Vindic. anatom. p. 125.* Ita scribit Johannes

nes Walæus ad Thom. Bartholin. *Epist. I. de Mot. Chyl. & Sanguin. Oper. p. 242.* vir incomparabilis Paulus Servita, Venetus, valvularum in venis fabricam observavit accuratius, quam magnus Anatomicus Fabricius ab Aquapendente postea edidit, & ex ea valvarum constitutione aliisque experimentis hunc sanguinis motum deducit egregioque scripto asseruit, quod etiamnum intelligo apud Venetos asservari. Ab hoc Servita edoctus vir doctissimus, Guilielmus Harvejus, sanguinis hunc motum accuratissimus indagavit, inventis auxit, probavit firmitus, & suo divulgavit nomine. Juxta sententiam Michaelis Ettmülleri *Institut. Medic. Physiol. cap. X. Oper. Vol. I. fol. 107.* Harvæus sanguinis circulationem nostro seculo primus propalavit, revera tamen primus hujus inventi autor fuit Paulus Servita, Religiosus Venetus. Nonnulli autores hunc Servitam etiam nominant Sarpam vel Sarpium, siquidem juxta Georg. Philipp. Nenter. *Physiol. l. a. pag. 89.* non desunt, qui Paulo Sarpio sive Servitæ circulationis sanguinis inventionem adscribunt. Et Thomas Cornelius, Consentinus, *Progymn. physic. p. 317.* ait: motum sanguinis ab Harvejo descriptum jam pridem agnoverat, & amicis indicaverat Paulus Sarpa, Venetus. Quinimo Michael Ettmüllerus *Oper. Vol. I. §. 129. fol. 9.* scribit: Harvæus & Conringius vulgo habentur primi inventores circulationis sanguinis; sed revera non sunt, & notitiam hujus demum acceperunt a Paulo Sarpa, Veneto, Monacho, qui revera primus & verus inventor est hujus circulationis. Et *Vol. II. fol. 1617.* idem sententiam suam his verbis, defendit: Valvularum seu ostiolorum in venis consideratione factum est, ut postmodum ratiocinando de sanguinis motu mirabili Paulus Sarpa, Frater seu Monachus Venetus, Aquapendentis familiarissimus, conjecturare primus incepit. E contra Guilielmus Harvæus, Anglus, primi-

tus

Sarpa

tus sibi inventionem sanguinis circulationis tribuit, asserens, Paulum Sarpam omnia ab ipso hausisse, & omnino fatendum, Harvæum primum fuisse, qui experimentando negotium hoc manifestavit; Sarpam vero, quod ratiocinando ejusdem vestigia nobis exhibuit; quos infecutus Walæus.

§. 38.

An Harvæus.

Plerique tamen recentiorum ipsi Guilielmo Harvæo sanguinis circulationis inventionem vel ad minimum ejus restaurationem attribuunt. Hanc enim doctrinam eundem e tenebris in lucem protraxisse sequentibus probat Georgius Paschius *de Nov. Invent. c. 6. pag. 312. seq.* quis est qui ignorat, Anglum sagacissimum, Guilielmum Harveum Anno hujus seculi XXVIII. doctrinam hanc oblivione pene sepultam in lucem protraxisse iterum ac ita excoluisse, ut pro invento Harveano haberi jure possit. Hic enim Jacobi Carolique Regum Angliæ Medicus Primarius & in Collegio Medicorum Londinensium Anatomes & Chirurgiæ Professor (cujus statua ibidem cum hac inscriptione conspicitur: Industria, sagacitate, successu nobili, perpetuos sanguinis æstus, circulari gyro fugientes, primus promulgavit mundo. Nec passus ultra mortales sua ignorare primordia, aureum edidit de ovo atque pullo librum: Sic novis inventis Apollineam ampliavit artem, meruitque esse stator perpetuus) scripsit peculiare Exercitationes anatomicas, de circulatione sanguinis motuque cordis, in quibus firmo nixus fundamento multisque demonstrationibus munitus perennem docuit motum, quo sanguis a corde per arterias expellitur, revertiturque ad cor per venas. In quam ejus assertionem dici vix potest, quam importuno fervore insurrexerint multi, inter quos haud postremi fuerunt

runt Æmilius Parisanus, Romanus, & Vopiscus Fortunatus Plempius, quorum hic tamen, re curatius examinata, virtutem postea & in hoste laudare coactus fuit. Ita enim ipse in *Fundamentis Medicinæ pag. 128.* inquit; nuper Anglia novam peperit de motu cordis opinionem, quam invulgavit Guilielmus Harvæus edito de ea re peculiari libello. Hoc suum commentum multis verisimilibus rationibus adstruxit, adeo ut jam multis doctis hodie arrire incipiat, nomineturque honoris causa a quodam populari suo circulator microcosmi. Primum mihi inventum hoc non placuit, quod & voce & scripto publice testatus sum: sed dum postea ei refutando & explodendo vehementius incumbo, refutor ipse & explodor, adeo sunt rationes ejus non persuadentes, sed cogentes. Diligenter omnes examinavi, & in vivis aliquot canibus eum in finem a me dissectis verissimas comperi. Secundum Michael. Ettmüller *Oper. Volum. I. fol. m. 107.* Guilielmus Harvæus tanquam alter Columbus sectionibus & experimentis microcosmum pererrans sanguinis circulationem nostro seculo primitus propalavit *Exercit. de Motu Sanguinis. Friderico Hoffmanno Medicin. rational. Tom. I. cap. 6. pag. 103.* mirum videtur, sanguinis & humorum motum progressivum seu circularem per tot secula latuisse, donec ab illustri Anglo Harvæo superiori seculo propositus & inconcussis argumentis stabilitus fuerit. Equidem circuli sanguinis vestigia magnus Hippocrates in monumentis suis reliquit, attamen propter anatomes id temporis incultum studium res non satis perfecte detegi potuit. Inquit etiam Johannes de Muralto *Vademec. Exercit. IV. pag. 133.* primus ab Hippocrate circulationem sanguinis ingeniose ac subtiliter occasione sedulæ sectionis invenit ac introduxit Guilhelmus Harvæus, Professor Londinensis,

Hæmatol.

O

Medi-

Medicus olim Regis Angliæ; sequuti hunc Angliæ, Belgii, Germaniæ & Galliæ Professores Publici, Viri ingenio-
fissimi. Scribit etiam Timotheus Clarck ad Henricum
Oldenburgium: Si defunctus Harvæus defensione nostra
nunc egeret, facile monstrare possemus, magnum & sum-
me doctum Paulum (Sarpam) ab isto Harvæo (inter hos
enim vetusta manebat amicitia) primam circulationis no-
titiam (mediante oratore Veneto, hic tum temporis com-
morante) recepisse. vid. *Act. Philosoph. Anglican. Mens. Maj.*
1668. p. 569. Inquit porro Georgius Philip. Nenterus *Physio-*
log. med. cap. IV. Memb. 1. p. 89. Primus, qui admirandum
huncce humorum motum detexit, est Guilielmus Har-
væus, natione Anglus, id quod factum est Anno 1628. Non
desunt tamen, qui Paulo Sarpio hanc inventionem adscri-
bunt: imo alii ulterius progrediuntur, & Cæsalpino, Ne-
mesio & ipsi Hippocrati sanguinis circulum notum fuisse
affirmant. Sed quicquid sit de hisce, qui per nebulam
tantum viderunt huncce circulum, prima tamen laus &
honor debetur Harvæo, quia hicce primus eum publici
juris fecit, & experimentis confirmavit. Occasionem
autem ipsi dedere venarum valvulæ ab Aquapendente
Patavii ipsi monstratæ: cum enim hæ omnes cor versus
spectent, & sanguini a partibus fluenti cursum, reditum
autem ad partes minime concedant; eæ vero, quæ in
arteriis prope correperiuntur, exitum sanguinis e corde
concedant, reditum vero ad cor prohibeant, dubitare de
motu sanguinis juxta mentem veterum cœpit, & institu-
tis multis experimentis tandem deprehendit, sanguinem
a cordis ventriculis continuo propelli per arterias, per
venas vero ad cor redire. Juxta Joh. Ægid. Euth *Anat.*
umbilic. curios. pag. 62. Guilielmus Harvejus Londini
Anglorum 1620 vivis in damis & cervis, circulationem
sanguinis, vetustate & socordia quasi sepultam, summa
cum

cum sagacitate, opera indefessa, atque oculari inspectione, rursus invenit, restauravit orbique revelavit literato, ante Aquapendentem Patavii & Patrem Paulum Venetiis, propugnare videntur omnes ferme Angli, ore & calamo. Vitam cum morte commutavit insignis Harvæus 1623 circulationem sanguinis Harvejus primo manifestam fecit, quam postea variis experimentis illustrarunt Walæus, Highmorus, aliique, ait Casp. Bartholinus *Specim. Histor. anat. p. 137.* Sic Christianus Warlitzius *Valetudinar. sen. Salomon.* ita scribit: *pag. 136. seq.* Harvæus, Magnæ Britanniae Regis Caroli Archiater, (qui alter Columbus, microcosmum penetrans, jure vocari potest) hanc, tam diu dubiorum & ignorantiae nubeculis tectam doctrinam detexit, & peculiari libro An. 1628 luculenter exposuit, reciprocum hunc sanguinis motum, ob mutuam venarum & arteriarum communionem. Quanquam non desint qui tantam gloriam aliis potius ascribere quærunt, ut in Suecia Rudbeckio; in Dania Bartholino; in Anglia Jolifio; in Belgio Bilsio; alii Cæsalpino, Medico Aretino, ex mente Nardii 30 ante Harvæum annis & ultra; alii Paulo Sarpæ, Monacho Veneto, qui vixit Anno 1620 cujus liber Venetiis asservatur, quia illum publice tradere nolebat; alii Francisco Tidicæo. Verum hi saltem ex parte ac recte hanc materiam tractarunt, Guilielmus Harvejus vero, Jacobi Carolique Regum Angliæ medicus primarius doctrinam hanc de orbiculari sanguinis motu sat luculenter exposuit, ac medicinam nostram eadem beavit, quippe quæ unica fere totum medicinæ veteris fundamentum evertere videtur. Hinc etiam Güntherus Christophorus Schelhammerus *Dissert. de Lymphæ ortu. c. 4. a.* Harvæum artis nostræ restauratorem unicum nominat. Et consensu Thomæ Bartholini *Orat. XVIII. pag. 97.* ignotum seculis mysterium Harvæus, Anglorum decus, primus eruit, variis experimentis edoctus,

O 2

sanguini-

sanguinem velut in orbem ex corde progredi, & ad cor redire circulo peracto. Nihil potuit vel ingeniosius excogitari, vel verius demonstrari vel utilius introduci. Ingenio tanti viri assurgimus omnes & felicitati, qui æmulum cœlis motum in nobis asseruit, primamque inventi ingeniosi laudem solus meruit. Quamquam enim per nebulam nonnihil veteres somniasse de circulo videantur, somniis tamen annumerari illa debent, quæ nullo experimento divinarunt. Cæsalpinus aliquid tentavit ingenio, sed destitutus Anatomæ auxilio in via defecit. P. Paulus Sarpa in Schedis suis familia notavit, sed an propria fuerint, vel ab Harvæo communicata, dubitare merito possumus, siquidem diverso studiorum generi implicitus non videtur illuc penetrare potuisse, quo exercitata manus alterum indefessum naturæ scrutorem perduxit. Juxta Philippi Jacobi Sachs a Lewenheimb. *Ocean. macro-microcosm. §. 5. p. 6. seq.* hæc doctrina de circulatione sanguinis primum nostro seculo inventa, a Cæsalpino, Aretino Medico, ut vult Nardius, non præripienda tamen palma Guilelmo Harvejo, Anglo sive a Paulo Sarpa, Veneto ingeniosissimo de ea inaudierit, sive ipsemet excogitaverit; siquidem Harvejo Anglicano Democrito, ob primæ promulgationis, & per varia argumenta & experimenta probationis prima laus merito adjudicanda videtur jure suo meritissimo. Hermanno Conringio *Introduct. in univers. art. medic. cap. IV. p. 171.* ex Anglo-Britannis præcipue commendandus venit Guilielmus Harvejus circulari sanguinis motu reperto nobilis. Quamvis enim novam hanc & omnibus retro seculis inauditam ejus doctrinam, cum alii, tum Æmylius Parisanus & Fortunatus Plempius convellere conati fuerint; ita tamen mox alii eos exceperunt, ut passim per eruditum orbem magis magisque Harvejana sententia assensum inveniret. De Inventore circulationis sanguini-

sanguinis ita loquitur Christianus Johannes Langius *Physiolog. Thes. XVII. Explic. fol. 110.* Motum hunc sanguinis descriptum Guilielmo debemus Harvæo, Doctori, Professori & Medico Regio Anglico, qui æterna nominis sui fama in exercitationibus anatomicis de motu cordis & sanguinis primus omnium antiquorum dogmata de hac materia tradita non solum falsissima demonstravit, sed quoque quo modo sanguis vere in gyrum perpetuo a corde agatur, docuit. v. etiam Theod. Craan. *de Homin. cap. XV. p. 128.*

§. 39.

Non possum quin hoc loco annectam, quod Honoratus Faber *Tract. de Homin. Lib. I. Propos. 2. pag. 204.* de se ipso gloriatur, inquiens, Guilielmus Harvæus, non Joannes Harvejus, ut quidam recentior appellat, libellum de sanguinis circuitione scripsit, variisque rationibus illam demonstravit. Plurimi in ejus sententiam iverunt, ut Cartesius, Pecquetus &c. Ego verissimam esse semper putavi, eamque, antequam libellus Harvæi prodiret, publice docui jam ab anno 1638, qui certe longo post tempore in manus meas venit, quod ad ostentationem non dico. Sed ut ille nonnulla ex iis, quæ prius edideram, in suis exercitationibus aliquot post annis publicavit, licet forte nunquam mea viderit; nihil etiam vetat, quin duobus eadem cogitatio incidat; Ita mihi nonnulla in mentem venerant, & in publicis scholis docueram, quæ deinde tum apud illum auctorem, tum apud alios typis mandata inveni.

An Honoratus
Faber

§. 40.

Hanc suam de sanguinis circulatione sententiam variis *Circulationis* Autores recentiores stabiliunt demonstrationibus atque *Probatio* experimentis, v. g. per ligaturas, dum scilicet in phlebomia seu venæsectione illa venæ pars, quæ ultra seu infra ligaturam brachii a corde remota, non autem, quæ supra eandem

eandem versus cor est, a sanguine ob ligaturam stagnante, in tumorem attollitur, arteria econtra infra fortem ligaturam versus extremitates detumescit & supra ligaturam versus cor intumescit. Juxta verba Stephani Blancardi *Institut. Medic. cap. IV. p. 191.* circulatio ex ligaturis, arteriis & venis injectis, deduci solet, quod nempe ligatis brachiis, arteriæ a parte cordis semper tumescunt, econtra venæ a partibus longe a corde distitis intumescunt. Secundum Albert. Kyperi *Anthropolog. Lib. I. cap. 13. p. 358. seq.* Motum sanguinis experientia confirmat, quod quæcunque vena ligetur, eadem sanguine repleta intumescat, qua recursus sanguinis a partibus impeditur: at contra sanguine orbata detumescat, qua libera ipsi patet via a ligatura ad cor. Secus vero in ligatura arteriarum notatur: ea enim ostendit, quod arteriæ intumescant juxta ligaturam ea parte, unde sanguinem a corde accipiunt, ac detumescant ea parte, qua a ligatura sanguinem ad partes devehere queunt. Atque quod ex ligatura sic elicitur, idem ex incisione venarum & arteriarum etiam evidenter concluditur, quæ prorsus ad similem modum contingit, fundentibus nempe venis sanguinem ab ea parte, qua revehunt, ab arteriis qua devehunt &c. Sanguinis motum per arterias & venas optime deprehendi, ait Philippus Verheyen *Anatom. Tr. 1. cap. 4. pag. 17. seq.* si dicta vasa in crure v. g. canis viventis denudentur, ac ligatura constringantur, intumescet enim vena ultra ligaturam in parte a corde remotiori, ubi angustior est; in parte latiori ac cordi viciniore detumescet: contrarium vero in arteriis eveniet. Dari hunc motum secundum Joh. Jac. Franc. Vicar. *Basin. univers. medicin. Lib. I. c. 7. p. 102.* probatur facile ligatione venarum & arteriarum in animalium brachiis ubi venæ trans ligaturam versus peripheriam intumescunt, versus centrum vero detumescunt contrarium autem in

in arteriis accidit, quod utique hujus circulationis manifestum existit signum. Isbrandus de Diemerbræck *Anat. L. II. c. 8. p. 273.* De hac probatione ita scribit: ligatura in venæ sectione, in brachio & crure injicitur supra locum secundum, atque ita subtus intumescit vena, quia sanguis per arterias versus externas partes impulsus, per venas redit & sursum ascendit, cumque ad ligaturam pervenit, sistitur, unde tunc vena intumescit infra ligaturam, & sanguis ulterius ascendere nesciens, cogitur per inflictum vulnusculum effluere: soluta ligatura iterum desinit illa effluxio, quia tunc sanguis per tubulum suum satis patulum facilius potest ascendere, quam per angustum vulnusculum egredi. Ad hæc, si ligatura illa tam stricta injiciatur, ut sanguis per ipsas arterias versus inferiora permeare nequeat (quæ alioqui profundius sitæ a mediocri ligatura non facile occluduntur) tunc etiam nihil effluit, quia sanguis per arterias non impellitur versus inferiora, atque hinc etiam per venas versus superiora ascendere nequit: rursus vero soluta nonnihil illa arcta ligatura & arteriæ pulsu liberior penetrante, mox iterum ex incisa vena effluit sanguis. Præterea quælibet venarum & arteriarum in vivis animalibus ligatura vel compressio ostendit, sanguinem per arterias propelli a corde, per venas vero profluere ad cor: nam supra ligaturam, scilicet versus cor, intumescunt ligatæ arteriæ, ob denegatum sanguini transitum: detumescunt autem venæ, ob liberum sanguinis ad cor effluxum: contrarium contingit infra ligaturam. Rationes, quibus ostenditur, sanguinem ab arteriis in venas transire, juxta Renat. des-Cartes *de Homine p. m. 167.* tam manifestæ sunt, ut nullum dubitandi locum relinquant. Si enim aperto viventis animalis pectore magna arteria satis prope cor ligata fuerit, adeo ut ex ejus ramis nihil sanguinis possit defluere, interque cor & liga-

men-

mentum secetur, totus animalis istius sanguis, aut saltem maxima pars brevi tempore per istam aperturam effluet: quod impossibile foret, nisi sanguini in magnæ arteriæ ramis contento paterent meatus in venæ cavæ ramos, unde in dextrum cordis ventriculum, indeque transiret in venam arteriosam; in cujus extremitatibus meatus pariter offendere debet, per quos in arteriam venosam ingreditur, quæ illum in ventriculum sinistrum indeque in magnam arteriam, per quam effluit, deferat. Quod si quis animal vivum hoc pacto diffecandi laborem refugiat, attendat saltem ad modum, quo chirurgi brachium in phlebotomia ligare consueverunt: Si enim illud mediocriter adstrinxerint paulo altius, hoc est, paulo propius cor, quam sit pars ea, in qua secatur vena sanguis majori copia effluet, quam si brachium non esset ligatum: verum si nimis adstrinxerint, sistetur sanguis: nec secus eveniet, si illud paulo longius a corde ligaverint, quam sit locus, in quo vena secatur, etiamsi ligamentum non multum strinxerint. Quod manifeste ostendit, ordinarium sanguinis cursum esse, ut ad manus & alias corporis extremitates per arterias deferatur, atque illinc ad cor per venas recurat. Hocque ab Harvæo tam manifeste probatum jam fuit, ut in dubium revocari amplius nequeat, nisi ab iis, qui præjudiciis suis usque adeo addicti, aut omnia in controversiam trahere tam assueti sunt, ut veras & certas rationes a falsis & probabilibus nesciant distinguere. Tale circulationem sanguinis probans argumentum juxta Theodor. Craan *de Homin. Cap. XV. p. 128.* peti potest a ligamentis his vasis injectis: si arteriam ligaverimus prope cor, videbimus, quod arteria intumescat inter cor & ligamentum & ultra ligamentum flaccescat; similiter si venam ligaverimus prope cor, videbimus, quod a ligamento ad cor vena flaccescat & decidat,

decidat, ultra vero ligamentum vena intumescit, quod fane signum est, arterias accipere sanguinem a corde, venas vero eundem in cor refundere.

§. 41.

Extant, secundum Joh. de Muralt. *Vademec. Experim. IV. Experimenta* pag. 134. seq. certa, firma & indubitata experimenta, quibus ad oculum demonstrari potest, sanguinem in arteriis ex corde versus partes, & contra in venis cor versus a partibus moveri. Libramus in vivorum canum, aut alterius animalis inguine venam, & arteriam aliquam insignem a tegumentis, post venam filo ligamus, vel forcipe aut digitis apprehendimus, quo facto animadvertitur, eam venæ partem, quæ cavam spectat, concidere ac inaniri, reliquam vero pedem versus, admodum intumescere usque adeo, ut præ plenitudine ipsa arteria durior tangatur: post solvimus ligaturam, qua soluta mox sanguis sursum movetur, & venæ plenitudo ac durities imminuitur. Contrarium evenit, si arteriam ligemus; in hac enim intumescit ea pars, quæ aortæ vicinior, concidit remotior. Habemus aliam experientiam magis obviam, quæ in quavis venæsectione observari potest, dum chirurgus ligaturam brachio injicit, quid fit? Venæ omnes infra ligaturam intumescunt, certo indicio, sanguinis venosi influxum versus superiora, non vero arteriosi influxum, versus inferiora, impediri. Si enim sanguis per venas descenderet, (ut credunt antiqui) utique intumescerent venæ supra ligaturam, & non infra. Præterea post sufficientem sanguinis missionem, si fluente sanguine eam venæ partem, quæ versus manum est, prope foramen, pollice compri- mas, derepente sanguinis fluxus sistitur, (modo inter pollicem & foramen non sit insertio alicujus rami in venam pertusam) si vero premas partem venæ supra vulnus, sanguis non cessabit fluere. Vis adhuc apertius? in cane

vivo difseca per transversum venam cruris, & videbis copiose sanguinem ex inferna, nihil vero ex superna venæ parte effluere. Similiter difseca venam jugularem in collo, & (observata valvula) contrarium animadvertes. vid. etiam Francisc. Zypæi *Fundam. Medic. Cap. VI. Artic. 6. pag. 189.* Sequens experimentum etiam Auditoribus suis commendat Petrus Dionis *Anatom. Corp. Human. Demonstr. V. p. 285.* Canis vivus est accipendus, mensæ illigandus: Inguen eidem incidere oportet, ad detegendam arteriam & venam cruralem, quæ ambæ seorsim ligabuntur; deinde utramque aperire supra ligaturam. Tunc sanguinem copiose per arteriæ puncturam exsilire cernetis, sed nequidem guttam unicam per venæ puncturam: contra vero si arteriam & venam infra ligaturam eandem aperueritis, videbitis ex arteria nihil sanguinis effluere, multum vero ex vena. Hujusmodi experimentum, quod in cujusvis generis animalibus facere vobis licet, certiores vos faciet, sanguinem per arterias e corde ad extremitates corporis deferri, venas autem eundem ab extremitatibus ad cor referre. vid. etiam Casp. Bartholin. *Specim. Histor. anat. Cap. III. pag. 46. seq.* Nathan. Highmor. *Corp. human. Disquisit. anat. Lib. II. Part. 2. fol. 147.* Joh. Sperlett. *Physic. nov. Part. IV. Sect. 4. Art. 3. pag. 242.* Honorat. Fabr. *Tr. de Homin. pag. 208.* Craan de Homin. *cap. 15. pag. 128.* Vopisc. Fortun. Plempe. *Fundam. Medicin. Lib. II. Sect. 5. cap. 7. fol. 116.* Albert. Kyper. *Anthropol. Lib. I. cap. 13. pag. 358. seqq.* Joh. Pecquet. *Dissertat. anat. de Circul. Sanguin. cap. 1. p. 46. seq.* Joh. Wallæi *Epist. alter. de Mot. Sanguin. Oper. p. 270. seq.*

§. 42.

Bohni's Obser-
vatio.

Circa hæc tamen experimenta oculatissimus Bohnius tempore quodam tria observabat, quæ eadem minus universalialia

versalia reddere videbantur; observatis tamen omnibus circumstantiis potius hanc circulationem confirmant. Nimirum ipso experimenta hæc adornante 1) in uno subiecto arteria cruralis constricta infra ligaturam equidem subsidebat, non tamen adeo notabiliter supra vinculum intumescebat. Accuratus tamen in hoc investiganti Bohnio constabat, supra vinculum, trunco arterioso injectum, ex hoc ramos ingentes satis & laterales angulos derivari, qui per ligaturam haud constricti sanguinis arteriosi magnam partem admittebant. Postquam autem hi laterales rami constringebantur, tumor in arteriæ trunco conspectior reddebatur. Secundo, cum alterius cujusdam experimenti gratia ligatum arteriæ cruralis truncum infra ligaturam diffecaret idem Anatomicus Illustris, ex incisæ arteriæ parte inferiori copiosius sanguis promanabat, qui ambigendi occasionem suggerere potuisset, per arterias quasi versus cor sanguinem deportari. Sed scrupulum omnem sustulit hoc, quod brevi post hic sanguinis fluxus cessaret, ita ut suspicari liceret, illam saltem sanguinis partem, quæ in arteriæ inferiori extremitate fluctuans propter interceptam, a vinculo, cordis vibrationem penitiora substantiæ angulæ subire haud poterat, per vulnus patens regurgitasse, nullis præprimis, uti in venis, obstantibus valvulis. Tertio vena cruralis in eodem subiecto supra ligaturam non plane subsidebat, sed notabiliter turgescibat, utut ab extremitate pedis propter vinculum constringens nullus sanguis eam conscendere valebat. Verum & hujus phænomeni extraordinarii causam non deprehendebat Bohnius, videns supra ligaturam ramos laterales trunco ascendenti implantari sub arteria latitantes.

§. 43.

Deinde probatur circulatio sanguinis per valvulas in *Per Valvulas* venis reperiundas, earumque situm, qui, juxta Isbrand.

de Diemerbroeck *Anatom. Lib. II. cap. 8. fol. 273.* in omnibus talis est, ut sanguis per eas libere profluere possit ad cavam, nihil vero a cava ad minores venas: imo si fistula cavam infles, nihil illius flatus minores venas ingreditur: si contra minores venas infles, mox flatus progreditur ad majores, & sic ad cavam. Franciscus Zypæus *Fundament. Med. reform. l. a.* ait: patet etiam circulatio ex valvulis venarum dispositis quidem, ut sanguinem ad cor remittant, non econtra. Sic si pressa certa vena pollice in metacarpo alterius manus sanguinem, indice ad digitos movere studemus, frustra nitimur, resistit enim huic motui valvula proxima, ast dimoto indice in ictu oculi sanguinem ad pollicem advolare conspiciamus. Imo valvulas in artuum venis inventas circulationis sanguinis inventioni occasionem dedisse, supra diximus. Quod confirmat etiam Georgius Philippus Nenterus *Physiolog. med. cap. IV. pag. 89.* inquit: Occasionem Harvæo dedere venarum valvulæ ab Aquapendente Patavii ipsi monstratæ: cum enim hæ omnes cor versus spectent, & sanguini a partibus fluenti cursum, reditum autem ad partes minime concedant: eæ vero quæ in arteriis prope cor reperiuntur exitum sanguinis e corde concedant, reditum vero ad cor prohibeant dubitare de motu sanguinis juxta mentem veterum cœpit & institutis multis experimentis tandem deprehendit, sanguinem a cordis ventriculis continuo propelli per arterias, per venas vero ad cor redire. Et secundum Joh. Jac. Fr. Vicar. *l. a. pag. 102.* confirmatur hæc sanguinis circulatio ex positura valvularum, nam in arteriis regrefsum versus cor, econtra in venis versus peripheriam inhibent. Circulationem Harvæanam comprobant arteriarum valvulæ, quæ versus corporis partes aperiuntur; ut sanguinem a centro, scilicet corde ad circumferentiam deferri permittant, cum venarum valvulæ versus cor, tanquam

quam meditullium reclusionem patiuntur, vid. Benjam. a Broeckhuysen *Oecon. Corpor. animal. Art. 52. pag. 106.* Item inquit Honoratus Faber *Tr. de Homin. Lib. I. Propos. 2. p. 208.* Si, tum turgent venæ in ipsa manu, sanguinem versus ramos digito currente premas, inflatur vena versus ramos, subsidente interim trunco, qui statim, amoto digito asurgit & tumet; imo sanguinis ascendentis appulsum videbis. Igitur inde motus sanguinis est, id est, a ramis versus truncum, quem dum impedis digiti pressione & sanguinis impulsu, quid mirum, si rami tumescant, & truncus flaccescat? Observabis autem quosdam nodos in vena turgentes, & sanguinis regressui, saltem per talem ramum, obstantes; hæ sunt valvulæ, quibus venæ ad prædictum sanguinis regressum impediendum instructæ sunt, nempe ita sunt compositæ, ut motum sanguinis versus ramos impedian, truncum versus permittant; Immo si extremum digitum involuto filo stringas, illico tumescit extremi digiti pulpa; idque ideo, quia sistitur sanguis. Igitur sanguinis motus a ramis versus truncum venarum est. Hinc si vel minima acu tumentem extremi digiti gibbum pungas, illico sanguis manat, qui amoto ligamine sistit.

§. 44.

Aliud etiam argumentum pro sanguinis circulatione a sanguinis per cordis pulsum intra horam ad arteriam magnam e finistri cordis ventriculo expulsi, quantitate desumi potest; quamvis etiam cor pro sanguinis officina agnoscere vellemus, tantam tamen ejusdem quantitatem per tantillum temporis spatium in corde elaborari posse, plane impossibile est, unde potius tantus sanguinis penus a motu ejusdem circulatorio & regressu a partibus ad cor expectatur. Siquidem sanguinis e corde in arterias propulsi copia, secundum Isbrand. de Diemerbr. *l. 4.* tanta est,

*Per sanguinis
quantitatem.*

ut ejus ne centesima quidem pars ab assumptis alimentis subministrari possit, cum illa propulsio æque procedat in homine, qui per biduum triduumve jejunavit, atque in alio, qui bene pastus est: ac proinde nisi sanguis ex arteriis per venas rediret ad cor, brevi in corde deficeret materia propellenda: præterea disrumperentur etiam omnes arteriæ brevissimo tempore, & partes, in quas sanguis influit, mirum in modum intumescerent &c. Scribit etiam Theodorus Craan *de Homin. cap. 15. p. 128. seq.* maximum argumentum desumitur a pulsu cordis, qui pulsus sine dubio indicat aliquam copiam sanguinis expelli in arterias, quæ arteriarum tunicas elevando & attollendo pulsum constituit. Concipiamus itaque, si aliquid sanguinis egrediatur, illud debere esse proportionatum illi quantitati, quæ per auriculam cordis sinistro ventriculo appensam, rursus in egredientium locum propellitur, ne detur vacuum. Hæc autem auricula, juxta anatomicorum observationem utplurimum continet unciam dimidiam sanguinis; sed non indigemus tanta copia ad illud, quod intendimus probandum; sed concipiamus, tantum octavam partem unius uncia singulis pulsibus egredi cordis ventriculum sinistrum, hoc est solummodo drachmam unam. Hinc itaque argumentamur, si singulis pulsibus drachma una sanguinis egrediatur ex corde, & homo habeat ad minimum quatuor millenos pulsus in una hora, sequitur una hora tantam copiam sanguinis transire cor, quanta non requiritur in toto corpore, ac proinde sanguinem necessario debere circulari per cor, & quidem una hora bis vel ter &c. Item Vopiscus Fortunatus Plempius, qui antea Harvæo pro viribus contradixerat ejusque circulationem commentum appellarat postea *Fundam. Medicin. Lib. II. Sect. V. cap. 7. fol. 115.* inter alias rationes, quas propter sanguis in corpore circulari dici debeat, etiam

etiam addit: sanguis uberius e vena cava transfunditur in arterias pulsu cordis, quam ab acceptis alimentis possit subministrari. Hoc sit assumptum; quo probato sequitur, sanguinem in vivo animali ire in orbem. Probatur autem tum ratione, tum experientia tam efficaciter & evidenter, ut demonstrari dici possit. Ratio hæc est: singulis cordis pulsibus intro attrahitur, & foras expellitur a corde sensibilis aliqua & visenda sanguinis quantitas. Hoc a nemine mentis compote negatum iri arbitror; ille quippe est finis dilatationis cordis, ut aliquid attrahat; ille constrictionis finit, ut expellat quidpiam. Jam vero quantum vis statuatur modicella sanguinis quantitas e corde singulis pulsationibus exprimi; concedi irrefragabiliter debet, e corde emitti intra paucas horas plus sanguinis, quam integro die suppeditari possit a victu plenissimo &c.

§. 45.

Hæc circulatio etiam ostenditur, teste Stephano Blanco *Institut. Medic. cap. IV. Oper. Tom. I. p. 190. seq.* mediante siphunculo, qui lacte repletus ductui chylifero annectitur, qui liquor emissus primo in venam subclaviam ascendit, deinde penetrat cordis dextrum ventriculum, pulmonesque & sic transit per sinistrum cordis ventriculum, in arteriam magnam. Si idem siphunculus arteriæ alicujus ramo rite accommodetur, liquor emissus in venam ejusdem partis transibit, quæ hunc rursus ad cordis thalamum dextrum ducit. Sic etiam Johannes Bohrius sanguinis circulationem per liquoris alicujus injectionem probari posse demonstrabat, dum ipsius mediante siphone in arterias crurales injectus liquor semper remeabat, atque cum aliquali saltu per trunci venosi adjacentis vulnus prodibat; ita quidem, ut, cum aqua tepida immissa sub operationis principium per venam sanguine tincta rediret,

Per Siphunculum.

ret, tandem limpida & omnis tincturæ expers illa conspiceretur, imo post reiteratas injectiones musculos omni rubedine privaret. v. etiam Vicar. l. a. p. 102.

§. 46.

Per Antliam.

Experimentum ad circulationem sanguinis pertinens, Venetiis in Academia, cujus Dn. Sarroti Secretarius Vene- tus fundamenta jecit, propositum describitur atque deli- neatur in *Act. Eruditor. Lips. An. 1684. Mens. Septembr. p. 419. seq.* De quo Experimento *Nova Literaria Germaniæ An. 1703. Mens. Decembr. p. 466. seq.* ex Johannis Wilhelmi Pau- li *Programmate de Princip. Natur. mechanic.* sequentia re- censent: Viginti annorum effluxit spatium, ex quo Aca- demia Sarottina Venetiis in ipso sanguinis circulo mecha- nice demonstrando prosperum antliæ primum experta fuit successum, in *Actis Eruditorum & Gallorum Epheme- ridibus* fusius enarratum. Nondum vero ab aliquo an- notatum legi fructum, quem ab eodem instrumento par- tim in aëris inspirati in pulmonum sanguinem introitu moxque cordis motu resuscitato, partim in multo aëre sanguineis moleculis intersperso, evincendis mihi aliisque tunc præsentibus licuit cernere, postquam ante decennium prima vice cor cum aspera arteria, pulmonibus, & arteriæ magnæ ac venæ cavæ portione ligata e vivente catulo ex- cidissem, atque calens in receptaculo vitreo ex trachea & tubulo, per operculi centrum cum externo aere commu- nicante, suspendissem, alio autem tempore vitrum orificii latioris sanguine recenti, licet multum inspissato, dimidiam partem repletum vitreæ campanæ supposuissem. Hic namque aerem inter exantlandum omnis statim sanguis mire intumescens immixtas aeris particulas elasticas co- piosissimas satis prodebat, simulque aeris evacuatione con- tinuata fluiditatem non solum recuperabat, sed & diutius a corruptione, alias celerrima, persistebat immunis. Ibi vero,

vero, quoties embolus lenta extrahebatur manu, ne, ab aere externo impetuosius irruente teneriora vascula perrupta fuisse, posset excipi, toties fluidum aereum per tubulum atque asperam arteriam successive ingrediens pulmones pariter totos atque vasa sanguifera, cordisque auriculas & ventriculos dilatabat, dilatatosque, ut jucundo spectaculo renovarent systolen, stimulabat.

§. 47.

Sic Carolus Raygerus, experimentum factururus, quo *Per Flatum.* modo circulatio sanguinis fiat in embryone, immisit primo per canaliculum flatum in venam umbilicalem parum incisam, qui redditus per foramen factum in arteriis umbilicalibus, intumescere prius hepatis substantia. Mox ad meliorem certitudinem per syringam infusus liquor cœruleus, qui intra breve tempus primo ex arteriis cruorem expulit, mox & ipse secutus. Ut ita clarum, venam umbilicalem embryonis communicare cum arteriis uterinis matris, indeque sanguinem arteriosum ferre ad hepar, ubi depuratum, & in nutrimentum commodum pro infante aptatum, per cavam ascendentem mediante foramine ovali, paulo supra diaphragma existente, inque hoc subjecto optime conspicuo, venam intrare pulmonalem, five arteriam venosam, exinde in auriculam sinistram, sinistrumque cordis ventriculum, ex eo per aortam in omne corpus.

§. 48.

Aliud argumentum circulationem sanguinis probans *Per chylum in sanguine.* ex eo petit Theodorus Craan *Dissert. de Homin. c. 15. p. 128.* quod chylus per ductum thoracicum in venam subclaviam effusus non posset ulterius progredi, nisi cum sanguine delaberetur ad cordis ventriculum dextrum; si enim sanguis in illa vena stagneret, quomodo posset chylus in ea locum sibi invenire? quomodo posset partes nutrire, nisi cum sanguine ad corporis partes deferretur. Deinde

Hæmatol.

Q

etiam

etiam hic sanguinis circuitus per chylum post venæsectionem in sanguine apparentem confirmatur. Referente enim Thoma Bartholino *Histor. anatom. Cent. I. Hist. 17. p. 28.* puella quædam nobilis suppressis mensibus lac, solitas huic sexui, delicias, hausit. Advocatus Bartholinus ad provocandos menses venam saphænæ incidendam curavit, instante nempe solito fluxus tempore, intermedio vero venam cubiti. Hanc antequam secari sibi permetteret, pridie lac more solito sumsit, unde in sanguine, pelvi excepto lac loco feri conspiciebatur. Anno 1648 virum febre maligna detentum, cujus sanguis statim a phlebotomia albedinem lactis retulit, se vidisse, & a læsa facultate sanguifica chylum immutatum relinquente id factum fuisse refert Petrus Borellus *Histor. med. phys. Cent. I. Obs. 25. p. 35.* De lacteloco sanguinis in venis reperto ait Henricus Oldenburgius *Act. Philos. Anglic. p. 76.* Vir curiosus haud pridem scripsit Lutetia, ibidem domi Medici nuper dissectam fuisse viri venam, in qua repertum lac loco sanguinis. Et p. 88. virginis cujusdam meminit, cui, consumpto non contemnendo hora septima matutina jentaculo, vena secta fuit pedis, circa ejusdem diei horam undecimam; primum effluens sanguis exceptus fuit catillo, brevique reddebatur albus; ultimum excipiebat scutella, qui immediate albus evadebat speciem cremoris lactis præbens. Post quinque vel sex horas accidebat, medicum videre utrumque, ubi reperit sanguinem catillo contentum dimidiam partem sanguinem, dimidiam chylum isti innatantem, ut serum, albedine nil cedentem lacti; at sanguinem in scutella totum chylum, sine ulla apparentia vel guttæ sanguinis; Et cum utrumque distincte calefecisset lento igne, induratus est, sicut albumen calefactum, vel potius sicut serum sanguinis calefactum, sed multo albior erat. Hæc virgo tunc erat bona valetudine, nec alia de causa sibi venam

nam secari passa est, quam quia nunquam menstruum passa fuerat, alias erat florida puraque complexione. Plura ejusmodi exempla paulo infra *Cap. IV. §. 19.* ubi de venæsectione agimus, reperientur.

§. 49.

Sequentia experimenta communicat Johannes de Mu-^{Per Spiritum}ralto *Vademec. Experim. IV. p. 136. sq.* infunde spiritum aci-^{acidum.}dum in arteriam pulmonalem e dextro cordis ventriculo egressam, videbis sanguinem omnem in hujus arteriæ ramis minimis coagulari; fluidum vero in vena pulmonali & ventriculo cordis remanere. Infunde in jugularem externam vitrioli spiritum dilutum vel etiam acetum, liquor in momento ad cor transibit, sanguinem in dextro ventriculo coagulabit, ut uno velutictu moriatur. Infunde lactidum in venam canis vivi, & aperi venam aliquam longius distantem, omnis primo sanguis effluet, solum deinde lac per arterias & venas manifeste circulabitur.

§. 50.

Per Microscopia etiam demonstrari sanguinis circula-^{Per Microscopia}tionem testantur Autores. v. g. Stephanus Blancardus *Institut. Medicin. cap. 4. Oper. Tom. I. p. 191.* inquit: si quis reliquas demonstrationes negare audeat, quæso microscopia adeat, quibus per tubulum vitreum circulus sanguinis, mirum in modum in anguillis, ad oculum demonstrari potest. De circulatione sanguinis in rana agit Georgius Baglivus *Dissert. III. de Experim. anat. pract. Experim. II. pag. 110. seq.* inter cætera inquires: tam venæ, quam arteriæ sunt diaphanæ & perlucidæ, & jucundo sane spectaculo, contenti in illorum cavitate sanguinis motus, ebullitio, partium componentium situs, & reliqua prorsus curiosa microscopio observantur v. g. Ranae per medium ventrem sectæ sume intestina cum mesenterio ipsi ranae adhuc hærentia: invenies unum ex vasis rubicundis ibidem dispo-

fitis, tunc manu sinistra prehendere ranam, & digitis hinc inde leniter distrahas intestina, ut vena rubicunda libere appareat. Bene apparente vena, objicias tunc lumini solis illam una cum rana, deinde microscopio unius lentis dextra manu directo observa sanguinis in vase contenti effectus. Hac ratione ego observavi sequentia. Et primo quidem sanguis progreditur in vasis suis velocissime ac veluti per totidem rectas lineas, seu fila serica tenuissima ac velacissima &c. Plura experimenta circa sanguinis circulationem in ranis vid. Anton. de Heide *Cent. Obs. medic. Obs. 85. p. 172. seq.* item Anton. a Leeuwenhoek *Arcan. Natur. detect. Epistol. 65. p. 165.* de cursu sanguinis in anguillis, in perca, in lupo pisce ac cyprino &c. *Epist. 66. p. 187. seq. &c.* Qui Leeuwenhoeck oculis microscopio armatis in gyrinis sive ranis mox ex ovo exclusis, & in paulo adultioribus, ut & in variis piscibus, sanguinis progressum e corde in arterias, & ex his transitum in venas arteriis adhærentes, reditumque per venas ad cor observavit. v. Georg. Philipp. Nenter. *Physiol. med. cap. 4. membr. 1. p. 90.* Observata quoque a non nemine per microscopia dicitur sanguinis in pede araceæ circulatio, quam se videre non potuisse testatus est alias Leeuwenhoeck v. *Act. Erudit. Lips. An. 1709. Mens. April. pag. 161. seq.* Idem Leeuwenhoek etiam in *Epistol. 112.* ad Antonium Heinsium perscripta omnem circulationem sanguinis distinctissime delineat; non enim solum narrat, quomodo globulorum rubicundorum progressum in arteriis a corde versus extrema corporis & in venis regressum ad cor spectaverit, sed insuper vasorum ramificationes valde subtiles depingi curavit, unde apparet, quomodo sanguis ex arteriis in venas per ramos utrique vasorum generi contiguos infundatur. vid. *Act. Erudit. Lips. An. 1719. Mens. Januar. pag. 12.* quo loco ipsa Autoris figura oculis lectorum subjicitur, in qua sex
vasa

vasa sanguifera duplo circiter majora exhibentur, quam sub microscopio in anguilla paulo infra caudæ extremitatem sub pinnæ finem comparuerunt, intra spatium, quale fere arenæ granum occupare solet &c. Aliam observationem de circulatione sanguinis per microscopium detectam legimus etiam dans le *Journal des Sçavans* Tom. XIV. pag. 136. scilicet, L'observation sensible de la circulation du sang, que le Docteur Garden a écrit au Docteur Middleton avoir faite dans une Lezarde aquatique m'a extrêmement satisfait. Il y a presentement près de trois ans & demy que de jeu decouvris pour la premiere fois ce surprenant phenomene, & que j'en envoyay une ample relation a mon frere a Leyde avec une anatomie entiere de cet animal. Depuis ce temps-la j'ay fait voir souvent, la même à plusieurs Medecins & Philosophes tant au dehors sans dissection, qu'au dedans dans les vaisseaux internes. Je l'exposay particulierement le 26 May 1684 à la société de Dublin, dont le Registres portent, qu'ayant ouvert, ce jour-là une de ces Lezardes, que je prens pour une salamandre, je montray à l'oeil par le moyen d'un microscope, que le sang couloit dans les vaisseaux, qui sont sur deux longues vesicules, que l'on voit dans le corps de cet animal, aussi clairement & aussi rapidement, que l'eau court dans un ruisseau. Le 2 Juin suivant je le fis encore remarquer au dehors sur les pattes de cet animal à des personnes, qui eurent la veuë assez bonne pour cela; ce qui est assurément fort susprenant; aussi bien que de voir comme l'on fait le mouvement du cœur, & comment il se vaide & se remplit. Il est vray, que la lezarde est naturellement tres-propre à cette experience; car outre que sa peau & ses vaisseaux sont transparens, j'en ay eu, qui ont vécu jusques à 9 heures apres qu'elles ont esté ouvertes, & que leurs visceres out esté exposez au jour.

§. 51.

*Per statuam
circulatoriam.*

Non autem rationibus tantum atque experimentis & demonstrationibus hætenus adductis sanguinis circulationem defenderunt moderni medici, sed etiam acutum Salomonis Reisellii ingenium eo pervenit, ut statuam humanam circulatoriam effinxerit, in qua mechanice ad humani corporis effigiem ejusque vasorum atque viscerum formam & structuram & magnitudinem efficta per cavitates & tubulos, tanquam per oesophagum dilapsam aquam vel liquorem alium ex stomacho brevissime in cordis ventriculum dextrum, aut longiuscule & artificiosius per intestina, pancreas, venam portæ, hepar & venam cavam, in eandem cameram, hinc in sinistrum per vasa pulmonaria mitti; ex corde deinde simul in caput bivio saltu pulsante, veluti plexibus duobus, juxta pendulam pinealem glandulam projici, simul per arteriam magnam tam in artus superiores, quam inferiores pelli videant, ut recurrat inde in cordis dextrum sinum per venam cavam, valvula sua instructam, quales in aliis quoque vasis inveniuntur; dum interim per emulgentes & renum colatoria in vesicam descendit, inibique eousque cumulatur, donec vesica distenta sponte sese ab onere liberet, quam simul arbitrario quasi motu vel provocare citius, vel pro lubitu pressione vesicæ aut alio stimulo sistere queant. Non neglecto etiam pulmonum usu, quorum ope inspiratio & exspiratio animadverti, pulsus vero etiam tardari vel accelerari, augeri vel minui posset. Additis tandem vel hæmorrhoidibus, vel ano, per quem sphinctere suo claudendum & aperiendum feces possint repurgari. In manibus & pedibus si e vena secta desideres effluentem seu exilientem sanguinem, facile imitari licebit. Ea tamen lege hæc fient, ut vel continue, vel per breviora vel longiora intervalla repleatur, quo plus
vel

vel minus deperditum est aquæ fortius vel debilius per vesicam, quemadmodum sitis & fames quotidiano victu in prandio & cœna restinguenda est. vid. *M. N. C. Dec. I. An. 4. Obs. 191. p. 245. seq.* Plura de hoc statua circulatoria vid. etiam *M. N. C. Dec. I. An. 9. & 10. Obs. 1. pag. 1. seqq. & Dec. II. An. 1. p. 448.* Georg. Basil. *Invent. nov. antiqu. cap. VI. §. 4. p. 341. seq.*

§. 52.

Mirandum tamen, contra hætenus allegatas luceque ^{Circulatio a} meridiana clariores demonstrationes hunc sanguinis cir- ^{recentioribus} cuitum a recentioribus quibusdam adhuc pernegari, v. g. ^{negatur.} Vopiscus Fortunatus Plempius in Epistola ad Joh. Beverovicium ita scribit: celebras atque extollis Harvæi opinamentum de sanguinis circulatione, plausibile Hercules prima fronte & valde simile vero; a me tamen nunquam, nec adhuc receptum; aliter enim vasorum constitutio & fabrica fieri debuisset mihi videtur, si a natura circulatio ista instituta fuisset; præterquam quod ratiunculæ aliæ me retineant in antiqua & avita sententia &c. vid. Joh. Berov. *Spicil. de Calcul. p. 202.* Quam tamen suam sententiam postea mutavit idem Plempius *Fundament. Medicin. a Plempio. Lib. II. fol. m. 115.* Item refutatur hæc circulatio a Raymundo Restaurando juxta Nicol. de Blegny *Zodiac. medico-Gallic. Ann. V. Mens. Jul. cap. 4. pag. 129.* inquirente: a quo tempore academia medica Londinensis pessimo fato admisit doctrinam circulationis sanguinis, ab Harvæo in lucem emissam, adeo invaluit opinio, missam esse faciendam doctrinam antiquorum medicorum, Hippocratis præsertim, ac potius propriæ rationi ac experientiæ adhærendum, ut ex intervallis temporum plura monstra in medicina, quam in Africa prodierint. Revera quidam eo usque ingenui fuere, ut Hippocratem dictæ circulationis authorem statuere voluerint. Willis adeo inebriatus

tus est fabulosa opinione, ut non modo in amovendis prioris structuræ ruderibus, sed marmore, tabulatis, reliquaque materia ubertim suppeditanda feliciter defudarit &c. Sic Eccardus Leichnerus edidit Exercitationem Anti-Harvejanam, in qua circulationem sanguinis quovis modo impugnare tentat. Idem Leichnerus etiam Anno 1688 cum in mea Promotione doctorali Ordo Præsidiipsum tangeret, illud mihi ex ea ratione, quia absque dubio in mea disputatione inaugurali, quam de Hæmoptysi scripseram, juxta falsam, ut aiebat, recentiorum opinionem, sanguinis circulationem defenderem, penitus recusabat; siquidem hac ratione omnia sua contra circulationem edita scripta quasi revocaret; quapropter etiam, ut disputationem absque Præside in cathedra superiori ipse defenderem concedebat. Ipse vero, præses a latere, finitis oppositionibus, tandem varia contra circulationem argumenta, facile tamen solubilia proponebat, hancque suam sententiam ad mortem usque se defensurum esse affirmabat.

§. 53.

A Riolano.

Quamvis etiam Johanni Riolano, Johannis Filio, ejusmodi pro circulatione sanguinis argumenta fuerint nota, ipse tamen nihilominus ausus fuit negare, hanc circulationem fieri in omnibus vasis; scribit enim dictus Autor *Enchirid. anatom. & patholog. Lib. III. cap. 8. pag. 233. seq.* sanguis, qui continetur vena porta, non circulatur, quamvis habeat fluxum & refluxum intra sua conceptacula & communiter cum arteriis celiacis, quæ per anastomoses mutuas junguntur inter se. Intra illa vasa reciprocum fluxum habere potest sanguis, sed per longitudinem corporis non excurrit atque circulatur. Ideoque circulatio, quæ fit in corde, materiam ab hepate mutuatur per venam cavam. Vasa circulatoria sunt aorta & cava, nec eorum pro-

propagines recipiunt istam circulationem, quia effusus sanguis in omnes partes secundæ & tertiæ regionis, ibi remanet ad nutritionem, nec refluit ad majora vasa, nisi revulsus, in maxima inopia sanguinis vasorum majorum, vel impetu & æstro percitus affluat, ad majora vasa circulatoria &c. Huic tamen Riolani sententiæ contradicit *Quem refutat Craan.* Theodorus Craan *Tract. de Homin. cap. 15. p. 130.* Quis, in-
 quiens, non videt, hæc non posse cohærere? nam eligamus quæso unum vel alterum minorem ramum, in quo res patebit evidenter: e.g. supponamus sanguinem distribui per ramum cœliacum, qui varios furculos ex sese emittit ad varias partes, videlicet hepar, lienem, ventriculum, epiploon, pancreas &c. quonam tendet ille sanguis, ad quem continuo singulis pulsibus adhuc novus appellitur, nonne, aut illic debet circulari, & ire ad alias partes? aut si illic maneat, nonne tota massa sanguinea, intra spatium dimidiæ horæ illic colligeretur, juxta calculum, quem mox inivimus? quod quam absurdum sit, neminem latere potest. Quod de cœliaco hoc, de aliis quoque intelligi potest ramis. Johannes Ludovicus Hannemannus *Fascicul. Quat. Epistolar. Epist. 1. p. 14.* scribit, se circulationem sanguinis non in totum improbare, sed reformatam, magisque nostri corporis œconomiae analogam erudito orbi manifestare velle; de qua aliis adhuc nihil constet, sed ipsius sit inventum; vulgarem enim eam & hætenus receptam, nec fida experimenta, nec rationes firmæ sufficienter asseverarent; quam tamen renovatam circulationem videre mihi nondum licuit.

§. 54.

Ratione circulationis dubium illud, quo nimirum *Anastomoses quid sint.* modo sanguis arteriosus ad partes pro nutrimento ad-
 vectus rursus per venas ad cor redeat, autores in duas sententias deduxit; dum alii anastomoses seu inosculatio-

Hæmatol.

R

nes

nes utriusque hujus vasorum generis sibi fingunt, atque parum equidem sanguinis ad viscera & partes solidas pro ipsorum nutrimento deponi, maximam vero ejusdem partem mediantibus his anastomosis & immediate magis ex arteriis venas subire credunt; alii econtra tales anastomoses negant variisque experimentis opiniones suas defendunt. Est equidem Ἀναστόμωσις, juxta Joh. Gorraei *Definit. medic. fol. m. 27.* osculi venæ aut arteriæ apertio, ex qua sequitur sanguinis profluvium; ab ejusmodi causa plerumque per nares & anum, aliquando vero a pulmonibus & ventriculo sanguis rejicitur. Sunt autem τῆς ἀναστομώσεως tres in universum causæ: una vasis imbecillitas, præ qua ne minimum quidem sanguinis ad ipsum ruentis potest sustinere: altera sanguinis, qui ejus osculum impedit copia, tertia aëris, aut quodam modolibet maligna, quæ vasis ori extrinsecus incidit, qualitas. Et secundum Georg. Wolffg. Wedel. *Patholog. med. dogm. Sect. I. cap. 5. p. 58. seq.* factò vasorum osculorum hiatu, seu ἀναστομώσει, dimittitur humor contentus, sæpe in excessu plus justo referantur, ampliantur & dilatantur, inprimis vasa sanguifera, hinc & lymphatica. Cum enim vasa desinant in capillamenta, hæc vero in extimos carniū, cutis vel membranarum, poros, extremitates hæ dicuntur oscula, communi tecta membrana, pro confluxu naturali celebrando. Horum osculorum simplex apertio seu hiatus audit & dicitur ἀναστόμωσις &c. De hac vero ἀναστομώσει hoc loco nobis sermo non est; sed de illa, quæ nonnullis medicis mutua venarum & arteriarum connexio & veluti exosculatio vel inosculatio appellatur, cujusque notissima utilitas Jacobo Pancratio Brunoni *Lexic. med. p. m. 78.* ea habetur, ut sanguinis motus reciprocus & circulatio eo expeditior per totum corpus fieri possit.

§. 55.

Tales arteriarum atque venarum anastomoses agno- *Defenduntur.*
 scit Johannes Sperlette *Physic. nov. Part. IV. Sect. 4. Artic. 3.*
p. 242. inquit, circa sanguinis circulationem observan-
 dum est, multas esse anastomoses, seu communicationes in-
 ter venas & arterias, nec eas solummodo in ipsarum extre-
 mitatibus reperiri, sed per totum corpus spargi: ita ut
 ope innumerorum ramusculorum, utrisque insertorum,
 sanguis ab arteriis in venas possit impelli. Franciscus
 Sylvius *Disput. med. III. §. 18. p. 16.* suspicatur, sanguinem
 immediate ex arteriis in venas transire, non vero per
 intermedium partium parenchyma; nisi forsan intercur-
 rentibus per ipsum canalibus vasorum extrema conne-
 ctentibus. Et §. 19. suspicatur præterea, quemadmodum
 in capite arteriæ meningem crassam prætergressæ alteram
 deponunt tunicam, sic easdem capillares factas simplici
 duntaxat in partibus cæteris donari tunica; per quam po-
 rosam transfudet, quicquid ex sanguine unicuique conve-
 nit maxime, dum reliquum pergit in venas per anasto-
 moses arteriis passim continuatas. Inquit etiam Renatus
 Cartesius *de Format. Fœtus p. m. 167.* quamvis venarum &
 arteriarum extremitates tam tenues sint, ut aperturæ, per
 quas sanguis ex arteriis in venas transmittitur, oculis per-
 cipi nequeant: tamen nonnullis in locis cerni possunt, ut
 potissimum in magno isto vase, quod ex crassioris dua-
 rum membranarum, quæ cerebrum obvolvunt, plicis
 componitur, & ad quod permultæ venæ & arteriæ por-
 riguntur; adeo ut sanguis per has illuc deferatur, & post
 per illas ad cor revertatur. Idem quoque in venis & ar-
 teriis spermaticis aliquo modo apparet. Et certe ratio-
 nes, quibus ostenditur, sanguinem ab arteriis in venas
 hoc pacto transire, tam manifestæ sunt, ut nullum dubi-
 tandi locum relinquant. Venas & arterias sibi per anasto-
 mofin,

mosin, in extremis junctas circulum efficere, ex Hippocrate refert Johannes Riolanus *Libr. de Circul. sanguin. p. m. 27.* quo loco etiam ait: Erasistratum sanguinis & spirituum a venis in arterias, & vicissim ab arteriis in venas translationem & communicationem fieri putasse. Item *Anthropogr. Lib. VI. cap. ultim. fol. 410.* inquit idem Riolanus: ut venas omnes ab umbilicali propagari cognoscas, venam umbilicalem inflabis in foetu, vel puello recens edito: nam portam & cavam venam insufflato aëre distendi observabis, omniaque viscera, suscipientia per venas & arterias aërem: Inde cognosces communionem vasorum inter se, scilicet venarum & arteriarum. Thomas Cornelius, Consentinus *Progymnas. physic. V. p. 174. seq.* certum ratumque vult esse, sanguinem aliosve humores a corde per arterias ad partes corporis permanere, per venas autem a partibus ad cor relabi; ad hæc comites arteriis fere semper venas esse & cum illis per varias anastomoses connecti: præterea arterias plerumque conjugibus venis minores esse, interdum vero majores. Et Christianus Langius *Miscell. curios. med. pag. 38.* inquit: ut omnes corporis partes vivunt, ita quoque omnibus vitale nutrimentum, hoc est sanguis, ultimam in cordis atrio perfectionem, quam natura per gradus molitur, nactus tam debetur, quam communicatur. Hinc ipsæmet venæ etiam vitali redundant spiritu, & quemadmodum arteriæ per totam corporis regionem disseminantur, ita quoque eadem perpetuo sibi copulatos venarum tubulos obtinent, adeo ut nulla in toto corporis ambitu azygos reperiatur. Ergo quum arteriarum cum venis mutuum, frequens & familiare per universum corpus & omnes ejusdem plagas sit contubernium, atque anastomosis, non difficulter elucescet spiritibus vitalibus, quibus undique, tam in venarum, quam arteriarum vasculis ditatur & exaltatur sanguis, nutriendi

triendi hoc munus esset assignandum. Anastomofin sequentibus probat Johannes Wallæus *Epist. de mot. sanguin. Oper. p. 273.* si a sanguine ad cor redeunte intumescit vena, cur vinculo ut supra ita quoque infra secandam venam injecto, vena tamen intumescit, & dissecta sanguinem fundit? qui sanguis ex inferioribus objecto vinculo non videtur posse venire. Verum enim vero id non semper accidit, sed aliquando tantum, quando certo intervallo brachium ligatur; atque tum eum sanguinem venæ majores, loco intra duas ligaturas medio e minoribus venis accipiunt, quæ minores venæ eum e minoribus habent arteriis, quæ anastomosi minoribus venis junguntur. Revera autem illum sanguinem, qui intra duas ligaturas effluit, anastomosi ex arteriis venire, id indicio est, quod is majori impetu & calidior effluat, ac facilius citiusque ad ejus effluxum lipothymia sequatur. Atque hac ligatura uti soleo, uti spirituosum ferventemque sanguinem esse in vitio indicia habeo, jubeoque chirurgum illas anastomoses ligatura quærere; supra enim anastomofin injecta, sistit sanguinis motum; infra vero non remoratur eum, sed calidior sanguis ad ægri tactum exilit. vid. etiam Thom. Bartholin. *Anat. pag. 796.* Secundum Joachim. Targir. *Medicin. compendiar. Lib. I. cap. 12. §. 35. pag. 171.* fertur sanguis non per majora tantum vasa, sed per minima, atque in extremis partibus locata. Item ordinario continetur in vasis: quare opus non est, anxia disceptatione, qua quærunt aliqui, distribuaturne per anastomofin, an vero per carnis substantiam cohærent omnino arteriæ cum venis, quæ, cum tenuissime divisæ sunt, fibræ vocantur, per quas si sanguis transit & per carnis substantiam & per anastomofin transire putandum est. Aqua omnis hic hæret, quod antehac carnis substantia parum perspecta fuit. Jam vero, cum pro diverso carnis genere varia in-

ternaque illius constitutio hodie nota sit, dubium esse non debet, quin arteriarum finis haberi debeat pro principio venarum. Fibræ autem, in quas tandem dividi diximus vasa sanguifera, eousque nomen arteriarum retinent, quousque sanguinem a corde producant, perdunt vero illud, assumuntque nomen venarum, quamprimum accedere per illas sanguis ad cor intelligitur. Complures ac luculentiores circa extremas partes venarum & arteriarum anastomoses esse solere, quarum beneficio naturaliter admiranda circulatio sanguinis oboriatur ex Adriano Spigelio refert Simon Pauli *de Febr. malign. §. 52. p. m. 77.* Secundum Georg. Wolffg. Wedel. *Patholog. medic. dogmat. Sect. II. cap. 12. pag. 366.* Anastomosis naturalis occurrit in circulatione sanguinis, ubi oscula vasorum, venarum & arteriarum se mutuo contingunt, & secum communicant. Oscula arteriarum ultima aperta sunt & venarum, ut hæ ab illis adductum sanguinem recipere & revehere queant &c. Huc pertinet etiam, quod refert Jacobus de Sandris *de Natural. Sanguin. Stat. cap. 4. pag. 110. seq.* Quoniam, inquit, sanguis continuo a centro ad peripheriam, & a peripheria ad centrum movetur, ideo a medicis præter arterias aliud additur vasorum genus, in quibus sanguis naturaliter ad centrum revehatur, quod genus venosum appellant. Arterias tamen & venas idem esse continuatum vas, tradidit Leeuwenhœckius, qui illarum tunicas censuit ita esse constitutas, ut nullis vel minimis sanguinis portionibus transitum præbeant, nisi eæ in tantæ tenuitatis ramos sint diffusæ, quod ternis tantum globulis sint perviæ, ubi ob tunicæ tenuitatem tenues cruoris particulae undique per minimos tunicarum meatus ad vicinarum partium alimentum protruduntur. Nec nobis placet, pergit Sandris, arterias & venas intra duo distincta genera locandus esse: non enim arteriæ solum ad partes vehunt,

vehunt, sed etiam venæ ipsæ, uti videre est in vena porta, quæ per totam epatis substantiam sanguinem diffundit &c. vid. etiam *Act. Erudit. Lips. Anno 1719. Mens. Januar. pag. 12.* Inquit etiam Raymundus Vieussens *Systemat. Vasor. corp. human. p. 113.* concessa libertate mentis meæ ad libitum explicandæ, dicam venarum omnium capillarium primordia respicienda esse velut extremos capillarium omnium arteriarum fines. Id ipsum non abs re sic fieri posse unusquisque procul dubio existimabit, cum asseruero arteriosas omnes propagines, conicam figuram ubivis retinentes, quo magis ac magis ab ortu suo recedunt, eo magis ac magis tenues evadere, variis atque variis inflexionibus suis circumvolvi, atque adeo vesiculosa vasa quadantenus referre tandemque in venas desinere. His ita positis, arteriæ & venæ tanquam canales continui sunt habendi, aut saltem, quod idem sonat, velut tubuli, qui exilissimorum ductuum quodammodo vesiculosorum interjectu sibi invicem inhiant. Quæ cum ita sint, sanguis perpetuum in corpore motum circularem obiturus sanitatis & vitæ conservandæ gratia perpetuo ex arteriis in venas refunditur &c. Venas cum arteriis continuari, nec poros utrumque vasorum genus intercedere vid. Joh. Guilielm. Pauli *Præfat. in Joh. van Horne Opuscul. anat. chirurg. * * 2. b.* Edidit etiam Georgius Fridericus Francus de Frankenau Anastomosis retectam, in qua, referente Laurentio Heistero *Orat. de Increment. Anat. pag. 42.* varias vasorum osculationes, cum negantium rationibus & objectionibus, itemque mutuas certasque vasorum in corpore connexiones, functiones & secretiones animales, cum usu membranarum, clare ostendere conatur. Inquit etiam Philippus Verheyen *Anatom. Corpor. hum. Tr. I. cap. 4. p. 18.* non tantum vasa sanguinea diversi generis, sed etiam ejusdem, videlicet venæ cum venis, & arteriæ cum arteriis frequenter

ter connectuntur, usque adeo, ut vix dentur notabiles ramuli ejusdem trunci versus eandem regionem excurrentes, quin post divisionem, saltem per aliquos exiguos ramusculos, rursus uniantur, quod hactenus plerique anatomici in capite & circa uterum speciale existimarunt. Verum ejusmodi connexiones in quacunque parte sanguinea facile observantur, si ligata majori venæ propagine tinctura in arteriam correspondentem injiciatur, cavendo prius, ne dicta vasa sint multum constricta frigore &c. Juxta sententiam Guilielmi Cowperi referunt *Acta Erudit. Lips. An. 1724. Mens. Januar. p. 22.* qui per microscopia partes creaturarum viventium transparentes lustrabit, extremitates arteriarum & venarum non semper in vasa capillaria abire, uniri tamen invicem, observabit. In cauda lacertæ aquaticæ & plerisque piscibus, quos examini subjeci, quasdam sæpe vidi communicationes arteriarum & venarum, per quas plures, quam duo globuli sanguinis simul transire poterant, & in eadem area alias, quæ unicuique tantum transmittendi capaces erant globulum lente procedentem.

§. 56.

Item

Anastomofin inter arterias coronarias & inter venas cordis ita describit Stephanus Blancardus *Anatom. cap. II. pag. 10.* Arteriæ coronariæ, inde dictæ, quod truncis non statim in carnosam cordis substantiam demissis, sed facto prius circuitu, cordis basin amplectuntur & cingunt; & licet ab ipsa origine in oppositas cordis regiones ab invicem recedant, circa extremas tamen partes rursus conveniunt, & passim apertis osculis inter se communicant, adeo ut si alterutri liquor aliquis albus aut niger, vel alterius tincturæ injiciatur, per utramque simul & semel dispergitur: cum enim eadem ubique sanguinis necessitas urgeat,
ne

ne usquam deficiat, ἀναστομώσεις hac abunde providetur. Verum ut arteriæ duæ sanguinem cordi subministrant, ita & duæ venæ, nonnunquam una, ab ambitu suo coronariæ quoque dictæ. Hæ a cava oriuntur extra ventriculum dextrum circa cujus basin excurrunt amplis ductibus ab auricula dextra, & patentibus meatibus sese extrorsum circumducunt ad sinistram auriculam, quam non ingrediuntur, sed in substantiam cordis defleunt. Hinc ramos spargunt deorsum per superficiem cordis, & per sinistram plures, quia densior ibi est caro. Et ne quis in posterum dubitet, venas minimas seu capillares apertis osculis in se invicem hiare, si intueatur conum cordis vitulini, aut cujuscumque animalis recens nati, in quo vasa hæc pleniora existunt, & cultelli apice sanguinem ab hac in illam venam urgeat propellatque, manifesto videbit, sanguinem facile a vena hujus lateris in illam alterius percurrere & vice versa. Idem in vasis vesicæ, intestinorum, ventriculi & cerebri evenire certum est, adeo ut vasa capillaria, ejusdem generis per omnes corporis partes in se mutua anastomosi aperiantur. Carotides ad tracheæ latera & venas jugulares internas recta ascendunt & furculos quosdam ad cervicis & laryngis musculos emittunt, ubi circa fauces in ramum internum & externum dividuntur, quorum hic grandior cum cervicalibus cerebrum per plurimos furculos hinc inde sparsos adit, quorum anastomoses manifestæ sunt, non secus ac in aliis corporis partibus tales in arteriis notantur, ne scilicet obstructo forte uno ramulo pars respectiva mox atrophiam pereat &c. Mutuis anastomosis vasa pulmonum inter se conjungi ex Pecqueto, & Malpighio probat Thomas Bartholinus *Anatom. Lib. II. cap. 9. p. 420.* De anastomosis in utero vid. idem Bartholin. *l. a. L. I. cap. 28. pag. 266.* Et *cap. 38. pag. 314.* ait idem, quod per anastomoses jun-

Hæmatol. S gantur

gantur rami venales & arteriales intra placentam, ut promptus sit transitus recurrentis sanguinis ex arteriis ad venulas &c. vid. etiam Matthiæ Tiling. *de Placent. Uter. Artic. 18. p. 272. seq.* In Placenta uterina ramificationes arteriarum umbilicalium ac venæ umbilicalis in diversa abeunt atque per placentæ corpus se dispergunt ita ut arteriarum ramificationum distinctio a vena initio quidem utcunque dignoscatur, sed postea ita cum ea conjunguntur & implicantur, ut eas ab invicem distinguere non sit facile, atque capillares tum venæ, tum arteriarum passim ita inter se sunt implicatæ, ut distingui nequeant, juxta schema Theodor. Kerkring. *in Obs. 98. pag. 195.* vid. etiam Nicol. Hoboken. *Anatom. Secundin. human. Sect. I. cap. 1. p. 16.* Anastomoses venarum & arteriarum fieri in cruribus ab inguine usque ad pedes: in brachiis ab axilla usque ad manus, scribit Johannes Riolanus *Anthropograph. Lib. de Circulat. sanguin. Oper. fol. m. 598.* Plura reperies in ejusdem Indice.

§. 57.

Negantur.

a Kerckringio.

Hanc arteriarum cum venis anastomosen experimento lymphæ extra eas repertæ impugnare videtur Theodorus Kerckringius *Spicileg. anat. Obs. V. p. 17.* quanquam, inquiens, circulatio sanguinis jam pene scholas omnes ita feliciter circumiverit, ut fere ab omnibus admissa, non nisi ab imperitis & pertinacibus repulsam patiatur; nondum tamen expeditum satis videtur, qua ratione sanguis arteriosus ad nutritionem partium in eas effusus, rursus ad cor deducatur, ut sic motus iste perpetuus continuetur, & interim partes demenso non defraudentur suo. Nam anastomosis venarum & arteriarum, quæ nequidem maxime lynceis ætatis hujus anatomicorum oculis unquam apparuit, etiamsi concederetur, tamen rei hujus explanationi esset ineptissima. Quid ergo dicemus? Nos quidem

dem in hocce libro nihil. Videamus tamen, an experimentum, quod cultro nostro anatomico die 31 Januarii Anno 1668 & iterum quarto Junii anni ejusdem oblatum est, non sternat viam, ad solvendum hunc nodum vere herculeum. Utroque enim tempore canem secans inveni spectatæ magnitudinis vas lymphaticum, per summam fellis cystidem reptans; cujus cum lympham subflavo colore tinctam conspicerem, croceamque circa heparesse affirmet Franciscus Sylvius, alterum ad perscrutandum hoc phænomenon sensum adhibui, & ut fellis colorem oculis, ita ejusdem saporem gustui exhibuit. Hinc ego (recte an perperam, penes lectorem esto iudicium) ita ratiocinabar. Hoc vas lymphaticum circa folliculum fellis fugit lympham amariorem; ergo lymphæ hæc extra arteriarum vasa delata fuit. Si lymphæ, etiam sanguis, qui postea ad venas pervenit, quis enim separasset? & si venarum esset cum arteriis anastomosis, quod Riolanus vult, quomodo venæ succum illum, qui in arteriis adhuc dulcis erat, non una cum sanguine transsumpsissent? Si autem vasorum lymphaticorum cum arteriis etiam ponas anastomosin, quomodo amarus est redditus, cum vasa illum transsumpserint dulcem, qualem in arteriis reperiiebant. Ergo videtur vero proximum, sanguinem ex arteriis ad partes nutriendas in eas effundi, & nutritione peracta vasa lymphatica lympham, venas sanguinem superfluum, sive attractione sua, sive impulsione, aliunde facta recipere, ut ea deinde per ambages quæque suas ad subclaviam, indeque ad cor rursus per arterias effundendum deferant. Item Antonius Nuck *de duct. salival. nov. Append. p. m. 172. sq.* allegatis Kerckringii verbis addit: nos post varios casus, & tot experimentorum instituendorum methodos, tandem bonis avibus, ante aliquot septimanas, certo experimento comperti sumus,

mus, qua via sanguis arteriosus transeat in venas, hocque demonstratur non conjecturis aut ratiociniis probabilioribus, sed experimentis ad oculum probatis, idque sine perspicillorum aut microscopiorum ope. Quæ & alia, ni occupationes nostræ alio nos vocarent, forte suo tempore, in speciali tractatu sumus communicaturi.

§. 58.

Ab Ortlobio.

Dubium suum, quomodo arteriæ & venæ inter se communicent, ita explicat Johannes Fridericus Ortlob. *Histor. Partium dissert. IX. §. 19. seq. p. 72.* communissima est sententia, & antiquis & recentioribus quibusdam arridens, eas inter se immediate, per extremorum conjunctionem i.e. per anastomoses, conjungi. Iis vero & ratio & experientia contrariatur, 1) quod vena & arteria simul aperta, & discissis musculis differens sanguis ratione coloris & consistentiæ erumpat, cum idem esse debeat, si canales continui forent. 2) Kerckringio monente nulla posset fieri secretio, aut sanguis intra fibras musculosas penetrare, si immediate transfunderetur. 3) Nullibi, per exilissima licet capillamenta, cera in venam & arteriam injecta penetrans conjuncta appareat; 4) Aqua per arterias immissa in cadavere non citius redeat per venas, quam partes musculosæ notabiliter intumuerint, adeoque ad se prius eandem penetrare doceant; 5) intra musculorum interstitia effusus sanguis elui possit, ut inde albescant, quod revera ex arteriis aquam eo effundi ostendit &c. Scilicet effluit potius per exilissima capillaria ostiola sanguis ex arteriis intra fibras partium musculosas, glandulosas &c. & eundem venæ radicibus suis valde exiguis in iisdem incipientes exinde imbibunt, dum serum lymphatica, similiter in partibus initium sumentia, subintrat &c. Inquit etiam Joannes Pecquetus *Dissert. anat. de circul. Sangu. p. 68.* opinantur plurimi, arteriarum extremos apices

Pecquet

ces summis inferi venularum infundibulis. Sed vasculorum in extremis exilitas nullis oculis, ne microscopio quidem instructis obnoxia, nec stabiliendæ sententiæ prodest, nec sufficit impugnandæ &c. Et Danieli Sauvry *Anat. cap. V. p. 90.* res miraculi plena est, quod nulla arteriarum cum venis reperiatur communicatio, nisi in nonnullis partibus. Scribit etiam Guilielmus Harvæus *de Circulat. ab Harvæo. Sanguin. Exercit. II. p. 204. seq.* ego, qua potui diligentia, perquisivi, & non parum olei & operæ perdididi in anastomosi exploranda, nusquam autem invenire potui vasa invicem, arterias scilicet cum venis per orificia copulari: libenter ab aliis discerem, qui Galeno tantum adscribunt, ut ad verba ejus jurare ausi sint. Neque in jecinore, liene, pulmonibus, renibus aut aliquo viscere est aliqua anastomosis &c. *Et Exerc. III. p. 284. seq.* ad Joh. Riolan. Fil. scribit: cum opinari videaris, sanguinem de venis in arterias per anastomoses regredi posse; ligetur in viva dissectione, vena magna descendens juxta divaricationem ramorum cruralium; arteriam vero rescindas, sic quia datur porta, omnem massam sanguinis, ex omnibus venis (etiam ex cava ascendente) breviter pulsu cordis exhaustam fore videbis: tamen ultra ligaturam, venas crurales & inferiores partes duntaxat repletas. Quod, si aliquibi in arterias, per anastomoses regredi potuisset sanguis, nullatenus accideret.

§. 59.

Eidem sententiæ contradicit etiam Isbrandus de Diemerbroeck *Anatou. Lib. II. cap. 8. fol. 274.* communior, in *Sententia Diemerbroeckii.* quiens, sententia statuit, circulationem sanguinis fieri per anastomoses arteriarum & venarum, quibus oscula arteriarum cum venarum osculis uniuntur, & in se mutuo patent, ita ut ubicunque sunt tales anastomoses, ibi fiat circulatio. Ego inde concludo, quod, ubi illæ anasto-

moses non sunt, ibi circulatio non fit. Hanc sententiam defendere admodum difficile foret; quippe anastomoses illæ in majoribus vasis paucæ sunt, & licet forte in minorum vasculorum exilibus finibus copiosiores esse possint (quod nihilominus per avtopsiam ubique non patet) tamen propter summam talium viarum angustiam paucissimum sanguinis per eas transire, imo ne sexta quidem vel decima pars, quæ per arterias propellitur, venas subire posset. Præterea, quomodo, quæso, a sanguine per illas anastomoses transeunte nutriuntur partes, quibus in transitu nihil conceditur, vel tribuitur? Dices forte, illis per exhalationem tantum tribui, quantum opus est. At hinc sequitur, cum tenue serum sit maxime aptum ad talem exhalationem (nam per sudores & insensibilem transhalationem continue illud e corpore exhalare novimus) partes omnes nutriri sero, & non ipso sanguine, quia sanguis paulo crassior per vasorum poros facile exhalare nequit: atqui hoc absurdum est, quia serum duntaxat pro vehiculo sanguini adjicitur, non autem pro partium nutrimento, idque sanguinem per fines arteriarum vehit in poros substantiæ partium, indeque tunc partim insensibiliter exhalat, partim cum residuo sanguine redit in venas. Denique posito, circulationem solummodo fieri per dictas anastomoses, quomodo tunc in anasarca (in qua serum non solis vasis concluditur, sed partium substantiæ necessario inhæret, totam enim copiam in solis vasis cumulari, nemo sanus dixerit) circulatio illa procedet e partium substantia in venas? an serum illud, quod in isto morbo crudius & crassius est, per exhalationem ex arteriis egressum, rursus per inhalationem ingreditur in venas, ut sic per cor circuletur, & inde ad vias urinarias defluat, per easque expellatur, sicut morbum hunc per urinæ copiosum fluxum nonnumquam solvi, Praxis & Medico-

Medicorum observationes docent? &c. Secundum Steph. Blancard. *Lexic. Med. pag. 33.* est anastomosis venarum & arteriarum (ut quidam vigilantes olim somniarunt) mutua inosculatio, hoc enim esset circulationis legi vim inferre; tamen impossibile non est, cum venæ venis & arteriæ arteriis inosculantur: exempla habemus in vasis spermaticis &c. Concedit equidem Jacobus Primerosius *Destruct. Fundam. Plemp. p. m. 92.* esse quarundam venarum & arteriarum anastomoses, per quas etiam sanguis arteriarum in venas secedere potest, & contra, ex venis in arterias, ut Galenus docet, nam si arteriæ incidantur, venæ vacuantur. Quod autem nonnulli supponunt, in toto corporis habitu dari tales anastomoses, a nemine demonstrari posse defendit. Falsum etiam esse in brachio ab humero ad extremam manum dari ullam anastomosin inter venas & arterias, sed posse venam ab arteria secerni. Idque etiam de pede dicendum. Selon la *Medecin. dogmat. mechaniqu. de Louis Bellefontaine pag. 330.* on ne decouvre point d'anastomoses des arteres avec les veines. Ad quæstionem, an arteriæ capillares ita coëant cum venis capillaribus ut vas unum continuum constituent? ita respondet Franciscus Bayle *Problemat. 18. p. 33.* videtur equidem in quibusdam corporis partibus, ita venas cum arteriis inosculari, ut vas unum continuum constituent, quandoquidem infuso seu in arteriam, seu in venam liquore aut flatu reliquæ ejusdem partis tum venæ, tum arteriæ implentur, ut licet observare in utero mulierum, quæ, vita functæ sunt, cum essent gravidæ, aut paulo post partum. Eandem autem esse venarum & arteriarum dispositionem per reliquum corpus haud est verosimile. Imo nec in ipso utero omnia venarum capillamenta cum arteriarum capillamentis eo modo connectuntur, ut vas unum efficiant. Si ea enim esset vasorum structura hu-

mores

Plempii

Fr. Bayle.

mores in partium substantiam effusi, in vasa remeare nul-
latenus possent, qui enim liquor vasis mollibus & flacci-
dis circumfunditur, facilius ea comprimit, quam in eorum
cavitatem penetrat &c.

§. 60.

Morton

Richardus Morton sententiam suam *Exercit. de morb. uni-
vers. acut. pag. 14.* item *Oper. Tom. II. p. 8.* ita explicat: jam
ante probavimus, spiritus non detineri in claustris ner-
vorum, tenuissime licet ramificatorum, sed per minimas
fibrillas musculorum & membranarum exspatiari, quo
fit, ut cum sanguine non possint non commisceri; eo-
dem enim modo sanguis non arcto venarum & arteria-
rum spatio inclusus irritato fluxu & refluxu cor perpetuo
petit deseritque. Verum ab extremis cujusque arterio-
læ capillaris in corpus musculorum, membranarum &c.
effusus fibrarum tubulos implet, unaquaque cordis systo-
le novo flumine a tergo pressus, lento motu habitum
corporis pervadit more scaturiginis e terræ visceribus
repentis, donec tandem oscula venarum capillarium sub-
intret & deinde recta via ad cor iter faciat. Hanc sen-
tentiam plurimis argumentis confirmare licet: Primo quia
sanguinis tantillum ex minima quavis sectione vel pun-
ctura, sive muscoli, sive cutis ubicunque instituta illico
effluit. Secundo quia, nisi hujusmodi sanguinis e vasis
in habitum corporis effusio concedatur, ratio reddi vix
potest, quo modo succus nutritius partibus alendis appo-
natur; & frustra sanguinis intra vasa solummodo fluxum
refluxumque natura instituisset, cum nullis corporis par-
tibus nisi forsan vasis sanguiferis aliquid emolumenti esset
in hac perpetua circulatione sanguinis. Insuper, ubi jam
fere ab omnibus conceditur, nullam dari anastomosin ve-
narum cum arteriis, impossibile erit absque hac hypothe-
si motum sanguinis circularem explicare, qui tamen ab
omnibus

omnibus medicis defenditur. Denique quid opus verbis? cum res tota experimentis plurimis comprobata sensui ipsi in singulis corporis visceribus, quæ hujusmodi experimenti sunt capacia, manifesta sit. Injecto enim lacte, atramento vel aliquo alio liquore coloris saturati per arteriam coronariam, non tantum vasa sanguifera, verum etiam totum parenchyma cordis illico albescit vel nigrescit: itidem liquor per arteriam injectus idem numero iterum per venam redditur. Idem etiam in renibus ab injectione ejusmodi liquoris per arterias emulgentes, in liene per splenicam, in hepate per venam portæ conspicitur & dubitari non potest, quin idem quod in his visceribus sensu percipitur, in reliquis machinæ partibus circulationis lege fieri debeat.

§. 61.

Modum, quo sanguis ex arteriis in venas elutriatur, ita explicat Honoratus Faber *Libr. de Homin. Prop. IV. p. 212. seq.* inquiens: quomodo ex venis in arterias, non difficile dictu est, cum per ventriculos cordis perspicue id fiat; at via qua ex arteriis in venas itur, paulo difficilior est. Nonnulli existimarunt, extremos venarum ramusculos conjunctos esse & commissos cum extremis arteriarum ramusculis; sed hoc dici non potest; quia si hoc esset, nihil sudoris, nihil excrementi ex vasis erumperet, & natura nimia sanguinis copia obrueretur, intacto scilicet priori novo continuo accedente: præterea nutritionis res postulat, ut carnis fibræ producantur, augeantur, quod revera fieri non posset, si sanguis intra suos alveos semper contineretur. Igitur licet forte aliqui ramusculi inter se coëant, ut videre est in vasis cerebri, pulmonum & præsertim in spermaticis, de omnibus tamen dici non potest. Aliqui nolunt quidem perfectam ramusculorum commissionem, sed osculum quoddam cum hiatu; hujusmo-

Faber

di autem oscula anastomosis vocant, nempe inde facile per hiatus illos, seu rimulas extruditur sudor, cum aliis subtilioribus excrementis, halitus scilicet pituitæ &c. Hæc sententia stare non potest, licet enim occurrat primo incommodo, non tamen aliis; nempe si sanguis per hiatus illos effluere non potest, nihil erit unde caro nutriatur, si autem effluat, frustra sunt illa oscula, quæ sanguinem non sistunt: deinde longe plures sunt venæ, quam arteriæ, exceptis duntaxat uterinis & splenicis; igitur multi venarum ramusculi hujusmodi anastomoses non habent, præterea in quibusdam tractibus venæ ramusculorum propaginem diffundunt, in quibus nullæ sunt arteriæ, item in quibusdam sunt arteriæ, in quibus venæ desiderantur: igitur omnes ramusculi per oscula non junguntur. Itaque ut dicam, quod sentio, ut aliqui ramusculi etiam sine hiatu prorsus connectuntur, & ut aliqui per oscula, ita multi sunt, qui nullo modo committuntur; sic arteriæ capillares nutriendo corpori sanguinem partibus inferunt, cujus pars subtilior & ineptior per poros avolat in habitum, in sudorem, squalorem, furfures &c. alia præparatior & solidior in substantiam nostram abit, producto scilicet ac reparato fibrarum plexu, pinguior in adipem exudat, reliqua vero, an superflua, aut minus coctæa venis capillaribus fugitur, iterum percolanda & defæcanda &c.

§. 62.

Deusingii.

Secundum Anton. Deusing. *de Motu Sanguin. Sect. V. p. 51. seq.* haud dubium videtur sanguinem ad cor remeare, at quæritur tamen, qua ratione venas ex arteriis subintret? Id vero per anastomoses, vel per ipsarum carniū porositates vel utrovis modo statuendum est. Postremum veritati consentaneum censemus. Arteriarum quidem cum venis anastomoses, non modo in extremita-

mitatibus, sed locis intermediis, quotidiana probat avtopsia. Est ergo manifesta via per connexiones utriusque generis vasorum, qua in venas ex arteriis subintret sanguis; non autem omnis ille sanguis, qui per arterias propulsus fuit, venarum anastomoses subintrat, iners enim in nutritionem partium absumitur, & sanguis arteriarum spatia jam emensus in carnem distribuitur, ac per carniū porositates in venarum ramulos iterum subit atque ita per majora vasa revertitur. Sic Güntherus Christophorus Schelhammerus *Dissertat. de Lymph. ort. c. 4.* inquit: fit sanguinis transitus celeriter & præcipiti gradu; urget enim a tergo insequens sanguis, qui singulis pulsibus fortiter impellitur, & pari vehementia obstantem pellit, idque indefinenter, cum cordi nunquam a pulsatione sint feriæ. Porro vero venarum oscula, quæ huic subeunda sunt, angustissima esse, nemo non novit, ut visum omnemque sensum prorsus fugiant. Quibus pensitatis, facile, haud levem esse difficultatem illam, perspicitur, ut vix sit possibile, omnia sic illis immitti, ut nihil omnino præterlabatur, ac deinceps in partibus stagnet. Neque vero est, quod aliquis nobis objiciat, anastomoses hic esse continuatis vasorum surculis, junctisque arteriis cum venis, non posse sanguinem extra limites aberrare. Etsi enim anastomoses in extremitatibus plurimas esse, ipse pariter existimem & largiar lubens, universum tamen sanguineum laticem hac ratione trajicere, nunquam mihi patiar persuaderi. Eo enim admissio dogmate quo pacto accretio partium fieri ulla queat, intelligi haud potest. Neque vero recentior & nuper in Anglia publicata sententia magis placet: tubulis membranæis interjectis, ne sanguis latius se per carnes diffundat, præcaveri, cum, iis concessis, eadem nihilominus nos difficultas urgeat, nihil vero felicius cætera inde deduci queant &c. Juxta Mi-

Schelhammeri.

Ettmülleri.

chael Ettmüller. *Oper. med. Vol. 1. fol. 107.* intrat sanguis vasa capillaria venarum partim immediate per minutas anastomoses, seu inosculationes, partim mediate per substantiam seu porulos partium, per quæ ad majores truncos, hincque per venam cavam in cor refunditur.

§. 63.

Diemerbroeckii.

Post supra ex Diemerbroeckio allegata verba ita pergit dictus Autor *fol. 274.* ex prædictis bene perpensis verus circulationis modus statim innotescit, patetque sanguinem non tantum circulari per dictas anastomoses, verum etiam per ipsam partium substantiam. Impellitur enim per arterias copiosus sanguis, cujus bona quantitas per minimarum arteriolarum fines effluit in poros substantiæ partium, ejusque ad nutritionem tantum apponitur cuique parti, quantum vel necesse, vel apponi & assimilari aptum est: reliquum vero ulterius procedit, & hiantia minimarum venarum partibus inhærentia oscula subit, atque sic ulterius progreditur ad majores venas. Verum quia minimæ arteriolæ, in partium substantia apertæ desinentes, angustissimæ sunt, hinc quidem multo plus sanguinis transmittunt, quam ad nutritionem opus est; sed interim non minor sanguinis quantitas superest, quæ per eas in poros substantiæ infundi nequit: hæc ut in arteriis non restagnaret & corrumperetur, aut partibus molesta esset, concessit summus Protoplastes ante dictas anastomoses, ut illa redundantia per eas transfret in venas. Ex sententia Francisci Stockhameri *Microcosmograph. Cap. IX. p. iii. seq.* sanguinem recipiunt venæ suis extremis ultimisque ramulis in poros carniū partiumve quarumcumque ita insertis, ut extremitatibus arteriarum ex opposito respondeant. Sanguis autem, antequam ex arteriarum extremitatibus in venas transfretet, per carniū substantiam, tanquam porosam spongiam diffunditur, iisque carni-

Stockhameri

carnibus partibusve pro earum receptivitatis modo suaque aptitudine apponitur, easque auget nutritque. Quando in parte aliqua aliquid separandum, & segregatim ex sanguine colligendum est, ut in renibus serum, in hepate bilis, in glandulis lymphæ, &c. tunc præter venarum & arteriarum radices tertii vasis ramuli inveniuntur, in quos, forsan ratione aptæ configurationis liquor separandus secedit, dum interim sanguis a nutritione & separatione residuus in venas remeat. Guilielmus Harvæus *de Motu Cord. Exercit. I. cap. 14. pag. 131.* sententiam suam de sanguinis circuitu ita proponit: cum confirmatum sit rationibus & ocularibus experimentis, quod sanguis per pulmones & cor, pulsu ventriculorum pertranseat, & in universum corpus impellatur & immittatur, atque in venas & porositates carnis obrepit & per ipsas, undique de circumferentia ad centrum, ab exiguis venis in majores remeet, unde in venam cavam, ad auriculam cordis tandem, veniat, &c.

§. 64.

Ad objectionem, non posse concipi, qui fieri possit, ut sanguis tam cito ex arteriis in venas commeet; quandoquidem inter vasa nulla sit communio, nullæ sint anastomoses, seu vasorum inosculationes; nec venarum ostiola, cum arteriarum itidem ostiolis conjungantur; ita respondet Johannes Baptista du Hamel *Philosoph. Veter. & du Hamel. nov. Tom. poster. Physic. Part. III. p. 776.* nullas quidem esse venarum cum arteriis anastomoses, quales tota credidit antiquitas; eæque sanguinis circuitum impedirent, nisi forte, ubi desinunt capillares arteriæ, ibi incipiant capillares itidem venulæ, tanquam radices quædam; sicque sanguis ab arteriis in venulas commeare possit, neque inter eas ullum fere sit discrimen; non enim pulsant capillares arteriolæ. Secundo respondet du Hamel: utut

nullæ essent ejusmodi anastomoses, sanguinem tamen posse per cœcos carnis aut viscerum meatus venas ingredi; ut aqua pluvialis per terræ poros in venas quasdam, hinc in fontes confluit, aut succus nutritius in plantis per radices & fibras filtratur. Hunc autem sanguinis per carnes spongiosas transitum plurimum adjuvat continua sanguinis a tergo urgentis pressio, & musculorum motus tensivus. Rem vero ita esse, & sanguinem per carnes ex arteriis in venas permeare, hinc colligere possumus, quod sanguis, ubicumque carnem vel acu pupugeris, effluat: cum tamen vix credibile sit, venas aut arterias ita per totum corpus diffundi, ut nulla sit pars adeo minuta, quæ vena, arteria aut nervo non donetur.

§. 65.

Charleton

Juxta Gualther. Charleton. *Exercit. de Oeconom. animal. Exerc. VI. pag. 95.* e sinistro cordis ventriculo (corde se fortiter constringente) exprimitur sanguis in arteriam magnam, per eam tam sursum, quam deorsum & ad latera, in arterias majores, inde in minores, ac in ipsam mox carnis substantiam; quæ sanguinem absorbens, eundem in venas minores deducit, unde per majores in venam cavam, tandemque in dextrum cordis ventriculum refluat, ut novam inibi circulationem denuo exordiat. Diximus, pergit Charleton, ex arteriis in ipsam carnis substantiam; quoad eorum enim sententiam, qui sanguinem ex arteriis minoribus, in minores venas, per ductus quosdam apertos, sive mutuas eorundem anastomoses transire volunt; hosce ad avtopsis criterion audacter provocamus, & rogamus obnixè, ut conspicuam illam, quam sibi commenti sunt, mutui arterias inter & venas commercii viam nobis ad sensum demonstrare ne dedignentur, &c.

§. 66.

§. 66.

Porro anastomoses arteriarum & venarum non dari statuit Johannes Bohnius *Circul. anat. physiol. Progymn. VI. p. 107.* inquit: ratione transitus ex arteriis ad venas notum equidem est, nonnullos anastomoses utriusque huius vasorum generis finxisse, ut paucillum quidem sanguinis ad partes solidas deponatur, mediantibus vero illis, & immediate magis major ejus portio ex arteriis venas subintret. Verum rationi hæ arteriarum & venarum implicationes repugnant, nec sensibus unquam comparuerunt. Illis siquidem concessis haud liquet, qua ratione sanguis & lymphæ ad & per quosvis partium poros pertingere queat, quatenus nullum fluidum meatus angustos & difficiles subit, si patentiores offendat, scilicet anastomoses dictas. Nec stantibus his ulla poterit sanguinis in partes secretio & transcolatio, v. g. in glandulis, renibus & in quibusvis reliquis, cum nutritio seu succi nutritii appositio sine secretionem particularum concipi nequeat. Accedit experimentum duplex, quorum altero cadaveris v. g. humani brachii arteriæ injicitur aqua tepida, venæ sociæ postquam prius fuerit injectum vinculum: qui per venam infra vinculum incisam non regurgitabit, nisi brachium & manus liquore, poros omnes musculorum & cutis replente, notabiliter turgeant. Deinde injiciatur arteriæ cuiusvis cera liquefacta, injiciatur quoque venæ ejusdem membri, diverso tamen colore tincta, utraque vasa capillaria penitus & usque dum in substantiam carniū plane oblitterentur, subintrabit (quamvis non æque feliciter venarum ramulos cunctos, ob valvularum renitentiam) nihil tamen cernere licebit canalis intermedii seu ambigui, i. e. in quo aut utriusque tincturæ cera confundatur, aut per quem ex arteria ad venam, aut ex hac ad arteriam illa tendat &c. vid. etiam Eman. Koenig. *Regn. animal. Sect. I. pag. 99. 103. 106.*

Bohni

§. 67.

Leeuwenhœckii

Antonii Leeuwenhœck sententiam de anastomosibus *Acta Erudit. Lips. An. 1682. Mens. Oct. pag. 323.* sequentibus verbis explicant: cum existimarem, cor machinam tantum sanguinis circulatoriam esse, hæsitavi diu circa modum, quo ex arteriis sanguis venas subintret; num scilicet id per inosculationem vasorum capillarium fiat. Vasorum itaque horum vestigia eo usque investigabam, donec major sanguinis globulus (compositus scilicet) per arteriam transire recusaret, sed simplex tantum angustias loci penetrare posset; ita ut sub cordis impetu pulsatorio, globulus compositus, antequam per arteriolam trajiceretur, in sex minores alios divideretur, qui in vena denuo in compositum istum coibant. Alii horum, parte aquosa magis diluti, ad corporis circumferentiam deferebantur, pro sudoris & lacrymarum materia. Detexisse me hanc anastomosin in muscarum visceribus, perquam candidis, sanguine vero admodum nigroexistimabam: nihilominus tamen, licet vasa bis centies millies minora barbæ meæ pilo observarem, nullam tamen unionem perspicere poteram &c. Nullas etiam anastomoses inter arterias & venas spermaticas occurrere, monstratur a Petro Dionis, *Anatom. Corpor. human. Demonstrat. IV. pag. 204. sq.*

§. 68.

Verducii

De anastomosibus ita etiam loquitur Jean Baptiste de Verduc de l'Usage des parties Tom. I. cap. 6. pag. 108. Quelques-uns on dit, qu'il n'étoit pas difficile d'expliquer, comme le sang passoit des artères dans les veines, puis qu'elles s'anastomosoient ensemble; mais ces communications d'artères avec les vénes ne s'accordent pas avec la raison: & l'on sçait que c'est ce qu'on ne découvre pas; & même en supposant avec les anciens, qu'il y en ait, il seroit impossible que le sang put se répandre dans

dans tous les vuides des parties, pour en penetrer la substance. D'ailleurs il faudroit qu'il continuât sa route sans pénétrer le tissu vesiculaire des parties, parceque tout liquides, qui peut continuer son mouvement par des chemins larges, droits & ouverts, n'ira jamais de lui-même en chercher d'autres plus étroits & plus détournés. Ainsi selon cette ancienne hypothese, point de separation, point de filtration dans les glandes, parceque le sang passera immediatement des arteres dans le vénes, on ajoute à ces raisons deux experiences incontestables : 1) si l'on fait une injection d'eau tiede dans l'artere du bras sur un cadavre, & qu'en suite on fasse une ligature à la véne qui l'accompagne : qu'on pique cette vene au-dessous de la ligature on verra, que l'eau ne sortira point, qu'elle n'ait rempli auparavant tout le bras & la main : 2) si l'on seringue une artere avec de la cire rouge, ou telle q'on voudra, & que l'on fasse aussi une injection d'une autre couleur dans la véne, qui répond à l'artere, on aura le plaisir, de voir tous les rameaux capillaires, & la substance de la partis pénétrez de la cire ; mais on ne verra point, que ces deux injections se mêlent ensemble, & que la cire se soit confonduë en passant par un canal commun de l'artere à la véne. Ces deux experiences montrent évidemment, qu'il n'y a point d'anastomoses des arteres avec les vénes ; & l'on voit en même temps, que le sang au sortir des arteres, se repand dans le tissu spongieux des parties, d'où il est aussi-tôt repris par les venes, qui le reportent au cœur.

§. 69.

Porro de sanguinis in visceribus percolatione vid. *Sanguinis percolatio in visceribus.*
 Joh. Bapt. du Hamel *Philosoph. vet. & nov. Phys. Part. III. Dissert. 2. p. 815. seqq.* De sanguinis per partes superiores & inferiores circulatione. vid. Hermann. Boerhav. *Institut.*

med. pag. 96. seq. De motu sanguinis per viscera interiora, pulmones, lienem, hepar, renes &c. vid. Johann Jacob Francisc. Vicar. *Bas. univ. medicin. Lib. I. cap. 8. p. 112. seqq.* de cribratione seu percolatione humorum a massa sanguinea. v. Oliger. Jacob. *Compend. Institut. medic. Lib. I. cap. 2. p. 6. seqq.* Loco anastomosium pro medio, quo sanguis ex arteriis in venas influit, Joh. Jac. Franc. Vicarius *l. a. pag. 106.* agnoscit ipsas fibras, sive carnis, sive viscerum aut partium membranarum ac glandulosarum, quod inter alias rationes inde confirmat, quod musculus illæsis fibris secundum rectitudinem incisus nullum, transversim vero incisus sat copiosum fundit sanguinem &c. Secundum Fridr. Hoffmann. *Fundam. medicin. cap. IV. §. 46. pag. 23.* non dantur anastomoses arteriarum & venarum, sed arteriis junguntur tubuli, per quos sanguis transit ad substantiam carneam, ubi deinde per venarum tubulos excipitur. Ita Joachimus Targirus *Med. compend. cap. XII. §. 35. p. 171. seq.* scribit: Fertur sanguis non per majora tantum vasa sed per minima atque in extremis partibus locata. Item ordinario continetur in vasis: quare opus non est anxia disceptatione, qua quærent aliqui, distribuaturne per anastomofin an vero per carnis substantiam. Cohærent omnino arteriæ cum venis, quæ, cum tenuissime divisæ sunt, fibræ vocantur, per quas si sanguis transit, & per carnis substantiam & per anastomofin transire putandum est. Aqua omnis hic hæret, quod antehac carnis substantia parum perspecta fuit. Jam vero, cum pro diverso carnis genere varia internaque illius constitutio hodie nota sit, dubium esse non debet, quin arteriarum finis haberi debeat pro principio venarum. Fibræ autem, in quas tandem dividi diximus vasa sanguifera, eousque nomen arteriæ retinent, quousque sanguinem a corde producunt; perdunt vero illud, assumuntque nomen venarum,

rum, quamprimum accedere per illas sanguis ad cor intelligitur. Ad quæstionem, an sanguis immediate ex arteriis in venas transeat, an vero in ipsam partium porositatem infundatur, & postea a venis recipiatur? respondet Georgius Philipp. Nenter. *Physiol. med. cap. IV. pag. 99. seq.* Prius non pauci affirmant, & suam sententiam variis argumentis probare nituntur, quæ videri possunt apud Bergerum *Physiol. p. 91. seq.* alii tamen hæc vasorum anatomosæ prorsus negant, & argumentis non contemnendis contrarium probant, inter quos præcipuus fere est Bohnius *Circ. anat. phys. p. 107.* ita ut difficile sit, cum utraque pars ad experimenta provocet, certam quandam sententiam eligere. Probabilius tamen mihi videtur, sanguinem in ipsam partium substantiam infundi, sic enim longe facilius partium poros ingredi & nutritionem perficere potest: nec ideo ulla sanguinis stasis metuenda est, quia ob motum tonicum omnes partes sufficienter extensæ sunt, ita ut sanguis per harum poros non in substantiam tantum partium penetrare, sed etiam, quod superfluum, in vasa lymphatica & venas ingredi queat &c.

§. 70.

Principium seu causam hujus motus circularis sive circulationis sanguinis plerique medici cordi adscribunt, e. g. inquit Jean Baptiste Verduc *de l'Usage des Parties Tom. I. c. 6. p. 92.* la cause de ce mouvement local ne pas dans le sang, puisque c'est une liqueur comme toutes les autres, qui depend pour être poussée d'une cause extérieure. Or il n'y a que le cœur, qui puisse déterminer le sang à se mouvoir, parce qu'étant un puissant muscle, dont les contractions son vigoureuses, il pousse le sang jusqu'aux extremités du corps, d'où il revient ensuite pour circuler comme auparavant. Le cœur est donc la machine, qui fait circuler le sang, c'est une pompe, qui pousse

Principium & causa circulationis cor.

la liqueur pour tout le corps, & qui lui donne ce mouvement circulaire, parce que le sang ne sçauroit être poussé dans les artères, qu'il ne le soit aussi dans les veines pour retourner au cœur, parceque les vaisseaux sont tout pleins de sang, & qu'il y a des chemins de communication des uns aux autres, non pas par anastomose. Et *pag. 94.* pergit idem: Il est vray, que c'est le cœur, qui poussé tout le sang dans les artères: car on voit continuer la circulation, tant que le cœur ne cesse point ses mouvemens: au lieu qu'elle cesse du moment, que le cœur n'agit plus; c'est d'où vient qu'on a dit, que le cœur étoit le premier vivant & le dernier mourant, pour faire entendre, que l'animal commençoit à vivre, aussi-tôt que le cœur étoit en état par ses battemens continuels de faire circuler le sang, & qu'il mouroit d'abord que le cœur ne battoit plus. *Secundum Caspar. Bartholini verba, consistit præcipua cordis, tanquam musculi, functio in propellenda tota massa sanguinea in orbem, quem motum sanguinis circulationem nominarunt, quia per arterias a corde sanguis continuo pellitur in universas corporis partes, & ab iisdem iterum per venas reduci-tur in cor circulo absoluto. v. Act. Hassn. Vol. V. Observ. 32. pag. 104.* Et juxta *Friedr. Hoffmann. Fundam. Medicin. Cap. 4. §. 41. pag. 22.* Cor est omnis motus in corpore nostro, & sanguinis circulationis (sine qua homo vivere nequit) primum principium & instrumentum & primum impellens sanguinem. *Qui Autor etiam Medicin. ration. system. Tom. 1. cap. 6. §. 5. p. 105. ait: Cor est principium motus & circuli sanguinis.* Quemadmodum enim in hydracotisterio sive antlia beneficio emboli liquida per orificia & tubos magna pressione ejiciuntur: ita cor perfectissime ejusmodi antliam & machinam hydraulicam æmulatur, qua beneficio compressionis ventriculorum sanguis

sanguis in annexos tubos per eorum orificia fortiter ejicitur. Omnis enim impetus ac vehementia motus sanguinis non secus ac in hydracontisteriis & siphonibus a viribus prementibus dependet. Ex sententia Stephani Blanchardi *Anatom. Part. I. cap. 6. pag. 6.* in corpore cor eodem modo, velut elater in horologio, existit, quo impedito aut læso non agitur, ita quoque corde læso neutiquam movebitur corpus, sed vel tardius pulsabit, vel penitus quiescet: & hinc omnes totius corporis motus dependent; in cerebro quippe nulli succi motibus inserviendis sequestrantur, nisi cor prius sanguinem suum illuc impulerit: ita etiam nullæ totius corporis partes movebuntur, nisi & cor prius se debite moverit, suumque succum assidue protruserit. Putat etiam Christian. Warlitzius *Valetud. Sen. Salomon. p. 124.* Salomonem ideo cor rotæ comparare, quia est princeps sanguinis circumrotationis organum, tam quoniam omnem hujus purpurei laticis copiam recipit, quam quod eandem iterum ad universam corporis peripheriam propellit, ut hoc motu continuo sanguis quoque continue circulari modo moveatur, donec tandem ad idem illud regrediatur centrum, a quo egressus erat &c. Gulielmus Cole *de Febr. interm. cap. 3. p. 34.* Cor sanguinis antliam non autem officinam nominat. Referente Johanne Bohnio *Circul. anat. physiol. Progymn. IV. p. 99.* causam hujus motus circularis sanguis extra se habet, secus ac intestinus & vitalis, cujus motorem in sinu gerit sanguis turgescens: cor nimirum, cujus pulsu extrorsum vibratur sanguis, mox ad eundem fontem refluus. Et quamvis circulo scripto proprie nullum principium nullusque finis assignari queat, hinc cor quoque ea quidem ratione, quod ab eo sanguis ad reliquas partes derivetur, principium a quo dicatur, termini vero, ad quem, quatenus, sanguinem redeuntem excipit, titulum

eodem jure mereatur: Organum nihilominus hoc principium circulationis doctrinæ gratia concipere licebit, quod primus motor fit, i. e. a cujus pulsu illa inchoatur. Quod enim machinæ hydraulicæ antlia seu embolus primarius, illud in machina animali hujusque fluido catholico circumagendo, præstat cor: quatenus ille aquæ, hoc sanguini, evehendo ac propellendo, primum impetum imprimis, utroque autem fatiscente utriusque fluidum stagnat. Principium circuituionis sanguinis ita explicat Honoratus Faber *de Homin. Lib. I. Propos. 3. p. 209. seq.* Nonnulli, qui cuncta Democriticis atomis tribuunt, dicunt, sanguinem intra ventriculos cordis rarefactum diastolen efficere, dilatando scilicet vas suum apertisque valvulis, maxima inde vi erumpere; unde fit, ut novi sanguinis appulsu, quod reliquum est, temperetur, ac proinde contrahatur, remissa vi rarefactionis; sed paulo post, ut prius, rarefcere ac erumpere; atque ita deinceps alterius diastoles & systoles vicibus. Hæc opinio falsitatis convincitur primo quia in diastole valvulæ arteriosæ & aortæ clauduntur, ac proinde in diastole sanguis ex ventriculis erumpere non potest. Secundo in systole valvulæ venosæ & cavæ obstruuntur. Igitur sanguis ex cava & venosa minime affluit. Tertio unde quæso tanti caloris vis in dextro, nec enim calor sanguinis a corde est, sed calor cordis a sanguine. Quarto, cor avulsum, citra sanguinis appulsu, hoc diastoles & systoles motu sese agit, ut innumeris experimentis constat, rescissis scilicet quatuor illis vasis, quæ ex ventriculis cordis ortum ducunt. Quinto fissis etiam cordis avulsi ventriculis, cor adhuc suos motus edit. Igitur hi motus non a sanguine, sed a corde nascuntur. Sexto denique, fissis, ut dixi, ventriculis, ubi cor moribundum a motu cessat, si acu tantulum interiores illas fibras vellices, denuo micabit. Igitur seipsum

seipsum agitat. Secundum Joh. Jac. Waldfchm. *Institut. Lib. 1. cap. 3. p. 22.* cor non solum instar vasis chymici spatium confert, sed motu perenni sanguinem vi quadam premit a centro versus superficiem, ejusque ingressum & egressum conservat.

§. 71.

Non autem tantummodo cordis musculus sanguinis *Cor & arteria.* circulationem perficit, sed ad eandem etiam arteriæ concurrunt cum venis; Unde inquit Johannes Jacobus Waldfchmid *Epistol. IV. ad Dol. p. 150.* non putandum est, cor in sanguinis circulatione producenda omne ferre punctum, cum & arteriæ suum conferant symbolum, quippe & hæ ejusmodi donatæ sunt fibris, quæ & in prima dilatatione & contractione arteriarum vim elasticam nactæ sunt; & cum venæ non instructæ sint fibris elateris capacibus, omnis quoque pulsationis expertes reperiuntur, si illas saltem exceperis fibras, quæ in ostio cavæ & pulmonaris venæ observantur. Et Christianus Vater *Physiolog. experiment. Sect. VII. Art. 2. cap. 4. p. 646.* præcipuam & maximam circulationis sanguinis causam statuit motum cordis & arteriarum dilatatorium & constrictorium repetitum, quem *διαστολήν & συστολήν*, moram vero inter utrumque *περισυστολήν* Græci appellant.

§. 72.

Hos autem motus repetitos cor & arterias non a sola *Principium* structura mechanica habere (pergit dictus Autor) vel *movens, spiritus.* exinde satis patet, quoniam calore & succis vitalibus absumtis statim deficit. Igitur præter structuram istam, aliquin exquisitissimam & plus quam mechanicam, opus hic erat alio adhuc principio movente, idque nullum aliud est, quam spiritus vitalis aereus & elasticus, a prima jam conceptione fibrulis ipsis motricibus inclusus: beneficio cujus statim punctum saliens, etiam ante cerebri & nervorum

vorum, imo ipsius cordis perfectionem, motus suos peragit; deinde per affluxum sanguinis & succi nervei spirituosum continuo instauratus & augetur. Fluidum enim æthereum per se quidem æque corporeum, sed maxime mobile, & lege creatoris non solum per universum mundum omniaque corpora est diffusum, sed a limitibus mundi ita compressum & coactum est, ut aliis crassioribus corporibus cedat, servato tamen semper nisu & conatu resistendi & movendi. Quando igitur fibræ cordis & arteriarum ab irruente semel sanguine extenduntur & premuntur fieri non potest, quin vi texturæ suæ & imprimis fluidi istius ætherei, intrinsecus habitantis, resistent & contrahant se, idque toties quoties nova pressura & irritatio fibrarum redit. Redit autem continuis vicibus, quoniam tantum semper fluminis sanguinei in cavitates cordis relaxatas attergo sequitur, quantum per constrictionem earum exprimitur, indeque fit, quod contractio ista & relaxatio earum toties repetant, id est, perennem sanguinis circuitum, non nisi cum vita ipsa terminandum efficiant. Christianus Johannes Langius *Physiolog. Thes. XVII. fol. 109.* de hoc sanguinis motu scribit: Ita se res habet cum hoc circulatorio sanguinis motu. Cor, a quo incipit, & in quo rursus terminatur, una cum annexis auriculis machinam quandam efformat quadriventrem, quæ, dum a spirituum influxu, perpetuo sese invicem consequentibus dilatationibus agitatur, suscipit nunc a cunctis partibus per venam cavam tam ascendentem, quam descendentem refluxum cruorem, nunc iterum illis per arteriam pulmonalem & aortam eum educit &c. De hoc movente inquit Johannes Jacobus Franciscus Vicarius *Basis univers. medicin. Lib. I. cap. 7. §. 2. p. 103. seq.* Movens statuimus esse cor. Undenam autem sit motus hic, & qualiter sit movens, varie disceptatur, hinc Fracastorius in hac controversia dubius

dubius hærens ajebat; motum hunc cordis soli Deo notum esse. Hunc autem ut clare demonstremus, præsuppone, cor revera esse musculum; quia vero nullus musculus seipsum movet, sed ab alio movetur, sic etiam cor tantum in concreto sumptum, quatenus scilicet spiritus animales includit, movens dicitur. Modus autem talis est, v.g. sanguis per auriculas in ventriculos ejus illabitur, hinc multum distenditur; quare spiritus animales in nervis & fibris vim compressivam & irritativam percipiunt seu patiuntur; inde uberiori etiam per nervulos spirituum dictorum affluxu facto fibræ inflantur, inflatæque contrahuntur, qua contractione conus ac basis cordis movetur, motu aliquo quasi turbinis contorto, unde parenchymate crassescente angustantur ventriculi & contenta sua (sanguinem) expellunt, donec expulsionem hac finita spiritus ab hac contractione (dum jam non irritantur) ferientur & cor denuo subsidens novum sanguinem illabentem admittat, ac rursus jam memorata ratione expellat: Hic apparet arteriarum pulsum a solo cordis impulsu mechanice dependere. Monet etiam Gideon Harvejus, spiritibus animalibus deberi, quod sanguis circulariter moveatur, secus ac Medicorum turba rem exponit, qui illos ab hoc moveri adstruunt, cum tamen ipsi doceant, sanguinem multo esse crassiores spiritibus, vid. *Act. Erudit. Lips. 1701. Mens. Octobr. 438.* vid. etiam Joh. Jac. Waldschm. *Epist. IV. ad Joh. Doleum pag. 145. seq. 149.* Clopton. *Havers Osteolog. nov. p. 11.* Franc. Glisson. *Anat. Hepat. cap. 35. p. 359.* Gualther. *Charlet. Oeconom. anim. Exercit. IV. p. 65. seq.*

§. 73.

Nonnulli etiam ipsi sanguini hanc circulationem adscribunt, siquidem Gideon Harveus *de Vanit. Philos. cap. 7.* cordi & arteriis nullam vim movendi sanguinem concedit, quin putat hunc movere cor eodem modo, ac aer pre-

Hæmatol.

X

mens

mens & replens pulmones eodem tempore comprimit aerem in thoracis cavitate contentum & diaphragma dilat. vid. *Act. Eruditor.* 1721. *Mens. Octobr.* p. 437. Item ad quæstionem, utrum sanguini incalescenti, an vero compressioni solius parenchymatis adscribendus cordis motus sit? respondet Joachimus Targir. *l. a. c. 12. p. 164. seq.* nos dicimus, primum motus initium quærendum esse in sanguine incalescente, qui propter rarefactionem mole sua auctus, cordis latera nonnihil promoveri conatur: id tamen quo minus perficiatur, obstat, quod eodem etiam momento contractione intumescit parenchyma instar aliorum muscutorum, qui contracti ad fibras inflantur. In duplici hac cum sanguinis, tum parenchymatis explicatione luctam oriri necesse est inter sanguinem, qui a centro procedit in peripheriam, & cordis parenchyma, quod versus ventriculos expanditur. Sanguis autem hoc modo diu morari non potest in corde, sed, clausis quam primum venæ utriusque valvulis, aperit valvulas utriusque arteriæ, inque illas cum motu proprio, tum valida constrictione parenchymatis prorumpit. Jam vero postquam & sanguinis & parenchymatis absoluta est expansio, ventriculorum quidem majus redditur spatium, parenchymatis vero fibræ relaxantur, conus a basi recedit & cor denique ad statum priorem redit &c. Sanguinem autem a seipso moveri non posse, monstrat Gulielmus Cockburn. *Oeconom. corp. hum. p. m. 38. seq.*

§. 74.

*Aer & Res-
piratio.*

Ad sanguinis circulationem multum etiam conferre aerem vel respirationem sequentibus verbis defendit Casparus Porta *Medicin. brev. cap. 1. p. 15. seq.* ut sanguis majore artificio per arteriæ magnæ truncum tam ascendentem, quam descendentem pergeret, cor (quod non est nisi musculus oblongo-rotundus pariete intergerino in

in partes duas divisus) liquori subsalso pericardii innatat, & perpetuis subsultibus tam recipit, quam expellit sanguinem in arteriam, atque ideo pericardium in medio pectoris suspensum hæret, ut tanto liberior cordis esset palpitatio. Verum difficultas oritur, cur cor ita perpetuo agitetur? Si dicas, a motu spirituum animalium; cur illi circulantur? Respondes, a circulatione sanguinis. At vero cur circulatur sanguis? quia ipsi hic motus a sanguine materno, dum infans adhuc in utero hæreret, est impressus. Quis vero sanguinem matris in circulum ire iussit, aut unde infans jam natus & a materna circulatione orbatus, circulationem tamen patitur: Respondeo, quod respiratio & ventriculi concoctio hoc opus maximam partem absolvant: etenim, dum respiramus, multum hauritur aeris intra pulmonum cellulas: hæ autem cellulæ se habent instar totidem antliarum pnevmaticarum, quæ acceptum intra se aerem urgent in sanguinem, qui per arteriæ pulmonalis ramificationes affluxerat, hinc ille non potest non propelli, sin jam fiat in-sive exspiratio, premit tamen aer pondere suo & vi elastica, quæ tanto major, quanto magis ille in ex- & inspiratione in angustiis versatur. At vero, nonne jure merito dubitandum foret, haustum intra pulmones aerem sanguini permixtum iri, atque potius motum intestinum excitaturum, quam progressivum? Hoc si fateri velis, innumera sequerentur absurda: nautis quacunque procellosa tempestate Neptuni furor nunquam metuendus foret: omnis hydrotechne erroris plena rueret; neque respirationis ullus in corpus nostrum usus redundaret: neque alium tibi fingere licet, etenim si putes te respirare, ut caleas, falleris, nam, utut caleas, tamen respirandum erit: sin sanguinis aliquod refrigerium tibi fingis, itidem falleris; nam & ipsi pisces satis frigida animalia respiratione indigent: an ob loque-

lam homo respirat? neque hoc, nam & bos & sus respirant, licet non loquantur. Circulatur ergo sanguis, quia respiratur; atque nuper natus puerulus vivit quoniam circulatur sanguis; circulatur ipsi sanguis, quia respirare cœpit; cœpit autem respirare, quia usum fructum maternæ respirationis ulterius ipsi capere non licuit. An inspiratus aer sanguini communicetur, & in quale commodum ipsi præstet? vid. Theod. Craan *Oeconom. animal. Part. I. Qu. 62. pag. 60. seq.* Statuit etiam Nicolaus Hartscœker, aerem in pulmonibus per tubulos capillares sanguini permixtum ob salia volatilia, quæ secum vehat, in eodem quandam effervescentiam excitare, transmutationi chyli in sanguinem & ejus circulationi aptam. Probat inde, quod experimenta antliæ pnevmonicæ loquantur, sanguini multum aeris admixtum esse. Coquos plerumque pinguescere, etsi parum capiant cibi, quia partes subtilissimæ & maxime nutrientes ex carnibus exhalantes inter respirandum cum aere attrahuntur, sanguini per venas pulmonales circulanti insinuandæ aerem ex sanguine inter exspirandum per arterias pulmonales rursus exire, cum arteria aspera spuma repleatur, si arteriæ pulmonali aqua calida immittatur. vid. *Act. Erudit Lips. 1709. Mens. Februar. p. 84. seq.* Et Johannes Fridericus Ortlob *Histor. Part. c. 12. §. 13. p. 95.* sub organorum ad sanguificationem necessariarum nomine pulmones tanquam instrumentum primarium locat, in quibus aeris & sanguinis communicatio maxime requiratur, sine qua vitalem dispositionem sanguis nullatenus obtineret. In sanguine & penitioribus corporis nostri recessibus reperiri aerem, ejusdem cum illo, quem respiramus, indolis, defendit Elias Camerarius *Disput. Inaugural. de subsid. pro art. Medic. ab Antlia pnevmat. petend. Præpos. I. p. 2. seq. & pag. 4.* ita scribit: si experimenta apud Autores obvia, ipsam aeris atque sanguinis indolem pensitemus altius, deprehendemus in eo naturalem
con-

consistentiam consistere, quod minutæ aeris moleculæ, totidem quasi spiræ chalybeæ seu machinulæ resilientes, intra sanguinis compagem latentes omnis generis particulas sanguinem constituentes motu vario impellant, cohærentes divellant, a concretionem arceant, globulos rubentes commoveant, ut libere intra flexiles lymphæ partes natent, nec cohæreant nimis approximentur sibi invicem; requiritur tamen, ut moderatus sit nifus ipsarum expansivus, ita ut a partium sanguinis cohærentium leviter renitentia possint ita coerceri, ut inter se bina hæc fluida fervent æquilibrium neutrumque prævaleat, & sub tendentia ista varia, five pugna amica debita fluidi sanguinei spumascentia & turgescencia seu expansio, insimulque fluiditas perstet integra; hac scilicet ratione per tenuissimos & plus quam capillares vasorum ramulos, cursu nunquam impedito, unda undam trudente, fluit, tubulos debite tendit, vigorem partibus conciliat, aeris externi ponderi resistit, & prompte, dum per glandularum transit mæandros, convenientes poris, quos alluit, particulas dimittit. Secundum Johannis Taboris sententiam, sanguis animalium præ cæteris quibuscunque liquoribus plurimum aeris complectitur, hinc credendum est, aerem in sanguine hospitantem circulationis vi in carneas musculorum fibras earumque concavos cylindros adigi, ibidemque a spiritibus animalibus ad nutum animæ incitantis quadam ratione ordinatis & impulsis, ejus elaterium intendi, ac ad nutum animæ revocantis quovis temporis puncto expansionem inde ortam remitti quoque posse, sicque fibras contractas & relaxatas haberi. v. *Act. Erud. Lips. 1725. Mens. Octobr. p. 451.* Malachiæ Thruston Tr. de *Respirat. p. 34.* verisimile videtur, puriorem, subtiliorem magisque penetrabilem aeris partem, dum ille inspirando pulmonibus hauritur, ibidem quasi deperdi, adeo-

que aerem exspiratum, utpote fuliginibus & vaporibus implicitum & inquinatum orbatumque potiori parte sui, vappidum quodammodo atque effœtum reddi. Inquit etiam Fridericus Hoffmannus *Fundam. medicin. c. IV. §. 47. pag. 23.* quando cordis ventriculi contrahuntur & aer subtilior elastica & pellente virtute imbutus ipsi communicatur, non solum contentus intra eos sanguis in arterias expellitur, sed universus sanguis per arteriosum & venosum genus progreditur, adjuvante musculofo venarum contextu & valvularum structura. Johannes Tabor *Exercit. med. Tract. 1.* simplices sanguinis conditiones expendens probat, aerem respirationis beneficio semper & uberrime sanguini admisceri. Hinc non minus quantitatem sanguinis in corpore contenti, quam ejus velocitatem in vasis sanguiferis determinat. vid. *Act. Erudit. Lips. An. 1725. Mens. Octobr. p. 450.* Secundum Franc. Sylv. *Disp. medic. III. §. 7. Oper. p. 15.* imperfectus sanguis e dextro cordis ventriculo delatus per arteriam pulmonalem in pulmones ab inspirato aere in ipsis temperatur ac recreatur, sicque per venam pulmonalem properat in cordis auriculam sinistram. Sanguinem una cum aere in pulmonibus dilatatis facillime ab eo ventilari, refrigerari atque ob subtilem hic iterum e sanguine egredientem materiam condensari, in se cogi, atque tandem cum aere misceri posse, ait Joh. Swammerdamius *de Respirat. Sect. III. c. 2. p. 96.*

§. 75.

An aer sanguini permisceatur.

Aerem tamen immediate cum sanguine non permisceri defendit Daniel Sauvry *Anatom. Ration. Cap. VI. p. 102.* inquiens: si aer immediate cellulas intraret, ceu in qualibet expiratione inde egreditur, duo mala forent expectanda. Primo enim aer statim omnem suam malignitatem sanguini communicaret, ac, v.g. frigidus nimis existens illum coagularet. Secundo aer in qualibet expiratione denuo

denuo egrediens, non satis temporis haberet, ut sanguini commisceretur, suaque virtute elastica efficere posset, ut sanguis capillares corporis nostri tubulos transire valeret, ceu alias in machinis hydraulicis accidere solet, ubi aere in illas compulso liquores per tubulos capillares adiguntur, in quos alias non penetraissent. Contra hoc dubium, an scilicet aeris substantia cor & arterias ingrediat, an sola qualitas ejus, quatuor argumenta adducit Nathanael Highmorus *Corpor. human. disquisit. Lib. II. Part. 2. cap. 9. fol. m. 170. seqq. &c.* opinionem quod aer in pulmonibus sanguini misceatur, destruit Pitcarnius. vid. *Act. Erud. 1714. Mens. Octobr. pag. 477. 479.* Aerem tota sua substantia sanguinem non intrare, defendit etiam Johannes Bohnius *Circul. anat. physiol. Progymn. IV. p. 68.* Afferit, inquit, Borellus, aeris quavis inspiratione pulmonibus illati aliquam partem sanguini commisceri &c. Ast circa hypothesein hanc monendum, aerem haud integrum & atmosphaericum vasa sanguinea pulmonum subintrare horumque contento commisceri; deinde Bohnius variorum Autorum experimenta & rationes refutat, aerisque ejusmodi crassioris & ambientis ad interiora accessum plane incongruum auguratur. Et secundum Frider. Hoffmann. *Medicin. ration. Tom. 1. Part. 1. cap. 7. §. 24. p. 128. seq.* Aeris fluidum atmosphaericum non pertransit vesicularum pulmonalium membranas, nec immediate cum sanguine transeunte miscetur. Etenim aereum fluidum, vesicis inclusis, neque in vacuo harum transit poros, multo minus, ubi vasa liquidis repleta sunt & pori membranarum humido obducti, in eos intrabit, praesertim cum impenetrabile aeris fluidum non ullum occupat locum, nisi vacuum ab alio corpore. Deinde aer atmosphaericus cum liquidis non bene miscetur, neque etiam cum sanguine, quia ejus interstitia jam aere per alimen-
menta

menta advecto repleta sunt. Tum calor sanguinis aeris ingressui resistit, nam expansio ætheris, quæ est in calore, aerem potius arcet, & si in corpore est, eum expellit. Georgius Philippus Nenterus *Physiol. Cap. IV. p. 112.* inquit: an in inspiratione aliquid aeris ipsam massam humorum ingrediatur? maxime adhuc hodie controvertitur. Qui affirmativam tenent, diversarum sunt partium, alii enim aerem elasticum atmosphæricum, alii aerem mediæ naturæ, alii vero ætherem tantum per poros pulmonum in massam sanguineam penetrare dicunt &c. magis tamen probabilis mihi videtur eorum sententia, qui ingressum aeris in massam sanguineam negant.

§. 76.

Omnes partes
concurrunt.

Pace tamen hætenus allegatorum Autorum circulationis sanguinis causæ neque soli cordis musculo, neque arteriis & venis, neque solis spiritibus, nec sanguini & aeri tantum, sed potius his omnibus aliisque causis collective sumptis adscribenda mihi videtur, cum in tota humani corporis machina omnes partes, tam solidæ quam fluidæ, in mutuum sibi auxilium a summo creatore formatæ sint. Unde etiam ait Joachimus Targirus *Medicin. compendiar. cap. 12. p. 170.* Sanguis in arterias impulsus paulatim, quicquid est istius motus, quem in cordis systole accepit, perderet, nisi adessent præterea causæ aliæ, quæ continue illum protruderent; sic spontanea tam aortæ, quam reliquarum arteriarum venarumque contractio, sic vasorum omnium extremorum per musculos nonnulla compressio sanguini jam currenti calcar addunt. Neque tamen hæ causæ sufficerent ad sanguinem per minimas vias promovendum, nisi constitutæ essent ubique in illis valvulæ, quæ facile advenientem sanguinem admittunt, regredienti vero obicem ponunt. Item sanguificationem nec soli cordi, aut visceri alii, nec soli sanguini tribuendam

dam esse, docet Johannes Gothofredus Bergerus *Physiolog. med. cap. IX. p. 160.* Defendit etiam Johannes Fridericus Ortlob *Histor. Part. Diff. XII. §. 13. pag. 95.* sanguificationem esse ejusmodi actionem, quæ & organis & ipsi sanguini tribui debeat. Ita tamen, ut sub organorum nomine comprehendatur non solum cor & vasa, quibus circularis motus instituitur, sed & pulmones, utpote qui instrumentum primarium sunt, in quibus aeris & sanguinis communicatio maxime requisita adornatur &c.

§. 77.

De hac autem sanguinis variis adhuc humoribus com-
mixti circulatione, diversi ab Autoribus annotantur usus, <sup>Circulationis
usus & ne-
cessitas.</sup> siquidem Casparo Bartholino *Specim. Histor. anat. cap. III. p. 56.* circa sanguinem duo examinanda veniunt, nempe primo, cur perpetua ejus requiratur circulatio; deinde cur modo in ramos majores tanquam communem alveum colligatur, modo per minutissimos canaliculos & vasa capillaria dividatur. Quod postremum spectat, dividitur, ut facilius expellantur secernenda & admittantur recipienda, dum vasorum multiplicitas efficit, ut plures a sanguine partes, & quidem facilius secernantur, quanto scilicet plures superficiem cribri attigerint. Colligitur autem in ramos venarum majores tanquam in communem alveum, sanguis, ut a diversis partibus veniens ad statum uniformem reducatur, ubi alvei simplicitas efficit, ut homogeneus evadat sanguis, qui ex diversarum partium canaliculis redux diversæ est naturæ; cum enim versus omnes partes propulsus, non easdem, sed diversas sui particulas in singulis cribrorum differentiis, deponat, non mirum est, si, ex diversis redux discrepet ab invicem. Motus autem sanguinis necessarius est, cum animalium vita alio pacto non constet, quam ut quolibet momento aliquid perdens corpus, sui restitutionem in singula mo-

menta requirat: Præterea nisi continuo motu fieret particularum concussio, omnes particulæ graves inferiora corporis peterent, solæ leves hærerent circa caput vel partes magis elevatas, v. etiam *Ad. Hafniens. Vol. V. Obs. 32. p. 106. sq.* Secundum Isbrand. de Diemerbroeck *Anatom. Lib. II. cap. 8. fol. 276.* 1) per circulationem sanguinis quælibet sanguinis particulæ paulatim & ordine quodam aptæ fiunt ad nutritionem: nam cum in corde non fiat longa coctio, sed tantum celeris quædam dilatatio, propterea chylus primo transitu per cor non acquirit summam sanguinis perfectionem, sed pluribus transitibus, modo hæ, modo illæ particulæ subtiliores, & corpori alendo magis aptæ evadunt. 2) Cum sanguis in partes propulsus, quo longius a caloris sui foco recedit, eo magis refrigeretur, & ad alendum minus aptus evadat, omnino necessarius est ejus reditus ad caloris fontem, cor, ut in eo de novo incalascet & attenuetur, sicque novam perfectionem induat, qui reditus per hanc circulationem procuratur. 3) Sine hac circulatione neque sanguis ad partes alendas propelli, neque a nutritione residuus, una cum chylo, ad cor referri posset. 4) Hujus beneficio medicamentorum assumptorum & applicatorum vires per totum corpus, aut magnam ejus partem feruntur. 5) Per hanc sanguis in continuo motu permanet, atque sic a congelatione & putredine præservatur. 6) Per hujus cognitionem causæ multorum morborum clarissime innotescunt, de quibus antehac nihil aut obscure scriptum, & graviter inter medicos altercatum ac dubitatum fuit. 7) Per eandem quoque medici certas plurimorum morborum curationes instituire noverunt, de quibus alioqui magna ex parte per incertas conjecturas judicare consueverunt. Johannes Jacobus Waldschmid *Instit. med. cap. III. p. 25.* inquit: Hujus perennis motus beneficio sanguis per arterias ab augusto

gusto ad angustum tendentes, ad omnes totius corporis partes amandatur atque diversis in visceribus depuratur, cribratur, sic v. g. pulmones multas fuliginosas partes transmittunt, renes lixiviosas, glandulæ subcutaneæ salinas, hepar oleosas, lien acidas, quæ omnia accuratius noveris, si fabricam istorum viscerum tibi bene perspectam reddideris. Bernardo Connor *Evangel. medic. Art. 2 p. 13.* sanguinis circulantis usus triplex est; præcipuus ut calore suo & variis motibus vitam conservet; tota enim corporis nostri vita in solo sanguine sita est: alter ut ad omnes corporis partes delatus easdem nutriat: tertius demum, ut in variis corporis glandulosis partibus diversos humores multiplici usui dicatos deponat. Quicquid aliquem humorem a sanguine fecernit glandulæ, filtri, coli vel cibi nomine solet appellari. Hujusmodi glandulas seu colatoria per totum corporis nostri habitum, per internos ejusdem recessus & inter musculeas carnes, passim disseminatas reperimus, ut in dissitis & diversis hisce locis varia fluida ab appellente sanguine tanquam ab inexhausto fonte colentur. Juxta Joh. Jac. Franc. Vicar. *Bas. univ. med. Lib. 1. cap. 7. §. 5. p. 107.* usus & finis circulationis hujus multiplex est. Primo enim sanguis, præsertim in pulmonibus novo vitali vigore sic imprægnandus est, utpote qui antea longo ejusdem per corpus motu sensim infractus erat, consistit hic ipse in renovata sanguinis æquabili fermentatione, indeque nova caloris excitatione & spirituum vitalium regeneratione. Secundo sic conservatur ejus fluiditas & crasis sanguinis, qui alias quietus mox grumesceret, præsertim quoad serum, & sic tam prompte in universum corpus novo spiritu vitali influo animandum non distribueretur. Tertio usus etiam est, ut partes solidæ sic debito calore afficiantur, nec non ut & nutriantur. Ita scribit Jean Baptiste Verduc *de l'*

Usage des Parties Tom. I. Chap. 6. p. 110. Il n'est pas difficile de concevoir l'usage du sang des arteres: celui, par exemple, qui va aux reins, outre qu'il sert à les nourrir, il s'y decharge encore de la serosité: celui qui est porté au cerveau, au foye, aux testicules, &c. fournit la matiere de plusieurs liqueurs utiles à l'œconomie animale. Enfin le sang s'exalte & se perfectionne en passant dans les pōimons; il laisse la limphe dans les glandes, il donne à toutes les parties qu'il arrose de la chaleur, & il leur cause ce mouvement vital, qu'on y remarque: c'est d'où vient, que les parties privées de sang, meurent & se desèchent comme les plantes, qui ne reçoivent pas assez de sēue. Pour le sang des vēnes, s'il est de quelque utilite, ce n'est qu'en conservant la chaleur des parties, par où il passe. Au reste il est facile de voir, que la circulation entretient la fluidite du sang, & que sans ce mouvement il ne pourroit servir à la nourriture, & se tourneroit en serosite ou en grumeaux épais. De utilitatibus, quas medicus ad bene medendum ex circulatione sanguinis percipiat? vid. Joh. Riolan. *Lib. de Circul. sanguin. in Append. Enchirid. Anat. p. 27. seq.* Circulus sanguinis profecto ac vita pari passu ambulat, & tamdiu vivimus, quamdiu hic sanguinis motus viget, ait Christianus Warlitzius *Valetud. sen. salom. p. 128.* Ad quæstionem, ob quem finem institutus sit sanguinis motus? ita respondet Albertus Kyperus *Anthropolog. Cap. XIII. §. 59. p. 360.* Primarius & ultimus in suo genere finis est partium nutritio, quippe per eum alimentum ad partes facilius & commodius deducitur: deinde partium conservatio, quatenus non solum in locum consumpti ex alimento quid restituitur, verum etiam, quatenus spiritu influente partes conservantur & confirmantur; deinde partium vigoratio, qua calidum insitum & anima ei inexistens a calido influente robur accipit.

cipit. Secundarius porro finis & intermedius est, sanguinis debita præparatio, quatenus aptus redditur accedens ad cor ad eum primarium finem implendum, & dehinc sanguinis a putredine præservatio, cum per experientiam constet, eum alicubi quietum facile putrescere, cujus causam facile quis invenerit, si putredinis naturam consideraverit. Utilitatem circulationis sanguinis declarat etiam Johannes Riolanus *Lib. de Circul. sangu. cap. 18. & 19. p. m. 68. seqq.* item *Oper. fol. 580. seq.* De sanguinis circulationis necessitate prolixè agit Nathanael Highmorus *Disquisit. Corpor. human. Lib. II. Part. 2. cap. 6. fol. 157. sq.* ubi docet, motu hoc sanguinem a coagulatione, grumescencia, & putredine conservari; eodem etiam medicamenta exterius applicata vires intro exercere suas, ac si intro fuissent sumpta; item calorem pristinum in partibus corporis frigore maxime tentatis ab hoc motu redire & parti pene emortuæ concedi; et sine hoc motu partes corporis nutriri non posse. Inquit etiam Thomas Bartholinus *Orat. 18. p. 99.* Certe audacter pronunciarim, a conditis hominibus nihil illustrius, utilius nihil arti medicæ accessisse, quo corporis actiones illustrantur, affectiones facilius explicantur & curatio promptius clariusque perficitur. Hoc circulo jam inclusa ars nostra caput altius effert, & cum orbibus cæli perpetuo motu in circulum redeuntibus de perfectione certat; hoc circulo salvo vivens florensque. Secundum Franc. Zypæi *Fundam. Medicin. cap. VII. Art. 6. p. 194.* finis circulationis est partium nutritio, corporis calefactio, spirituum tam vitalium, quam animalium generatio, & sanguinis a coagulatione præservatio. A motu perpetuo sanguinis massæ conservatur fluiditas ac crasis, qui alias quietus mox congelascit, & in serum fluidum ac grumum spissiore faceffit: impetus vero appellentis minima sui congrua partibus solidioribus peni-

tius impingit horumque porulis angustioribus impellit atque intrudit, sunt verba Johannis Bohnii *Circul. anat. physiol. Progymn. VI. p. 112.* De excellenti circuli sanguinis ad conservationem corporis usu, integrum caput reperitur in Frid. Hoffmann. *Medic. rational. systemat. Tom. I. Part. I. cap. 9. p. 142. seqq.* ubi refert, circulum sanguinis chylum in sanguinem mutare, sive causam esse sanguificationis; deinde sanguinis circulum esse causam caloris in corpore nostro, tertio eundem circulum esse causam secretionum, quæ fiunt in corpore nostro. Quarto esse præcipuam causam nutritionis & augmenti corporis, & omnis agilitatis & roboris causam. Quinto præcipuum quoque sanguinis circuli usum atque effectum esse, ut corpus animale in se & sua natura valde corruptibile, ratione suæ mixtionis ac structuræ salvum ac integrum conservetur & a mortifera putredine vindicetur. Porro non dari præsentius ad omnes præcavendos morbos præsidium, ac liber sanguinis & humorum circulus. Item talem circulum esse illam toties decantatam naturam veterum, optimam morborum medicatricem; diversas etiam animi inclinationes ad virtutes ac vicia plurimum a sanguinis circulo per caput dependere; ac non modo animam cum corpore connectere, sed & illius operationes dispensare.

CAPUT IV.

De Sanguine.

§. I.

Derivatio. **A**udit latinis, secundum Joh. Bapt. Werloschnig *Curat. verno-autumn. Demonstr. II. cap. 1. pag. 432.* nobilis & ruber ille corporis humor, vitæque conservandæ instrumentum,

mentum, sanguis quasi sancuis, a sancio, quod corpus veluti sanciat, id est, stabiliat; quam tamen etymologiam non adeo approbat Christianus Becmannus *de Origin. lat. Lingu. p. 958.* inquit: nobilis & ruber ille corporis humor, vitæque conservandæ instrumentum, dicetur a *σαλιν γυῖα*, quod membra corporis servet vegetetque, aut cujus vi *ζᾶν γυῖα* i. e. vivere membra queunt. Nam literæ ζ & σ non semel inter se permutantur, ut *ζαμβύκη*, *σαμβύκη*. Latine sanguis quasi sancuis appellatur a sancio, quod corpus veluti sanciat, i. e. stabiliat. Sed non adeo concinnum hoc etymum; Itaque prius e Græcia malim.

§. 2.

Est autem sanguis, uti definit Isbrandus de Diemerbrock *Anatom. Lib. II. cap. 12. fol. 287.* succus rubicundus ex chylo, ad totius corporis nutritionem, in corde confectus. Vel juxta Joh. Jac. Franc. Vicar. *Basin. univ. med. Lib. I. c. 6. p. 92.* est liquor rubicundus salino-volatilis oleosus seu sulphureus, gelatinosus, venis, arteriis, aliisque partibus contentus, e chylo tanquam suo elemento genitus, vivificationis fons & nutritionis materiam suggerens. Iisdem fere verbis eundem etiam definit Werloschnig *l. a.* ubi etiam sequentem ex Preylero addit: Sanguis est liquor rubicundus ex chylo, particulis diversi generis salibus & sulphure imprægnatis subtilisatis & volatilisatis constantibus intime mixtis, ad actiones plerasque naturales seu vitales peragendas constitutus. Et Raymundo Viessens *de Mixt. Princip. Tr. 1. cap. 8. pag. 65.* sanguis est corpus liquidum, pingue, rubrum, in corde formatum, reliquis corporis partibus calorem, humiditatem, nutrimentum, & motum præbens adeoque vitam ejus conservans.

Definitio.

§. 3.

Veteres equidem sanguinem in venis adhuc contentum pro humore simplici habebant, quibus tamen recentiores

Est liquor heterogeneus.

*Sanguinis par-
ticula.*

tiores non immerito contradicunt, siquidem sanguinem vasis suis inclusum vel etiam effusum non homogeneæ, esse naturæ, experientia & analysis chymica testantur. Est enim sanguis revera fluidum dissimulare & primario ex duplici succo, tanquam partibus integrantibus constat, quarum alter est cruor ille, qui post venæsectionem in thrombum coagulatur; alter vero serum seu lymphæ, cruori post sectam venam, quandoque largissime supernatans; Ex quo etiam apparet, has partes solo motu confusas & superficialiter tantum commixtas esse. Quod si etiam sanguinis particulas, quas sensuum externorum beneficio in illo deprehendere licet, examinemus, sunt illæ vel aqueæ, vel terreæ, vel salinæ, aqueæ ex fluiditate, terreæ (quæ aliis etiam sulphuræ, oleosæ, gelatinosæ, & mucaginosæ, item fibrosæ audiunt) ex consistentia, & salinæ ex sapore dignoscuntur, atque per se in aere, vel ignis beneficio, sub vario schemate a se invicem facillime separari possunt, et ratione diversitatis harum particularum veteribus sanguis nunc biliosus, nunc pituitosus, nunc melancholicus dicebatur. Præter cruorem & serum in sanguine recentiores etiam gelatinam & globulos & aerem ostendunt.

§. 4.

*Authorum
verba.*

Plateri.

Quam differentes autem Autores de sanguinis materia & partibus foveant sententias, ipsissima quorundam ex meis collectaneis adductorum verba testantur. Ad quæstionem enim, an sanguis, quo nutrimur, simplex, aut ex aliis diversis humoribus sit compositus? ita respondet Felix Platerus *Quæst. physiol. n. 15. p. 32.* licet de sanguine emisso, vel solus sensus iudicium firmum ferre possit, tamen variæ de illius compositione & mixtione feruntur sententiæ: cum alii illum non ex simplici sanguine, sed bili, melancholia, pituita perfusum constare censent;

feant; eaque bile, qualis in bilis vesicula flava summeque amara, a sanguine in secunda coctione secreta coacervari solet, eoque melancholico succo, qualem a liene allici illicque colligi autumant; Pituitaque ea, qualis etiam extra venas excrementitia deprehenditur; quod tamen sensibus dijudicare & certi aliquid inde colligere, valde est arduum. Alii vero sanguinem non aliter, quam in tenuiorem crassiolemque & crudiolem illius portionem distinguunt, & ne conceptam vulgo eam de quatuor humoribus opinionem evertant, bilis utriusque, uti & pituitæ nomina illi accommodant sicque appellari posse concedunt. Quodsi vero nihil aliud in sanguine observent, cum hæ non sint diversæ a sanguine partes, sed sanguis ipse hoc pacto saltem certis in sedibus ipsius differens, ex quatuor humoribus sanguinem componi, hoc pacto asseverare minime possumus. Cæterum si sanguinem penitus introspeciamus & examinemus, deprehendemus, uti in lacte, ita in sanguine diversas partes, lactis portionibus non adeo absimiles reperiri. Uti enim in lacte diu multumque agitato, segregatione partium, per calorem facta, portio illius butyrofa pinguis, alia serosa aquea apparet, sic & in sanguine concreto serosa illius pars, sejuncta ab eo cernitur, & si rectius eum contemplemur atque indagemus, pinguem quoque illius humorem, qualis e venis ad pinguedinis generationem exudare solet, & fibrosam carneamque, quæ caseo comparari possit, materiam, præter sanguinem simplicem, in eo observabimus; ita ut si quis hoc negare velit, sensus ipsos illum negare necesse sit. vid. etiam Dan. Sennert. *Institut. medicin. Lib. I. cap. 9. p. 73.* Dan. Beckher. *Medic. Microcosm. Lib. I. cap. 14. p. 68.*

§. 5.

De particularum sanguinis differentia & usu ita loquitur Johannes Bernhardus Gladbachius *Prax. medic. p. 2. sq.*
Hæmatol. Z sanguis

sanguinem nostrum esse congeriem particularum a se invicem discrepantium, non probat solum diversitas alimentorum assumptorum, verum etiam diversa fermenta a massa sanguinea secreta. Ut vero omnes sanguinis particulæ tacito quodam consensu inter se conspirent, justamque servant commixtionem, nullæ imperii fasces sibi arrogent, nullæque seorsim collocatæ sint, sed æquali proportionem gravitatis & lævitatæ, figuræ, magnitudinis, numeri, situs ac motus gaudeant, necesse est: quo fit, ut particulæ spirituosæ frequenti circuitu sui juris redditæ nimirumque in sanguine exultantes a novo affluente chylo, ne fugam capeffant, cohibeantur; segnities novi permissione rarefacti chyli excitetur; acidæ amplexibus oleosarum occultentur, ut a nimia cum lixiviosis arceantur effervescentia; aquosæ salinis, & salinæ aquosis detineantur; spirituosæ, volatiles, hamosæ acidas falsasque obtundant particulas; oleosæ, limosæ, glutinosæ, gummosæ & resinosæ spirituosarum ac volatiliū impediunt dissipationem, ut eo felicius viscosæ, glutinosæ, gummosæque attenuentur, brachiola ramulique earum latius expandantur, magisque rarefiant. Nonnullæ interim ex consortio harum particularum exclusæ & ad avolandum idoneæ, quales sunt aquosæ, spirituosæ, acidæ avolant, quarum loca derelicta a materia subtili & aere occupantur, unde novo calcari impulsus sanguis opportunam nanciscitur occasionem blandam particularum suarum commotionem perennandi.

§. 6.

Taurin.

Sanguinis compositionem describens Daniel Taurvry *Anatom. nov. ration. Cap. V. p. 92.* inquit: Partes sanguinem componentes duplicis sunt generis; aliæ enim fibrosæ sunt, terrestres & crassiores; aliæ sunt serosæ, liquidæ & spirituosæ. Fibrosa pars materia nutrimenti partium carnosarum.

nosarum existit; infinitis prædita est poris, ubi multæ particulæ exiles circa centrum suum rotantes ipsam rubicundam apparere faciunt. Serosa iterum duplex est; nempe serosa aquea, quæ non potest coagulari, quæque solummodo ad dissolutionem salium, quando in massa sanguinea illa nimium abundant, inservit: secernitur in renibus & glandulis cutis. Altera liquida est, & unctuosæ, facile coagulatur & in gelatinam concrescit, dissolvit sulphura iisdemque imprægnatur: Estque pars illa, quæ partes nervosas, membranosas, tendinosas & osseas nutrit: est materia lymphæ, salivæ & humoris pericardii. Inquit etiam Fridericus Hoffmannus *Fundam. Medic. c. IV.* *Hoffmanni* p. 20. Inter partes fluidas præcipua est massa sanguinea, quæ ex innumeris, ratione magnitudinis, figuræ & ponderis diversis particulis & corpusculis constat. In sanguine latent particulæ serosæ, lubricæ, flexiles, & rigidæ, salinæ, tam volatiles, quam acidæ & ramosæ, sulphuræ, oleosæ & crassæ, mucilaginosæ, terrestres. Et *Medicin. ration. system. Tom. I. cap. 5. p. 91.* ait: Sanguis est liquor purpureus, ex parte aquea, gelatinosa, sulphurea & terrea compositus. Et in scholio id explicat: sanguis est humor ex partibus indole inter se differentibus constans: nam ex solidis & fluidis, gravibus & levibus, diaphanis & opacis, subtilioribus & fixioribus, aqueis, terreis & oleosis inflammabilibus, minus bene cohærentibus mixtus est &c. Inquit etiam Theod. Craan *de Homin. cap. XVII. p. 161. seq.* *Craani.* ex diversitate particularum chylus est valde heterogeneus, ex quo innumerabilis producit diversitas particularum, sanguinem constituentium; ita ut falsum sit, quod existimant veteres, quod sanguis esset aliquid peculiare, & diversum ab aliis humoribus, & ipsum tanquam quintam essentiam reliquorum concipiebant, cum tamen certum sit, quod ex infinita diversitate particularum constituatur;

ex quibus potiore[m] sanguinis partem sequentes constituunt, aqua, terra, sal, acidum, oleum; quorum usum dictus Craan ibidem prolixè explicat. Secundum Joh.

Ortlobii.

Frid. Ortlob. *Histor. Part. Dissert. XII. p. 91.* Alia sanguinis pars in medio congesta solidior fluidiori alii innatat, quarum illam grumum, hanc serum appellare solenne est. Grumus sanguinis rubicunda portio, & quæ magis cohærens altera observatur, & firmior, si modo iterata lotione a reliquis separata fuerit, homogenea, five ex uniformibus magis partibus constans est, & ex globulis congeritur. Serum, quod alteram illam sanguinis partem & fluidam magis dicimus, heterogenea quam maxime est: quippe multa non modo constat aqua, sed salinis quoque particulis, utpote quod aqua solubiles sint. Seris partibus quoque accensemus gelatinosas, pinguiore[s] & oleosas, quamvis grumo firmitus videantur intertextæ.

Vieussens.

Raymundus Vieussens *de Mixt. Princip. Tr. I. cap. 8. p. 69.* molecularum sanguinis nomine intelligit corpuscula e terra, phlegmate, sale & sulphure conflata, quæ, utpote nexu libero invicem unita & continuo agitata liquorem illum constituunt, qui sanguis vulgo nuncupatur. Se-

Listeri.

cundum verba Martini Lister. *Dissert. de Humor. cap. 24. p. 232. seq.* humor five moles in vasis sanguineis contentus integer & inviolatus, totus, quantus, quantus, non unus idemque est; sed minimum duo primarii & distincti liquores, vasis quidem communibus, per omnes corporis partes una circumacti: nempe, sanguis proprie sic dictus, five crassamentum rubrum, ex innumeris solidiusculis & ponderosis globulis rubris confectus; & serum levius, liquidius, & duplo minimum copiosius. Illud sanguinis massa venis missa fundum protinus petit, perque se crassescit rubrumque est; hoc vero liquidum usque permanet, alterique supernatat &c. Et c. 27. p. 273.

inquit

inquit idem Lister: Sanguinis limen, si quando chylus intraverit, pro modo & usu cibum capiendi tria dum fluidorum genera sanguiferis vasis insunt; naturaliter distincta, & seorsim subsistentia, inter se tamen quasi mista ac unita, cordisque vi arctius compressa; videlicet, chylus oleosus, albus, opacus & rarescens, serum pellucidum, & globuli solidiusculi & ponderosi. Hæc tria fluida inter se confusa, pro illo tempore sanguinis massam constituunt, & ab aorta tandem exeuntia pressius uniuntur: chylique adeo particulae sanguinis sero & globulis heterogeneæ sunt, & per simplicem tantum contactum commistæ.

§. 7.

De his sanguinis partibus & globulis ita scribit Georg. Philippus Nenterus *Physiol. med. cap. IV. Membr. 2. pag. 91.* Quamvis materia, quæ circulatione per totum corpus circumagitur, videatur liquor admodum homogeneus, ex tribus tamen constat partibus principalibus, sanguine scilicet, stricte sic dicto, lymphæ nutritia & sero excrementitio. Sanguis stricte sic dictus alias etiam grumus appellatur & portio rubicunda, respectu sero aquosi vel flavescantis. Hanc rubicundam partem multi ex fibris constare sibi persuadent, ideo quod agitatione sanguinis calidi fibræ oriantur & bacillo adhæreant: & quod sanguis aquæ infusus calidæ instar lanæ carptæ appareat. Sed fibræ hæc nil nisi gelatinosa sanguinis portio sunt, & sanguini revera non insunt: si enim tales in sanguine supponendæ essent, sanguis subtilissima vasorum capillarum ostiola minime penetrare posset, & necessario continuæ horum vasorum obstructions sequi deberent. Veritati autem magis convenit observatio Lewenhoeckii, asserentis, grumum sanguinis nil nisi globulos esse lymphæ innatantes, horumque alios esse diaphanos, alios vero magis opacos: id quod se-

Nenterus.

quenti modo demonstravit: inclusit nimirum sanguinem recentem tubulo vitreo admodum pellucido, in quo hermetice figillato, ope microscopii observavit, minutissimos globulos liquori diaphano innatantes. Ab hisce globulis & lumine in iisdem varie reflexo, quidam rubedinem sanguinis deducunt, quam chymici sulphuri adscribunt. Sunt autem hi globuli sine dubio portio sanguinis maxime pinguis & oleosi serosis admixta: si enim quodcunque oleum liquori aquoso admiscetur, post fortiores agitationem innumeri minutissimi globuli, aquæ innatantes observantur, post aliqualem vero quietem iterum coeunt globuli oleosi, ac aquam relinquunt. Pari modo se res habere videtur in corpore humano, ubi particulæ oleosæ, per continuam cordis conquassationem & aeris appulsum in respiratione, & continuam per partes porosas & viscera transpressionem cum aquosis sive serosis miscentur, & globulos tales constituunt; quamprimum vero ista agitatio cessat, globuli oleosi relicta aquosa parte coeunt, & grumum formant. Altera sanguinis essentialis pars est lymphæ nutritia, maximam partem ex particulis gelatinosis constans, quibus tamen aliæ ad constitutionem & nutritionem partium maxime necessariæ admixtæ sunt particulæ, aquosæ scilicet, plus vel minus pingues, ut & aliæ, quæ ad terrestritatem magis vel minus pronæ sunt. Cum enim hæc essentialis sanguinis pars ad nutritionem corporis potissimum destinata sit, necessario quoque convenientes & ad nutritionem singularum partium aptas particulas continere debet: quædam enim plus pinguedinis, aliæ plus aquæ, aliæ vero majorem terræ portionem postulant. Tertia sanguinis pars serum est, quod ex partibus mere inutilibus constat, & hinc merito excrementitium in medicorum scholis vocatur &c.

§. 8.

Plura de sanguinis partibus atque particulis globosis *camerarii*, alii referunt autores; Inquit enim Elias Camerarius *Dissertat. de usu & abus. Potuum Thee & Coffe p. 4.* Sanguis, chyli soboles, mirabilis liquor est, in quo heterogeneæ adeo atque diversæ moleculæ amico junguntur & æquabili fœdere; fluctuant enim in sinu ejus præter aquosas & gelatinosas copiosas, particulæ sulphuræ, oleosæ, salinæ, terrestres, tartaræ, & sexcenta fere, Hippocrate teste, alia; istæque minutæ ita sunt attritæ, divisæ, divulsæ, ut libere inter se intestino moveantur motu, sibi invicem, ubi opus fuerit, compedes injiciant, unaque alteram moderetur, ut vitalis hujus fluidi moleculæ in ipsa confusione suum servant ordinem, porosque & interstitia forment, in quibus latere spirulæ aeris & constringi variaque sua tendentia & renitentia elaterem sanguinis naturalem moderari queant &c. Selon la medecine dogmat. mechan. de Louis Bellefontaine *p. 330.* Il est certain, que la masse *De Bellefontaine.* du sang est composée de particules d'un mouvement indefini, & de figures indefinies, acides, salines, huileuses, gommeuses, aqueuses & terrestres, & que nous disons le sang être temperé & bien mixtionné, du quel les particules par un ordre convenable en mouvement, situation & grandeur s'accommodent entr'elles de sorte, qu'une qualité n'obtient aucune predomination par dessus les autres &c. Sanguinem ex variis minimis particulis compositum esse docet etiam Johannes Gothofredus Bergerus *Bergeri.* *Physiolog. med. Lib. I. cap. 3. p. 10. sq.* Liquor vitalis quo per corpus discurrens motum suum recte continuaret, membrisque omnibus vivo quodam sensu misceretur, & succos cuique utiles ac necessarios dispertiret corpusculis constare debuit non unius generis, sed indole & mole motuque variis, nimirum lævibus, lubricis, oblongis, ramo-

ramosis, flexibilibus, rigidis, acutis, secantibus & pungentibus, ac figura etiam alia & irregulari instructis, variaque magnitudine præditis, cedentibus æque ac resistentibus, & comprimi pariter ac resilire expandique aptis, eaque temperatione permixtis, ut tametsi tot diversi generis moleculæ, aqueæ, aeræ, æthereæ, oleosæ, salinæ, acidæ terreæ, tenuissimæ, tenues & crassæ, & magis minusve mobiles atque agitæ, sanguinem componant, tamen sub aquæ & gelatinæ, hisque intertextæ purpuræ, schemate centro quæque suo sint inclusæ, nec ante sensibus nostris patefiant, quam turbata consensione dissociatæ, in superficiem, id est, in actum sese emerferint. Item

Bollmanni.

Johannes Henricus Bollmann *de Febr. intermitt. Thes. 1. p. 9.* ait: Purpureum nostrum humorem sanguinem indefinitis indefinitæ figuræ particulis heterogeneis dulci-

bus, amaris, acidis, acribus, gelatinosis, aquosis, terreis, sulphureis, salinis, volatilibus fixis, alcalinis, vesiculis rubicundis, sphaerulis seu globulis minimis agilibus, lymphæ crystallina innumerisque aliis coagmentatum esse tam per chymiam, quam microscopia accurata examen ejus

Gulielmini.

adornamus, observamus. Dominicus Gulielminus *in Exercitat. de sanguin. natur.* demonstrare conatur, nihil aliud esse sanguinem, quam fluidum quoddam aqueum, in quo immediate confusæ sint primo diversorum & diversi status salium particulæ, diversæ ideo figuræ & molis; secundo, stamina concrecibilis substantiæ (a Malpighio fibra sanguinea appellata) tertio globuli rubri, atque inde aliquando exsoluta plano ovalia corpuscula; quarto, quæ non modo ex hisce substantiis, verum & ex chylo immediate sese explicant sulphuris ramenta; sexto, partes chyli non satis attenuatæ; & tandem septimo, aeræ particulæ, cum crassiores, quæ una cum chylo advehuntur, tum subtiliores, per respirationem auctæ, quæ omnem effugiunt analysin.

analysin. vid. *Act. Erudit. Lips. Ann. 1702. Mens. April. pag. 146.*

§. 9.

Præter ea, quæ hætenus de globulis sanguinis inse- *De globulis in sanguine.*
ruimus, sequentia ex aliis Autoribus adducere libet. Sci-
licet, referente Friderico Hoffmanno *Medicin. ration. system. Tom. I. cap. 9. §. 8. schol. p. 144.* contextus sanguinis est maxi-
me globosus, sive sanguis constat ex minimis globulis
fluido innatantibus, qui perpetuo circa axin motu rotan-
tur. Huic globulorum motui & collisioni quando parti-
culæ alterius figuræ sese interponunt, tunc prominentiæ
hujus facile deteruntur, abraduntur, ut figura identidem
fiat globulosa. Antonius a Leeuwenhoeck per micro-
scopium detexit, sanguinem humanum constare ex glo-
bulis rubris in humore crySTALLINO natantibus, qui ubi
sanguis post venæsectionem in vasculo exceptus coagula-
tur, motu suo amisso, descenderent ad fundum, humore
crySTALLINO, per quem sparsi prius movebantur, superna-
tante, uti refert Johannes Muys *Prax. med. chir. Dec. II. Obs. 4. p. m. 76.* Horum globulorum primum inventorem
Martinus Lister *Dissert. de Humor. cap. 24. pag. 237.* nominat
dictum a Leeuwenhoeck, ex quo sequentia adducit: Glo-
buli, qui nostrum sanguinem rubrum faciunt, ejusdem
molis sunt, cum globulis sanguinis boum, ovium & cu-
niculorum. Item, globuli sanguinis, qui eum rubrum
reddunt, adeo sunt exigui, ut horum centena millia my-
riadum mole æquare non possint crassam arenulam: atque
hinc facile nobis persuadere possumus, exiguitatem vaso-
rum, in quibus fit circulatio. Item alibi: globuli sanguinis ob
gravitatem suam versus fundum tendunt, & sunt gravio-
res materia serosa, ac consequenter minus continent aeris.
De his sanguinis globulis, vid. ejusdem Leeuwenh.
Arcan. Natur. detect. p. 38. seq. Plura etiam de iisdem, eo-
rumque

rumque usu &c. adducit Listerus *l. a. a p. 238. usque ad p. 252.* Inquit etiam Benjaminus Broekhuysius *Ration. philos. med. cap. XV. pag. 167.* mirum non videbitur alicui, cum sanguinis circularem non tantum motum, sed etiam quasdam ejus particulas, ope microscopii detectas, globulos referre, adeoque secundum sphaeram activitatis suam motas, constituam. Sanguis etenim recens venis vel arteriis emissus multis apparet refertus globulis, qui maximæ ejus portioni innatantes ob rubedinem particularum suarum sphaeram activitatis satis confirmant, cum ob naturam caloris partes rubedinem suscipiant, ac proinde hoc modo etiam particularum suarum motum satis denotent apparentem. Et Johannes Ludovicus Hannemannus *Fascic. Epistol. 1. pag. 7.* scribit: Sanguis venosus constat innumerosorum globulorum congerie, hi autem globuli, quando sanguis cedit in alimentum, debent elongari in formam filamentalem, cum primis si carni nutrimentum suppeditabunt. Sanguis arteriosus ab isto granulari contextu non quidem abit, & etiam globulorum congerie gaudet, verum cum in iis magis stabuletur humidum primigenium oleosum, hinc & iste sanguis magis oleosus & pinguis est. De variis sanguinis particulis vid. etiam Laurent. Donckers *de Febr. petechial. c. II. p. 11. 12. 14. 16. sq. 20.* Malach. Thruston. *Diatrib. de Respirat. p. 13.* Inquit etiam Georgius Wolffg. Wedelius *M. N. C. Dec. II. An. 5. Obs. 156. p. 323. seq.* Sanguis, sulphur vitale fluidum viventium, cohesionis omnis in corpore materia prima, natura sua viscidis, plicatilibus, unctuosus & inflammabilibus particulis excellit, lucidis superbit, easdemque spiritibus & corpori hinc reliquo suggerit. Has ergo globosas, bullulascentes facile colligit intellectus. Sin oculorum fides accedat, longe certius id demonstratum habetur. Ibi que guttam sanguinis per microscopium examinatum communicat; in qua non modo

do striæ albicantes, sed etiam in spatiis intermediis partim circelli, partim globuli exhibentur. Juxta Joh. Bapt. du Hamel. *Philosoph. veter. & nov. Physic. Part. III. c. 5. p. 829. sq.* de sanguinis globulis sequentia refert: Nuper in Batavia observatum fuit a viro industrio, quique exquisito admodum utitur microscopio, parti aquosæ sanguinis globulos rubros non solum innatare, sed & continuo moveri: Item sanguinem ex globulis rubris, qui in crystallino & limpidò humore natant, & libere huc illuc moventur constare, crebris observationibus comperit Leeuwenhoeck. Hi globuli seroso humore sunt graviores, molles fluidi, qui paulatim ad fundum decidunt, ac mutuo pondere sic comprimantur, ut atro-purpureum colorem induant. Cum tamen aeri exponuntur, statim coccineum colorem & vegetiorem recuperant; quod forte aer liberius circa eos globulos agitetur. Cum sanguinem e pollice eductum tubo capillari excepisset, globuli sanguinis in toto tubulo ejusdem coloris visi sunt: quod in arctiori spatio globuli sese mutuo non premerent. Ii vero adeo sunt minuti ut granum arenæ 25000. eos æquet globulos. Quod adeo mirum videri debet: nam si diameter grani arenulæ sit 25. major diametro unius globuli; solidum arenulæ erit 25625. majus globuli mole. Cum bene se habet sanguis, hi globuli sunt molliores & magis flexibiles, ut per capillares arteriolas facilius pertranseant, & inter eas angustias arctatæ ellipticam figuram induant. Hi porro globuli ex sex minoribus, qui microscopio deteguntur, plerumque compositi cernuntur. De globulis in sanguine microscopiis detectis, scripsit Casparus Bartholinus: Delphis apud Batavum hominem ingeniosum, sed parum literatum, nomine Lewenhuch, fuimus, qui microscopia varia & curiosissima ipse conficit. Illorum ope inter alia curiosa observavimus, sanguinem constare

Dubium

minutis globulis, qui quamdiu sanguinis consistentia adhuc est fluida, in continuo motu accuratissime visuntur, nunc sursum, nunc deorsum, nunc ad latera ferri, secus ubi frigore particulæ induravere: Quodque notandum, illi globuli dispersi magis, & quasi rarefacti, nullius fere coloris, sed pellucidi videbantur, in se invicem compacti, rubicundi, & quo compactiores, eo rubicundiores &c. vid. Thom. Bartholin. *Act. Hafn. Vol. III. Obs. 3. p. 7.* Idem confirmat etiam Fridericus Schraderus *de Microscop. usu. pag. 32.* Delphis, inquit, Lewenhœckius primus mihi sanguinem in capillarem tubulum sponte assurgentem, per microscopium monstravit innumeris globulis constare rubicundi coloris, in pellucido sero natantibus, quo ipso motus perennitatem in sanguinea massa observabilem explicare in Anglia sunt annisi. Quod tamem sanguis intra corpus adhuc circulatus eandem faciem obtineat, exinde neutiquam evinci sibi persuadet dictus Schraderus, siquidem ab externo aere sanguinem extra vasa missum ambiente, minimæ ejus atomi in globosam hanc figuram coagulari posse, suspicio incidat &c. Sanguinem e corpore sano emissum ex minutissimis, mollissimis ac summe rubicundis globulis constare, qui per minimos arteriarum ramusculos propulsi, tandem & arctius compressi ellipseos solidæ seu ovi oblongi figuram acquirant, ac ita ad transitum aptiores fiant; quamprimum vero globuli isti, instar ovorum diutius coëctorum duritiem p. n. nacti, in vasorum osculis aggesti hærentes, efficiunt, ne sanguis libere & absque ullo obstaculo perfluere possit, uti ex Leeuwenhockio allegat Henricus Scretæ *de Febr. castrens. malign. c. 6. p. 98. seq.* Satuit etiam Jacobus Keil, quod, si sanguinem per microscopia contueamur, globuli rubri fluido limpido innatantes & instar sphæricularum mercurialium in unum majorem coalescentes observentur. vid. *Act. Erudit. Lips. Ann.*

Ann. 1709. Mens. Sept. p. 398. De origine & usu horum globulorum vid. Joh. Woodward. *de Medicin. & Morbor. Stat. p. 8. sq.* Steph. Blancard. *Collect. med. Phys. part. III. Observ. 6. pag. 11. 13.*

§. 10.

Circa proportionem partis purpureæ ac substantiæ seroso gelatinosæ sanguinis, intra vasa animalium fluctuantis observatio sequens recensetur in *Act. Erudit. Lips. An. 1682. p. 126.* Massa sanguinea tria involvit, serum aqueum, substantiam gelatinosam seu fibrosam ac tincturam rubicundam, i. e. sanguinem κατ' ἐξοχήν sic dictum. Quoniam vero in sanguine per venæsectionem educto & coagulato gelatinosa dicta portio partim tincturæ purpureæ intertexta est, & spissitudinem huic confert, partim a sero aqueo dissolvitur atque diluitur, duplex tantum, serosa scilicet ac purpurea substantia hætenus observata & credita fuit, donec sub medium præsentis seculi accuratius fluidi hujus animalis examen gelatinam illam nutritiam detegeret quidem, qualis tamen sit has inter sanguinis partes integrantes proportio, ulteriori investigationi destinaret. De sanguificationis proin organo ac modo aliquando sollicitus ambigebam, aut potius augurabar, tantillum forsan purpuræ sanguinæ esse, quod tantas de sua causa efficiente atque productionis ratione turbas & contentiones inter Anatomicos magnæ famæ excitasset tantamque viscerum αἱματοποιητικῶν, scilicet epatis, lienis, cordis &c. compagem ac ambitum postulasset. Porro per microscopium in sanguine observabilium globulorum rubicundorum sero limpidio innatantium molem ubi cum feri mole comparabam, illam huic maxime disparem & longe minorem dignoscebam; quia tamen multum adhuc gelatinosæ substantiæ eosdem globulos purpureos implicare probabile, imo certissimum erat, solo oculo, quantum tin-

Eturæ rutilæ liquori sanguinis vitali adhuc subesset, discernere atque determinare me posse haud præsumebam. Ast aliis encheirifibus in subsidium vocatis, in diversis animalibus, diversisque pariter individuis humanis, deprehendi, quod tincturæ hujus partem unam modo decem, modo undecim, modo plures, nunquam pauciores, feri atque gelatinæ partes comitentur: ultimum autem, quod in sanguine hominis optime valentis hujus theoriæ causa adornabam, experimentum erat sequens. Uni nempe aquæ calidæ libræ tantum sanguinis ex aperta vena profilientis influere permittebam, donec aquam pondere unciarum trium & drachmæ unius auctam, hinc tantundem sanguinis ab illa absorptum & dilutum fuisse, observabam. Solutio hæc filtrata, in filtro gelatinæ spissioris unciam dimidiam cum drachma una relinquebat, dum ejus reliquum leni destillatione substantiæ aqueæ libram unam cum uncia una & drachmis sex fundebat, remanentibus in fundo retortæ grumi ex rubro fusci drachmis duabus cum semisse, ita ut substantiæ aqueæ drachmæ tres cum dimidia vel a charta filtri haustæ fuisse, vel inter destillandum in auras exhalasse viderentur. Quia tamen diversus hujus cruoris color, quem microscopio adjutus conspiciebam, aliquid gelatinæ adhuc complecti cruorem evincebat, massulam istam, quo gelatinam omnem eluerem, denuo cum aqua tepida macerabam, postmodum filtrabam: & post lenem exsiccationem grumi ejusdem seu tincturæ sanguineæ drachmæ non nisi duæ cum granis tribus, i. e. vix duodecima massæ sanguineæ pars, restitabant, adeoque exile admodum esse, quod sanguini speciem atque nomen dat, declarabant. Juxta Friderici Hoffmanni *Medicin. systemat.* Tom. 1. cap. 5. §. 5. pag. 92. in sanguine sani hominis tres fere partes liquidi & una pars solidi continentur. Quæ vero sit proportio solidi & liquidi

quidi in sanguine, quam optime pondus docet, quo observavimus unciam unam & drachmas septem solidæ substantiæ ex unciis sex & drachmis quinque sanguinis, unde proportio solidi ad liquidum est, ut unum ad duo & dimidum. At vero pro diversitate victus & temperamentorum solidi & liquidi proportio non semper eadem est, sed utique multum variat, quare Boyle in Historia naturali sanguinis humani ex unciis quatuor & quinque drachmis sanguinis unciam unam & drachmas tres atque triginta quatuor grana solidæ substantiæ obtinuit. Nos alio tempore ex unciis septem semis solidi uncias duas & drachmas duas extraximus. De rata partium sanguinis portione scribit Johannes Gothofredus Bergerus *Physiol. med. Lib. 1. cap. 9. p. 155.* quod sanguis ex incisa sani hominis vena in aquam calentem certo pondere missus, & dein percolatus, transmissa per colum aquea parte, magnam gelatinæ copiam, in fibras, lanæ instar carptæ, coeuntem, relinquit; quæ si satis eluatur, parum tincturæ rubræ, exhalatione aquæ in fuscum collectæ pulverem, qui ignis flammæ objectus, resinarum more micat & crepitat, dimittit, ita ut, si comparatio inter eas partes instituat, minima, & vix duodecima sit purpuræ, maximam vero gelatina fibrosa aquave constituent. Quamvis hæc proportio in diversis diversa esse possit. Unde haud difficulter colligas, quam exigua chyli portio rubedinem induat, vel potius, quod chylus maximam partem in aquam & gelatinam puriorem, sive lympham pellucidam, commutetur, & quædam ejus pinguis oleosaque portio, continuata digestionem, in illam purpuream partem sensim paulatimque explicetur. Ex hac vero theoria sanguinis addiscimus, potulenta tripla fere portione solidos cibos exsuperare debere. Sic etiam sanguis humanus aqua specie gravior est. Utut enim sanguis ex partibus aqueis
valde

valde tenuibus sit compositus, tamen propter solidum in eo contentum aqua est ponderosior, quod sequenti experimento certum fit: Quandocunque vas aqua repletur, ita ut ambo uncias novem & drachmas sex ponderent, fit, ut si idem vas sanguine humano impleatur, uncias decem & drachmas duas ac grana quatuor ponderet. Ergo sanguis unciam dimidiam in dicta mensura aquæ præponderat. Et quod solidum in sanguine ejus sero seu liquido gravius sit vel ex eo clare dignoscitur, quod serum sanguinis parti rubicundæ supernatet. Ex unciis septem puri sanguinis fere sex uncias phlegmatis per destillationem prolexit Robertus Boyle, & in Nosodochio Patavino haud semel ostensum est, si sanguis ex arteria mittatur ad libram unam, quod spatio sex horarum ille in feri uncias novem faceßat, & uncia tres in fundo densentur, uti refert Emanuel Kœnig *Regn. animal. Sect. 1. Art. 5. p. 19.* Et *Art. 15. pag. 53.* ait, in sanguine venæsectione emisso & coagulato, ubi fibrosa substantia tum rubris particulis est intertexta massamque concretam cum iis conficit, tum in sero aqueo dissoluta est, vix duodecimam rubicundæ materiæ partem adesse, serosasque & fibrosas particulas longe prædominari. Quænam inter sanguinis serum & grumum proportio sit, ita dirimit Johannes Fridericus Ortlob. *Histor. Part. Dissert. XII. §. 8. p. 92.* nimirum, quia gelatinosas partes illi adscripsimus, hanc vero solis globulis rubicundis definimus, facile apparet, semper serum grumo debere esse copiosius. Non etenim obstat solidiorem portionem sæpe fluidam quantitate superare, quia magnam illius partem gelatinosæ efficiunt, quæ tamen ad hanc pertinent. Et hæc quoque causa est, quod Boylæi aliorumque computationes non incidant, & alii serum grumum, alii vice versa, excedere pronuncient. Qua vero proportionem se ad invicem habeant, determinare non

non concessum est, quatenus non modo secundum individua, sed in iisdem pro liquidorum uberiore aut parciore assumptione, transpiratione cohibita diversisque aliis circumstantiis eadem variat. De alia particularum in sanguine proportionem scribit Johannes Dolæus *Epist. II. ad Waldschmid. p. 71.* nimirum supponitur drachmam unam sanguinis comprehendere 1600 particulas salinas, lixiviosas, fixas & volatiles, 800 acidas, 500 spirituosas, 600 aqueas, 900 fixas & sic de cæteris, tali semper servata proportionem, ut perduret æquilibrium &c.

§. II.

De sanguinis colore diversas etiam fovēt auctores sententias, dum alii, uti in secundo capite vidimus, eundem a nova digestionem, vel effervescentia seu fermentationem, vel conquassationem, eundem ab aliis causis derivant. Spiritum enim vitalem, in materia seminali nidulantem, ab extraneo incubantis gallinæ calore motuque excitatum, majoresque exinde vires paulatim acquirunt, simul & liquore vitali calorem denuo imprimunt, in eundem, temporis progressu, sanguinis & colorem inducere, idque solum caloris motusque sui rationem; asserit Gualtherus Charleton *Oeconom. animal. Exercit. IV. §. 9. pag. 65.* Idem confirmat etiam Franciscus Glissonius *Anatom. Hepat. c. 35. p. m. 36.* asserens, spiritum vitalem ab extraneo incubationis calore excitatum atque adjutum, sensim inferre facere liquorem vitalem, in quo hospitatur, eidemque colorem sanguineum inducere. Et juxta Joh. Jac. Franc. Vicar. *Bas. univers. medicin. Lib. 1. cap. 6. §. 4. p. 95.* spiritus vitalis in prima seminali materia se primitus manifestans efficienter sanguificat, utpote a quo sanguis quoque primitus pro succo totum corpus conservaturo, augmentaturo, & vivificaturo elaboratur, ita ab eodem postmodum per totum vitæ cursum continuatur. Sanguinis purpuram,

*Sanguinis
color,*

*a calore &
motu.*

Hæmatol.

Bb

five

sive sanguinem proprie dictum ex purioribus & nobilioribus liquoris chylosi particulis, a sanguinis motu rarefactivo resolutis atque exaltatis, & ita alio modo receptum lumen reflectentibus restaurari asserit Justus Vesti *Oecon. Corp. hum. Dissert. III. §. 18. pag. 42.* ubi pergit: Cum vero sanguinis iste rarefactivus motus & inde oriundus digestivus calor, a præsuppositis aura sive spiritu vitali & sale sanguinis, balsamico, totam interne massam exagitantibus, dependeat, horumque vis elastica ab admissis intra pulmones novis in sui sulphuris penetralia æthereis subsidiis, continuo refarciatur, acceptæ in illis spumosioris consistentiæ & floridioris purpurei coloris, quibus arteriosus sanguis superbit præ venoso, ratio facile constat.

§. 12.

A motu.

*A particulis
sulphureis &
oleosis.*

A validiore cordis pulsu rubicundum sanguinis calorem oriri statuit Jacobus de Sandris *de Natural. Sangu. Stat. Cap. IV. p. III.* inquiens: si in homine arteriarum sanguis magis coccineus est, id sequi probabiliter censemus, quia validiorem a corde recipit impulsus, hinc magis dissolvi, unde color coccineus & consistentia serosior: propterea in minimis arteriis, quia a tali impulsu multum recedit, inde dictas conditiones valde deperdit. Tali scilicet motu vel pulsu oleosæ atque sulphuræ in sanguine latentes particule sensim rubedinem contrahunt. Hinc scribit Christianus Johannes Langius *Physiolog. Thes. XVI. Oper. Tom. I. fol. 103.* infusus venæ subclaviæ chylus albus sensim sensimque quoad moleculas sulphureas & oleosas a principio vitali agitata rubescit eleganter, eoque ipso in sanguinem abit, dum per vasa sanguinea ad artus non minus quam viscera indefinente circulo movetur. Quam thesin sequentibus verbis ita explicat atque coloris rubicundi rationem describit: Oleosa ac sulphurea concreta digestionis menstruorumque convenientium ope facile rutescere

re, innumeris experimentis chymicis stabilitum est, adeo ut superfluum omnino mihi videatur, circa probationem hujus asserti multum occupari. Sufficiet ergo, ex alimentis extractas partes oleosas cum aqueis reliquisque per bilem unitas constituere chylum. Has vero albissimas moleculas a vitali nostri corporis principio sedula circumgyratione accommotione in rubicundum colorem converti posse, probabile fit a priori, tam ex flexili & molli textura pinguium corporum, quam activitate summa hujus vitalis substantiæ, quæ digerendo & tornando quasi facile talia corpora ad hanc figuram reducere valet, ut lumen in ejus superficie singulari ratione modificatum rubedinem repræsentet. Cum vero a priori vix possit clare satis hoc sanguificationis opus exponi, a posteriori, hoc est, experientia veritatem thesios explicare allaborabo. Ut igitur constet, chyli partes solo motu rubras reddi, extrahatur chylus ex cisterna lumbari, ductuque thoracico, & aliquandiu in cochleari candelæ ardenti admoveatur, videbis sic concreescere paululum liquorem hunc & brevi roseum induere colorem. Scribit etiam Thomas Cornelius Consentinus, *Progymn. VI. p. 273. seq.* quemadmodum in chymicis sæpissime usu venit, ut candidi quidam & lactescentes succi affuso sulphuris oleo, vel alio simili liquore, rubescant, ita pariter consentaneum est, chylum certi cujusdam liquoris calidarumque expirationum interventu in purpureum sanguinem mutari; videtur autem hæc sanguinis confectio a motu & agitatione plurimum adjuvari.

§. 13.

Ad quæstionem, unde sanguis purpureum suum habeat colorem, respondet Johannes Jac. Waldschmied. *Institut. Medicin. ration. Lib. I. cap. 5. pag. 25.* sanguinem sui ipsius esse opificem, nam, quando particulæ sulphureæ

a Sale &
sulphure.

five pingues & oleosæ cum salinis a copiosissima materia ætherea in corde exagitata & in orbem celerrime voluta magis rarescunt & arctius conjunguntur, talem sanguis accipit superficiem, ut radii luminæ inde reflexi ita modificentur, ut sensum coloris rubri in nobis excitent. Sal autem & sulphur hic omne ferre punctum, vel exinde probari potest, quia sanguis eo magis rubicundus & coloris incarnati est, quo plus de sale & sulphure participat, quia sulphur a sale alkalino secundum minima dissolvitur, cum econtra, si acidum sit in sanguine, color obscurus magis sit & sanguis crudior, juxta elegantissimam chymicorum regulam: sulphurea ab alkalibus solvuntur in minimas particulas, per acidum vero in particulas crassiores coagulantur; hinc facile potest dari ratio, quare ipsum lac cum sale tartari volatili coctum, rubicundum tandem induat colorem. Quæ juxta verba de Louis Bellefontaine *de la Medecine Dogmat. Exerc. 13. p. 56.* ad quæstionem, d'où vient la couleur rouge & pourprée du sang? sic sonant: Il faut repondre, le sang en cela être son propre ouvrier; car lorsque les particules sulphureuses ou huileuses, avec les salines se mêlent ensemble, & qu'elles sont agitées par la matiere subtile dans le coeur, & que toute la masse se rarefie; ces particules se joignent très-étroitement, les huileuses sont exaltées de sorte par les salines, que le sang acquiert une superficie, où les rayons de lumiere sont tellement reflechis & modifiez, q'ils excitent en nous la sensation de la couleur rouge. Cela se prouve en ce que le sang est d'autant plus rouge & vermeil, qu'il participe plus de particules sulphureuses & salines alcali. Au contraire si les particules acides abondent dans le sang, elles le rendent plus obscur & plus grossier, suivant cette regle elegante de chymistes: sulphurea ab alcalibus solvuntur in minimas particulas; per acidum

acidum vero in particulas crassiores coagulantur. Quantum ad sanguinis purpuram attinet, restaurari illam asserit Justus Vesti *Oeconom. corpor. hum. Dissert. III. §. 18. p. 42.* ex purioribus & nobilioribus liquoris chylosi particulis, a sanguinis motu rarefactivo resolutis atque exaltatis, & ita alio modo receptum lumen reflectentibus. Ex chymicis etiam constat, sulphureos liquores sola digestionem, vel resolvente sale accedente, in rubicundos transmutari, quod clarum evadit in lacte vaccino, sale tartari digesto. vid. Elsholtz *Destillat. curios. cap. 2.* Cum vero sanguinis iste rarefactivus motus, & inde oriundus digestivus color, a præsuppositis aura five spiritu vitali & sale sanguinis balsamico, totam interne massam exagitantibus, dependeat, horumque vis elastica, ab admissis intra pulmones novis in sui sulphuris penetralia æthereis subsidiis, continuo refarciatur, acceptæ in illis spumosis consistentiæ & floridioris purpurei coloris, quibus arteriosus sanguis superbit præ venoso, ratio facile constat. Verba autem Johannis Sigismundi Elsholtzii *l. a. p. 12.* sic sonant: Capito olei tartari partes duas, lactis vaccini unicam: mista ea adhibito arenæ calore rubescunt, supernatante caseosa lactis portione addensata. Hanc si filtro separes, rubeus liquor magis fiet pellucidus. Analogia hujus experimenti ductus cogitavi, num chylus albicans in corpore humano quotidie sanguini rubenti confusus, simili quadam ratione forte etiam rubescat. Quamvis enim vulgo haud perperam statuatur, motu sanguinis circulari hunc ruborem appellenti subinde chylo induci: motus tamen solus ad colorem immutandum vix sufficere videtur, nisi in ipso sanguine simul lateret salinum principium, quod tincturam hanc tot annos in senium usque continuatam, adjuvante cordis vasorumque calore perficeret. Liquamen nutritium vel chylus, secundum Johann Woodward

Medicin. & morbor. Stat. pag. 7. variis salibus stipatus ex stomacho & duodeno in vasa sanguinea delatus, per circulum corporis cum sanguine ductus, post naturales secretiones & excretiones varias transparentem suum pallorem deponit induitque purpuram magis minusve saturatam, ad nigredinem fere, pro majori minorive variorum salium quantitate ac proportionem.

§. 14.

Juxta Bergerum.

Lymphæ pellucidæ, & tincturæ purpureæ sanguinis ac rutilantis totius massæ humoris, rationem hanc reddit Johannes Gothofredus Bergerus *Physiolog. Cap. IX. pag. 157.* Quod ex lacteo humore limpida crySTALLINAQUE fiat lymphæ, id utique limatis ac veluti politis secretisque a confortio opacarum particularum gelatinosis & aqueis partibus debetur, talem quippe motum & texturam nactis, ut radios lucis citra magnam conturbationem & nullo fere interrupto ordine, transmittant. Atque hic partium situs positusque multo se aliter habet in pinguibus & oleosis sanguinis partibus, quæ assidua viscerum & vasorum, quibus vehuntur, pressione, aerisque, intus agentis, elaterio, mutuoque ipsarummet sese agitantium exsolventiumque, particularum illarum oleosarum & salinarum occurfu & attritu, divisæ satis, excussæ ac dilatatæ, majorem ætheris copiam admittunt & promunt, ejusque vertigine abreptæ, & juxta se ac circa propria centra volutatæ, radios lucis non transmittunt amplius, sed eo modo alterant atque ad oculos remittunt, qui ad movendum coloris purpurei sensum requiritur. Neque vero illa coloris mutatio, qua permixta sanguini lymphæ in vasis sanguineis, imprimisque arteriis, tota rutilat, aliunde rectius deduci potest, quam a vividiore totius massæ sanguinæ motu, quo confusæ & agitatæ, atque in communem abreptæ vertiginem, omnes sanguinis & lymphæ partes,

tes, propter varium in se mutuo appulsum, & citatiorem juxta proprium axem rotationem, lucem non directe & imperturbate, sed cum motu isto vorticoso & gyratione suorum globulorum, continuata ad oculos reverberant, hosque fulgente quadam vibratione, unde mens purpurei & rutilantis coloris speciem concipit, commovent. Juxta Johann. Bohn. *Circul. anat. physiolog. Progymn. XIII. pag. 199.* particulæ chyli pinguiore salinis quibusdam implicatæ, dum intra pulmones vesiculosam texturam a subtilioribus atomis aereis assumunt, ac repetitis per eorum compagem circumrotationibus, tornando quasi, in bululas seu vesiculas, determinatæ molis, & ad invicem habitudinis, rediguntur purpuream sanguinis tincturam constituentes. Inquit etiam Stephanus Blancardus *Instit. Med. c. 4. Oper. Tom. 1. p. 191.* certum est, quum sanguinis continua periodo plus centies millies circumvectus fuerit, illum multo volatiliores possidere particulas ac chyli liquor, & quod chylo, majori aciditatis copia, referto, cum volatilibus sanguinis salibus insensibilis oriri possit mutatio seu fermentatio, cujus auxilio chylus sanguini five vetustiori chylo prorsus assimilatur; sal enim, acidum, oleosa & plura alia insensibili illa fermentatione ita coadunantur, ut rubrum induant colorem; non secus ac vulgare sulphur cum lixivio coctum liquori rubrum largitur colorem; quorum particulæ ita mutuo conjunguntur, ut vinculum rumpi non possit, nisi acido affuso, quicquid alcalicum cum acidis particulis societatem aggreditur, & quicquid sulphureum relinquitur &c. A sale volatili sanguinis ruborem oriri ait Michael Ettmüller *Oper. Vol. II. fol. 1342.* item Gothofredus Mœbius *Physiolog. Cap. XII. pag. 253.*

§. 15.

A sulphure
& aere.

Secundum verba Johannis Muralti *Vademec. Experim. IV. §. 4. p. 123. seq.* Rubedo in sanguine ab ejus sulphure exaltato procedit; in arterioso quidem sanguine rubor ob chylum subactum magis ad floridum purpureumque colorem vergit, quia sulphur ibi a copia spirituum magis exaltatur, & aer lumine plenus in transitu per pulmones commixtus, cum spirituosiores, rariorem & consequenter magis floridum & splendentem reddit; in venis vero a contrariis de causis nigricat. Sulphur & aer in sanguine rarefaciendo poros efformant, pro varia radiorum refractione; hinc in sanguine lucidum videtur, quasi obtenebratum rubrum, & vegetationis ac temperaturæ siccioris signum est. Et David von der Becke *Experim. circ. Natural. Rer. Princip. Lib. I. p. 62. seq.* ita scribit: Notandum est, quod sanguinis nostri color purpureus oriatur ex mixture partium sulphurearum acidarum cum spiritibus nostris alcalicis, quæ mixta motu mutuo resolvuntur, coloremque intense rubentem producant, ut merito hi spiritus primum sanguificationis instrumentum saluari debeant. Cor vero fermento suo particulas chylosas adductas ita saltem disponit ac liberas reddit, ut cum spiritibus dictis commixtæ, ac beneficio fermentationis per minimas quoque atomos cum iisdem conjunctæ tincturam suam libere impertire queant. Confirmantur hæc certissimis experimentis. Spiritus ac salia volatilia alcalia e. g. spiritus salis ammoniaci vel sal volatile cornu cervi, si cum spiritibus sulphureis digerantur, tinctura exinde prodit rubicundissima, non alia ratione, quam quod salium horum volatilium alcali subtile, acidum sulphur spirituum vini, cujus ratione inebriant, flammam concipiunt, calorem ac inflammationes producant, adoriatur, medianteque digestionem cum eo intime combinetur;

tur; ac subtilissime effervescat; unde tandem sulphur illud spiritus vini resolutum manifestum redditur ac tingit vinum colore sanguineo. Quemadmodum tinctura tartari nihil aliud est, quam spiritus vini ab alcali tartari volatilifato tinctus &c. Colorem sanguinis fieri a sulphure exaltato, concentrato & prædominante: Sulphur esse principium colorum radicale & materiale, sal explicativum; rubrum vero imprimis a partibus sulphureis salinis expansis, ait Georgius Wolffgangus Wedelius *Physiol. Sect. III. Cap. 14. p. 137. seq.*

§. 16.

Liceat etiam Friderici Hoffmanni sententiam de sanguinis colore hoc loco inferere, qui *Medicin. ration. system. Tom. I. cap. 5. p. 95. §. 14.* inquit: Calore partes sanguinis temperatæ, oleosæ, ac terreæ alcalisantur & subtiliores fiunt, quare ex connubio & mixtura principii alcalini & olei subtilis purpureus sanguinis color emergit. Sal scilicet alcalinum cum sulphure subtiliori commixtum leniori calore ac digestionem rubicundum induere colorem, experimentis chymicis compluribus stabiliri potest. Videmus spiritum vini rectificatissimum fortissimo sali alcalino, quod fit, quando nitrum cum regulo antimonii æquali portione calcinatur, superfusum brevi elapso tempore elegantissime rubicundo colore imbui. Olea destillata sulphuri vivo, vel, si mavis, sali lixivioso recluso affusa leni digestionem rubineum colorem induunt. Spiritus ex animantium partibus destillati, & sale volatili ac oleo turgidi, primo diaphani, brevi tempore colore obscure rubicundo tinguntur. Et quod portio sanguinis subtilior & sulphurea gelatinæ ejus purpureum colorem reddat, vel hoc unicum experimentum satis evincere poterit, quod sanguis ex secta vena in aquam tepidam effusus, ingentem portionem substantiæ mucidæ diaphanæ,

*Ex Alkali &
oleo subtili.*

Ab Aere.

in fundum demittat, aqua vero supernatans rubra post factam evaporationem tenuem rubicundum pulverem, qui promptissime ardet, relinquat. A particulis nitrosis cum salino-sulphureis causam coloris in sanguine deducit Majow, vide Idon. Wolffii. *Observ. chir. med. Lib. I. Obs. 4. p. 16.* Affirmat etiam Johannes Jacobus Franciscus Vicarius *Bas. Medicin. Lib. I. c. 6. p. 97.* rubedinem sanguinis materialiter quidem ex aeris & chyli salium volatilium cum oleosis particulis intima penetratione & exacta subactione originem trahere; sic enim salia volatilia & spiritus animalium urinosi præsertim aromatici & oleosi etiam limpidissimi tractu temporis accedente aere rubicundum colorem acquirunt. Locus autem hujus tincturæ, seu accensionis (pergit Vicarius) sunt ipsi pulmones, utpote optissimi & convenientissimi ad aerem recipiendum; accensio autem hæc nil aliud est, quam ipsa chyli salino-sulphurearum particularum exaltatio, in minima resolutio, volatilifatio, quibus chylus sanguinis purpuræ successive particeps fit; hinc sanguis tam notabiliter ad pulmones per venam arteriosam ex cordis dextro ventriculo effluit, in quibus dein a nitroso aeris inspiratione. Chyli & sanguinis particulæ certo modo fermentari & accendi possunt. Aerem autem tincturam sanguini elargiri, docet primo experimentum Loweri, dum vidit ab occurrente aere sanguinem subito in floridum & eleganter coloratum mutari; habetur insuper secundo, quod in demortui animalis asperam arteriam aer per follem inflatus atrum sanguinis colorem, testante hoc Benedicto in Theatro tabidorum, in coccineum transmutet. Secundum sententiam Martini Listeri, systole cordis aerem non æque per pulmones, ac per eandem cum chylo viam advenientem intimius cum sanguine miscendo coccineum huic colorem conciliat. vid. *Act. Erudit. 1695. Mens. Jul. p. 318.* Observavit

vavit etiam Vicarius Constantiæ 1693. quod ex præcedenti hyeme inconstanti, plerumque vero nebulosa, humida, sanguis in vere per venæsectionem emissus vix non apud omnes nullius purpuræ, nullius consistentiæ, sed merum quasi humorum pituitosorum & cacochymicorum cloacam fuisse, satis igitur patet, coccineam chlamydem sanguinem in pulmonibus ab aere suscipere; hinc dum foetus ex utero materno semel progreditur auramque captat, ne momento quidem amplius sine eo vivere valet. Experimentum Rich. Loweri a Vicario recensitum extat in ipsius Tractatu de Cord. Cap. III. p. 176. quo loco sententiam suam de sanguinis colore explicat; inter alia inquiens; cui sanguis acceptum referat, quod colore tam rutilo & purpureo penitus imbuatur? hoc pulmonibus totum tribuendum est, siquidem expertus sum sanguinem, qui totus venosi instar atro colore pulmones intrat, arteriosum omnino & floridum ex illis redire; si enim abscissa anteriore parte pectoris & folle in asperam arteriam immisso pulmonibus continenter insufflatis, &, quo liber per eos aeri transitus fiat, acu simul undique perforatis, vena pnevmonica prope auriculam sinistram pertundatur, sanguis totus purpureus & floridus in admotum vasculum exsiliet; atque quamdiu pulmonibus recens usque aer hoc modo suggeritur, sanguis ad plures uncias, imo libras per totum coccineus erumpet, non aliter, quam si arteria pertusa aliqua exciperetur. Verum si quis comminutioni sanguinis in pulmonibus potius, quam aeris cum sanguine mixtioni, floridum hunc ipsius colorem tribuendum esse contendat, perpendere oportet, an revera sanguis in pulmone magis, quam in corporis musculis, si omnino æque, comminui ac confringi possit; quippe cum pulmones in continua dilatatione ad experimentum hoc recte conficiendum contineantur, non video,

quomodo aliter, quam per poros eorum transeundo, sicut in reliquo corporis habitu, comminuantur. Præterea colorem hunc rutilum particulis aeris sese in sanguinem insinuantibus omnino deberi, ex eo satis perspicuum est, quod sicut in pulmonibus per totum floridus redditur, qui in illis aer per omnes sanguinis particulas diffusus cum ipso intimius permiscetur; ita sanguinis venosi in vase excepti superficies & pars summa, quatenus aeri exposita est, coccineum quoque colorem acquirit; quæ si cultello auferatur, proxima, quæ subjacet, a simili aeris contactu in eundem brevi mutabitur. Quin etiam si placenta sanguinis, postquam diu resederit invertatur, brevi spatio cuticula ejus exterior & summa (dummodo sanguis sit incorruptus) purpureum colorem induit; quin & vulgo notum est, sanguinem venosum in patina exceptum & diutina agitatione commotum, quo aerem penitus intromittat, purpureum omnino evadere &c. Experimentum aliud refert etiam Christophorus Bennettus (vel Benedictus) *Theatr. Tabidor. Exercit. III. p. m. 9.* e patella, inquiens, dematur sanguinis portiuncula crassiuscula subnigra, postquam subsiderit, digitoque mediocriter calente in pelvi vitreo aut stanneo glabriore, contere particulam dissociatam, & inter subigendum (quod digito approximatur) ruborem defæcatissimi sanguinis acquirat. Secundum Joh. Friedr. Ortlob. *Histor. Part. Dissert. XII. p. 91.* Sanguinis grumus post venæsectionem in summitate floridus & rutilans magis, in fundo vero nigricans & obscurior apparet; quæ differentia accidentalis est: si enim grumum discindas aut invertas, facile similem illi, qui summitatem occupabat, colorem rutilum suscipiet, ut ergo is aeri potius debeatur & fero, cui cum expositus plus est, etiam aliter locatis globulis, aliter radiorum reflexionem instituit, a qua pendere colorem hunc ex

physicis

physicis patet. Statuit etiam Nicolaus Hartsoeker, aerem in pulmonibus per tubulos capillares sanguini permixtum ob salia volatilia, quæ secum vehat, in eodem quandam effervescentiam excitare, transmutationi chyli in sanguinem & ejus circulationi continuandam aptam. Item per aerem, quem respiramus, chylum in sanguinem converti posse, experimentis probaturus observat, lac vaccæ, chylo ex ipsius mente simillimum, colore rubido sanguinis instar tingi, si cum duplo oleo tartari igni admoveatur. vid. *Act. Erudit. Lips. Ann. 1709. Mens. Februar. p. 84. seq.* Similem sanguinis ex lacte generationem communicat etiam Johannes Helfricus Jüncken *Chym. experiment. Sect. II. c. 2. p. 69.* Rec. Lactis recentis libr. sem. salis tartari reverberati unciam unam misc. & in olla coque, & horæ quadrantis spatio lac abibit in sanguinem rubicundum, innatantibus in superficie quasi fibris cremore conflatis. Ad hoc tamen experimentum Christianus Johannes Langius *Physiol. Thes. XVI. de sanguinis colore rubicundo fol. 107.* ita respondet: succedit equidem adductum experimentum, sed peto, ut Junckenius mihi copiam illam salis fixi in corpore ostendat semper paratam, a qua scilicet quotidie elaboratus chylus possit transmutari. Ego sane, unde illa desumenda sit, omnino ignoro, hinc deficiente causa de effectu quoque dubito. Deinde dico, hac methodo non sanguinem ex chylo fieri, uti sibi persuadet Dominus Autor, etiamsi lac per alcali rubicundo colore pingatur. Nam quæso fiat periculum cum sanguine per venæsectionem extracto, num ab affuso acido (quod in hoc artefacto contingit) albus color iterum possit reddi &c.

§. 17.

Nonnulli etiam Autores ex globulis massæ sanguinæ, *A globulis.* quorum paulo ante mentionem fecimus, sanguinis colo-

rem deducunt, v. g. juxta Christian. Vater. *Physiolog. experiment. Sect. VII. Thes. 3. pag. 606.* Sanguis rubedinem suam acquirit, quando particulae vel globuli salino-sulphurei chyli, alias candidi, per novam digestionem magis magisque attenuantur, resolvuntur, ut lucem transeuntem intimius admittant, colligant & reflectant, unde rutilus ille color efficitur, uti constat e doctrina de coloribus. Hae enim ratione omnes succi lactei, legitime digesti, rubedinem induunt: imo ipsum lac cum sale tartari, vel simili alcalico, vel alcalino digestum rubescit; & fructus albescentes alias aut viridescentes per calorem solis demum egregiam rubedinem contrahunt. Veritati convenire videtur Georgio Philippo Nentero *Physiol. med. p. 91.* Observatio Antonii Leewenhockii afferentis, grumum sanguinis nil nisi globulos esse lymphæ innatantes, horumque alios esse diaphanos, alios vero magis opacos. Ab hisce globulis & lumine in iisdem varie reflexo quidam rubedinem sanguinis deducunt, quam chymici sulphuri adscribunt. Rubedo sanguinis, inquit Ido Wolfius *Observat. chir. medic. Lib. I. Obs. 4. p. 16.* a particulis ejus globosis, reliquis serosis intermixtis, dependet, quæ, dum vita constat, eam habent dispositionem, ut lucem certa ratione modificent; quam modificationem ex sensatione in mente orta colorem rubrum nominamus. Globulos sanguinem nostrum rubrum facere, ex Leeuwenhoekio refert Martinus Lister *Dissert. de Humor. cap. 24. p. 237.* Secundum Joh. Frid. Ortlob. *l. a. pag. 92.* aer discontinuando sanguinis globulos floridiorem ejus rubedinem producit. Et *p. sq.* inquit idem, rubedo sanguinis potissimum a globulis grumi pendet, a quibus lymphæ pellucida, quamdiu iisdem interjacet, pari colore imbuitur, quod hæc modificatos ad rubedinem radios non iterum immutet. Arbitratur etiam Jacobus de Sandris *de stat. sanguin. natural. cap.*

cap. 3. p. 101. ad sanguinis colorem efficiendum requiri plures globulos plano-ovales, certam texturam componentes, & in quadam agitatione ab aeris accessu detentos: hinc fit, quod aeris contactu hujusmodi colorem sanguis acquirat, quo deficiente ipsum amittat. Utique rubicunda cruoris massa ex plano-ovalibus globulis constat, qui post extravasationem motu vitali destituti, pondere suo subsident, & summitas aeri exposita, quia globuli minus comprimuntur, & figuram suam naturalem retinent, lucis radiis aditum non interrumpit, & reflexiones pro isto colore admittit: Globuli autem, qui huic strato subjacent, undique compressi, lucis radios magis excludunt, majorem radiorum copiam absorbent, quam transmittant; ideo rutilum cruoris splendorem umbra quadam repræsentant. Hac ratione si nigricantes sanguinis guttulas in minutissimas moleculas tritureris, rubicundum eidem colorem restitues, quatenus plures ejus globuli aeri lucido exponuntur; hac ratione sanguis exiguo tubulo exceptus ubique in summitate & in fundo fulgidam retinet rubedinem, nam pellucidorum globulorum cumulus minus comprimitur, adeoque parum aut nihil umbrosi producit; si vero globuli subsidere permittuntur, in tubulis, nigricantem rubedinem ex eorundem unione paulatim & successive acquirunt. Isti autem plano-ovales globuli, a quibus sanguinis rubedo resultat, si seorsim spectentur, omni destituuntur rubedine; cum vero duo, tres, quatuor &c. secundum eorum superficie uniuntur, color rubeus emergit, & eo intensior, quo plures successive uniuntur &c. Scribit etiam Johannes Bohnius *Circul. anat. physiolog. Progymn. XIII. p. 200.* in examine sanguinis, per microscopium adornato, vesiculas rubicundas per lympham crystallinam ferri observamus, quæ nihilominus statim ac ad quietem se componunt, motore vitali

vitali destitutæ in grumum nigricantem faceffunt. Qui E. globuli elate, aereo perduto in venis subsidendo ad grumescentiam tendunt, & massam nigricantem magis formant, intra pulmones sub respiratione denuo disjuncti ac magis distensi, ut radios equidem transmittant, non tamen sine refractione, rubedine ejusmodi egregia splendent ac lympham sibi interfluam, quamdiu per hanc agitantur, eadem ornant. A rarefactione ergo determinata harum particularum, earum dependet mobilitas, hinc tincturæ etiam exaltatio, quatenus calore etiam externo solo, e. g. manus admota sanguis intra tubulos vitreos, examini ejusmodi adaptatos, vesiculæ fere conniventes & sibi mutuo inclinantes, in novos motus abripiuntur & per lympham denuo agitantur, simul novum quasi splendorem de se spargunt. Quo vero colorem hunc non hypostaticum nec cuilibet globulorum proprium esse, dignoscas, observabis, hos magis discontinuatos, & singulos omnis tincturæ expertes comparere, adeoque non nisi per determinatam sui agglutinationem ad refractionem radiorum rubicantem disponi. Et Michael Alberti *Introduc. in univers. medicin. cap. III. §. 49. seq. p. 47.* inquit: Sanguis strictiori sensu dictus constat ex principio sulphureo & terreo-calcareo, quorum utrorumque mixtio ruborem huic humori conciliat. Excludimus itaque phantasias illas nihil significantes de globulis sanguinis, aut vermiculis capitatis, aut ætherea aut fermentativa efficacia ad conciliandum ruborem vulgo accusari solita.

§. 18.

Color p. n.
Sanguis
citrinus.

Quandoque etiam post venæsectionem vel in dissectis corporibus non sanguis rubicundus, sed alius coloris apparet, siquidem in Hortulano quodam Lipsiensi, sex & quadraginta annorum, qui sub finem Anni 1703 spontanea lassitudine

lassitudine & incipiente lipothymia subito prehendebatur, postea urinam emittebat intense flavescentem fecesque alvinas flavi coloris ejiciebat, & totum corpus flavedine tinctum habebat, post mortem, sanguinem in vasis majoribus non rubrum, sed citrinum advertit Benjaminus Petermannus, uti refert *Observ. med. Dec. I. Obs. 9. pag. 12. & 14.* Loco sanguinis rubicundi post venæsectionem in brachio viri cujusdam hypochondriaco-biliosi nomine Gottschalkii, liquorem crocei coloris annotare mihi ante aliquot annos licuit. Anno 1630 Roberto Keuchenio Vesaliensi juveni robusto & bilioso sanguis missus est atramenti scriptorii modo nigerrimus, juxta Joh. Rhod. *Observ. med. Cent. III. Obs. 70. p. 157. seq.* de inventis venis & arteriis atro sanguine repletis, vid. Ido Wolff. *Obs. chirurg. med. Lib. I. Observ. 4. p. 16.* Filius pellionis cujusdam apud Gorlicenses aliquando pice calida per totum conspersus vultum incidit in epilepsiam, quæ sanata postmodum repetitis rediit paroxysmis, ipsi vultu in iisdem existente rubicundissimo, intermistis maculis quibusdam variegati coloris cum levi tumore. Recidivante eadem suadebatur sectio jugularium, quæ tantum profecit, ut paroxysmus penitus emanferit. Ubi hoc singulare, quod sanguis venæsectione emissus, exhibuerit in superficie maculas ejusdem coloris, quales in vultu tempore paroxysmi effloruere, uti ex Observatione Ehrenfr. Hagendornii recenset Theophilus Bonetus *Med. Septentr. Part. I. Sect. XIV. fol. 115.* De sanguine ratione coloris pici & atramento simili v. Johann Anton van der Linden *Exercit. XIV. Mantiss. Oeniad. §. 130. pag. 644. seq.*

Croceus.

Niger.

Maculosus.

§. 19.

In nonnullis etiam subjectis, præsertim cachecticis massa sanguinea adeo degenerat, ut omnem rubedinem perdat atque instar feri, aut lactis, aut gelatinæ quan-

Albus.

Hæmatol.

Dd

doque

doque appareat, quapropter etiam nonnullis sanguis albus vocatur. Talia exempla aliquot jam capite antecedente §. 47. adduximus, quibus adhuc alia addi possunt. v. g. Sanguis ægro in tertiana duplici e salvatella extractus, plane albus fuit & glutinosus in modum pituitæ, uti refert Johannes Rhodius *Obs. med. Cent. I. Obs. 36. p. 21. sq.* quo loco etiam ait, quod vena aperta lac fluxisse viderit Petrus a Castro. vid. etiam *Cent. III. Obs. 32. p. 128. sq.* ibidem etiam *Cent. III. Obs. 72. p. 158.* inquit Rhodius: Anno 1629 die 11 Maji cœnobia sodalitatis D. Antonii ætatis provectæ pruritu sicco atque difficili diu vexato sanguis e venis hæmorrhoidalibus adeo pituitosus fuit evocatus, ut præter tantillum feri nullum sanguinem referret. Inquit Thom. Willis *de Febr. cap. 1. pag. m. 70.* in quibusdam cachecticis sanguis aquosior factus instar loturæ carnis apparet. Novi quendam vitioso corporis habitu præditum, cruorem albicantem & lacti similem emittere solitum, dein cum iste a remediis chalybeatis melius haberet, erat sanguis modice rubicundus. Bina ejusmodi exempla in Praxi sua Vratislaviæ observavit Philippus Jacobus Sachs a Lewenheim, & quidem Anno 1665 in muliere, Zythopolæ conjugæ, febre quotidiana intermittente cum summa cachexia laborante, quæ tamen sanitati restituta fuit. Et Anno 1670 in literato viro, plurimis peregrinationibus per Angliam, Galliam, Hispaniamque claro, qui morbo & cachexia, tam a mala diætâ, quam ab itinerum molestiis & diuturnitate, contracta oppressus fuit. In hoc post venam sectam & concretionem sanguinis non tantum in superficie crassum album phlegma apparuit, quod sæpius fieri solet, ad crassitiem dorsi in cultro, sed integra educata massa purum putum phlegma album fuit, quæ nec discindi potuit, nec aquæ injecta dissolvi, sed versus solem exposita, tota visa fuit instar Laternæ Punicæ,

ex, perspicua, alba, flavescent parum; quam integram ex pelvi desumtam, aqua lotam, instar cutis in orbem stanneum extendere potui. vid. *M. N. C. Dec. I. An. 1. Obs. 28. Sch. p. 97. seq.* Ejusmodi exempla refert etiam Stephanus Blancardus *Collect. Med. phys. Part. I. Cent. 1. Obs. 1. pag. 1. seq.* De sanguine albo ex vena educto observationem annotavit Johannes Jacobus Waldschmidt. *M. N. C. Dec. I. Ann. 2. Obs. 210. p. 312.* Fermentum, inquit, febrile malignum miram habet vim destruendi succum nutritium, totamque corrumpendi massam sanguineam. Vocatus Selgenstadium ad Canonicum quendam febris maligna correptum, inveni sanguinem ternis venæsectionibus ante meum adventum extractum a chirurgo, in quo ne vestigium quidem sanguinis apparebat; dixisses potius albumen ovi feri gelatinam, vel, ut medice loquar, saniem, quod & in aliis observavi, quorum tamen nemo evasit, siquidem & hic Canonicus ea ipsa nocte ante meum abitum commissus sacerdotibus placide obdormivit. Secundum relationem Johannis Schmidii *M. N. C. Dec. I. An. 3. Observ. 123. pag. 195.* Religiosus quidam Ordinis Prædicatorum vel S. Dominici, cui nomen Hyacynthi, temperamento, quod sanguineum vulgo appellant, habitu prorsus athletico, annum agens circiter trigésimum quartum, aeri sese ex superiorum jussu cum socio mane committit, jejuno ventriculo, nullam penitus corporis sentiens indispositionem; rediens circa prandium in cœnobium, de capitis vertigine & præcordiorum angustia conqueritur. Metuentes superiores apoplexiam, suadent, imo jubent sanguinis missionem, vocatur chirurgus & in dextro brachio vena inciditur, sed miro spectaculo sanguinis loco albicans, lactis ad instar effluit materia: obstupescences ad novæ & insolitæ rei visum circumstantes religiosi una cum chirurgo me illico advocari jubent, iterum iterumque sollicitor, ut sine mo-

ra accederem, sollicitatus in prandio ipso vicibus aliquot advolo, monstratur mihi ex vena jamjam calens adhuc liquor, tribus exceptus receptaculis, video lac esse quasi verissimum, non lacteum aliquem liquorem, sæpe sæpius in superficie sanguinis ex imperfecta coctione apparentem, jurasses recens emulctum ex uberibus fuisse lac, adeo colore, consistentia externa specie lac bubulum referebat, jubeo in patinis ad reditum meum ut servetur. Accedo circa vesperam, nulla liquoris facta erat coagulatio, nulla secretio, ad crastinum servari jubeo, at nec tum concreverat, sed in qualibet patina in fundo uncia circiter dimidia pondus sanguinis puri, non concreti etiam apparerat &c. Quinto ab apertione venæ die, curiositatis magis, quam necessitatis gratia, cum vires satis constarent, iterum parca manu incidi venam jubeo, sed sanguis fluebat concreescens & pituitosum, & albicantem in superficie monstrantem liquorem. Loco sanguinis humorem album, pituitosum, viscidum ac lentum in venæ sectione aliquoties sibi videre licuisse refert Balthasar Brunnerus *Consil. med. LXVI. pag. 351.* Sic Thomæ Day, Pharmacopolæ Cambrigeni jussu Doct. Eade Medici mittebatur sanguis: qui erat albus instar lactis; cum exiret e brachio, dilute rubebat, sed mox, cum in vas delaberetur, erat, albus & perpetuo continuabant similes guttæ lactis in pavimento, in quod decidebant. Medici conjectura erat, quod æger multos edisset pisces, & quod brevi supervenisset lepra, nisi per medicinam præventum esset. vid. Phil. Jac. Sachs. a Lewenh. *Schol. in Obs. 28. M. N. C. Dec. I. An. 1. p. 99.* Uxori sutoris in episcopatu Wormiensi, quæ filiam pepererat, male sanæ & ante partum diu febricitanti, cum supprimerentur ei lochia & febris urgeret, missus est sanguis e pede dextro & protinus exivit lac e vena secta, observante Christiano Nitschke *M. N. C. Obs. 132. p. 294.* vid. etiam Casp.

Casp. Theoph. Bierling. *Thesaur. theoret. pract. Cas. 44. schol. p. 596. sq.* Thom. Bartholin. *de Lact. thorac. cap. 13. p. 38.* De fero lacteo venæsectione extracto vid. observatio Caroli Rayger. *M.N.C. Dec. I. An. 6. § 7. Obs. 214. p. 313. Et Dec. II. An. 7. App. pag. 72.* Rosinus Lentilius sequentem recenset observationem: Tinctor nostras, vir obesus tam habuit angustas & profundas in utroque brachio venas, ut sæpe jam pertusæ atque adeo callosæ sanguinem denique fundere recusarint. Hic autem spleneticus & dolore lienis sæpius laborans, ut solet vulgus, omnem spem in pertusione venæ spleneticæ sinistri brachii, hepaticæ dextri oppositæ, collocavit; suasi proinde, ut corpus ante basilicæ & usque ad sudorem moveret, quam chirurgum accerferet, sed irritum consilio; nam vena, tametsi faucia, vix guttatim sanguinem ploravit: Permissimus tamen longa mora, ut uncix circiter duæ exstillarent; hinc suasi, ut mediana dextri brachii secaretur, unde præter propter sex uncix exhaustæ. E duabus his venis unum sanguinem collocavi seorsim, visurus, numquid esset inter utrumque differentia. Pomeridie, cum redirem, qui guttatim e sinistra plaga stillavit sanguis, floridissimus, absque fero, aut hoc sane paucissimo, repertus: e mediana dextri brachii proruens, fere nil nisi serum & exigua concreti cruoris pars, crusta e viridi cœrulescente tenacissima obducta, chirurgus magis, quam mihi, miraculo fuit. Sic Lucas Schrœckius, Luc. Fil. ibidem *An. IX. Obs. 231. p. 452.* hanc de sanguine albo annotavit Observationem: Cum Anno 1690 Mense Majo Fridbergæ in Bavaria adolescens viginti annorum, Zythopæi filius, sano simillimus & athletico corporis habitu præditus, otio autem omnino deditus, econtra cibos magna in quantitate & toto quasi die ingerens, venam sibi secari passus est, sanguinem emissum totum albescere stupens cum suis domesticis conspexerat. Unde

mihi eundem conspiciendum obtulerunt, qui colore & consistentia ipsissimum lac præsentabat; eodem vero effuso, in fundo parciior sanguior sanguis, rutilo colore se commendans, comparebat. An. 900 in vigilia S. Scholasticæ rusticus Fürstenauensis furti accusatus factum negat, dicens coram iudice: si ego furatus sum paracho vaccam, faxit Deus, ut ne guttula sani cruoris in corpore meo reperiatur. Altero die incidit in febrem, jubet venam tundi. Effluit merum lac, suspensus ergo de patibulo, uti ex Isibordi ab Amelunxen Breviar. Rer. memorabil. refert Christianus Franciscus Paullini *M. N. C. Dec. II, An. 4. App. p. 191.*

§. 20.

Color sanguinis animalium.

De colore sanguinis animalium differente ait Jacobus de Sandris *de Natural. Sanguin. Stat. cap. 3. p. 103.* non omnia animalia rubicundo sanguine gaudent; alia enim viridi, alia nigro, alia albo, alia alterius coloris sunt prædita. Et Plinius *Histor. nat. Lib. XI. cap. 3. fol. 188.* sanguinem non esse infectis fatetur, sicut ne terrestribus quidem cunctis, verum simile quiddam. Ut sepia in mari sanguinis vicem atramentum obtinet, purpurarum generi infector ille succus: sic & infectis quisquis est vitalis humor hic erit & sanguis.

§. 21.

Differentia inter sanguinem arteriosum & venosum.

De sanguinis arteriosi & venosi differentia ita loquitur Daniel Sauvry *Anatom. ration. cap. VII. p. 122.* sanguis, qui in venis cernitur non saltem ratione motus differt, sed etiam ratione coloris & consistentiæ. Idem sanguis, qui in arteriis vividus est, floridus & subtilis, in venis lentus, nigricans & crassus apparet. Talis siue dubio metamorphosis contingere non potest, nisi aliquandiu moram in partibus

partibus traxerit. Tum enim in loco undiquaque clauso, & ubi aer in illum agere nequit, existens, egregias illas qualitates, quas in pulmonibus acceperat, amittit, ac subtiliores etiam ejus partes nonnullæ hinc inde fecernuntur. Et Johannes Wallæus *Epist. 1. de mot. Chyl. Oper. p. 222.* ad Bartholinum scribit: sanguis, qui e dissectis majoribus arteriis exilit calidior, tenuior, rarior, & floridiori colore est, quam is, qui e dissectis fluit venis: non ideo tamen dixerim, sanguinem arteriosum a venoso tota forma differre: id enim habere sanguis arteriosus præ venoso potest, quod ille recens quasi a foco caleat, majorique spirituum copia abundet; ut ebulliens lac a refrigerato eadem ratione videmus discrepare. Et certe sanguis arteriosus qualitates eas non aliunde, quam a majori colore & spirituum copia habere videtur: qui enim in minoribus arteriis a foco jam remotior est, animadvertitur minus a venoso differre. Et ubi e majoribus arteriis, imo e vivi animalis corde sanguinem accepimus & ex eodem animali sumpsimus e venis, sive vivimusque refrigerari utrumque & concrefcere, nunquam potuimus in illis differentiam observare; ut non aliud appareat, quam sanguinem arteriosum ejusdem generis cum venoso esse. vid. etiam Thom. Bartholin. *Anatom. renov. pag. 762.* Secundum Joh. Frid. Ortlob. *Histor. Dissert. XII. §. 9. pag. 92.* antiqui alium sanguinem in venis, alium in arteriis contineri fingebant, differt tamen uterque insigniter, quod hic præ illo minei & floridi magis coloris observetur. Causa phænomeni hujus duplex potissimum mihi videtur. Altera in acceptum ferenda est aeri, qui subtiliore sua portione sanguini admixtus, ad sinistrum cordis ventriculum fertur, & ex eo ad aortam & totum corpus dispescitur. Aer enim discontinuando magis globulos floridiores ejusmodi rubedinem producit. Altera assignanda est
majori

majori lymphæ aut feri copię, quæ in arterioso præ venoso invenitur, quatenus illic & sanguis & omne serum conjunctim fluunt, hic vero magna portio separatim per vasa serosa reducitur. Siquidem facili experientia constat, grumum sanguinis etiam maxime nigricantem floridum colorem aquæ dilutione iterum assumere. Unde etiam in arteriarum sanguine serum adhuc multoties proportionem cruorem transcendere necessario debet, quam quidem in venoso concipere licet. De hac sanguinis arteriosi & venosi differentia ita sentit Johannes Bohnius *Circul. anat. physiolog. Progymn. XIII. pag. 197.* quam caloris sanguinis venosi & arteriosi disparitatem nonnulli adducunt, quasi ille nigricans crassior & effœtus dextro ventriculo influens e sinistro purpureus atque tenuior emanet per hanc fallaciæ secundum non causam ut causam se implicant, minus attendentes, mineam rubedinem sanguini venoso non intra cordis sinus, sed pulmonum compagem, induci, ita ut sub hac e vena pulmonali jamdum profluat & ad sinistrum illius ventriculum derivetur. Ex sententia Johannis Gothofr. Berger *Physiolog. med. Lib. I. cap. 9. pag. 161.* non adeo mirum videri poterit discrimen illud, quod inter sanguinem arteriosum, atque illum in venis fluentem, intercedit, quum tantum quidem illud non sit, quantum vulgo creditur, atque a majore vi elastica, a solutione sanguinis in pulmonibus accessioneque aeris, & impulsu cordis atque arteriarum, ac diversa lymphæ quantitate omne proficiscatur. Nam quia sanguis, per arterias assiduo harum cordisque incitatu delatus, multo majore copia lymphæ & aeris, ac minoribus, motuque vivaciore agitatis, bullulis turget, rutilante omnino coccineoque colore gaudere debet præ illo, qui per ampliores ac minus resistentes venarum tubos reducitur, cum propter secretam magnam lymphæ aerisque copiam, quæ

quæ vel per vasa lymphatica refertur, vel alio per ductus secedit, tum propter remittentem humorum motum, & divisionem in venis, a spatiis quippe angustioribus ad ampliora directis &c. Coloris diversitatem, quæ inter sanguinem venosum & arteriosum invenitur, juxta Richard. Lower. *Tract. de Cord. & sanguin. mot. Cap. III. p. 173.* a sanguinis in corde accensione neutiquam dependere certum est: Posito enim illam potissimum in corde fieri, cum par sit utriusque ventriculi officium, neque alios ob usus, quam fibrarum robore & crassitie discrepent, quidni color pariter in dextro immutari debuit? At certo constat, sanguinem ex arteria pulmonali eductum venoso per omnia similem esse, crassamentum ejus nempe atri coloris est, & superficietenus solum rutilat: Quinimo nec a sinistro cordis ventriculo novum hunc ruborem sanguini impertiri certissimo experimento conficietur; si enim aspera arteria in collo nudata discindatur & immisso subere arcte desuper ligetur, ne quid aeris in pulmones ingrediatur, sanguis ex arteria cervicali simul discissa effluens, totus venosus pariter & atri coloris perspicietur, non aliter quam si ex vena jugulari pertusa profusus esset. Idemque ex eo adhuc clarius apparet, quod sanguis intra sinistrum cordis ventriculum & aortæ truncum strangulati animalis aut morte naturali confecti, in quo aeris in sanguinem commeatus præcluditur, totus venoso similis semper reperitur. &c.

§. 22.

Cum in hætenus allegatis aliquoties sanguinis crassi, pituitosi & viscidum mentio facta sit, alias adhuc, ratione consistentiæ sanguinis, qualitates adducere libet. Tum enim, juxta Eliæ Camerarii *Disput. de Antl. l. a.* sanguis viscidus dicitur & crassior justo, cum partes ejus minutæ motu celeri prius libere agitatur, atque ab aeris nisu di-

Sanguinis
consistentia.

Viscidus.

Hæmatol.

Ee

vulsæ,

vulsæ, evadunt turpidiores sibique invicem cohærent, quando vel partes crassiores atque terrestres in motu ipsas impediunt, vel ramosæ & flexiles inter se varie implicite arctius coeunt, ita ut elastice aeris machinulæ in ipsarum interstitiis latitantes obruantur, divulsioni adeo impares evadant, nec sanguini debitam inducere expansionem valeant, quoniam nempe major est partium viscidiorum cohærentium resistantia, quam quæ ab isto aere possit superari. Exemplum sanguinis glutinosi refert Johannes Rhodius *Observ. med. Cent. I. Obs. 36. pag. 21. seq.* inquit: sanguis ægro in tertiana duplici e salvatella secundum extractus plane albus erat & glutinosus in modum pituitæ, nec tamen ullum crassi humoris in urina signum reperiiebatur. Et *Cent. III. Obs. 72. p. 158.* sanguinis mere pituitosi meminit. De sero sanguinis glutinoso ejusque ortu vid. Thom. Bartholin. *Histor. anat. Cent. III. Hist. 49. p. 97.* Sanguinis crassissimi meminit Petrus Borellus *Histor. & Observ. med. physic. Cent. IV. Observ. 93. pag. 347.* scilicet Tirefortius chirurgus castrensis sanguinem ab ægro detrahens nunquam potuit illum elicere, nisi vulnere trium digitorum transversorum longitudine inflicto, licet vasa ampla & apparentia essent, quoniam sanguis semicongelatus in venis erat.

§. 23.

Congelatus. Interdum etiam sanguis in venis penitus congelatusprehenditur, quale exemplum annotavit Justus Vesti in sectione cadaveris humani, sexus potioris, in quo sanguis æque in arteriis ac venis, ita coagulatus apparebat, ut instar filorum ad ulnæ longitudinem extrahi posset, uti in Programmate ipsius *Tractatui de Purgatione annexo pag. 94.* scribit. De sanguine crystallino & congelato hanc observationem refert Petrus Borellus *Cent. II. Obs. 28. pag. 132.* inquit: rara quidem fuit illius observatio, qui sanguis-

sanguinem in venis congelatum instar coralli frustorum & ramusculorum invenit corpus disseccando cujusdam, qui ob hanc congelationem fato functus erat; sed non minus rara est observatio hæc mea. Ægrum juvenem vidi, cujus sanguis in vasculis crystallinus semper remansit & adeo diaphanus, ut fundum vasculi semper videri posset, quod ego a pituita vitrea in massa sanguinis ejus dominante provenisse autumo. Sic Johannes Viridetus *de prim. coction. Part. I. cap. II. p. 97.* cuniculum derepente defunctum aperuit, nullam vero aliam mortis ejus causam manifestam cognoscere potuit, nisi quod totus ejus cruor tantopere coagulatus esset in corde, pulmone, arteriis & omnibus vasis sanguineis, ut ne unica feri gutta apparuerit, tamque cohæreret, ut funis instar e vasis educeretur. In Marchionis Deignelay ex sanguinis per pulmones circulo interrupto defuncti cadavere, membrana pulmonum, mediastini, pericardii ac pleuræ perquam crassa atque duris pisisque magnitudinem æquantibus glandulis confita extitit, in vena vero cava, arteria magna & vasis pulmonalibus sanguis ita induratus substitit, ut e vasis incisis exemptos ramos corallii referret, uti ex Dionis *Dissert. de mort. subitan. referunt collectores Actor. Lips. An. 1711. Mens. Sept. p. 428.* Sanguinem muris alpini mox in pinguedinem mutari, existimat Guilhelmus Fabricius, Hildanus *Observ. Chir. Cent. VI. Obs. 97. fol. m. 630.* A frigore sanguinem & serum in corpore coagulari posse statuit Rosinus Lentilius *Eteodrom. An. 1709. Januar. p. 45. sq.* inquit: quæ sit causa mortis proxima gelu pereuntium, nondum liquere existimo. Suffocari tales non credo, suaviter enim quasi obdormiscere neque mortis amaritudinem sentire dicuntur, quod secus habet in suffocandis. Credibile est, partem sanguinis serosam primo in extremis vasis, hinc successive in majoribus atque inde maxi-

mis, congelari, sulphureis quidem & globulis tantisper manentibus, sed compage sanguinis hoc modo soluta, flammam seu spiritum vitalem extinguere. Posse tali modo sanguinis partem serosam congelari, vel sane stabilem reddi, probare videntur variorum liquorum heterogeneorum, vini puta, cerevisiæ, quin & urinæ per frigus externum concentrationes, ubi congelatis partibus lymphaticis, spirituosæ in medio vasis adhuc pauco phlegmate dilutæ accumulatur, quod ipsi quoque tentavimus. D. Conrad accipitrem gelu enecatam secuit, in cujus corde aliisque visceribus glaciem veram & liquoris congelati partes vidit. Idem in sanguine vitulino, pullorum & galli indici congelatis separationem talem conspexit, ut feri glaciati moleculæ hinc inde apparerent, reliquo sanguinis corpore coagulato & densiore ac crassiore facto. Sanguinem grumosum in sinistro & dextro cordis ventriculo interne affixum in quodam juvene, febre ardentissima mortuo non concretum nigricantem, & stagnantem, ut in aliis, sed maxime rubrum, aliquantum flavescens, observavit Dominicus Panarolus *Observ. med. Pentec. II. Obs. 29. p. 49.* Inquit etiam Johannes Heurnius *de Morb. Pector. cap. 9. p. m. 169.* Se vidisse coralli more in vasis concrevisse sanguinem in quodam cadavere, maximeque in sinistro sinu cordis ac in arteria aorta. In epileptici cujusdam ventriculis cerebri sanguinis coagulati copia a Jacobo Sponio fuit observata. v. *Act. Erudit. 1682. pag. 287.* Vidit etiam Johannes Fernelius quendam, ex abdita morbi causa, post diuturnum languorem de vita exeuntem, cui sanguis universus in venis concreverat adeo ut demum coralli modo fruticans illinc eximeretur. v. Fernel. *Physiol. Lib. VI. c. 7. p. m. 143.* In generosæ cujusdam mulieris cadavere reperiiebantur venæ meseraicæ tumentes & sanguine atro turgentes, eoque crasso & veluti concreto, qui e majoribus

ribus venis, coralli instar nigri invicem cohærens, extrahebatur, juxta Felic. Plater. *Obs. med. Lib. II. p. m. 505*. Sanguis etiam in quodam subiecto Lucæ tam erat melancholico humore exsiccat, ut omnes venæ cordis & ipsum cor a chirurgo perito diffecari nequiverint, turgidæ tamen venæ mæseraicæ cernebantur sanguine atro & lutulento, vid. Thom. Barthol. *Hist. anat. Cent. III. Hist. 94. p. 188*. In juvencula mortua febre ardente D. Puyton vidit sanguinem concretum intra venas, a claviculis usque ad inguina, & intra arterias sanguis concretus, erat similis sebaceæ substantiæ, sive medullæ sambucinæ porosæ simillimus. vid. Joh. Riolan. *Oper. anatom. fol. m. 871*. De mira sanguinis a leproso per venæsectionem extracti congelatione. vid. Marcell. Donat. *Hist. med. mirab. L. I. c. 4. p. 37*. Econtra etiam secundum Eliæ Camerari. *a. p. 5*. massa sanguinea fluiditate nimia (per quam non fluiditatem sanguini, qua fluidum est, competentem intelligit, sed illam, qua tanquam vitale fluidum gaudet; prior enim ab aere non pendet, sed in eo consistit, quod partes minutæ careant unione sive plexu cum aliis sibi proximis & intestino agitentur motu) atque tenacitate peccat, vel quatenus internus aer, æquilibrio & æquali isto, qui ad sanguinis naturalem fluiditatem requiritur, nisu sublato, fortior factus corpusculæ ejus vehementius commovet, allidit invicem, attenuat, nimiam ipsi turgescientiam atque expansionem conciliat, sanguine in spumam & minutissimas bullulas acto; vel quatenus deficiunt partes gelatinosæ (consistentiam fluidi vitalis maxime moderantes) crassiores atque ramosæ, frenum alias motis nimium particulis injicientes, hinc spiræ aeris intertextæ occasionem libertatemque, istis non resistantibus, nanciscuntur, reliquas adhuc pariter atterendi, compagem sanguinis destruendi, ut ad vitalem expansionem evadat inepta, & motu intestino per consequens depravato particulæ heterogeneæ sensim evolvantur fluorque cachecticus subsequatur.

§. 24.

Sanguis frigidus.

Sanguinem frigidum e secta vena proveniente nonnulli Autores annotarunt, siquidem ex communicatione Petri Pachequi sequentem Observationem 46 refert Lazarus Riverius *Observ. Med. Cent. III. pag. 276.* Mulieri natura admodum iracundæ, febre continua laboranti secta est vena, sed cum sanguis inflicto scalpelli vulnere ad Pachequum pervenisset, percepit illum actu frigidissimum, nivis enim vel glaciei frigiditatem æmulabatur. Intra dies quinque a secta vena obiit. D. de Vignoles Equitum Dux Nemausensis sanguinem frigidum in morbo phlebotomatus emisit. vid. Petr. Borell. *Histor. med. phys. Cent. III. Obs. 51. p. 237.* De sanguine apoplectico-
rum frigidus ita scribit Gabriel Clauderus *M. N. C. Dec. II. An. 4. Obs. 138. pag. 271.* quantam caloris innati ventilantis, ac virtutis balsamicæ consuetæ depauperationem, quantamque incrassationem, præter ordinarii circuli sui impeditionem patiatur sanguis apoplectico-
rum inter alia exinde clarescit: in duabus matronis violento paroxysmo apoplectico correptis observavi, dum pro sanguinis ventilatione, ac in circulum ordinarium reductione statim venam aperiri curaveram, eundem emissum mihi adstanti improvise in manum profiliisse actuali præditum frigiditate, non sine animi stupentis alteratione. Ambæ tamen per medicamenta ibidem descripta sunt restitutæ. Inquit etiam Vitus Riedlinus *Linear. Med. Ann. 1696. Mens. Septembr. Obs. 19. p. 448.* novi amicum, qui non semel sanguinem naribus exstillantem tam frigidum sensit, ac si aqua frigida manibus inspersa fuisset. Interfui etiam ante aliquot annos venæsectioni cujusdam periti Aurifabri, præservationis causa institutæ; cujus sanguinem cum digito explorarem, effluentem adhuc pari modo frigidum apprehendi, nec tamen hic, nec ille, de quo conquere-
rentur,

rentur, habebant, & aliquot jam annis elapsis fanitate integerrima fruuntur &c. Castorum sanguinem semper actu frigidum esse, ex cujusdam Venatoris ore refert Johannes Jacobus Wepfferus *M.N.C. Dec. I. An. 2. Obs. 251. pag. 358.* quo loco tamen addit, quod fides sit penes autorem. Viperarum sanguinem & cor, etiam dum vivunt, esse vere frigida, ex Roberti Boyle observatione refert Olaus Borrichius in Thomæ Bartholini *Epistol. Medic. Cent. IV. Epist. 92. p. 520.*

§. 25.

Piceus.

Fœminam quandam gracillimam octoque menses mensium suppressione laborantem, per venæsectionem, sanguinisque humidæ pici, ratione coloris & crassitie, similis ad octo libras educationem, ad pristinam valetudinem minimo tempore reduxisse Galenum, refert Johannes Antonides van der Linden, *Selector. Medic. Exercit. XIV. Mantiss. Oeniad. p. 613.* de quo vid. etiam §. 129. seq. p. 644. seq. Inquit etiam Christianus Franciscus Paullini *M. N. C. Dec. II. An. 5. Append. p. 39.* Cortnummius quondam Lammershagæ in Holsatia Johannis **Rochs**, Nobilissimi Domini Bartrami Neuentlow Hortulani, sanguinem venæsectione emissum plane atrum, & vere piceum quoque deprehendit, egoque nuper in consummata hypochondriaca eundem notavi.

§. 26.

Causticus.

Sanguinem corrosivum & causticum annotavit Adamus a Lebenwald v. *M. N. C. Dec. II. An. 2. Obs. 107. p. 261.* scilicet religiosus quidam juvenis athletici corporis habitus, hepatis tamen calidioris & humoris biliosi feracis, sensit antrum vitale sibi opprimi & cordis thalamos, ob stagnantes sanguinis rivulos angustari, qua de causa ad venæsectionem, velut ad anchoram sacram, confugiebatur. Indicatum, factum: aperitur vena in brachio, sanguis

guis exilit cum impetu, & gutta unica aberrans cadit ad denudatum brachium, cum tanto doloris & ardoris sensu, ut vulneratus ad ejulandum coactus fuerit. Exusserat enim non tantum cuticulam, excitata in ea vesicula, sed etiam subiectam cutim cum eschara, ut etiamnum cicatricis appareant vestigia. Phlebotomum in cuspide livido tinctum colore tam friabile fuit redditum, ut levi attritu in particulas abierit. Observavit etiam dictus a Lebenwald in hoc Reverendo juvene humores, vel ipsam massam sanguineam tam acrem & corrosivam sæpe fuisse, ut per alvum, urinam, vomitum, tussim, non tantum sanguinem, sed etiam carunculas membranulis & venuis conspicuas egresserit. Sanguinem causticum etiam in studioso melancholia amatoria laborante observavit Ambrosius Stegmannus, qui *M. N. C. Dec. III. An. 1. Obs. 14. p. 32.* sequentia refert: Studiosus quidam Hallensis J. A. K. febre laborabat mirabili, quam plures Medici summe ardentem reputabant. Practicus ibidem tunc temporis celeberrimus, nomine Beerwinckel, cum venam illi aperiri curaret, sanguis mirum in modum in altum profiliavit, & cum fortuito aliquot guttulæ ejus manum & indusium attingerent, sensibiliter ejus cutim dolore affecerunt; & postea indusium etiam corroserunt &c.

§. 27.

*Sanguinis
quantitas.*

Circa sanguinis quantitatem duplex ab autoribus ventilari solet quæstio, altera de sanguinis in toto corpore, altera de sanguinis in circulatione ex corde protrusi quantitate agit; circa quas tamen vix aliquid certi statui posse autumo, sicuti etiam hoc in passu autores admodum dissentire observamus; hoc autem loco tantummodo de priori, de posteriori autem in Capite de Corde agemus. Corpus autem nostrum, juxta Joh. Nicol. Pechlini *Tract. de Vulner. Thorac. Art. 22. pag. 32.* nisi calculus fallit viginti duntaxat octo aut summum triginta

ginta sanguinis libris rigatur. Inquit etiam Stephanus Blancard *Collectan. Med. physic. Part. III. Cent. VII. Obs. 6. p. 12.* rarissime hominem ultra triginta habere sanguinis libras. Sanguinis viginti quinque libras, parum plus vel minus in homine bene disposito reperiri ex Avicenna refert Amatus Lusitanus *Curat. medicin. Cent. II. Obs. 100. Sch. fol. m. 211.* Statuit equidem Franciscus Zypæus *Fundam. Medicin. reform. Cap. VII. Art. 6. p. 196.* quod in homine sint sanguinis libræ viginti quinque; addit tamen hoc valde multum esse, & sanguinem plerumque pauciorum esse librarum. Secundum Richard. Lower. *Tract. de Cord. Cap. III. pag. 164. seq.* viginti quinque libræ sanguinis major sunt quantitas, quam plerisque hominibus a natura aut ab Anatomicis concessa est, dicunt enim totius sanguinis in corpore humano contenti mensuram raro viginti quatuor libras excedere, aut minorem esse libris quindecim. Quantitas sanguinis in corpore perfecto viginti quatuor librarum est, raro plus, inquit Johannes Wallæus *Instit. Medic. Cap. 6. Oper. p. 8.* ratio ipsius est, quia aliquis potest, imo evacuavit viginti duas libras & vixit; sed non viginti quatuor vivendo. Juxta Gerard. Blas. *Medicin. curator. Part. I. Sect. I. cap. 2. p. 5.* credibile est, sanguinis quantitatem viginti quatuor librarum circiter esse; posse tamen aliquem etiam minori copia vivere, experientia docet. Supponit Bartholomæus de Moor, sanguinem humanum esse circiter viginti librarum, vid. *Act. Erudit. 1696. Mens. August. p. 371.* Universi sanguinis in corpore contenti mensuram ad libras quindecim, si ille dematur, qui partibus in nutrimentum apponitur, ponit Thomas Bartholinus *Anat. Lib. II. cap. 6. pag. 376. & p. 375.* inquit idem: totus sanguinis in corpore contenti mensura raro viginti quatuor libras excedit, aut minor est libris quindecim in sano statu ut plurimum. De totius massæ sangui-

neæ quantitate secundum Martin. Lister. *Dissert. de Humor.* cap. 24. p. 252. videri possunt quædam certa & accurata experimenta in Actis Londinensibus, No. 191. a Molino exhibita; neque alii plerique audiendi sunt ex vulgi eorumque æstimatione vaga: nempe hi volunt, sanguinem humanum ad medium pondus, octodecim vel viginti libras implere; cum revera non octo libras excedat ex computo Molini & Harvæi, capto experimento in ove, cujus sanguis non amplius quatuor libras implevit. Plura vide etiam ibidem Cap. 25. p. 254. seq. Oves habere octo & boves duorum annorum quinquaginta libras, refert Johannes Wallæus l. a. vid. etiam Capite sequenti.

§. 28.

*Sanguinis
abundantia.*

Quamvis autem non in omnibus hominibus eadem concedenda sit sanguinis quantitas, magnam tamen ejusdem nonnunquam deprehendi abundantiam, varia magnæ hæmorrhagiæ docent exempla, qualia recenset Amatus Lusitanus *Curat. medicin. Cent. II. Obs. 100. fol. m. 211.* de larga narium hæmorrhagia, scilicet Antonius Correa, Nobilis Lusitanus, quartana feбри jamdiu affligi cœpit: qui cum eam graviter ferret, ex Mediolano Romam venit: ubi quum a morbo ob rigidam hyemem & iter longum gravius corriperetur, illi repente sanguis e nare sinistra effluere cœpit, & ita copiose, ut intra quinque dies libræ viginti effluxerint, adeo ut de funere potius, quam de ejus salute, cura inter domesticos jam esset &c. In scholio ejusdem observationis refert idem Autor se Ferrariæ Dianam Estensem, illustrissimam mulierem novisse, a cujus naribus sanguinis libræ viginti duæ prodierint, quæ nihilominus taurice valuerit. Murarius Italæus Viennæ ad aureum cervum ex gingiva ad viginti quatuor libras sanguinis post diuturnam tertianam emisit, & tandem sanguine pulvere calcanthi & cauterio actuali sedato,
ex

ex toto convaluit, annotante Paulo de Sorbait *M. N. C. Dec. I. An. 2. Obs. 48. p. m. 87.* De milite quodam equestri, robusto, temperamenti sanguinei, & viginti aliquot annorum, qui post vulnera capitis, secundum testium depositionem sanguinis a septem ad novem libras medicas per vulnerum hæmorrhagias effusionem erat passus, nihilominus tamen successu temporis integræ restitutus fuit sanitati, vid. Joh. Matthiæ Müller. *Cas. med. Chir. I. p. 1. seq.* Inauditus hæmorrhagiæ effluxus memoratur in *Act. Erudit. Lips. An. 1688. Mens. April. p. 205.* Juvenis scilicet annos circiter viginti quinque natus, gracilis habitu, natura biliosus, post varios animi motus in eam incidit hæmorrhagiam, ut, tametsi fluxus per aliquot horas subinde inducias haberet, decem dierum decursu quinque supra septuaginta sanguinis pondo e naribus emisit. Circa finem decimæ diei totum ægroti corpus nigris conspersum maculis apparuit, eodemque tempore pulsus omnino desiisse visus est. Nihilominus adhibitis convenientibus remediis tandem sanguinis fluxus quievit, & ex eo tempore firma valetudine vegetisque viribus homo fruebatur &c. Septuagenarium quendam triginta libris sanguinis per nares effluxis convaluisse tamen & decem annos superstitem fuisse, refert Sebastianus Egbertus Schol. in Rembert. Dodon. *Prax. Lib. II. cap. 27. pag. m. 323.* De hæmorrhagia narium ad libras quadraginta intra sex dies v. Amat. Lusitan. *Cent. VII. p. 754.* Matronæ cujusdam nobilis stupendam, eamque verminosam narium hæmorrhagiam, qua intra anni spatium 400 matulas terreas compleverat, ne dicam de hoc, qui κατὰ rejectus est, sanguine, & venæsectionibus, quas quinquaginta sustinuerat, ut computus fuerit 1000 librarum sanguinis excreti, ex Schenckio refert Christianus Franciscus Paullini *M. N. C. Dec. II. An. 7. Append. pag. 124.* Admiranda narium hæ-

morrhagia a Johanne Georgio Sartorio observata reperitur dans le *Journal des Scavans de l' An. 1683. Tom. XI. pag. 288.* sequentibus verbis: Un Pere Jesuite de Bamberg, nomme Frideric Fuhrmann avoit accoûtumé de se faire tirer du sang toutes les années, ayant manqué de le faire a la 59. de son âge, fut surpris sur la fin de la même année d'une hemorrhagie si prodigieuse, qu'il perdit en quatre jours par la narine gauche quarante livres de sang &c. In splenetico semel libras sedecim per vomitum sine noxa excretas se vidisse ait Thomas Bartholinus *Anatom. Lib. II. cap. 6. p. 375.* ubi sequentia addit: ex naribus Fratris Ursati spatio trium dierum quadraginta octo fere libras effluxisse, notat Andreas Argolus. Veronæ novit monialem Wilhelmus Wormius, cui 28 annorum decursu per sectam venam & cucurbitulas libræ sanguinis 406 fuerunt extractæ.

§. 29.

Plethora.

Ex his exemplis apparet, purpureum liquorem in ejusmodi subjectis peccare quantitate excessiva, quæ peculiari nomine plethora appellari solet, quam equidem nonnulli autores in plethoram vel ad vasa, vel ad vires distinguunt, alii vero hanc distinctionem tanquam superfluum impugnant. Evolvi autem possunt Christian. Johann. Lang. *Prax. General. in Oper. Tom. I. fol. 734. seq. Tom. II. f. 48.* Frid. Hoffmann. *Medicin. ration. system. Tom. II. cap. 8. pag. 441.* Joh. Bapt. Werloschn. *de curat. verno-autumn. Part. II. cap. 2. p. 438. seq.* Joh. Jac. Franc. Vicar. *Bas. Univers. Medicin. Lib. II. cap. 2. p. 154. sq.* Petr. Linsing. *Institut. medic. p. 173.* de causis plethoræ, & quare fiat in fœminis v. Joh. Freind. *Emmenolog. Cap. III. p. 13. seqq. 141. seq.* Eliæ Camerar. *Medicin. conciliatr. pag. 136. seq.* Mich. Aloys. Sinap. *Paradox. Medic. Part. I. cap. 8. p. 71. sq.* Friedr. Hoffmann. *Method. med. Lib. I. cap. 13. p. 199.* cur in pletho-

plethora ad vasa vires deficient? v. Gulielm. Cockburn. *Oeconom. Corpor. animal. p. 139.* Plethoram ad vires esse contradictoriam & impossibilem &c. vid. Mich. Ettmüll. *Oper. Tom. I. fol. m. 19.* vid. etiam *Tom. II. fol. 1608.*

§. 30.

Econtra vero peccat etiam sanguis quantitate defectiva. Fœtum enim exsanguem annotavit Johannes Georgius Sommerus *M. N. C. Dec. II. An. 2. Obs. 181. p. 393.* inquit, Mulier constitutionis temperate calidæ & siccæ, ætatis octo & triginta annorum, postquam bina vice fœtus mortuos pepererat, tertium sub agone mortis luci exponebat, vitæ & vitalis habitus expertem; omnes quidem partes in naturali quantitate, numero & situ, sed substantiæ a natura imperfecte elaboratæ apparebant: loco cutis enim erat cuticula, loco musculorum erat gelatina tenacior & quasi pellucida ex albo flavescens, venæ & tendines erant filamenta mollia, ossa brachii, femorum &c. erant cartilago, quacunque parte corporis secabatur, nil nisi lymphæ effluebat, præterquam in solo corde transverso situ locato tres vel quatuor guttulas sanguinis, vitæ & sanguinis natalium indices, inveniebamus &c. Interdum per longam inedia sanguis absumitur, ita ut quamvis in iis qui inedia moriuntur, aliquis adhuc sanguis in vasis supersit, appareat tamen, illum nimis paucum esse, quam ut omnium partium nutritioni sufficienter inservire possit, atque hinc debilitatis omnibus partibus & visceribus homo extinguatur, uti duobus observationibus probat Isbrandus de Diemberbroc *Anatom. Lib. II. cap. 12. fol. 299.* Quod, inquit, in tali casu valde paucus sanguis supersit, illud Anno 1656 mense Novembri, in theatro anatomico, publice a nobis observatum & demonstratum est in viro, qui ob cordolium aliquod vitæ pertæsus, se ipsum fame & siti extinxerat: quippe corpore alioqui sanus existens,

Sanguinis defectus.

aliquot septimanis nihil omnino comedere, ac ne guttam quidem bibere voluerat. In hoc subiecto nullæ venæ meferaicæ, intercostales aliæque minores conspici poterant, propterea quod inanitæ essent, atque ex ipsa vena cava vix trium cochlearium sanguinis mensura effluxit, & arteria magna omnino vacua inventa fuit. Similiter anno 1660 mense etiam Novembri, hominem quendam, ob summam & diuturnam inappetentiam longa inedia emaciatus & tandem mortuum, in eodem theatro nostro publice profecimus, in eoque venas & arterias mirabiliter inanitas invenimus, ita ut ex vena cava vix duo cochlearia sanguinis effluerent, ex arteria aorta nihil &c. In nosodochio Argentinenfi Johannes Rudolphus Saltzmanus Anno 1612 aperuit corpus puerperæ, statim post puerperium defunctæ, causam mortis indagans, invenit secundinam undiquaque ipsi utero tam firmiter adhærentem, ut vix & non nisi labore separari potuerit, fuitque omnino exsanguis, ut & reliquum corpus parum admodum sanguinis habuit, respectu ejus, qui alias esse solet. vid. Saltzmann. *Obs. anat. p. 43.* In pauperculæ cujusdam mulieris, cui a partu nulla fluebant lochia, dissecto cadavere, sanguis paucus, & non nisi in magnis circa cor vasis ater prodiit, referente Philippo Hœchstettero *Obs. med. Dec. VI. Cas. 6. p. 701. seq.* Puer quidam ex improvise per scalas delapsus, crus sinistrum luxat, qua læsione illud sensim, deinde paulatim quoque totum corpus tabe corripitur, quam tandem hydrops excipit, quo vitam immatura morte finivit. Secto cadavere, parum sanguinis tenuis & rutilantis in cordis ventriculis, in arteria vero aorta, ut & vena cava, nil nisi lymphæ pellucida eaque falsa & acris fluctuabat, qua cerebrum, thorax atque abdomen pariter inundatum erat. vid. Adam. Brendel. *Observ. anat. Dec. II. Obs. 2. p. 9. seq.* Ex fœminæ cujusdam, post varia symptomata

ptomata a veneficio orta, minimo corde dissecto unica tantum aquæ gutta prodibat, referente Stephano Blancard. *Collect. medic. physic. Cent. 1. Obs. 23. p. 51. seq.*

§. 31.

Occasione defectus sanguinis sequentem observationem, cujus etiam in *Lithologia nostra Cap. II. §. 62. p. 227. & Cap. IV. §. 11. p. 299.* paucis mentionem feci, annexere liceat: Moriebatur Anno 1700. die 2. Februar. Vir quinquaginta aliquot annorum, nomine Johannes Paulus Buchnerus, postquam ultra viginti annos in hypochondriis, imprimis dextro, dehinc per totum abdomen, ineffabiles & incredibiles cruciatus, eosque fere continuos cum dolore urente atque spasmodico intestinorum motu, ut plurimum cum vomitu finiente perpeffus fuerat. Huic durante morbo alvus vix post quartum, vel quintum diem, semel & quidem baccatim respondebat, hinc tam hujus solvendæ quam sedandi doloris gratia ægrotus continuo clysteres efflagitabat; ut plurimum vero a meridie circa quartam vel quintam a pastu horam ejusmodi cruciatus infernales recrudescebant, ut aliquoties manus sibi violentas inferri exposceret. Paucas ante mortem horas, quin etiam post eandem, sanguis nigricans & coagulatus per alvum fuit excretus. Dolores vero & reliqua symptomata dictus ægrotans, de causa interrogatus, a saltu vehementi, quem ipse ante plurimos annos in itinere a curru prolapsus minitante, fecerat, unice derivabat. In hujus defuncti cadaveris sectione, quam ipse vivus adhuc pluries a me expetierat, ipsius autem uxor vix ac ne vix quidem concedere volebat, muscoli abdominis, licet octava a decessu hora secaretur, apparebant viridescentes atque ad putredinem vergentes; intestina omnia fusca & nigricantia, mesenterium flavum & bile quasi tinctum, cum corruptionis seu putredinis initio, omentum
seu

seu opiploon sphacelosum; ventriculus nimium & quidem ad sex cantharorum capacitatem, erat distentus, totaque ejus substantia albissima cum elegantissimis venarum ramificationibus; intestinorum autem mesenterii vasa maxime nigricantia. Epar colorem referebat fere naturalem, nisi aliquantulum albicantiorem absque induratione seu scirrho, ne minimæ quidem portionis; in parte vero concava seu inferiore, qua intestina tangebatur, nigerrimus se offerebat color, absque tamen induratione. Observatu autem dignissimum erat, quod ne minimum quidem vesiculæ fellis vestigium, imo ne guttula quidem bilis in tota epatis substantia observari poterat; Et quamvis huic speculationi & examini magis satisfactorius totum epar extraherem, minime tamen, neque in loco solito, neque intus in substantia epatis folliculum, vel aliquid ipsi analogum reperire licebat. Lien & renes cum vasis annexis optimæ & ordinariæ erant constitutionis. In membrana supra musculus psoas cavitas quædam digiti circiter longitudinem, & calami scriptorii crassitiem æquans, & lapillis seu calculis duodecim, & quidem subfuscis, ac mucilagine subflava seu biliosa commixtis, quæ facillime e membrana exprimi poterant, secundum ordinem sive in una serie, referta offendebatur. Pulmones, debito destituebantur colore sed cærulei potius, cum plurimis punctulis nigricantibus erant conspicui. Ipsum vero cor externe optimum monstrabat colorem & sufficientis pinguedinis copiam, quæ alias in toto corpore etiam inter cutem & musculos abdominis penitus deficiebat. Imprimis autem hoc loco notandum venit, quod uterque cordis ventriculus polypo & paucò sanguine congrumato refertus, & arteria magna, ubi ex corde egreditur, ad trium digitorum amplitudinem seu spatium extensa fuerit, nullibi vero e vasis sanguivæ studio

studio discissis, neque in majoribus, v. g. in exsectione epatis & cordis, neque etiam in minoribus, tantum sanguinis fluidi nec congrumati, apparuerit, quo vix cochlear adimpleri potuerit: hinc etiam, ob sanguinis defectum, dictorum viscerum exsectionem sine ligatura & cruentatione peragere licebat, cum tamen hic Buchnerus pridie ante mortem, cum ipsius filiam variolosam hora quinta pomeridiana inviserem, satis vegetus sanusque videretur &c. Sic etiam in sectione cadaveris Comitum Belcarrensis totum corpus fuit sanguine destitutum, tenue & emaciatum, colore nigro & subcæruleo, uti ex Scotia per ingeniosum virum, testem oculatum, ad equitem, Robertum Morajum fuit perscriptum, vid. Henr. Oldenburg. *Act. Philos. Anglican. Mens. Jul. p. 65.* In Georgii Illustrissimi Hassiæ Principis, nepote, qui vix annum natus decesserat, cor plane erat exsuccum & ne guttulam quidem sanguinis intra se continebat, quod in aliis etiam visceribus observabatur: Nusquam enim sanguis notari poterat, etiam in venæ cavæ & arteriæ magnæ incisione, sed tantum aqua loturæ carnis non absimilis. vid. Thom. Bartholin. *Histor. anat. Cent. III. Hist. 81. pag. 163. seq.* In Andreæ Herrenschiemieds, sanguinis vomitu enormi defuncti tota vena cava & arteria magna in lumbis recumbentibus, ne quicquam sanguinis fuit repertum, in aliis etiam vasis nihil, præter quasdam mucilagines tantillo cruore imbutas observatum, uti testatur Augustinus Thonerus *Observat. medicin. Lib. III. pag. 140.* ubi addit: Ni ego *αὐτόπτης*, vix mihi persuaderi passus fuisset, id *δυνατόν*. Civis quidam Augustanus die 29 Martii Anno 1691 defunctus, nomine Abraham Danbeck, centesimum & quartum ætatis annum septem mensibus supergressus, memoria, oculis, auribus suum officium præstantibus, firma etiam cætero-

quin sanitate præditus, a paucis tempore, pedum primo debilitate ingruente, vires etiam reliquas cito deficere persenserat, natura macilentus & parvæ staturæ; hujus vita non tam in sanguine purpura tincto, quo carere penitus videbatur, quam in lymphâ consistere per aliquot annos credi poterat, nullo nempe cruore, ubi se scalpello fortuito vulneraret, sed albicante sero ex plaga profluente, uti refert Lucas Schrœck *L. F. M. N. C. Dec. II. An. 9. Schol. in Observat. 211. pag. 382.* Quo loco addit: Simile quid in sene, marasmo in Nosocomio Patavino ad D. Franciscum defuncto, quem favor D. Antonii de Marchettis pro exercitio privato anatomico meum fecerat, deprehendi, sero omnes corporis partes, loco sanguinis, copiose irrigante. Rationem, cur homo sine sanguine supervivere possit, hanc reddit Wolffgangus Hœferus *Hercul. medic. Lib. II. cap. 1. pag. m. 108.* quamvis cor e sanguinis purissima substantia, ad sui totiusque corporis tutelam spiritus efficiat, videmus nihilominus, hominem superesse posse, etiamsi illud sanguinis melioris guttam in se vix unicam contineat. Forte quia chylus suavi sua evaporatione, in iis præsertim, quibus ventriculus adhuc suo ut-cunque fungitur officio, cor recreat &c.

CAPUT V.

De Sanguinis præternaturali Excretionē.

§. I.

*Sanguinis ex-
cretio p. n.*

Secundum naturam equidem sanguis in vasis ipsi propriis, arteriis scilicet atque venis, continetur vel potius continuo movetur seu circulatur, præterquam quod in sexu scemineo per certum ætatis spatium, statis tem-

temporibus, singulis nimirum mensibus, per aliquot dies in utero ejusve vagina exitum quærat, donec illud menstruationis tempus iterum cesset; uti in muliebribus nostris Capite de Menstruatione prolixè monstravimus; Quandoque tamen etiam ob plethoram, vel alias causas, præternaturaliter per varias & insolitas vias exitum quærit & profluit sanguis.

§. 2.

Per Os scilicet quidam intra diem & noctem libras viginti novem sanguinis coagulati lividi, modo nigerrimi profudit, qui subducta ratione victus, quiete & solutis ovorum vitellis, curatus est, teste Reinero Solenandro *Consil. medicin. Sect. V. Cons. 15. fol. 488.* Ejusmodi autem sanguinis ex ore rejectio vel ex pulmonibus, v.g. in hæ- Per os.
moptysi, pleuritide, &c. vel ex ventriculo in vomitu cruento provenit, qualia exempla, lethalia quoque, in Praxi medica quotidie occurrunt. Hæmoptysin enim periodicam a retentione mensium in muliere triginta duorum annorum, vidua, annotavit Rosinus Lentilius *Miscell. Med. pract. Tom. I. p. 118.* Sanguinem cum tussicula purum nonnunquam phlegmati mixtum sputasse puerulum lapide ictum, annotavit Johannes Nicolaus Binnigerus *Observ. Cent. 5. Obs. 26. p. 516.* Exspuitionem sanguineam ex compressione thoracis annotavit Felix Platerus *Observ. Lib. III. pag. m. 785.* Juvencula scilicet mulier infantem lactans cum nuptiis interesset atque aliquoties choreas duxisset; domum properans aque cujusdam nuptialium, eam retinere cupientis, brachiis circa pectus compressa statim male habere cœpit, domumque ægre reversa decubuit, febreque correpta tussivit, & sputum cruore tinctum exspuit, quintoque die post, delirio superveniente, exspiravit, quo loco dictus Autor plura exempla utriusque sexus, & inter alia sanguinis exspuitionem post

G g 2

quem.

quemlibet congressum recenset. De sanguine spumoso cum tussi rejecto observationem refert Rembertus Dodo-næus *Observ. medicin. Cap. 24. pag. 59.* inquit: Cum tussi sanguinem excerni, modo pulchre rubentem, alias pituitæ, sputo aut puri permixtum haud infrequens est: nigrum vero atque adeo spumosum ejici, ut concretus & undiquaque porosus spongiam aut pumicem referre videatur, rarissimum. Hujuscemodi autem a nonnullis cum tussi rejectum, non ex vase aliquo rupto, aut ex pulmonis ulcere, sed ab ipsa pulmonis substantia, ac parenchymate profusum suspicati fuimus: nec fefellit eos conjectura. Nam Pictoris cujusdam, qui cum valida tussi hujuscemodi sanguinem rejecerat, pulmonis pars quædam nigricans rejecta & sphacelo correpta, in qua magnus & profundus sinus, ex quo sanguis corruptus, nigricans, atque cum eo siderata parenchymatis pars cum tussi rejecta. Similem & Ichthyopola quidam sanguinem exspuit, cujus & pulmo eodem affectus modo fuit. Cerevisiæ coctor hujuscemodi sanguinem cum valida tussi ter reddidit. Pictor plus quam mensem supervixit. Cerevisiæ coctor bis evaserat, sed in tertia exspuitione subito periit: Veluti & Ichthyopola, qui in sanguinis sputo defecit. Secundum relationem Nicolai Tulpii *Observ. medic. Lib. II. cap. 11. pag. 120.* Pictor Rychius, obnoxius a puero acri ac falsæ destillationi, exspuit plurimum sanguinis, annos amplius triginta. De hæmoptysi ab hirudine inscie deglutita, vid. Petr. Borell. *Histor. med. Lib. I. Obs. 24. pag. 33.* Grumos nigri & concreti sanguinis per tussim rejecit Johannes Pauli, faber lignarius, & quidem ex anevrismate lethali sub clavicula sinistra juxta relationem Othonis Heurnii *Histor. 27. p. m. 26.* Varia ejusmodi hæmoptysis exempla recenset Theophilus Bonetus *Sepulchret. Lib. II. Sect. 5. fol. 526. sqq.* Et plurima allegavit Matthias Mo-

ronus *Director. medico-pract. pag. 394. seq.* Johannes Michael Fehr curavit piscatorem Halsfurtensem, qui ab improbo labore dolorem & angustiam pectoris persentiscebatur, mox sanguinem exspuebat rutilum, tandem in hydropem delabebatur, ut refert Johannes Laurentius Bauschius *Schediasm. de Lapid. Hæmat. Proæm. pag. 16.* Modicam hæmoptysin in fœmina juniore per primos quatuor ingravidationis menses annotavit Michael Alberti *Ephemer. Acad. N. C. Cent. X. Obs. 38. pag. 325.* Tornatoris cujusdam uxor ad phthysin prona per os magnam sinceri sanguinis copiam rejecit, tandemque tussi sanguinem, semper fluidum, exspuendo extincta est, annotante Daniele Wincklero *M. N. C. Dec. I. An. 6 & 7. Obs. 43. p. 77.* Magnam sæpe sanguinis copiam ex rupta pulmonum vena excreatione profusam, & quidem absque ullo incommodo, se observasse, ait Johannes Fernelius *Patholog. Lib. V. c. 10. Tom. II. p. m. 112.* Secundum Plin. *Histor. natural. Lib. XI. cap. 38. fol. 207.* profluvium sanguinis multis per orastato tempore factum est, ut Macrimo Visco, viro prætorio, & omnibus annis Volusio Saturnino, urbis præfecto, qui nonagesimum etiam excessit annum. Novit etiam Daniel Sennertus virum nobilem plethoricum, qui per intervalla sæpe e pulmone sanguinem copiosum sine omni incommodo rejiciebat, qui nihilominus ad summam senectutem pervenit, uti refert *Pract. Medic. Lib. II. Part. 3. cap. 7. p. m. 384.* Hæmoptysin veram absque tussi annotavit Georgius Wolffg. Wedelius *M. N. C. Dec. I. An. 2. Obs. 46. p. 83. seq.* Anno scilicet 1669 fœmina 54 annorum hæmoptysin patiebatur, *αἰθρῶς* excernens sanguinem spumofum & floridum, sine dolore, cum respiratione aliquo modo difficili, sed, quod singulare, semper absque tussi. Ibidem etiam viduæ 48 annorum meminit, quæ pariter sine tussi floridum & spumofum sanguinem per os excernebat. Sub initio anni 1675

foemina quinquagenaria, inter quartam & quintam horam matutinam, ultra mensuram sanguinis floridi, qualis e pulmonibus egredi solet, excrevit, referente Carolo Raygero *M. N. C. Cent. I. An. 6 & 7. Obs. 209. pag. 308.* Sputum sanguinis largum & frequens ob pulmones globulo olim transfossos observavit Gabriel Clauderus, *ibid. Cent. II. An. 6. Obs. 184. p. 369. seq.* nimirum vir generosus trigesimo circiter ætatis anno a latronibus in sylva sclopeto transfoditur per pulmones; ob vasa majora læsa sanguinis maxima statim copia profunditur, adeo ut latrones mortuum eum credentes, rebus omnibus secum portatis abreptis, fato suo reliquerint. Hic postea ab itineris socio medico-chirurgicis auxiliis fuit concreditus. Quæ quidem id præstiterunt, ut rivi hæmoptoici consolidati substituerint. Tandem tamen sæpius duorum vel trium dierum spatio sputo excrevit quinque sex, ad decem libras sanguinis purissimi &c. Sequentem observationem de hæmoptoe persistente fluxu menstruo refert Ehrenfridus Hagendornius *Histor. medic. phys. Cent. I. Histor. 93. p. 134. seq.* Uxor, inquiens sartoris cujusdam Gorlicensis quadragenaria circiter, succulenta & asthmatica me consilii causa adibat, ob hæmoptoicam passionem, qua nonnullos per annos affligebatur, debellandam. Ut certior fieret de paroxysmo futuro, ait, se observasse, si in sinistro hypochondrio dolores pulsátiles gliscere incipiant, cum ebullitione sanguinis circa præcordia, & tussicula, mox sanguinis rejectionem per os subsequi, cum addito, mirari se cur menses solito tempore justaque mensura nihilominus soleant redire. Ibidem etiam virginis cujusdam nobilis ex Lusatia superiore oriundæ meminit, quæ triginta circiter annos nata, diu valetudinaria, per tempus bene longum quoque hæmoptysi conflictata, nihilominus quovis mense menstrua vidit. *vid. etiam Petr. Forest. Obs. Lib.*

Lib. XVI. Obs. 19. & 20. fol. m. 31. seq. Joh. Lang. *Epist. med. Lib. I. Epist. 40. p. 172.* Joh. Schenck. *Obs. med. Lib. II. fol. m. 238. seq.* Quendam in palæstra, gravi plaga accepta, fere duas cotylas sanguinis tussiendo exspuisse, qui statim facta vena & adhibitis justis remediis convaluit, refert Ludovicus Duretus *Schol. in Fac. Holler. de morb. intern. Lib. I. cap. 25. p. m. 69.* de hæmoptysi enormi vid. Observati Conr. Bertholdi Behrens *Ephemer. Acad. N. C. Cent. V. Obs. 93. pag. 171.* Diuturnam & pertinacem hæmoptysin annotavit Elias Camerarius. *ibid. Cent. VIII. Obs. 46. p. 323.*

§. 3.

Sæpe etiam sanguis ex ventriculo per vomitum ejici- *Per vomitum.* tur, cujus fontem autores vel a jecinore, vel liene, vel mensium suppressione derivant: A quocunque autem viscere sive a quacunque parte sanguis in ventriculum influat, secundum Rembert. Dodon. *Obs. med. cap. 26. p. 63. sq.* semper cum molestia, violentia, magna virium prostratione ac *λειποθυμία* evacuatur, sic ut frequenter in ipsa vomitione & citissime quidem æger deficiat; præsertim si ex jecinore efferatur; veluti cuidam accidit, qui postquam longo tempore e jecinore male-habuiſſet, sanguinis violenta superveniente vomitione mox sublatus est. Item mulier quædam, quæ post frequentes sanguinis vomitiones in ascitem inciderat, sanitati equidem restituta videbatur, & ab aquoso humore liberata; sed superveniente paulo post denuo sanguinis vomitione extincta est &c. Varia etiam vomitu sanguinis defunctorum exempla recenset Petrus Forestus *Obs. med. Lib. XVI. Obs. 24. fol. m. 35. sq.* & quidem de Guilhelmo Johanne, Prætorē Alcmariano, qui, cum vina calidissima largius bibisset, subito sublatus est, cum ingenti impetu sanguinis aliquot heminas infra & supra dejecisset. Sic Guilhelmus Brasserius, cui dextrum hypochondrium dolebat & tumor aderat, sanguinis modo

do grumosi, modo puri, plus quam tres heminas tam supra, quam infra deiecit, bis tamen a Foresto curatus fuit; Tandem vini calidi & potentis potui valde indulgens in idem malum prolapsus per superna & inferna sanguinem adeo copiose profudit, non aliter quam bos jugulatus sanguinem effundit, sicque mox e vita sublatus fuit: Item Johannes Bokellus vino repletus, cum ex mensa saltasset, incidit in sanguinis vomitum enormem, ut plus quam sex vel plures heminas sanguinis evomeret, &c. Andreas Monachus plus quam tres integras mutuas sanguine purissimo repletas vomuit. Ibidem etiam Forestus *Obs. 25. fol. 38.* monachæ juvenulæ 25. annorum meminit, quæ certis mensium temporibus vomitu menstruum sanguinem per superiora rejiciebat. Mulier quædam Florentina, cum intolerabili capitis dolore ex retentione mensium affligeretur, his vomitu ejectis convaluit: & ne morbus iterum in crudefceret saphænæ sectione sibi cavit, referente Johanne Langio *Epistol. medic. Lib. I. Epist. 40. p. 173.* Johannes Georgius Kreuter, Svinfurtensis die obitum præcedente, nempe 22. April. Anno 1644. cœpit evomere sanguinem nigrum, grumosum, in magna copia, usque ad finem vitæ, teste Johanne Laurentio Bauschio *Schediasm. de Læp. Hæmatit. Proœm. p. 17.* Vomitus sanguinis menstruum observavit Alhardus Hermannus Commius in fœmina nobili, octo triginta annorum, temperamento corporis sanguineo, habitu corporis evsarco. Inciderat autem in hunc vomitum ante sex menses, cum ipsi rigente bruma iter facienti menses fluerent, tunc enim refrigeratis partibus inferioribus in suppressionem mensium incidit, & vomebat ordinarie ad quatuor libras. vid. *M. N. C. Dec. I. An. 1. Obs. 95. p. 224.* Ejusmodi fœminarum exempla bina etiam Rosino Lentilio nota fuerunt, quibus per singulos menses fluxus sanguinis per os contigit; fuit autem

autem altera triginta scilicet quatuor annorum virgo, altera viginti trium annorum, maritata quidem, sed sterilis. v. *M. N. C. Dec. II. An. 10. Append. p. 58.* De vomitu sanguinis a menstrui retentione observationem annotavit etiam Daniel Wincklerus *M. N. C. Dec. I. An. 6. & 7. Obs. 49. pag. 83.* vidua scilicet juvencula, constitutionis macilentæ, retentione menstruorum laboraverat, quam cum illa celaret & tantum de ventriculo conquereretur, per noctem incidebat in nauseam & per vomitum magnam partem sanguinis floridi in ipsam cameram evomit. Menstruis vero post ordinata medicamenta rursus apparentibus, non amplius visus est hic vomitus. Illa interim nupsit iterum & aliquoties peperit. Idem Wincklerus etiam *l. a. Obs. 48. p. 82.* refert, nobilem quandam viduam annosam, macro corporis habitu, de sinistro hypochondrio conquerentem sanguinem cum vomitu, at in minore copia, cum vomitu rejecisse. Sanguinis vomitum lethalem observavit Augustinus Thonerus *Obs. medic. Lib. II. p. 140.* scilicet cum M. Andreas Herrenschmied, naturæ sanguineo-melancholicæ, quosdam balneantes, in Thermis Dalsingensibus, visitasset, & vini largiore haustu se exhilarans & vesperi tardius, sole jam vergente in occasum, domum repetens celeri gradu, ne clausis portis urbe excluderetur, eo contendens, insigni aeris æstu, vini copiosiore potu, & corporis validiore motu, massa sanguinea incalescente, in sanguinis vomitum exundantem incidit, ad mortem usque perseverantem &c. De vomitu sanguinis in prægnantibus ita scribit Thomas Bartholinus *Hist. anat. Cent. I. Hist. 19. p. 29.* notæ mulieres mihi nonnullæ optimi alioquin habitus, sed plethoricæ, quæ, quoties uterum gerunt, toties molestissimis vomitibus nauseabundæ non cibos solum & quicquid assumerunt, sed ipsum sanguinem magno conatu rejiciant. Dubium de sanguine, unde emanet. Forsan in

sanguineis abundans cruor & a nutritione foetus superfluous, quum per uterum interclusus sit exitus, superiora petit, quemadmodum per os, nares, oculos extremosque artus menstruum sanguinem expurgari scimus. Vel quod ab utero distento lien comprimatur, exprimaturque per vas breve sanguis ad ventriculum. Verior autem ratio Bartholino est, quod in summo vomendi conatu venulae quaedam in faucibus rumpantur, &c. Et juxta *Histor. 21. p. 31.* Vomitus cruentum instante morte recenset: nimirum puellulus semestris ævi matre febris ardente detenta natus, excoriatione totius corporis a primis incunabulis perpetuo fere vexabatur, quæ per vices sedata recrudescebat, donec interioribus ardore eodem æstuantibus misere tandem, immaturo fato ad vitam meliorem transierit. Id singulare fuit, quod sanguinis copiam per os reddiderit, antequam beatam animam efflaret &c. Anno 1672. ancilla annorum viginti & aliquot cœpit sentire inflationes & punctiones in hypochondrio sinistro. Illa venæsectioni assueta medico inconsulto sibi venam in brachio sinistro tundi curavit; sed nihil alleviationis exinde percepit die 13 natura irritata cœpit per vomitum ejicere sanguinis nigri & maxima parte grumosi, floridi tamen admisti ad libras quinque; sanata tamen dicta persona a Gottofredo Christiano Wincklero, vid. *M. N. C. Dec. I. An. 6. § 7. Obs. 113. p. 150.* De vomitu sanguinis ex liene compresso recenset observationem Mauricius Hoffmannus *Mantiss. Obs. selectior. in Ephemerid. A. N. C. Dec. X. p. 445. Obs. 6.* Anno videlicet 1645 Generosus Gabriel Rexrada ultra quatuor lustra tumido liene absque singulari tamen noxa vel incommodo affectus, cum post cladem fuga sibi pecuniæque collectæ consulturus Ingolstadtum cogitasset, propitiosque viales in templo exoraturus sedili editiori hypochondrio utroque innitens, arctius sinistrum com-

compressisset, vertigine correptus domum properavit, moxque per vomitum magnam feri & sanguinis grumosi, parum foetidi, copiam binas mensuras civiles excedentem, non sine summa virium prostratione rejecit, mox subsequuta tumidi lienis subsidentia & evanescencia. Huic sanguini procul dubio per vas breve, valvula relaxato vel abrupto tono, viam ex liene ad ventriculum apertam fuisse, statuit dictus Hoffmannus. Quam sententiam defendit Johannes Riolanus *Anthropograph. Lib. II. Cap. 17. fol. m. 114.* in lienosis, inquit, ab eo vase sæpissime copiosas & immodicas sanguinis susquedeque rejectiones emanare vidi. In quodam nobili senatore, qui rejectione sanguinis per superiora & inferiora e liene prodeuntis interit, deprehendi vas breve minimi digiti magnitudine latum, & in ventriculum ad apertum. Et ex Valverda refert idem, in aperto cadavere Cardinalis de Cibo, qui vomitu sanguinis interierat, compresso liene ventriculum repletum fuisse sanguine, qui per vas breve derivatur. Aliquot vomitus cruenti exempla refert etiam Georg. Wolfgangus Wedelius *M. N. C. Dec. I. An. 9. Observat. 20. pag. 68. seq.* & quidem primum de matrona nobili, annorum 38 habitus corporis gracilioris, quæ quartana sub gravidationis statu correpta foetum equidem edidit sanum & vegetum, ipsa vero post febrem continuam doloribus hypochondrii sinistri subinde afflicta fuit. Elapso uno alteroque anno, defubito in via publica vomitu ingentem copiam sanguinis ejecit; posteaque repetente per vices cruento vomitu, singulo paroxysmo aliquot libras excrevit. Tandem elapso anno denuo ingravidata vere anni 1676, consuetis corrumpitur vomitibus. Et licet vomitus perbiduum remitterent, tertio tamen die, cum vini haustulum assumpsisset, malum recrudescebat cum ingenti calore, lipothy- miis, summa virium debilitate, dolore abdominis & spas-

modicis denique motibus accedentibus, fato concedit. In hujus aperto cadavere vas breve, calamum scriptorium æquans, a liene unico trunco in ventriculum desinens, ibi aliquot ramos diffeminavit, uno horum stylum in ventriculum admittente &c. Ibidem etiam p. 70. meminit Wedelius Studiosi cujusdam, qui simul & semel vomitu cruento corripiebatur, ultra mensuram excreto sanguine grumato, colore sic satis vivido; qui tamen restitutus est. Brevi post virgo quædam menses non ordinatas videns, e foro publico domum concessura in platea sanguinem vomitu impetuoso rejiciens, prius, quam ferri potuerit auxilium, expiravit. Extant ibidem adhuc bina exempla, alterum de scemina primaria quæ post menses immodicas desubito, ardore solum prævio & titillatione faucium, ultra libram unam sanguinis excrevit, alterum de rustico juvene parili ratione decumbente. Horrendum sanguinis vomitum observavit Johannes Acoluthus in scemina quadraginta novem annorum, quam a biennio menses, absque ullo tamen sanitatis incommodo destituebant. Hæc post varia symptomata ex somno expergefata triplici vomitu tantum non animam expuebat. Maritus horrido mox clamore viciniam implet, quæ advolans proprio immersam cruori semiexanimem tollit. Si in arte credendum artifici, marito lanioni fidem adhibere licebat asserenti, tantum sanguinis maceratum vix eructare bovem, quantum totum fere cubile tum inundaverat. Hoc malum aliquoties, mitius tamen per diem redibat, verum octava vespertina tanto vehementius instabat, ut excreti ultimo hoc impetu sanguinis, dictus medicus, oculatus testis ternarium librarum medicarum superasse judicaret. Post octo etiam dies, cum nihil quicquam sinistri scemina experiretur, momentaneo orgasmo rursus insurgens sanguineus latex (nihil minus metuente ægra)

ægra) per superiora aliquot librarum pondere sese præcipitem dabat. Licet autem in hoc statu pro deplorata haberetur, per adhibita tamen medicamenta valetudinem recuperabat, v. *M. N. C. Dec. II. An. 6. Obs. 22. p. 68. seq.* De sanguinis vomitu vid. etiam Zacut. Lusitan. *de medic. princ. Histor. Lib. II. Histor. 10. § 11. fol. m. 183. seq.* Quandoque sanguinis vomitus est salubris; Anno enim 1625. Patavii duæ vixerunt fœminæ, una Deo dicata, altera cælebs. Imminente fluxu mensium pridie sanguinem innoxie rejecerunt, imo vomitum præsensere. Quem si medicus cohibere tentaret, varia suborta sunt accidentia ipso vomitu sublata, juxta Joh. Rhod. *Obs. med. Cent. II. Obs. 64. p. 86.* Et secundum *Obs. 65.* Anno 1627. virgo sacra, muliercularum consilio, ulceri antiquo ac tetro tibiæ dextræ adstringentia quædam & siccantia admoverat; inde sanguinis vomitus cum dejectione ac vomitu atræ bilis, quæ atramentum scriptorium nigritie superabat. Re-crudescente per autumnum malo cum cardialgia fatis cessit. Vomitus sanguinis quotidianum gravidæ innoxium annotavit Benjamin Scharffius *M. N. C. Dec. I. An. 9. § 10. p. 43.* Mulier, inquiens, honesta, ætatis triginta annorum, habitus corpulenti & constitutionis plethoricæ a primo conceptionis mense usque ad ultimum singulis diebus vomuit sanguinem, nonnunquam floridum, nonnunquam aliquatenus coagulatum, in satis magna & octo unciarum quantitate sine tamen noxa vel graviore læsione. De vomitu cruento a lumbricis orto videatur observatio Wedelii *M. N. C. Dec. II. An. 1. Observat. 7. pag. 19.* Nobilissimus quidam in Dania vir, sexagenarius vomitum cruentum perpetuum patiebatur magnæque copia per statas vices sanguinem rejiciebat a liene, nullo vitæ aut valetudinis damno, sed salutari evacuatione. Supra trigesimum annum eo commodo gavissus erat, sanus hoc medio graviferat; & si subsisteret,

sisteret, vitæ suæ & incolumitati timebat, observante Thoma Bartholino *Hist. anat. Cent. III. Hist. 36. pag. 76.* Et *Histor. 61. pag. 120. seq.* vomitum sanguinis lethalem refert de studioso Hafnienti, temperamento melancholico prædito, qui post longas splenis inveteratasque obstructions, evomuit magnam sanguinis copiam, & per inferiora partem cruoris mensuram. De vomitu sanguinis lethali aliam observationem refert Johannes Scultetus *Armament. Chirurg. Part. II. Obs. 59. p. 86.* Vir, inquit, quadraginta annorum, temperamenti calidi & sicci, febricitans magnum habuit sanguinis vomitum, qui per tempus cessavit; Deinde iterum circa duodecimam noctis horam evomuit prius sanguinem, dehinc cœnam assumptam; sequenti die iterum sex libras sanguinis evomuit; tertio die æger conquestus est de oris amarore & postea evomuit magnam bilis copiam, & interrogatus, an nunquam ulcera in pedibus habuerit, respondit, se in utraque tibia exulcerationem perpeßum; unde causa vomitus sanguinei procul omni dubio fuit ulcerum consolidatio. Quinto die patiens iterum evomuit multum sanguinis & sexto confusus obiit. Novit Philipp. Salmuth virum, cui hoc erat familiare, ut post quamlibet crapulam, itemque post quemvis vomitum violentum (alia de causa contractum) sanguinem innoxie rejiceret quantitate librarum duarum vel libræ unius, & dimidiæ. Novit quoque alium, cui periodice, quasi per annua intervalla, malum illud redierit. Qui tamen posterior, cum alias fuerit spleneticus, male ex eo habuit; prior vero optime, uti refert Salmuth *Observat. medic. Cent. II. Observat. 3. pag. 61.* De mensibus per os excretis exempla adducit Johannes Schenckius *Observat. medicin. Lib. IV. fol. 633.* De vomitu sanguinis in prægnante scribit Salmuth *loc. all. Observat. 54. pag. 82.* Femina quædam incipientibus singulis, imprægnationibus con-

conflictabatur crebris vomitionibus: quæ sequentibus & partui propinquieribus mensibus quotidie exasperabantur, adeo quidem, ut nonnunquam diei noctisque spatio ad quindecim vel viginti vices plus minus vomitionibus affligeretur cum variis symptomatibus. Materia autem illarum vomitionum purpureo erat colore, subcrassa & copiosa sic, ut pelvim mediocrem, interdum etiam duas una vice repleret, pondere gravis, ac veri sanguinis saporem, interim dum ejiciebatur relinquens &c. Multos sanguinis vomitu affectos ejusque aliquot libras evomentes se vidisse, ait Henricus Smetius *Miscellan. Lib. X. p. 525.* Et *pag. 544.* ancillæ cubiculariæ meminit, quæ post sanguinis vomitionem abundantem in triplicem febrem collapsa convaluit. Humorem instar atramenti nigricantem per vas breve in ventriculum effusum in vivente adhuc vomitu rejectum vidit Daniel Sennertus, uti refert *Pract. Medicin. Lib. III. Part. 5. Sect. I. cap. 2. pag. 507.* Tale etiam exemplum in Magnate quodam Austriaco jam senē, plurimum uxorum marito & filiorum parente in animi præsertim affectibus sanguinem effundente, sæpissime se vidisse ait Wolffgangus Hœferus *Hercul. Medic. Lib. III. cap. 3. p. m. 199.* Refert etiam Thomas Bartholinus *Histor. anat. Cent. I. hist. 87. p. 124.* spleneticum quendam, intima sibi & nativa amicitia conjunctum, in vomitum sanguinis incurrisse, adeo copiosam, ut aliquot mensuras Hafnienfes, liquidorum, quas Pottas vocant, ex liene dolente projecerit. Et *Observat. 21. pag. 31.* ait, puellulum, semestris ævi, consanguineum suum, matre febris ardente detentatum, & excoriatione totius corporis a primis incunabulis perpetuo fere vexatum, antequam beatam animam efflasset, sanguinis copiam per os reddidisse. De vomitu sanguineo ex vociferatione observationem communicat Johannes Mauricius Hoffmannus *M. N. C. Dec. III, An. 1.*

Obs.

Obs. 139. pag. 231. Juvenis scilicet studiosus ebrius boatu clamoreque aliquoties repetito plateam, per quam domum contenderat, salutare cœpit, in muscolum autem reversus mox lecto petito ad somnum se composuit, sequenti vero die studiis suis redditus animo liquit, & repente notabilem sanguinis atro-rubentis fluidi, haud grumosi copiam vomitu rejecit; & post assumptas aquas spirituosas laceffitibus ventriculus purpuream animam terve quaterve amplius evomit, donec librarum ad minimum quatuor capax patina rejecto adimpleretur sanguine, quem dictus medicus adveniens ex pulmonibus neutiquam profluxisse, utpote nec spumofum, nec in bullas elatum, nec florido coccineo colore ab aeris pulmonalis consortio alias eveniente conspicuum, ex ventriculi vasculis præternaturaliter dilatatis ruptisque illum in ollam hujus membranas eam effusum suspicatus est. Remediis tamen ibidem præscriptis ægrotus cum pristina sanitate in gratiam rediit. De eruptione sanguinis e vase brevi in ipsum ventriculum, mortis ac vomitus cruenti causa observationem communicat Johannes Daniel Dolæus *M. N. C. Dec. III. An. 5 & 6. Obs. 257. p. 597. seq.* Puella scilicet Halensis undecim circiter annorum sanguinem crassum coagulatum per superiora & inferiora copiose rejiciebat, doloremque fixum in sinistro hypochondrio quam maxime accusabat. Post obitum in ipsius cadavere observavit dictus Dolæus, quod vas breve sanguine crasso partim turgeret diversisque ramis in ventriculi tunicam definiret, uno illorum majori sanguinem in ventriculi cavum admittente, quod non manifeste ex levi saltem supra dicti vasis brevis compressione observare licuit. Aperto denique ventriculo, osculum hians, quod facile stilum ac flatum admittebat, fuit deprehensum, manifestam vomitus cruenti causam nobis exhibens, ipseque ventriculus adhuc

adhuc quantitatem extravasati, crassi, polyposique sanguinis continuit. Annotante Georgio Dethardingio, *Ephemer. Academ. N. C. Cent. I. & II. App. pag. 194. seq.* largissimum, sed innoxium vomitum sanguinis patiebatur consiliarius quidam; item virgo quædam ex obstructione mensium cruento tali vomitu solebat corripī, insequente fluxu lunari, quæ tamen personæ methodo ibidem descripta ab hoc malo fuerunt liberatæ. Virum quendam, annos quinque supra quadraginta natum, qui jam diu per hæmorrhoides singulis mensibus, ut mulieribus menstrua contingunt, sanguinis evacuationem copiosam habuerat, cum illi hic ad aliquot dies constringeretur, nec solito modo flueret, per os sanguinem, absque tussi & feбри, subflavum & rubrum multum coacervatim emisisse, ex Amato Lusitano refert Johannes Schenckius *Observat. medicin. Lib. III. fol. 358.* Civis quidam Dresden-*Observatio.*sis, Michael Lorenz, Carpentarius, annum sexagesimum sextum jamjam supergressus, continuo fere circa ventriculi regionem adeo pungentem, mordentem & rodentem sentiebat dolorem, ut certo crederet, vivum aliquod animalculum latitare, quod ipsum scalpendo & mordendo cruciaret; talis dolor nunquam cessabat, nisi postquam dictus vir tantam materiæ nigerrimæ, instar sanguinis congrumati, paucis tamen striis floridi sanguinis intermixtis, quantitatem vomitu rejiceret, quantam vix matula caperet. Plura de hoc Carpentario reperies in mea *Chylogia Cap. VII. pag. 476.* Plura ejusmodi exempla collegit etiam Theoph. Bonetus *Sepulch. Lib. III. Sect. 8. fol. 821. seqq.* item Matthiæ Moron. *Direct. Med. pract. pag. 396.* Marcell. Donat. *de Hist. medic. Lib. IV. cap. 9. pag. 342. seq.* Fel. Plat. *Obs. med. Lib. III. p. m. 797. sqq.* Joh. Lang. *Epist. med. Lib. I. Ep. 40. p. 172. 174. seq.*

§. 4.

Post vulnera.

Interdum etiam in vulneratis ex sanguinis vomitu de ventriculi læsione judicari potest, quale exemplum refert Johannes Scultetus *Armament. Chirurg. Part. II. Obs. 8. p. 85.* de vulnere thoracis per septum transversum ad ventriculi fundum penetrante: Anno scilicet 1645 die 12. Augusti, Melchior Frick, Politor lini Ulmenfis, ab hortulano quodam vulneratus fuit non solum in capite & naso, verum etiam in thorace, quinque digitis transversis infra sinistram papillam. Accedens vulneris in thorace qualitatem exploravi, sed in cavitatem pervenire non potui: concidit enim vulnus, ob muscutorum situm mutatum, in quo patiens læsus fuit. Inter explorandi actum vulneratus evomit magnam sanguinis copiam, ita ut æger gravi syncope correptus divinis potius quam humanis auxiliis indigere omnibus visus fuerit. Hic vomitus, pergit Scultetus, mihi læsionem ventriculi & per consequens diaphragmatis in parte carnosa, atque perforationem pectoris indicavit: Secundo læsionis die hora quinta matutina patiens denuo vomuit duas mensuras sanguinis vino diluti, & posthac omne id, quod ore assumptum deglutiavit &c. Ventriculi vulnus indicavit sanguinis & assumptorum vomitus, defectus appetitus & dolor circa præcordia perceptus &c.

§. 5.

Per os absque
tussi.

Observantur etiam quandoque, absque tussi vel hæmoptysi & absque vomitu cruento, sanguinis ex ore profusiones: recensente enim Christophoro Roeslero *M. N. C. Dec. I. An. 3. Obs. 314. pag. 532.* Domini Gabrielis ab Hünd conjux, sexaginta & aliquot annorum, alioqui arthritica & valetudinaria, ita ut jam longo tempore coacta fuerit decumbere; capitis dolore cœpit affligi & tussi. Ex improvviso maxima copia sanguinis grumosi & tenacis, ita ut fibræ

fibræ dentibus vix potuerint avelli, ex ore effluxit, & tandem etiam ex naribus, absque tussi, absque vomitu, imo & absque screatu. De hæmorrhagia e faucibus hanc historiam communicat Georgius Dethardingius *Ephemerid. Acad. N. C. Cent. VII. Observat. 73. pag. 178.* Hanc observare licuit parenti meo b. m. in mercatore juvene, cui olim quidem satis familiare fuit sputum sanguine commixtum; ast dum aliquando, Sirio urente, sub dio longius obambulavit, observat domum redux, antiquo more sputum sanguine tinctum, ast tanto jam flumine ex ore manans, ut animam reddere videretur. Advolans parens, depressa specillo lingua, videt sanguinis hujus scaturiginem ex faucibus pone uvulam, rivuli in morem, prodeuntem. Siphone ergo ita accommodato, ut appellere potuerit, injecta aqua alumine gravida hic insolitus fluxus cito & tuto fuit sedatus, & quem fauces orco volebant tradere, ex hujus faucibus strenue ereptus. De periodica oris hæmorrhagia sequentem observationem refert Arnoldus Bootius *Observat. medicin. de Affect. omiff. Cap. VII. pag. 25.* Eximius Hiberniæ Præsul, Jacobus Ufferius, archiepiscopus, sexagesimum quartum annum agens, jam a plurimis annis patitur bis terve anno periodicum sanguinis profluvium ex ore ut plurimum in latere ejus sinistro duntaxat, nec ibi semper uno in loco, sed interdum ex linguæ latere, alias ex gingivis, quandoque ex alterutrius labii aut buccæ parte interiore. Per multi jam anni sunt, ex quo citra ullum impetum & guttatim tantum sanguis promanat; id autem fit assiduo, absque ulla intermissione, noctu æque ac interdiu, donec periodus absoluta sit, quæ nunquam minus uno die naturali, plerumque duos, aliquando etiam diutius durat.

§. 6.

Rer gingivas.

De sanguinis e gingivis profluvio extat in Remberti Dodonæi *Observ. Medicin. cap. 14. p. 36.* sequens observatio: Latomo cuidam ectymatis laboranti, non per nares, sed e gingivis sanguis erupit, quod cum imprimis molestum esset, ore assidue sanguine repleto, remedium adhibet, & sanguinem illac manentem reprimat. Repressus autem sanguis aliam sibi viam quæsit: nam ad urinarios meatus conversus una cum urina descendit, atque sic e gingivis non amplius sanguine erumpente, urina cruenta subsequuta est; Quæ cum & reprimentibus sanguinisque fluorem sistentibus medicamentis exhibitis talis esse desiisset, iterum natura sanguinem ad gingivam pepulit. Ex his autem nec prius desinit prodire, quam ab ectymatis curatus æger esset. De murario, qui post tertianam ex gingiva ad 24 libras sanguinis emisit, v. *M. N. C. Dec. I. An. 2. Observ. 48. p. 87.* plura vid. Joh. Schenckii *Obs. Lib. I. fol. 197.* Sequentes observationes recenset Zacutus Lusitanus *de Prax. med. Lib. I. Obs. 90. fol. 21.* Quidam, cum dentis dolore premeretur immani, illum violento concussu ferri ope eduxit. Extracto eo, ex dilacerata arteria gingivæ subdita, copiosa sequuta est hæmorrhagia, ac si rivulus e fonte emanaret. *Obs. 91.* immodici ex gingivæ arteria sanguinis floris exemplum refert: Miles quidam strenuus, dentem ferro cum extraheret violentia summa, ecce vehemens subsequutus sanguinis fluxus ex arteria, cui dens innitebatur. Sanguine biduo ubertim fluente, in statum morti proximum reducebatur; emplastro tamen ex aloe, thure, pilis leporis trituras parato, sanguis omnino fuit suppressus. Porro *Observat. 92.* sanguinis ex gingivis profluvium criticum adducit; nimirum, aurifaber cum ex multo labore juxta fornacem in ardentem febrem incideret, & esset firmus & fortis, copiosam celebravit phlebotomiam, cujus

vi ita levatus est, ut in septimo die, præcedente gingivarum pruritu, & labii inferioris ingenti dolore, ex venula gingivæ inferioris rivuli sanguinei profluerent per tres continuos dies, in tanta quantitate, ut libras amplius quinque excederent, & quanto plus sanguinis effluxerat, tanto magis remittebat febris; qua omnino extincta sanguis sponte sua cessavit omnino. Jacobo Blaunero verbi divini ministro sanguis non tantum ex naribus cum impetu promanavit, verum etiam ex gingivis, & quidem sanis & incontaminatis, exsudavit, ita, ut sanguinem non solum expueret, sed & hinc inde circa gingivas, sub lingua & intra dentes, in grumos concretum cogeretur digitis extrahere. Qua etiam hæmorrhagia non diu post animam suam placide Deo reddidit. v. Guil. Fabric. Hild. *Observ. Chir. Cent. VI. Observat. 77. fol. 603.* Referre huc etiam liceat relationem de singulari hæmorrhagia ex *Diario ou Journal. des Sçavans Tom. XIV. pag. 156. seq.* d'un Marchand de Rochelle qui se piqua sous la langue auprès de la gencive avec l'os de la cuisse d'une farcelle, qu'il mangeoit. Il saigna par cette piqueure l'espace de 3 ou 4 heures, & l'hémorrhagie ne s'arresta, qu'à l'aide d'un bouton de vitriol de Cypre; qu'on y applica. Dans cet espace de temps il perdit environ une livre & demie de sang. Il demeura 7 jours entiers sans saigner par cette playe, & ensuite l'hémorrhagie recommença la nuit pendant qu'il dormoit, & dura alors 5 ou 6 heures, & il se perdit plus de sang cette fois-la que la première. Le sang fut encore arrêté avec le même vitriol Vingt quatre heures après l'hémorrhagie recommença pour la troisième fois & dura près de 5 jours sans qu'on put l'arrêter. Le malade perdit dans cette dernière hémorrhagie cinq ou six livres de sang, il tomba dans une extrême foiblesse & l'on commença à desespérer de sa vie &c.

Hæmorrhagiam gingivarum in prægnante lethalem, die noctuque per septimanas tres continuas sanguine tanta copia effluente, ut aliquot mensuras implere potuisset, observavit Gregorius Horstius *Oper. Tom. II. Lib. V. Obs. 17. fol. m. 279.* De gingivis cruentis & simili miſtione vid. Philipp. Hœchstett. *Obs. med. Dec. I. Cas. 2. pag. 4.* Et *Cas. 8. pag. 88. seq.* idem Autor in senatoris cujusdam Augustani filio quindecim annorum varioloso nares sanguine stillare & gingivas eo cruentari vidit. Recordatur etiam Marcellus Donatus *de Medicin. Histor. mirab. Lib. IV. c. 9. p. 349. seq.* se, dum primis annis medicinam fecisset, fabrum quendam ferrarium, lienosum hominem, visitasse, cui ichorosi sanguinis, ex venula gingivæ, libræ amplius octo, per totum diem ac noctem extra fluxerint. In febre tertiana post quartum & quintum paroxysmum Anno 1652 die 13 & 14 Julii visus est non solum ex dente cavo lateris dextri. Caspari Alberti Senatoris Suinfurtenſis instar rivuli profluere, sed & ex gingivis non modica quantitate exfluxisse, corpore undique maculis rubris & purpureis consperso, refert Johannes Laurentius Bauschius *Proæm. Hæmatolog. De mensibus per gingivas erumpentibus. vid. Muliebr. nostr. Cap. V. p. 19. 20. §. 38.*

§. 7.

Post dentem
evulsum.

Quod dictus Bauschius de sanguinis ex dente effluxu recenset, idem confirmat Nicolaus Tulpius *Obs. med. Lib. II. Cap. 49. p. 96. seq.* de sanguine ex dente: Mulier, inquiens, locuples, dedita, plus æquo, poculis, concitavit sibi inde tantum sanguinis impetum versus caput, ut referatæ dentium venæ effuderint cottidie plurimum sanguinis. Licet illis non semel crustam inusserit chirurgus per calcinatum vitrioli pulverem, quem colcothar vocant chymici. Cujus vi parum aut nihil proficientes alium pulverem, ibidem descriptum, adhibuimus. Cujus

ius usu, licet satis convenienter supprimeretur sanguis ex dente proruens; exasperabatur tamen inde tantopere guttur, ut necesse fuerit, eo amisso solum fungum denti intrudere; cujus beneficio etiam felicissime vidimus coercitum impetuosum hoc sanguinis profluvium. Plurimum sanguinis e dente molari emissum, annotavit Cornelius Stalpart van der Wiel *Observ. rar. Cent. I. Obs. 18. p. 84.* inquit: Quidam militari munere non sine imperio fungens, potui admodum deditus, anno 1657, tantum sanguinis e dentium molarium quodam emisit, ut inde valde debilitaretur, tractuque temporis post tantam sanguinis emissionem pallefceret valde, ac paulo post, quanquam juvenis admodum, extingueretur. Anno Christi 1655, civis quidam Ratisponensis nocturno tempore in subitam hæmorrhagiam e dente quodam intimo ac carioso superioris maxillæ in latere dextro inciderat, ubi sanguis subniger, serosus, per horas septem continuas, tanquam ex siphone profiliit. Post multa alia medicinalia, adhibitis ventosis ficcis sine scarificatione sæpiusque deorsum in dorso ad lumbos usque deductis & assumpta oris collutione ex decocto adstringentium, sanguis quidem destitit, sed ad horam & ultra serum plane clarum, subalbidum ac falsum adhuc sequebatur. Inde conjecturari licet, quod sanguinis acrimonia cum abundante sero falso hæmorrhagiæ tantæ ansam dederit, juxta Johann. Helwig. *Observat. 27. pag. 103.* Incredibilia sanguinis ex gingivis profluvia se vidisse scribit Alexander Benedictus, *de Remed. Lib. V. cap. 3. fol. m. III.* Lethalem sanguinis fluxum post dentis canini, & quidem cavi, extractionem, in fabro ferrario annotavit Felix Platerus *Observat. medicin. Lib. III. pag. m. 773.* in quo sanguis erumpens compesci minime potuit, sed ex læsa arteriola saltu quodam exiliebat. De incompscibili fere gingivæ hæmorrhagia post dentis molaris

laris evulsionem, vid. Johann Scultet. *Armament. Chirurg. Part. I. Tab. 29. §. II. pag. 49.* Achilles Gasserus sibi dentem molarem eruens maxillæ quoque frustulum extraxit, unde periculosus sanguinis fluxus subsequutus est, a quo per totam vitam suam pristinum colorem floridum nunquam amplius recuperavit. vid. Joh. Udalt. Rumler *Obs. 72. p. 41.* Cum Domina Viventia sibi dentem avulsisset, tam copiosa hæmorrhagia successit, ut ferme moreretur, irritis omnibus remediis, juxta Petri Pachequi *Observat. 28. p. 270.* A dentis evulsione per vulnusculum seu præsepiolum expulsos menses ex Balduino Ronssæo annotavit Johannes Schenckius *Obs. med. Lib. IV. fol. 633.* novit scilicet Ronssæus mulierem, cui forte fortuna, cum elisus esset dens molaris, soliti alioqui menses supprimerentur, natura noxium illum fæculentumque sanguinem propellente, singulis mensibus, ex elisi dentis vulnusculo, ita ut hinc sanguineus quidam gurgies, purgationi proportionem correspondens, efflueret. De mensibus moniali cuidam Bohoniensi e dentis alveolo stillantibus, vid. Joh. Rhod. *Observat. med. Cent. III. Obs. 51. p. 146.* Ipse etiam recordor cujusdam virginis, tunc temporis satis robustæ & sanguineæ, octodecim circiter, quæ absque ulla causa, & solummodo, ut domicellam quandam nobilem, ingenti dentium cruciatu laborantem, ad dentis evulsionem alliceret, a balneatore quodam dentem firmum & incorruptum evelli sibi curabat, quo facto magnam sanguinis copiam ex ore rejiciebat. Sedato autem hoc effluxu, cum ipsius pater circa meridiem domum veniens, carpionem pro prandio elixare eam juberet, accidit, ut, dum ipsa ad foci ignem stagnaret, sanguis paulo ante retentus, ex improvise, & quidem cum impetu & pulsu, uti in sanguine arterioso fieri solet, ex vase in eruptione dentis simul disrupto, & paululum iterum consolidato, denuo tanta cum vehementia expelleretur

Observatio.

leretur, ut etiam ultra totum focum arcuatim transfileret; quem dicta virgo primo aliquot mappularum, ori admotarum, duodenis, postmodum vero vase quodam culinario, ab ancilla ipsius ori adhibito, excipiebat, donec post bihorium fere, cum talis sanguinis effluxus nullo modo, nisi per sympathiam, impediri posset, lipothymiam incideret, atque in terram prostrata & ab adstantibus in lectum portata, mortuæ instar frigida per dimidiam horam jaceret, atque nec motibus, nec frictionibus, nec vellicationibus, puncturis, nec ullis medicamentis excitari posset, solo remanente in speculo, virginis faciei imposito, lenissimæ respirationis signo; donec a vehementi Domini Pastoris acclamatione primo palpebras moveret, pauloque post cum leni respiratione oculos aperiret, sensimque per juncula restaurativa vires ipsi in tantum restituerentur, ut post hebdomatem e lecto resurgere valeret.

§. 8.

Novit Thomas Bartholinus viros, qui venulis quibusdam in faucibus in summo vomendi conatu disruptis, vel ^{Ex venulis per salivam.} ab acri sanguine ex jugularibus venis a calido capite erodente erosus cruentam sæpe salivam sine vomitu aut tussi expuerunt, nulla aut in ventriculo aut pulmonibus noxæ manifesta suspicione. vid. Bartholin. *Histor. anat. Cent. I. Hist. 19. p. 30.*

§. 9.

Matronam novit Sigismundus Grassius, affinitate sibi ^{Ex vasis sublingualibus.} junctam, quæ cephalalgia urgente aliquoties venarum sublingualium sectione quæsit lenimen. Hæc aliquando sub furente Sirio faciens iter, dolore capitis ob æstum correpta est recidivo. Domum reversa sub cibi masticatione sublingualem sensit apertam, quæ pro more fluens feliciter mitigavit dolorem. vid. *M. N. C. Dec. I. An. 3. Obs. 54. p. 91.*

§. 10.

Ex labio.

Miram hæmorrhagiam spontaneam ex labio, annotavit Zacutus Lusitanus *de Medic. princip. Hist. Lib. II. Hist. 10. Oper. fol. 183.* scilicet vir quidam variis symptomatibus vexatus ardente Sirio, excitato sanguinis fluxu, octiduo, ad trium librarum quantitatem, ex inferioris labii radice, ab iis malis solum fiebat immunis: & annus jam agebatur decimus quartus, quo typice hanc patiebatur vacationem cum commodo magno; nam post eam vivebat hilariter, alacriter edebat, evsarcus erat, robustus & obesus, neque ulli morbo obnoxius.

§. 11.

E Palpebris.

Sanguinem e palpebris erumpentem recenset Cornelius Stalpart van der Wiel *Obs. rar. Cent. I. Observ. 19. pag. 85.* inquiens: ipse novi nautæ filiam, etiamnum, dum hæc scribo, viventem, cui, cum paulo cessant menstrua, irasciturve, sanguis guttatim lacrymarum instar per genas volvitur, ex inferiorum palpebrarum poris proveniens, præcipue vero, quando easdem detergit.

§. 12.

Ex oculis.

Ex oculis fluentem sanguinem varii annotarunt Autores, & quidem tam in maribus, quam sceminis, v. g. vidit Philippus Salmuth in juvene viro quodam plethorico, paroxysmum epilepticum tam fortem, ut sanguis ex oculo dextro illi emanaret, & per foramen naris dextræ paulo infra canthum majorem satis large stillaret &c. v. Salmuth. *Obs. med. Cent. II. Observ. 60. p. 87.* Cum juvenis robustissimus & in arte gladiatoria bene versatus in ludo gladiatorio diu dimicando supra modum incaluisset, vulnus ad majorem oculi dextri canthum accepit, ubi ramus venæ jugularis externæ ad frontem ascendens simul abscissus fuit. Qui licet exiguus sit, tanta nihilominus secuta est hæmorrhagia, ut vulneratus paulo post exspirarit, juxta
Guilhelm.

Guilhelm. Fabric. Hild. *Observat. Chirurg. Cent. II. Obs. 14. fol. m. 91.* Vetulæ euidam annos octoginta natæ per tres fere septimanas sanguis ex oculis lacrymarum instar copiose emanavit, & quidem continuo fere, teste Petro Foresto *Observat. med. Lib. XI. Obs. 13. fol. m. 21.* Fuit etiam Philippo Hæchstettero puella mensium undecim, vegeta, sana, hilaris, cibum optime capiens digerensque, avida potui seu mammæ, dormiens commode, quæ aliquot diebus sanguinem lacrymavit, quater distinctis vicibus & diebus, ita ut rubræ sanguinis guttæ ambas super genas affatim fluxerint, excipiendo unam quasi alteram. Finito ploratu, sanguis conspicuus nullus, imo ne vestigium in oculis ullum erat, ut ipse testatur Hæchstetterus *Observ. med. Dec. I. Cas. I. p. 1.* De sanguinis ex sinistro oculo effusione sequentem observationem refert Casparus Theoph. Bierlingius *Adversar. Curios. n. 98. p. 249.* Erhardus Raue, murarius, cum in monasterio Bergensi per aliquot dies sub ardentissimis solaribus radiis munus suum obiret, per aliquot dies dolorem capitis, tolerabilem tamen adhuc, percepit, tandem vero titillationem circa duodecimam horam antemeridianam in oculo sinistro persensit, quam effluxio sanguinis, non in parva quantitate secuta est, quæ tamen iterum remisit. Altero die circa prædictam horam ista sanguinis effusio iterum præcise redibat, sed non tam copiose. Tertio die nullam inde molestiam habuit, oculi tamen tenebricosi cum visus impedimento erant. Hippiam, Pisistrati filium, profligato exercitu Persico, in Lemnum fugisse & ibi morbo extinctum fuisse inter magnos cruciatus, cum amisisset visum, & ruptis venis sanguis confertim per oculos efflueret, uti ex Suida refert Johannes Heurnius *de Morb. Pector. Cap. 6. p. m. 116.* Puella quædam rustica ab herpete faciei liberata, cum postea mater, quæ diligentissimam ejus curam gesserat, in peri-

culosum morbum incidisset, inde adeo tristata fuit, ut continuo ferme lacrymas copiosissimas profuderit, quas in fine sanguineas fuisse, aliquot adstantium notarunt, juxta Vit. Riedlin. *Linear. med. An. 1696. Mens. Jun. n. 30. p. 305. seq.* Lacrymas sanguineas adducit etiam Petrus Borellus *Histor. med. physic. Cent. II. Obs. 56. p. 155.* inquit: Amicus quidam meus, ira percitus lacrymas fudit sanguineas. Potuit autem id fieri a vena quadam capillari, ob iram aperta, & sanguine ad oculos ope glandulæ lacrymalis delato. Ex oculi tumore cancroso, tubercula & varices cœperunt sanguinem profundere tanto impetu, ut 13 & 14 diebus impletæ sint sanguine scutellæ septem, præter eum, qui periit in linteis, spongiis, vestibis &c. singularum scutellarum sanguis appensus, fuit unciarum decem & semis, referente Guilhelmo Fabricio, Hild. *Cent. I. Obs. 1. fol. m. 5.* De muliere triginta annorum, cui suppressis mensibus sanguis ad multum tempus ex oculi angulo fluebat, vid. *Ephemerid. Acad. N. C. Cent. I. Observat. 20. p. 74.* De lacrymis sanguineis in puero quindecim vel sedecim annorum. vid. *M. N. C. Dec. I. An. 6 & 7. Obs. 200. p. 294. seq.* Zacutus Lusitanus de *Prax. med. admir. Lib. I. Obs. 54. fol. m. 13.* monstruosum exemplum de juvene quodam notavit. Is scilicet singulis mensibus vertigine premebatur immani, ita ut omnia illi circumagi viderentur, quo tempore velut fulmine ictus, clausis oculis pronus in lecto jacebat, fatuus, torpidus & veluti stupidus. Huic post validam capitis rotationem sensim sanguis merus per oculorum canthos rivuli instar emanabat, quatuor aut quinque unciarum quantitate, placide, sine dolore, pruritu, ardore aut oculorum rubedine ulla; post cujus excretionem, sedata in totum vertigine, & lenitis symptomatis, quæ bidui spatium illum excruciant, pancratice vivebat. Incassum autem omnibus adhibitis, sanguineæ lacrymæ cum dictis symptomatibus effluere

effluere singulis mensibus non cessarunt. Natura ab evacuatione sanguinis ordinata non cessans, hominem a morbis immunem usque ad multos annos deduxit. In mercatore quodam Amstelodamensi, Wilhelmo ab Erpecom, non solum largus sanguinis fluxus per nares, sed & per oculos ipsos, sinistrum imprimis fuit observatus, sic ut quoties linteo tolleretur oculo collectus, toties novus eandem illico replet, teste Jobo a Meekren *Observat. med. chirurg. cap. 4. p. m. 41.* In Viro Reverendo Johanne de l' Osea sanguis non solum per nares copiose promanabat, sed etiam lacrymæ sanguinolentæ simul exstillabant, referente Guilhelmo Fabricio, Hildano *Observat. Chirurg. Cent. I. Observat. 16. fol. m. 91. seq.* Puellæ cuidam, quæ perpeffis variis gravissimis veneficio illatis symptomatibus, antecedente ingenti anxietate, lacrymæ confertim erumpebant horæ quadrantis mediæ spatio, moxque ex oculis sanguis exfiliebat, qui abstersus sæpius, statim fluxum suum repetebat, vid. Thom. Bartholin. *Hist. anat. Cent. I. Hist. 52. p. 75.* & ex hoc Georg. Abraham. Mercklin. *Syllog. Cas. Incant. Cas. IX. p. 68. § 72.* Thorunii Aromatopolæ cujusdam filiolo recens nato, vagienti loco feri guttulæ sanguineæ e dextris oculorum canthis erumpentes vidit Georgius Segerus, juxta *M. N. C. Dec. I. An. 9 § 10. Obs. 99. p. 255.* In filiola, annum non multum superante, lacrymas cruentas annotavit Vitus Riedlinus *Millenar. Curar. Medic. Obs. 323. p. 192.* Varia de lacrymis sanguineis vid. Christ. Franc. Paullini *Philosoph. Lust Stunden Part. II. c. 41. pag. 315.* Juveni honesto juvencula quædam amatorium pulverem in cerevisia exhibuerat, a quo maxima narium hæmorrhagia secuta, mox etiam per os thrombos ovo majores, ut per omnia momenta suffocandus videretur, screabat; & cum chirurgi sanguinem e naribus copiose profluentem ligaturis fortioribus compefcere tentarent,

brachia, crura, manuum, pedumque digitos tam arcte stringebant, ut æger præ dolore lacrumaretur & sanguinem lacrymis mixtis egereret, juxta Henr. ab Heer *Obs.* 13. p. m. 125. 127. Septimum Ingavum, Peruanorum Regem, Vatruar Huacacrescens, natum flevisse guttas sanguineas ex Eusebio Nierenbergio adducit Christianus Fridericus Gar-
mannus *de Miracul. Mortuor. Lib. II. Tit. 6. §. 54. pag. 525.* quo loco plura reperies. Virginis cujusdam e comitatu Burgundiæ, annorum octodecim Anno 1686 variis correptæ symptomatibus, etiam nares & oculos sæpe amplos fuderunt puri sanguinis rivulos, uti testatur Theodorus Zwingerus *Ephemerid. Acad. N. C. Cent. VII. Obs. 26. pag. 64. Et Cent. VI. Obs. 67. pag. 325.* Gothofredus David Mayerus fluxum sanguinis ex oculis, naribus & ore ob continuam tussim in Pistoris cujusdam puella circiter bimula lethalem communicat. Virgo quædam in Beginasio varia mira & portentosa, v. g. lumbricos terrestres, millepedes, erucas, lacertas vivas &c. ejiciens, postmodum etiam sanguinem per oculorum angulos, idque sæpius, emisit, observante Rolando Sturmio, vid. Joh. Bapt. a Lamzweerde *Append. ad Joh. Scult. Armat. Chir. p. m. 214.* In infantis unius anni utroque oculi cantho sanguinis excretionem se observasse scribit Georgius Wolffg. Wedelius *de Morb. Infant. cap. 23. p. 82.* Puella duorum triumve annorum, cui subito de cephalalgia maxime atroci conquerenti palpebræ usque adeo intumescebant, ut absque insigni dolore elevari haud potuerint, tandem motibus convulsivis per duos dies corripiebatur, donec ex ore, naribus, auribus & oculis sanguis stillare inciperet, ita ut lintheamina palpebris tum imposita humida & sanguine conspurcata existerent, uti ex literis Francisci Monginot referunt *Acta Erudit. Lips. An. 1702. Mens. Februar. p. 94.* Sororem quandam in sororis funere sanguineas lacrymas fudisse refert Hieronymus Drexelius

Drexelius *Aurifod. Part. II. cap. 4. pag. m. 107.* Et juvenem quendam Florentinum, Sixto V. Pontifice Romano ad mortem damnatum, præ doloris vehementia lacrymas cruentas fundere visum fuisse, ex Christophoro Crusio recenset Christianus Warlitzius *Scrutin. Lacrym. pag. m. 85.* ubi plura exempla reperiuntur. De Infante, qui statim a baptismo oculos aperire non potuit, & per tres septimanas cæcus fuit: effluxit vero per totum illud tempus semper per oculos plurimum sanguis. v. Wolfg. Gabelchov, *Curat. Cent. IV. c. 42. p. 83.*

§. 13.

Nonnunquam etiam in mulieribus sanguis menstruus per oculos excerni solet: meminit enim Thomas Bartholinus *Histor. anat. Cent. I. Histor. 16. pag. 27.* Dominicum Salam, Patavii Theoricum summum mulierem quandam plethoricam per sectionem salvatellæ curasse, cui ex angulo oculi fluebant menstrua. In virgine carnosâ calidoque temperamento prædita, cum ætas adesset ad menstruas purgationes, utpote sedecim annorum, neque menses succederent, natura per oculos superfluentem sanguinem expellere conata fuit: sanguineis guttis lacrymarum instar frequenter ex oculis profluentibus. vid. Rembert. Dodon. *Observ. cap. 15. p. 37.* Puella macilenta & parvæ staturæ, octodecim annos nata, hæmorrhagiam oculorum passa est; nam lacrymarum instar exstillans humor in illis dolorem & inflammationem pariebat. v. Nicol. Blegn. *Zodiac. Ann. 11. Febr. Obs. 6. p. 42.* Mensium per vomitum oculosque excretionem, in rustica quadraginta circiter annorum, robusta, sed Bacchi, quem jejuna etiam fervide osculata fuit, ab aliquo tempore nimis amante, observavit Johannes Jacobus Harderus *Apiar. Obs. 82. pag. 314.* Talem ægram vidit & curavit Christianus Warlitzius, scilicet

licet pellionis cujusdam Dessaviensis, nomine Johannis Fiedleri, filiam, uti refert in *Scrutin. Lacrym. pag. 87.* vid. Joh. Schenck. *Obs. med. Lib. IV. fol. 633.*

§. 14.

Fraudes.

Nonnunquam tamen circa ejusmodi sanguinis ex oculis effluxum fraudes committi, monstrat Johannes Baptista de Lamzweerde *Histor. natur. molar. uter. cap. 25. pag. m. 275. seq.* inquit: omnibus ferme Batavis innotuit illa fama, quæ ante viginti circiter annos increbuit, de quadam filia devota habitante in Beginasio Delphenfi, e cujus oculorum canthis confertim sanguis effluere, in ventre ranarum coaxationes manifeste audiri easque excludere, aliaque id genus portentosa symptomata pati dicebatur, tanta dexteritate, ut non solum domesticos Theologos ac Medicos, D. Sturmium (de quo paulo ante ex Lamzweerde) & Vallengem illuderet, sed ob casus raritatem medici celebriores vicinarum urbium convocabantur, in quorum præsentia hæc comœdia tanto artificio agebatur, ut illi nullam fraudis speciem, quantumvis omnia accuratis oculis exacto judicio examinarent, deprehendere potuerint, adeo ut hæc comœdia pro vera haberetur, donec callida hæc muliercula in fine vitæ sub agone mortis confiteretur se omnia ista portentosa symptomata astu simulasse, eaque subtili artificio procurasse; non alio fine, cum ipsa dives esset, quam ut ipsius nomen non modo per totam patriam, sed & per universum orbem celebraretur, ejusque memoria æternitati consecraretur.

§. 15.

Per naves.

Cum narium hæmorrhagia tam in sanis quam ægrotantibus, a variis causis quotidie occurrat, nonnulla tantummodo vel singularis, vel minis largæ, vel lethalis exempla adducere placet. Exemplum autem cujusdam nobilis Lusitani, cui per narem sinistram sanguinis viginti libræ

libræ intra quinque dies effluxerunt, recenset Amatus Lusitanus *Curat. med. Cent. II. Cur. 100. f. 211.* Et in scholio ejusdem observationis ex Dianæ Estensis, naribus sanguinis libras viginti duas prodiisse addit. Al Signor Paolo de Percoles Inglese concorse tanta copia di sangue dal naso che si era fatto giudicio fosse da quindeci libre in termino di tré giorni, v. Bernardin. Christini *Prattica medicin. Osservat. 82. p. 108.* Ex naribus Fratris Ursati spatio trium dierum quadraginta octo fere libras effluxisse, refert Thomas Bartholinus *Anatom. renov. Lib. II. cap. 6. pag. 375.* Vidit Achilles Gasserus, Medicus, Viro Augustano nobilissimo quatuordecim libras sanguinis e naribus, tredecim horarum spatio, effluxisse. vid. Joh. Udalt. Rumler. *Obs. med. 71. p. 41.* De nimia & lethali hæmorrhagia narium in juvene quodam observata, vid. Philipp. Hœchstett. *Dec. I. cas. 3. p. 8. Et Cas. 4. p. 12.* Hæmorrhagiæ narium in febre maligna maculosa lethalis exemplum extat. Attila Hunnorum Rex, qui se flagellum Dei vocare solebat, ab Italia digrediens, Honoriam, Valentiniani Principis sororem sibi dari cum rogasset, nec impetrasset, puellam sibi speciosissimam copulavit. Prima infaustrarum nuptiarum nocte, cum nimio vino ciboque pressus dormiret, manante e naso sanguine, & per os guttur petente, prius eneectus est, quam quispiam illam rem præsentiret v. Joh. Rudolph. Camerar. *Memorabil. Medicin. Cent. XV. n. 22. pag. 1221. seq.* Anno 1699 Parisiis senes quosdam, scorbuto laborantes, tantam narium & oris hæmorrhagiam invasisse, ut ob lympham corrosivam, venarumque tunicas erodentem nullo modo sisti posset, ipsisque moriendum esset, legimus in *Histor. Acad. Reg. Scient. Paris. An. 1699. pag. m. 163.* In quodam verbi divini ministro tanta hæmorrhagia narium fuit observata, ut viginti quatuor circiter horarum spatio sanguis continuo fere efflueret, juxta Guilhelm.

Fabric. Hild. *Obs. Chirurg. Cent. I. Obs. 16. fol. 92.* Et *Cent. VI. Obs. 77. f. 603.* hæmorrhagiæ lethalis narium exemplum adducit. Lethalem narium hæmorrhagiam a frigore in senatoris cujusdam Ratisponensis filiola septenni, se observasse scribit Johannes Helwigius *Obs. med. Obs. 26. pag. 97.* De juvene viginti circiter annorum, qui decem dierum decursu quinque supra septuaginta sanguinis libras e naribus emisit, vid. *Act. Eruditor. Lips. Anno 1688. Mens. April. pag. 205.* Elisabetha Joh. Melchioris Gœbelii, Pastoris Wertheimensis filia, novendecim annorum virgo menstrua nondum experta, post perpeffos undecim paroxysmos febrilestertianarias febre cessante a. 1660 d. 6 Jun. incidit in enormem hæmorrhagiam narium, sanguine e nare sinistra incessanter & ἀδρόως ultra libras octo, ponderis civilis, profluente, usque dum 7 Junii media tertia pomeridiana animam exhalaret, juxta Joh. Laur. Bausch. de Lap. *Hæmat. Proœm. p. m. 5.* Referente Henrico Smetio *Miscell. Lib. X. p. 524.* Duo pueri fratres, alter octo, alter decem annorum nati, hæmorrhagiam ex naribus spontaneam, quæ fisti per multos dies vix potuit, tam copiosam sustinebant, ut singuli supra duas sanguinis libras reddidisse putarentur. Venetiis tonsor quidam cum in naribus pilos incommodos forcipe concideret, venulam incaute fecuit, tantoque impetu sanguis erupit, ut sistendi modum medici non ad invenirent, & ille misere vitam finivit, juxta Alexandr. Bened. *de Re medic. Lib. IV. cap. 4. fol. m. 99.* De lienoso ex narium hæmorrhagia vita orbata vid. Mauric. Hoffmann. *Mantiss. Obs. 5. in Ephemer. Acad. N. C. Cent. X. pag. 445.* Pannifex quidam Gorlicensis, vir scorbuticæ sectæ addictus, annorum triginta, Anno 1683 die 17 Febr. antehac ex frequenti & copiosa narium hæmorrhagia valde debilitatus, tunc eandem sine intermissione, & constanti rivo copiose fluentem vidit cum lipothymiis &c. junctam,

junctam, qua perseverante sic hæmorrhagia illa, quam nec medicina nec chirurgia ulla ratione sistere poterat, rejecto ulterius cruore putrido & grumoso tandem fati cessit. Inquit etiam Jean Baptiste Verduc dans la Suite de la Pathologie de Chirurgie Chap. 13. p. 737. C'est une chose rare & fort singulière, que nous lisons dans Savanorelle, qu'une femme grosserendit par lenez jusqu'à vingt-deux livres de sang, la quelle cependant ne laissa pas d'accoucher heureusement à terme. Cur solus homo sanguinem naribus fundat. vid. Joh. Rudolph. Camerar. *Memorabil. Med. Cent. IV. n. 19. p. 1137.* Plura de narium hæmorrhagia vid. Matthiæ Moron. *Direct. med. p. 390. sqq.* Joh. Laur. Bausch. *de Hæmat. Proæm. p. 18. seq.* De hæmorrhagia narium ex odore mali vid. Joh. Bruyerin. *Lib. XI. cap. 16. p. m. 610. sq.*

§. 16.

Novit etiam Philippus Salmuth virum quendam præstantem, cui sanguis ex poro alæ sinistræ narium quandoque vacuabatur, post claudebatur stigmatē relicto. Quandoque autem per intervalla, non tamen certa redibat. v. Salmuth. *Obs. med. Cent. II. Obs. 20. pag. 65.* Senatori cuidam Suinfurtensi sæpissime Anno 1658 cum ætatis annum ageret sexagesimum primum, venula quædam in gena sinistra prope nasum, aperta sponte fuit, quæ multum profudit sanguinis, præsertim post largiorem vini potum, teste Johanne Laurentio Bauschio Sched. *de Hæmat. Proæm. pag. 25. seq.* Vibrissis vi evulsis non raro insignem hæmorrhagiam insecutam observasse Glandorpium refert Casp. Theop. Bierling. *Thesaur. theor. pract. pag. 34.*

§. 17.

Fluxum sanguinis ex auribus Petrus Pachecus *Obs. Riverio communicat. 18. pag. 266.* annotavit, vidi, inquit, Bransolum Giniacensem, qui cecidit ex equo in lapides, & supra aurem dextram, e qua libræ tres sanguinis effluxerunt.

runt. Vidi etiam plurimos, qui sanguinem copiosum ex casu auribus reddiderunt, nec obierunt. Quotquot autem vidi ex casu per aures saniosam materiam reddere, omnes de medio sublati fuerunt. E puellæ cujusdam duorum triumve annorum, de cephalalgia atroci conquerentis auribus & oculis sanguinem stillasse, paulo ante *ex Actis Erud. Lips. An. 1702. Febr. p. 94.* allegavimus. De fluxu hæmorrhoidum per aures sequentem observationem refert Samuel Ledelius *M. N. C. Dec. III. An. 5 & 6. Obs. 265. p. 616. seqq.* Vir juvenis triginta annorum, eruditus, malo hypochondriaco obnoxius, continua laborabat stypticitate alvi. Fluxu menstruali hæmorrhoidum alleviabatur per aliquot annos. Aliquando diætam negligens variis infestabatur symptomatibus. Tandem vix tolerabiles perferre cogebatur dolores capitis, ad plures septimanas protractos, usque dum fluxus sanguinis per aures erumpebat notabilis, cum momentanea remissione cephalalgæ. Menstruo spatio elapso redibat hic fluxus eodem cum fructu. &c. De muliere cœlibe quadraginta annorum, quæ post tumorem totius corporis, post clysterem injectum, sed non redditum, enormi & stupendo sanguinis purpurei fluxu e dextra aure correpta fuit, qui singulis diebus per intervalla recurrens per integrum annum duravit; quo elapso, ægra emaciata fereque ex sanguine reddita, sponte tandem cessavit. Progressu temporis, viribus & sanguine aliquantum recollectis, recidivam incurrit, & licet menses semper & ordinate ipsi fluxerint, nihilominus tamen fluxus ille auris impeditus non fuit, sed tractu temporis adeo invaluit, ut sanguis etiam per vomitum & interdum per nares confertim prorueret, vid. Christophori Fingerlini Observatio in Gregor. Horstii *Oper. Tom. II. Lib. IV. Obs. 5. fol. m. 153. seq.* Juvenis quidam post acceptum philtum non modo maximam narium hæmor-

hæmorrhagiam experiebatur, sed etiam per urinam, alvum & lacrymas emisit, & ipsius quoque aures, ceruminis loco, purissimum sanguinem sudabant. vid. Henr. ab Heer *Obs.* 13. p. 125. seq.

§. 18.

Quandoque etiam per cutem ejusve poros variis in locis sanguinem transsudare testantur Autores; e. g. juxta Theodori Zwingeri relationem, in Virgine quadam Burgunda fascinata annorum octodecim, inter alia, menstruis naturaliter habentibus, multoties e syncipite ipsius sinistro per vasorum oscula tanta exsudabat sanguinis quantitas, ut inde capita tria quatuorve brevi imbuerentur vel humectarentur tota. vid. *Ephemer. Academ. N. C. Cent. VII. Obs.* 26. p. 64. Et fœminæ cuidam, cum primum esset gravida sæpius in occipite vena sponte aperiebatur, & sanguis cum maximo impetu interdum ad libram unam effluebat, uti observavit Daniel Sennertus *Pract. Medic. Lib. III. Part. 6. Sect. I. cap. 2. p. 672.* Guttas sanguineas ex gena observavit Thomas Bartholinus *Hist. anat. Cent. I. Hist.* 13. p. 22. sq. ubi ait: honesta & speciosæ formæ fœmina, mihi nota, habitu plethorico & a copia sanguinis doloribus capitis sæpius afflicta, quia ordinatus subinde mensium fluxus parrior justo est, sæpius facto experimento observavit, si menstruorum tempore leviter cutem dextræ genæ fricet, guttulas sanguineas cum impetu saltuque prolici.

Per poros.

In syncipite.

In occipite.

In gena.

§. 19.

De sanguine fontis modo per mammas scaturiente menstruorum loco scribit Dominicus Panarolus *Observat. med. Pentecost. IV. Obs.* 13. p. 118. sibi Franciscus Mastinum retulisse, ex papillis mammarum ita fortiter menses erupisse in quadam muliere, ut aliquando sanguinis fontem præsentaret, qui postmodum, erumpentibus menstruis per loca convenientia, sanguis in mammarum papillis

Per mammas.

nullo modo apparuit. Cuidam foeminae singulis mensibus sanguinem praescriptione naturae vacuari solitum, e mammis liberalissime prorupisse, ex Salomone Alberto refert Daniel Sennertus *Institut. Med. Lib. II. Part. 3. Sect. 1. cap. II. pag. 341.* Virginis fascinatae, cujus in paragrapho antecedente neminimus, mammillae saepius amplos fuderunt puri sanguinis rivulos. Sanguinem ex foeminae gravidae papilla effluentem annotavit Amatus Lusitan. *Cent. VII. Curat. 48. p. 706.* Et *Cent. II. Curat. 21. fol. m. 149.* inquit idem: mulier nobilis, quum puerum lactaret & longo tempore menses suppressos haberet, ecce per mammas sanguis illi effluere coepit copiosissimus. In uxore Petri Fabri Castrodunensis mensium materia se per mammas singulis mensibus tanta copia exoneravit, ut ei ebibendae & exhauriendae vix tria aut quatuor mantilia sufficerent, juxta Ambros. Parei *Thes. Chirurg. Lib. 23. fol. 533.* Mulieri cuidam, quae annos septuaginta octo nata erat & re insolita perterrita, fuerat, ob intermissam venae sectionem consuetam e mammarum papillis sanguis probus cum euphoria effluebat. Ante vero ejus eruptionem, regio, quae sub mammis, ita diversicolos ac livida erat, non aliter ac si fustibus tractata fuisset, uti refert Caspar Theoph. Bierling. *Thesaur. theor. pract. n. 4. p. 35. seq.* Foemina quaedam quadragenaria iracundior tempore menstruationis ita offensa erat animo, ut praemaxima mentis perturbatione e papillis prorumpens reliquum corpus prolueret sanguis. vid. Cornel. Stalp. van der Wiel *Obs. rar. Cent. I. Observ. 79. p. 243.* Nobili cuidam foeminae stato temporis intervallo sanguinem, e sinistra mamma fluere guttatim solitum, cum medicus imprudenter adstringentibus remediis inhibuisset, enatus est inde cancer, quo illa periit, uti ex Dalechampio refert Daniel Sennertus *Pract. Lib. IV. Part. 3. Sect. 2. cap. 5. p. 524.* Octodecim annorum puella singulis novilu-

noviluniis tumorem lævæ mammillæ sentiebat, sanguine postea, fonticuli instar, ad biduum plerumque e sinistra papilla scaturiente, & quidem semper eleganter rubicundo. Re vero habita cum marito menses ordinarie fluebant, annotante Christiano Francisco Paullini *Obs. med. phys. Cent. III. Obs. 42. p. 331. & M. N. C. Dec. II. An. 5. App. pag. 41.* Meminit etiam Isbrandus de Diemberbrok *Anat. Lib. II. c. 2. fol. m. 245.* uxoris cujusdam, quæ anno 1650. infantem lactabat, cumque Mense Septembri, ob mariti gravem & periculosissimum morbum, admodum contristaretur, ita ut per tres quatuorve dies vix aliquid effatu dignum comedere posset, non tantum lac in mammis non habuit, sed ad fortiores infantis suctionem purus sanguis secutus & e mammis extractus est; postea vero decrecente mariti morbo, tristitiaque nonnihil imminuta, cum cibos evchymos & liquidos rursus ingereret, atque hinc chylus copiosior in ventriculo generaretur, mox lac copiosum in mammis rursus habuit. Ex puellæ in cantatæ mammis cruorem sat copiosum emanasse recenset Georgius Abrahamus Mercklinus *de Cas. Incantat. IX. pag. 72.* Per mammæ finistræ papillam menstrua fuisse excreta ex Cordæo refert Frid. Hoffmaunus *Not. in Petr. Poter. Obs. Cent. II. cap. 56. pag. 211.* Interdum etiam ex mammis ulcerosis & fistulosis sanguis menstruus erumpit. vid. Idon. Wolffii *Obs. chir. medic. Lib. I. Obs. 20. pag. 66.* & Joh. Nicol. Pechlin. *Obs. med. phys. Lib. I. Obs. 28. p. 90. it. Achill. Gasser. Obs. 89. p. 42.* Secretarii cujusdam nostratis uxor Anno 1702 Mense Novembri, tunc temporis prima vice, & quidem ultra sextum mensem gravida, mihi anxia conquerebatur, sibi jamjam per quatuor septimanas aliquoties interrupta, atque incerta serie, absque ulla, nec nimix motionis nec excandescentiæ causa ex mammarum papillis, loco feri vel lactis, aliquot sanguinis guttulas inopinato provenisse, se tamen nihilominus optima frui sanitate referebat,

Observatio.

ferebat, statoque tempore fœtum perfectum & sanum excluderat. Cum autem postero tempore ipsa iterum gravida, non modo sanguinem ex mammis, sed uteri quoque aliqualem hæmorrhagiam experiretur, statim ipsi in brachio venam secari curabam; quo facto ex utraque parte sanguinis effluxus cessabat, ipsaque hoc modo, aliquoties adhuc gravida maturo partus tempore aliquoties vegetos liberos enitebatur, atque ad hunc usque diem optima adhuc fruitur sanitate. Anno 1724 mense Octobri cujusdam pileorum confertoris uxor primipara post partum in mammis nullum penitus lac habebat, ut adeo infantem suum, puellam nimirum, minime lactare posset, siquidem compressis mammis ne guttula quidem lactis, sed merus sanguis apparebat. Ex ipsius etiam infantis pudendis statim primis a partu diebus cruentatio sive sanguis prodibat.

Alia.

§. 20.

*Per interstitium
mammarum.*

In quibusdam fœminis etiam sanguis non tam per mammarum papillas, quam per spatium illud, quod mammas dividit, periodice effluere solet, uti ex Joh. Philippi Lajî *Disput. de Mens. suppress.* Anno 1660 *Giessæ habit.* allegat Johannes Laurentius Bauschius *de Hæmat. Proœm. pag. 24.* Et puellæ cuidam quatuordecim annorum, filiæ milites emeriti, prævia pectoris anxia oppressione in ipso sterno, supra scrobiculum cordis, in interstitio mammarum, ex integris poris cutis sanguis guttatim prostillavit in aliqua notabili quantitate. vid. *Act. Medic. Berolinens. Vol. IV. n. 3. pag. 69.*

§. 21.

Per digitos.

De sanguine absque causa externa ex apice digiti effluente observationem recenset Joh. Jacobus Wepferus *de Apoplex. p. m. 230.* Vivit apud nos (Schaffhusii) nobilis quædam matrona 44 annorum, habitu corporis gracili prædita,

prædita, facie rosea, ac cætera sana & vegeta: huic ante quindecim annos in manus sinistrae pollicis extremi parte externa, macula atrorubescens, quam extremo minimi digiti apice fere tegeres, oborta est: ipsa existimat, inter pariundum se hanc pollicis partem vehementius manubrio fellæ allisisse. E medio hujus maculæ, singulis annis ter quaterve sanguis cum saltu, aliquot cubitorum altitudine, sua sponte erumpit, & quidem non parva quantitate, aliquando enim a sanguinis hoc effluxu fere leipothymiam incurrit. Consueta sanguinis portione emissa, apertum vas citra opem medicam coalescit, nullo rimulæ vestigio fere comparente. Inde etiam macula, elatior paulo cuti, detumescit, quæ trimestris spatio denuo incrementa sumit. Extra consuetam periodum quandoque arteriola ista aperitur, si manum aquæ, in quo sapo dissolutus sit, immergat. Similem sanguinis evacuationem periodicam per extremitatem digiti factam recensent *Acta Eruditor. Lips. An. 1686. Mens. Aug. pag. 386. seq.* Gualterus Walsh Caupo Trymenfis, natione Hybernus, homo temperatæ diætæ, complexionis sanguineæ & jucundi ingenii, circiter paschatis tempus anni 1658 ætatis suæ 43 correptus fuit ingenti dolore totum brachium dextrum occupante, una cum intenso calore & rubore manus dextræ, & compunctione in apice indicis, in quo ipso apparebat exigua macula, haud secus ac si exilis ei spina esset infixæ: id quod etiam credens homo cum aperturam ibidem fecisset, sanguis inde promicuit fluxu violento, sed tenui: sedato dein aliquantisper impetu cessare videbatur ad tempus ac tantum stillabat; rursus vero post modo cum violentia profiliebat, continuato sic per 24 horas profluvio, donec tandem secuto animi deliquio sanguis sponte sisteretur, doloresque relinquerent ægrotum. Ex isto tempore per reliquum vitæ spatium (quod duodecim adhuc annos duravit) simi-

libus paroxysmis frequenter infestatus fuit, inducias expertus raro plus quam bimestres, nunquam tamen tribus hebdomatis breviores. Haud minus fere sanguinis qualibet vice mittebat quatuor libris, copia scilicet sanguinis minore erumpente, quo frequentiores paroxysmi, majore, quo pauciores contingebant &c. Illustris Domina, in Spa ab aquis ictero, quo valde tenebatur, remedium quaerens, potis aliquandiu aquis, e minimo dextræ manus digito per intervalla sanguinis emittebat copiam, ita ut juraret, se toto illo die (fluxerat enim a mane ad vesperam) plus quam duodecim libras medicas emisisse. Id quod ante Bruxellis sæpius ipsi contigerat, juxta Henrici ab Heers *Obs. med. 23. p. m. 205.* Item vir robustus & quadratus, circiter triginta annos natus, vere adventante cum sanguinis mole Athletæ instar, esset onustus, & rubidis tumentibusque oculis, vivida facie, turgentibus sanguine venis, vix incedere posset, vehementissimoque per corporis ambitum pruritu quateretur immaniter, & interanea exuri sibi viderentur, antequam ad phlebotomiæ antidotum medentium consilio accederet, naturæ beneficio a tanto malo evadebat immunis. Hæc enim sanguinis saburram placide, quindecim, & interdum viginti dierum spatio vacuabat per minimum dextræ manus digitum, e cujus extremitate inter carnem & unguem rivuli sanguinei ubertim emanabant &c. observante Zacuto Lusitano *de Medic. princ. Histor. Lib. II. Hist. 10. fol. m. 183.* De mensibus per vulnus digiti fluentibus observationem producit Samuel Ledelius *M. N. C. Dec. II. An. 8. Obs. 86. p. 199. seq.* Mediæ fortis virgo viginti annorum, instante fluxu menstruo sese profunde vulnerat in digito, cum effusione copiosissimi sanguinis, silente debito lunari. Quatuor quadris lunæ exactis, nulli menses erumpunt, sed vulnus de novo plorat sanguinem copiosum; nam domestica & vulgaria remedia hujus-

hucusque applicata, nondum vulnus coalescere fecerant. Alterto mense, idem experitur fatum, nec cum tertio defuit hic fluxus digitalis &c. Observavit etiam Johannes Adamus Genselius Anno 1713 mense Februario digitorum apices duarum puellarum sine dolore sua sponte absque ulla vulneratione, aut cicatriculæ signo sanguinem floridum curioso spectaculo guttatim stillasse: quod etiam in alia puella idem observavit. vid. *Ephemerid. Acad. N. C. Cent. VII. & VIII. App. p. 7.* In vico prope Mergentheimium, Magni Magistri Teutonici sedem, suasu medicastræ, an medicastræ? rasura radice hellebori albi ex vino purgationis loco mulieri exhibita, horrendissimos primo vomitus, hinc & alvi excretiones, post convulsiones epilepticas & tanta tormenta, ut sanguis per unguium rimas transfudaret, excitavit, jux Rosin. Lentil. *Parallelism. ad An. 2. Dec. I. Obs. 162. p. 130.* Ex puellæ cujusdam radicibus unguium post veneficium sanguis maximo dolore erupit, uti ex Thom. Bartholin. *Hist. anat. Cent. I. Hist. 52.* refert Georgius Abrah. Mercklin. *de Incant. Cas. 9.* Secundum Observationem Gulielmi Musgravii, servus quidam ab infantia ad vigesimum quartum ætatis annum periodicam in sinistræ manus pollice passus est hæmorrhagiam. Ex hujus enim latere dextro prope unguem tempore plenilunii (rarius enim ante vel post diem unum plenilunii comparuit hic fluxus) absque ulla cephalalgia, dyspnœa vel aliis plethoræ signis, post aliqualem rigiditatem, in ultimo dicti pollicis articulo, sanguis subito & cum impetu, per diversos rivulos, ad quatuor uncias, & postquam decimum sextum annum juvenis superaverat, ad libram dimidiam consueverat profiliere. Sub qua copiosa licet sanguinis depletionē nihil de viribus perdidit hic, sed ad annum usque vigesimum quartum validus & succiplenus nunquam non fuit observatus. Circa quem tamen æta-

tis annum, cum evacuatio hæc confuse & difficulter procederet, inussit partem dictam ferro candente & sic hæmorrhagiam suppressit, sed infausto cum eventu. Post anni enim quadram in hæmoptoën enormem incidit, quæ cum tussi conjuncta vires non solum prostravit, sed phthi-
feos metum etiam incussit, remota tamen tandem fuit per frequentes sanguinis missiones. Paulo post atrocissima vexabatur colica, in quam facile recidebat. Breviter post suppressionem consuetæ hæmorrhagiæ languidus evadebat, pallidam contrahebat faciem & variis obnoxius erat morbis. vid. *Act. Erud. Lips. An. 1702. Mens. Februar. pag. 95.* De guttulis sanguineis menstruorum tempore ex manu sinistra frictione prolektis. v. Thom. Barthol. *Cent. 1. Hist. 13. p. 22. seq.*

§. 22.

Per pedes.

Sic etiam ex pedum digitis transfudantem sanguinem observavit Ehrenfridus Hagendornius *Histor. medic. phys. Cent. II. Histor. 70. p. 246.* Anno scilicet 1670 deturpabatur puella quædam in agris Gorlicensium variolis, paucissimis quidem, sed coloris nigricantioris, quæ post efflorescentiam non adeo diu conspicuæ paucorum dierum spatio ficcata evanescebant. Cum extra periculum se putaret misella, ea posthac sanguinem per os rejicere, deinde etiam, cessante sanguinis ad superiora orgasmo per interstitia digitorum pedum transfudare visa est. vid. etiam *M. N. C. Dec. I. An. 3. Obs. 27. pag. 44.* De rarissimo pedum sudore sanguineo hanc observationem communicat Johannes Nicol. Binningerus *Obs. med. Cent. V. Obs. 58. pag. 558.* Hugo Grosse Riviere, annorum circiter quinquaginta anno 1671 apud me conquestus est de pedum sudoribus continuis, qui sibi jam a pluribus annis quamprimum ambularet, acciderent: quibus terminatis, ex iisdem pedibus, sudorum specie, sanguis, rivulorum instar, citra rimas

mas ullas, vel vasorum manifestam apertionem emanaret. Tantum erat incommodum, ut ter vel quater singulis septimanis tibialia mutare cogeretur, plantis & talis pedum nunquam non cruentatis. Quum autem sudores & sanguinis ille fluxus sponte cessavissent, a quatuor vel quinque diebus immanes in genu dolores, cum ardore summo sensisse se narrabat, qui postmodum æstu pari, cruciatu non minori pedes occupaverint, sine tumore, vel præternaturali dispositione ulla exterius apparente &c. Ancilla quædam Hafnienſis, operibus culinariis defatigata in pedum tumorem incidit, quo rupto, diligenter expurgato ulcere, convaluit. Instante vero mensium periodo solita, sponte sua tumor rursus disruptus sanguinem copiose profudit, quod sæpius eodem modo contigit, referente Thoma Bartholino *Histor. anat. Cent. I. Hist. 16. p. 27.* Vidit etiam Felix Platerus, juxta *Obs. med. Lib. III. pag. 774.* Nobili cuidam, qui aliquoties venam juxta pedis malleolum secari curaverat, hoc accidisse, ut ea sponte post iterum aperta, inter equitandum, ipso inscio, ocrea aliquousque sanguine impleta, fuerit. Quod cum bis terve ipsi contigisset, tum ocreato equitanti, tum in lecto dormienti, ac totum lectum sanguine sic conspurcanti, ut incommodo huic occurreret, semper secum fasciam & bombacem, ad venam stringendam, fluxumque supervenientem compescendum habebat. Cum venas illas Platero monstraret, vidit ipse eas quasi varicosas & admodum dilatatas, uti hæc quandoque, cum sæpe sectæ sunt, natura sanguinem eo derivante, magis turgidæ amplæque cernuntur, & suo tempore, sanguine exitum quærente, pruritum excitantes eo in loco, uti & hic nobilis sibi accidere, & præludium hoc esse secuturæ eo in loco mox hæmorrhagiæ, narrabat. Venam malleoli in fœmina cruribus varicosis onerata sponte apertam cum tanto

sanguinis profluvio, ut adhibenda esset manus chirurgica, observavit Sigismundus Grassius *M. N. C. Dec. I. An. 3. Obs. 54. pag. 91.* De sanguinis in juvencula ex manuum pedumque digitis stillicidio observationem communicat Johannes Paulus Wurffbainius *M. N. C. Dec. III. An. 3. Obs. 194. pag. 327. seq.* sartoris, inquit, cujusdam filia, necessitatis lege paucis contenta, carnosâ tamen & florida facie prædita tributum lunare large statoque tempore solvens, septimo & decimo ætatis anno, de intolerabili artuum ardore diu satis conqueritur; tandem erumpentibus justo tempore mensibus, adaucta ardoris molestia, sanguinem ex manuum pedumque digitis exsudare videt. Redeuntibus etiam mensibus (extra quod tempus molestiarum harum erat nescia) in majori quantitate sanguinis liquor effluxit, ut calceis a collecta in illis cruoris copia, vix incedere potuerit. Vix præterlapso octiduo jam menstruata ipsa meridiana hora extremitates digitorum manuum sanguini quasi intinctas exhibet cruentas horrendo spectaculo, miror, digitosque linteo juvenculæ abstergo, & in ambitu eorum carnosâ paulo depressiore, ad extremitates unguium, punctula minutissima nigricantia, prout in extremitatibus foliorum hyperici notantur, pororum nempe ostiola sanguine ibidem jamdum stagnante repleta, observo, digitis vero puellæ, manu mea compressis, guttulas sanguineas noviter exstillare oculis meis apertissime video. Post celebratam autem in pede venæsectionem, ab hoc digitorum stillicidio libera postmodum sana vivebat. E poro juxta radicem pollicis pedis dextri, in interna parte, in causo, spatio quatuor horarum sanguinem rivuli instar ad duas libras emanasse, ex Zacuto Lusitano refert. Mulieri triginta trium annorum macilentæ & sanguine abundanti venam in pede ultro fuisse

fuisse disruptam scribit Johannes Georgius Grübélius
M. N. C. Dec. III. An. 1. Obs. 50. pag. 65.

§. 23.

Scorbutico cuidam in crure vena per intervalla aperiebatur, & satis largiter sanguis effluebat, nullo postea apparente vestigio, secundum relationem Dan. Sennerti *Præctic. Lib. III. Part. 6. Sect. 1. cap. 2. p. 672.* Et secundum Petr. Borell. *Observat. Cent. IV. Epil. pag. 351.* Fabri serarii crus noctu undique per mille poros sanguinem sponte emittebat in altum, tanquam per innumeros siphunculos, cujus rei admirandæ causam a varicibus provenire dictus Borellus opinatur. Cæmentarius quidam statis temporibus fluxum sanguinis periodicum habebat in tibia; vena enim quædam externa varicosa rumpebatur & sanguis defluebat, & sponte etiam nullo adhibito auxilio recludebatur, juxta Dominic. Panarol. *Pentec. II. Obs. 4. p. 35.* Johannes Baptista Soncinus mulierem novit, cui menses nunquam fluxerant, sed imminente huic purgationi tempore consueto, magna sanguinis copia e dextra tibia erupit, aperta ulceris crusta, referente Johanne Rhodio *Observ. med. Cent. III. Obs. 50. pag. 145.* Venæ cruralis spontaneam apertionem observavit etiam Johannes Jacobus Harderus *Apiar. Obs. 85. p. 322.* Rustica scilicet quadrata, triginta circiter annorum, plurium liberorum mater, cum denuo concepisset sub ultimum gestationis mensem Anno 1685 quotidiano laborari vacans, in femore sinistro, non procul ab inguine, e vena crurali turgescente, sed sponte aperta, hæmorrhagiam insignem patitur, cui ligaturis aliisque vulgaribus, albumine ovorum cum aceto rosaceo applicatis, vicini occurrerunt. Quatuordecim abhinc diebus, cum pratis verrendis sola incumberet, vulnusculum nuperum enormiter recrudit, cui misella aqua frigida, qua corpus tantisper perluit, medelam quæsit, postquam
binis

Ex crure

binis hisce vicibus ultra quatuor libras sanguinis perdidisset, quarta septimana ægra mirum quantum intumescere cœpit &c. Pervaricolas in femoribus & cruribus prægnantium sponte rumpi & aperiri, multoties se vidisse scribit Johannes Laurentius Bauschius *de Hæmat. Proœm. pag. 26.*

§. 24.

Ex poplitea.

Reperiuntur etiam adhuc aliæ hæmorrhagiæ per venas sponte apertas; tale exemplum refert Johannes Jacobus Wepfferus *de Apoplexia pag. m. 230.* de famula quadam, cui jam effætæ, mensibus suppressis, poplitæa in pede dextro sua sponte aperiebatur, magnamque sanguinis vim, ac si lancetta vulnerata fuisset, effundebat; aliquandoque in balneo reſerata fuit, & nisi socia aquam cruentatam observasset, cum sanguine animam emisisset: sanguinis effluxu cessante, ne vestigium quidem loci aperti animadvertere licuit. Meminit etiam Johannes Helwigius *Observat. 153. pag. 407.* Monacho Carthusiano octuagenario, in Carthusio Prüel prope Ratisbonam, dum in hortulo solito laborabat, venam sub poplite bis sponte ruptam fuisse ex sanguinis acris motu fortuito, & citra ullam corporis noxam & debilitatem, licet insignis hæmorrhagia sequeretur, vulnere rite deligato, ac emplastico & epulotico imposito, brevi iste sanatus est, qui alioquin in toto vitæ decursu nulla unquam medicina interna, nec ulla venæſectione utebatur &c.

§. 25.

E basilica.

De venæ basilicæ in hydropici dextro brachio spontanea apertione hanc observationem communicat Philippus Hœchstetterus *Observat. medicin. Dec. II. Cas. 7. pag. 167.* Viduus quidam annorum triginta sex, honesti generis, rei lautæ, phthisi, morbo a parentibus & hæctica laborans, ob vitam minus temperantem Lyæo sæpius litans, simul in hydropem

hydropem incidit, ita ut scrotum cum abdomine aqua repletum esset, domi itaque se continuit, & a me hydroticis, tam in vino infusis, quam in potionibus dilutis purgatus, ita ut frequentioribus dejectionibus scrotum depletum esset, abdominis tumore remanente. Huic 17 Dec. basilica brachii sinistri aperta sponte fuit, sanguis effluxit floridus, qui statim concrevit: chirurgus vix ob pulsationem arteriæ suppressere potuit; sequenti nocte rursus sponte aperta fluxit paululum, sed statim arte occlusa &c.

§. 26.

Nutrix quædam lactis ubertate per triennium mensibus destituta, cætera sana, cum mense Octobri 1657 commissum sibi puellulum tractaret, animadvertit sanguinem ex dextræ manus salvatella sponte exsurgentem, quasi acupuncta. Testabatur vero nullam vim venæ quocunque modo a se illatam, seu acu, seu alio instrumento, sed sponte apertam esse venam, ut vinculo necesse fuerit cohibere, teste Thoma Bartholino *Histor. anat. Cent. V. Histor. 19. p. 34. sq.*

§. 27.

Per inguina effluentem sanguinem menstruum anno-
tavit Zacutus Lusitanus *de Prax. med. admirab. Lib. II. Obs. 102. Oper. Tom. III. fol. 67.* & quidem in virgine, quæ cum succulenta esset & plurimo beneque cocto sanguine turgeret, ætasque ad menstruas purgationes adesset idonea, neque menses profluerent, natura excrementitium sanguinem per inguina expellere satagit, sicque placide ac lente, foraminibus parvis & vix sensui conspicuis apertis, quinque, sex & interdum septem dierum spatio sanguis ex inguinibus continuo emanabat.

§. 28.

De fluxu sanguinis in regione ilium scribit Antonius Benivenius *de abdit. morbor. caus. cap. 4. p. 142.* Novi hominem

Per ilia.

Hæmatol.

Nn

minem

minem robustum admodum, qui trigintefimum sextum agens annum, sæpe mecum conquestus est de certo sanguinis fluxu, quo singulo quoque mense graviter affligeretur. Interroganti mihi, qua parte corporis flueret, id se nescire respondit. Admiratus hominis verbum, detege inquam, locum unde fluat. Deposito pallio ilea dextra ostentat, ubi subjacet jecoris pars ima. Diligenter locum oculis lustra, si foramen aut cicatrix in parte sit: omnia æquabiliter posita, lenem & mollem carnem, nullam asperitudinem cicatricisve notam inspicio. Ab homine decipi suspicor. Quod ille advertens, paucis, inquit, diebus hunc tibi scrupulum demam: Instat enim tempus, quo sanguis fluere consuevit. Reversus perendie uno superposito digito locum fluxus contegebat: quo amoto, non secus emanavit sanguis, ac si ex incisa vena proflueret. Nec prius fluor iste cessabat, quam sanguinis libra emitteretur. Quo evacuato, nullus discernere poterat, unde evacuatio facta esset &c.

§. 29.

Sub alis.

Sudorem sanguineum sub alis seu brachiis annotavit Henricus ab Heers *Observat. 23. pag. m. 206.* inquit, Nobilis Flander in Spa, quoties mane a fonte rediens sudabat, sub utroque brachio indusium ad manus longitudinem, sanguine tingeat, adstiti rogatus ab eo sudanti, curiosis oculis observavi e poris guttatim prodeuntem sanguinem, quem cum levissime prioribus digitis libarem, solidiusculum aliquanto concretoque similem unguibus educebam ex aliquibus pororum alæ vicinioribus. Quem cum penitus examinarem, pedicillos offendebar ruberrimos, quique, nisi diu vivere finerentur, ad exiguum tactum tabi instar, diffuerent. Civis Grünbergensis, rusticanæ prosapiæ, statæ ætatis, ita ob errores diætæ corpus sibi reddidit scorbuticum, ut, præter cachexiam,

chexiam, in hoc unico omnia velut in compendio posses
conspicere scorbuti versipellis symptomata. Hic quoties
a motu sudat, sanguineo sudore sub alis indusia maculat,
qui liquor rubicundus tam tenaciter linteis inhæret, ut
difficulter cedat lotricis manibus, annotante Samuele Le-
delio *M. N. C. Dec. II. An. 2. Obs. 34. p. 63.* Idem etiam in *Observatio.*
uxore mea jamdudum beate defuncta, in vita adhuc satis
robusta & plethorica, observare licuit; quotiescunque
enim nimio motu sanguinem redderet concitatio-
nem sub alis non solum indusia, sed alia quoque vestimenta, im-
primis albicantia rubro ceu sanguineo colore tin-
cta, absque tamen ulla fœtoris aut hirci odoris sensatione observabat.
vid. etiam *M. N. C. Dec. II. An. 3. Obs. 27. p. 83.*

§. 30.

Nonnunquam etiam per aliquot partium vel totius *Per sudorem.*
corporis poros ejusmodi sudor sanguineus penetrare ob-
servatur. Sudorem enim sanguineum in filia cujusdam
rhedarii ducalis scorbuto laborante, & paulo post vivere
desinente, se vidisse meminit Joel Langelottus *M. N. C.*
Dec. I. An. 6. & 7. Obs. 10. p. 21. Cum Anno 1683 pestifera
lues Erfordiæ grassaretur, puer quidam crudeli peste
correptus sanguinem in fronte sudavit; quod autem pe-
riculosissimum symptoma mors fuit insecuta. vid. Rosin.
Lentilii *Paralelism. ad An. 6. & 7. Dec. I. Obs. 10. v. M. N. C.*
Cent. III. An. 7. & 8. App. p. 123. Juvenis quidam studiosus,
cum propter insolentias nocturnas & alia tentata carceri
injiceretur, talem timorem & anxietatem cordis passus
est, ac si ad mortem usque deliquisset, ut sparsim in pecto-
re, manibus & brachiis guttulæ sanguinis erumperent &
transsudarent, uti refert Georgius Tobias Dürrius *M. N. C.*
Dec. II. An. 10. Obs. 179. p. 354. Scribit etiam Justus Bertra-
mus ad Thomam Bartholinum, apud Thuanum se legisse,
militum præfectum quendam, urbi Galliæ in præsidium
N n 2 datum,

datum, audita subita hostium insperataque urbis expugnatione, captumque mortis horrore, sudorem illico stillassse sanguineum; quo pacto & Gismariæ Hassiæ oppido miles quidam præfidiarius per integram horam sanguinem sudarit. In conjugē illa pastoris, cujus supra circa hæmorrhagiam gingivarum ex *Horstii Oper. Tom. II. Lib. 5. Obs. 17. pag. 279.* mentionem fecimus, post largam gingivæ hæmorrhagiam a capite ad calcem usque maculæ succedebant sanguineæ, quas sudor superveniebat sanguineus, potissimum circa superiorem corporis partem, iis in locis, ubi ante maculæ sanguineæ sese manifestaverant, quem sudorem postea tanta virium omnium dejectio fuit subsequuta, ut paucis diebus post vitam cum morte commutaret. Inquit etiam Georgius Wolffgangus Wedelius *Patholog. med. dogm. Sect. I. cap. 5. p. 59.* se aliquando in scæmina primaria scorbutica cruentum sudorem vidisse, quam solis martialibus, adstringentibus & roborantibus curaverit. Sudorem sanguineum in infante recens nato annotavit Alardus Mauritius Eggerdes *M. N. C. Dec. II. An. 10. Obs. 65. p. 121.* Uxor scilicet utero gerens tempusque gravidatis brevi emensa incidit in febrem calidiorem, quæ licet a principio narium hæmorrhagiam non exiguam habuerit fociam, in tantum tamen fuit aucta, ut sectionem venæ in brachio suaderem; quæ tam feliciter successit, ut patiens omni febre immunis tertio inde die partu felici filium ederet sanum, & incolumem, qui tertia post partum septimana tam flaccidus & debilis evasit, ut de ejus vita actum videretur; cum autem altero die ab avia sua e cunis & linteaminibus evolveretur, cum summo stupore deprehenditur circa brachium dextrum, præter universi corporis sudorem, rubicundissimo madere sanguine; utque tam insoliti phænomeni causa pateret, indusium detrahitur, inquiritur, ubi esset vulnus, ex quo tanta cruoris

ris copia, qua tota manica fuerat tincta, emanarit, sed reperitur nusquam. Infans interim vegetior & vivacior apparet, melius copiosiusque a matre lactatur, ac more consueto in cunas deponitur. Postero die a matre elevatus infans, iterum, ut die priori circa brachium sanguine rubere conspicitur, fonte, unde purpureus hic rivulus profluxerat, non apparente: hæc sanguinis in brachio dextro eruptio quinque aut sex diebus perstitit; parvulo puero semper in melius proficiente. His elapsis sanguineus sudor brachii dextri erumpere cessavit, sed mox in sinistro, eodem modo, quo in dextro, profilire cœpit, cum dierum aliquot continuatione; quibus exactis cruenta illa diaphoresis evanuit, parvulo patiente extra omne periculum apparente. Lutetiæ Parisiorum hominem robustum audita in se capitali sententia sanguineo sudore fuisse perfusum, ex Maldonato refert Rosinus Lentilius *M. N. C. Dec. III. An. 1. App. pag. 124.* ubi addit se nosse filiulam, quæ, quotiescunque dentiret, miniatum sudorem, lintea saturato rubore tingentem, sudavit, nil extra dentitionis tempus tale passa, facile quoque isthunc sudorem, quoties erupisset ferens. Ex intensione musculorum per brachiorum motum sanguinis e poris proventum annotavit Gothofredus David Mayerus *Ephemerid. Acad. N. C. Cent. VIII. Observat. 81. pag. 419.* in viro septuagenario majore; penes quem aliquoties imminente æquinoctii vernalis commutatione, quantocumque levi brachii alterutrius motu musculorum fibras intensiores animadvertit, sinceri sanguinis per cutis poros instar sudoris proventus subsequutus, ut interdum brachialia & connexa iisdem circa manus plicata lintheamina, ex transsudante rubicundo latice maculata fuerint & respersa. Idem Wolfius *Obs. chir. med. Lib. I. Obs. 11. pag. 39.* inquit: ante aliquot annos sartor scorbutico calido, & hinc sæpius lippitu-

dine laborans, cephalalgia vexatur, hinc Rob sambuci cum pulvere cardui benedicti vesperi devorat ad sudandum; in somnum prolabitur & vehementissime sudat. Dum surgit, videt indusium & integumenta lecti rubro colore satis intenso infecta. Civis cujusdam Augustani, Bartholomæi Crucii, filius, cum esset puer octennis, primum vertice capitis sanguinem sudare cœpit, nullo morbo progresso, tam acrem, ut statim exesis capillorum radicibus calvus factus sit. Elapsis deinde aliquot septimanis, facie quoque & manibus pedibusque sanguinem per poros cutis emisit, leviter primo quidem, at postea ter aut quater quotidie, mane imprimis circa sextam aut septimam horam, satisque large, ut vulneratus videri potuisset, nisi absterfo cruore cutis candida & illæsa mox apparuisset, non alia sane ratione, quam sudantibus evenire solet. Compressa manu dum sudaret, sanguis copiosior in volam, ceu lacunam quandam, confluere solebat &c. Uti refert Georgius Hier. Velschius *Obs.med.Episagm. 94. p. 61. sq.* Singularem quoque sudorem sanguineum recenset etiam Antonius Maria Soporitus *Ephem. Acad. N.C. Cent. I. Observat. 20. pag. 71.* Honestissima scilicet juvenis, cui natura ad decimum octavum annum integerrimam valetudinem hilaremque genium dederat, incidit in fluxum sanguinis ex inusitatis partibus, & tandem deterrimam partialis sudoris speciem ex ambitu corporis. Post diuturnum enim stomachi laborem cœpit sanguinem tussi exspuere occasione eментitæ pleuritidis. Deinde sanguinem e naribus fundere observabatur, quocirca hujus copiam e pede detraxit chirurgus. Mox supervenit cardialgia, unde vomitus primum visceris & viridis humoris, mox sanguinis; nec capitis ægritudine allevabatur, quin circulo quodam ordinato recurrentibus purpureus liquor ex utraque parte, & ad multos dies prodibat. Malorum importuna vicissitudo

ciffitudo nimis adhuc increbuit, cum circa initium Maji erumperent menses & quidem in sufficienti mensura. Circa initium Junii thesaurus vitalis ex auribus effluxit, paulo post curiosiori spectaculo ex acumine digitorum primo manuum, deinde pedum se fundere visus est. Mox ex umbilico, & ex angulo oculi, hinc pluries per sudorem, inde tantum ex medio pectore, postea ex pede, eoque loci, ubi tunditur saphena; tandem ex utraque vola manuum & ex opposita parte; post triduum ex mento, noctu ex acumine linguæ, ita ut quatuordecim dierum spatio discrimen hoc maxima ex parte absolverit. Ex *Theatr. Europ. Tom. II.* sequentibus verbis laterum cruentationem refert Christianus Fridericus Garmannus de *Miracul. Mort. Lib. II. Tit. 6. §. 51. pag. 523.* Zu Eingang des Januarii 1630 lagen zween Tillische Soldaten in einem Quartier, darunter der eine des Nachts zu seinem Schlafgesellen sagte, er schwizte so hefftig, er solte in seine Seite fühlen, vwie er so nass vväre. Als nun der andere solches thate und befunde, dass seine Hände ganz nass vvaren und klebten, bedaachte ihm, es vväre keine rechte Sache, hielt demnach die Hand gegen den Mondenschein, und sahe, dass sie ganz blutig vvar, darüber ihm bange vvard, und rufte den Wirth im Hause, dass er ein Licht brächte. Da selber kömmt, befinden sie angeregten Soldaten ganz matt, auch die leinen Tücher voller Blut, desgleichen seine Seite ganz blutig, und ob sie vvohl das Blut abvvischeten, schwizte er doch immer mehr, bis etvva nach einer Stunde, da hörete es auf. Des andern Tages vvar er frisch und gesund, sagte auf Befragen, er vvüste nicht, vvie ihm gevvesen, als dass ihm Angst gevvesen vväre. Suodrem sanguineum observasse Julium Mancinum, Urbani Papæ octavi, a cubiculo medicum, refert Paulus Zacchias *Quæst. med. legal. Lib. III. Tit. 2. Qu. 2. n. 13. fol. m. 290.* Adolescentulo cuidam, duodecim annos

annos nato ab exercitio in via & vino sanguis febrili calore incensus & ad extrema corporis commotus fuit, ut primo per nudam gingivarum carnem penetraret & mox in poris totius corporis ambitu exsudaret, densis & infinitis stillis indusium macularet, talisque puer intra dies octo ultra tres mensuras sanguinis effudisse diceretur. vid. Guilh. Fabric. Hild. *Obs. Chirurg. Cent. VI. Obs. 76. fol. m. 601.* Puel-
lulum quendam, qui, cum duo sui fratres maiores laqueo suspenderentur, ipse autem delicti simul erat particeps, in pœnam juxta patibulum spectaculo adstabat, sanguinem toto corpore sudasse, recenset Carolus Musitan. *Chirurg. theor. pract. Tom. II. cap. 9 p. m. 36.* Nobilis quædam ma-
trona triginta circiter annos nata, maxime spirituosus ac volatilibus delectabatur, unde ingens secuta semper fuit fitis, quam non nisi vino tollere studuit. Evenit tandem, ut vigiliæ frequentes, ac singulis fere noctibus sudores inde oborti sunt. Quas vigilias sudoresque nocturnos nihili pendens in spirituosorum ac volatiliu usu perrexit; quorum maleficio talis fuit secuta humorum attenuatio & pororum dilatatio, ut continuo fere sudaverit postea. Tum vero spirituosus & volatilia reliquit, & infirmata con-
tinuis sudoribus decumbens subinde sudores sanguinolentos, linteamina inficientes observavit; uti ex relatione Florentii Schuyt. recenset Fredericus Dekkers *Exercitat. pract. Cap. VII. pag. m. 627.* De coitu cum sudore cruento sequentem observationem communicat Christianus Fran-
ciscus Paullini *M. N. C. Dec. II. An. 6. App. p. 55.* Vir prima-
rius, sed malæ constitutionis, & veneris conjugalis cupi-
dissimus, plerumque eam in aurora exercebat. Circa finem, ubi omnes vires maxime intendebat, sudor aliquan-
do prorupit rubicundus, qui æque suum ac conjugis in-
dusium tali colore tinxit, citra virium jacturam, uti puta-
bat. Sequentia verba ex Epistola Petri de Osma ex Peru
ad

ad Monardem scripta refert Robertus Boyle *de Utilitat. Philosoph. experim. Exercit. V. cap. 10. p. m. 287. seq.* In urbe Posto, ubi aliquot annos vixi, omnis generis morbos Indus quidam curabat solo cujusdam plantæ succo artubus & parti affectæ illito. Ægros deinde stragulis egregie tegebat ad sudorem provocandum: sudor e partibus illitis emanans, merus sanguis erat, quem linteis pannis abstergebat atque ita in curatione pergebat, donec satis sudasse putaret, optimis interea cibis eos alens. Eo remedio multi morbi deplorati curabantur, imo ægri juniores & robustiores ab ejus usu fieri videbantur; sed neque pretio, neque precibus, neque minis unquam efficere potuimus, ut eam plantam nobis demonstraret. Religiosam & nobilem quandam fœminam monialem, cum in irruentium strictos, ac præsentem jam mortem intentantes gladios incidisset, adeo perterritam fuisse & totis interne visceribus commotam, ut sanguis ab omnibus corporis partium meatibus continenter efflueret, & ipsa exanimis sub hostium oculis concideret, ex Schenckio adducit Marcus Aurelius Severinus *de recond. Abscess. Natur. Lib. IV. cap. 7. p. m. 172.* Plura sudoris sanguinei hinc inde reperiuntur, vid. Marcell. Donat. *de Med. Hist. mirab. Lib. I. cap. 2. p. 17.* ubi in meo libro adscriptum reperio: Agatha Altermana per quatrimum sudabat sanguinem Misenæ Anno 1552 tempore pestis ex Georg. Fabric. *Annalibus fol. 207.* Petr. Poter. *Oper. Obs. Cent. II. cap. 56. p. 209. 211.* Casp. a Reies *Elys. jucund. Quæst. Camp. Quæst. 86. pag. m. 1109. seq.* quo loco quærit, an sudor sanguineus sit possibilis, & ex quibus causis evenire possit. Isibordus ab Amelunxen annotavit: mulieris Brenchhufanæ infantem adhuc in utero vagiisse, & exclusum statim monstrasse sudorem cruentum. v. *M. N. C. Dec. II. An. 6. App. Paullin. Obs. 37. p. 45.* De sudore sanguineo per totum corpus, vid. Zacut. *Lusit. Prax. med. admir.*

Lib. III. Obs. 41. fol. 105. Et Obs. 75. f. 113. sudorem sanguineum criticum adducit.

§. 31.

*In regione
epatis.*

In illa abdominis regione, ubi subjacet jecoris pars ima, homo quidam robustus trigesimum sextum agens annum, certum experiebatur sanguinis fluxum, quo singulo quoque mense graviter afflictabatur, quamvis neque foramen, neque cicatrix, sed lenis tantummodo & mollis caro ibidem loci deprehenderetur. vid. Anton. Beniven. *Obs. med. cap. 4. p. 142.* Vidit etiam Gabriel Fallopius virum, qui singulis annis, mense Majo, integra existente cute, per ipsam e jecoris regione libram circiter sanguinis effundebat, juxta Christian. Frid. Garmann. *de Miracul. Mort. Lib. II. Tit. 6. §. 51. pag. 523.* Item in regione lienis sanguinem transudantem observavit Nicolaus Tulpius *Obs. Med. Lib. II. cap. 31. p. 153.* inquit, virgini anosæ, sed summe melancholicæ, ob induratum lienem, emolliens ceratum impositum elicuit tantum sanguinis per exilia cutis foramina, ut necesse fuerit impetum ipsius serio compescere: cum per ea, quæ extinguunt fervorem atræ bilis, tum per inspissantia cutem. Quibus certe subsidiis nisi mature obviam itum fuisset currenti sanguini, misere certe pessum ivisset, quam jam ferme consumpserat carcinoma mammas exulcerans.

§. 32.

Per umbilicum.

De umbilico diu sanguinem leviter sudante hanc observationem annotavit Philippus Hæchstetterus *Obs. med. Decad. II. Cas. 8. p. 169.* Puella nobilis duodecim annorum ab incunabulis habuit umbilicum, qui sanguinis guttula leviter indusium seu linteum proximum commacularet, sine ulla alia noxa, nisi quod color ei sit pallidior. Sanguinis vero ea paucitas est, ut non transudet super stratum etiam

etiam tenue linteum. Absque dubio tale per umbilicum annotatum sanguinis stillicidium ab obstetricum negligentia & illegitima funiculi umbilicalis deligatione dependet, quæ nonnunquam infantibus fatalis esse solet, siquidem Guilhelmus Fabricius Hild. *Obs. chir. Cent. I. Observ. 52. fol. m. 44.* post sanguinis ex umbilico infantuli profluvium, totius corporis imbecillitatem ac tandem mortem observans, ita scribit: Obstetrices parum exercitatæ solent nonnunquam infantulorum vasa umbilicalia aut nimis stricte ligare, ut citius abscindantur; aut nimis laxè, ut ligatura non satis retinere possit sanguinem. Id quod Colonia in duobus infantulis nobilissimæ matronæ accidisse memini, quorum vires naturales vitalesve ex hujusmodi hæmorrhagia adeo fuerunt exhaustæ, ut nullo modo refici potuerint, donec tandem languidi e vita decesserint. &c. Aliud exemplum recenset his verbis François Mauriceau dans les *Observations sur la Grossesse Obs. 256. p. 150.* Le 28 Mars 1680 j'ay où un enfant nouveau-né, qui la première fois qu'on le demaillota, fut trouvé avoir perdu beaucoup de sang par le nombril, quoque son nombril, quoque son cordon eût esté fort bien noué. Mais comme c'estoit un fort gros cordon, la ligature s'en estoit un peu laschée, à proportion que la flettrissure de ce cordon en avoit diminué la grosseur; ce qui estoit cause, que cette ligature ne se trouvant plus si exactement serrée, qu'elle avoit esté auparavant, le sang estoit exprimé des vaisseaux de ce cordon; à quoy contribuoient aussi les grands cris de l'enfant, qui estoit beaucoup travaillé de douloureuses trenchées. C'est pourquoy lorsque l'on voit ces sortes de gros cordons, il faut y faire, pour une plus grande seûreté, deux ligatures, ajoutant à la première, qui doit estre faite au lieu ordinaire, une seconde à l'extrémité de ce cordon, qui doit estre extrêmement serrée,

Observatio.

rée, & bien affermie par plusieurs tours & noeuds redoublez. Ante aliquot annos ex nimis laxa vasorum umbilicalium deligatione obibat cuprifabri cujusdam infans, cum enim hic puellus hætenus a partu satis validus, post baptismum nimis debilis atque pallidus reperiretur, nullumque ejulatum ederet, me in consilium advocant. Advolans statim infantis genas tangendo frigidas offendo, ideoque obstetricem fasciis infantem evolvere jubeo; quo facto statim post unam aut alteram revolutionem fasciæ nimis cruentæ, demumque vasorum umbilicalium ligatura laxa admodum deprehendebatur, unde etiam ob talem hæmorrhagiam puellulus post aliquot horas animulam Deo reddebat. De hæmorrhagia umbilici tum infantum, tum adultorum ita scribit Guilhelmus Fabricius, Hildanus *Obs. chirurg. Cent. III. Observ. 37. fol. 219.* Sanguinem ex umbilico infantulorum recenter natorum aliquando nimis copiose profluere, multoties observavi. Vasa enim umbilicalia si post partum ab obstetrice nimis negligenter ligata fuerint, sanguinem maximo cum infantulorum damno & vitæ periculo profundunt. In adultis vero, quia vena umbilicalis contrahitur & in ligamentum transit, sanguinem non amplius per eam naturaliter profluere posse rationi consentaneum est. Verum naturam materia aliqua morbifica oneratam aliquando iterum venam illam referare, per eamque serosos humores copiose projicere nonnunquam in hydropicis observavimus. Sanguinem vero in adultis ex hepate per umbilicum adeo copiose, ut in sequenti historia acciderit, profluxisse, hætenus an observatum fuerit, nunquam me legere memini. Scilicet Daniel Schertler apothecarius Solodurensis, homo pituitosus, obesus & trigessimum sextum ætatis annum agens, cum Anno 1612 circa festum Divi Johannis Baptistæ ad nundinas Argentinenses profectus

fectus ibique occupatissimus esset, ac quodam die supra modum incaluisse, apertus sibi fuit umbilicus, ita ut ad libram unam & semis sanguinis efflueret, per se tamen & nullo adhibito medicamento substitit. Altero die & subsequentibus, usque ad undecimum, ex umbilico cottidie bis sanguis, non quidem guttatim neque in parva quantitate, sed cum impetu & copiose erupit. Foramen adeo erat angustum, ut vix lentem excipere posset. Certis autem horis, nimirum præcise inter septimam & tertiam matutinam, & inter secundam & tertiam pomeridianam, hæmorrhagia illa accidebat. Ut plurimum quoque hoc tempore singulis diebus semel hæmorrhagiam narium patiebatur. Hoc modo, nimirum quotidie bis, totos undecim dies sanguinem profluxisse, & interim ad libras usque viginti septem emanasse, a medicis & ipso ægro observatum fuit. Elapsa undecima die ulcus umbilici accrevit, ex quo loco sanguinis materia purulenta per menses aliquot exstillavit, paulatim tamen iterum coa- luit. Novit etiam Johannes Daniel Horstius sexagenarium nobilem, cui menstruo tempore sanguis ex umbilico prodiit, uti in *Manuduct. ad Medicin. Part. I. cap. I. Sect. 3. p. 87.* refert. Menses per umbilicum vacuatos annotavit Johannes Rhodius *Observ. med. Cent. III. Observat. 49. pag. 145.* inquit: Fœminæ Patavii nostra ætate prope hortum medicum habitanti statis temporibus menses manabant per umbilicum, ubi venæ epigastricæ ramus cum mammaria jungitur. Et Zacutus Lusitanus *de Prax. med. admir. Lib. II. Obs. 101. Oper. Tom. III. fol. 67.* ait: Vocatus ut curarem fœminam suppressione menstrui laborantem, cui nunquam menstrua per naturalem locum eruperant. Hæc singulis mensibus aliarum mulierum ritu, ventris tormina, & aliqualem umbiliculi dolorem persentiebat. Deinde soluta placide umbilici unitate, sensim manabat

per octo dies sanguis ad libras tres. Cessante fluxu vivebat alacriter, & si forte ex minuta per eam partem purgatione, recurrebat morbus, venæsectio in talo præsidio erat.

§. 33.

Per vias
urinarias.

Per urinam seu vesicam sanguinem quandoque effluere annotarunt autores e. g. Rembertus Dodonæus inquit *Obs. med. cap. 14. p. 36.* Latomo cuidam ectymatis laboranti, e gingivis sanguis erupit, quod cum molestum esset, ore assidue sanguine repleto, remedium adhibet, & sanguinem illac manantem reprimit. Repressus autem sanguis aliam sibi viam quæsit: nam ad urinarios meatus conversus una cum urina descendit, atque sic e gingivis non amplius sanguine erumpente, urina cruenta subsequuta est. Juvenis robustus floridus & sanguineus, cum sanguinea febre affligeretur & pluries illi sanguis esset extractus, sexto die sanguinem cum urina minxit & sanitati restitutus fuit, observante Amato Lusitano *Curat. med. Cent. II. Curat. 93. fol. m. 208.* Nobili cuidam Lusitano, admodum voraci & insigni pancratiastæ in senectute sanguis menstruatim per urinam reddebatur, modo liquidus & purus, modo etiam grumofus, quem vel equitatione tollutaria, vel haustu vini generosi aut absinthiaci promovebat; quod observavit Johannes Michael Fehr. vid. Joh. Laur. Bausch. *de Hæmat. Proœm. p. 22.* In Nosocomium Augustanum juvenis quidam casode maligna laborans, cui nomen Christophori Weigel, venit; is decimo sexto morbi die minxit sanguinem cum dolore dextri hypochondrii viriumque lapsu summo, & morte. v. Philipp. Hæchstett. *Obs. med. Dec. I. Cas. 3. p. 8. seq.* Aliquot mictionis cruentæ causas & exempla adducit Thomas Bartholinus *Histor. anat. Cent. IV. Hist. 45. p. 328.* scilicet religiosissimus Episcopus Casp. Brohmannus, annos natus 67, mense Sept. 1651 post

post vini cerasorum potum urinam cruentam mingebat, sine dolore ullo, aut aliis symptomatis, calculive suspicionē. Putabatur quidem tinctura illa cerasorum infuisse lotium, quemadmodum sæpe sudores cruenti post haustum vini rubri apparent; cæterum sequentibus diebus videbatur urina in matula similis loturæ cruentæ, cui parum feri supernatabat, linteumque immersum veri sanguinis fidem faciebat &c. Et Olaus Wormius superato climacterico magno sæpe sanguinem mejebat & stranguaria laborabat, & quidem post quemcunque, etiam levem corporis motum, vel sumptum haustulum vini rhenani. Juxta Henr. Smetii *Miscellan. med. Cap. X. p. 527.* Canonicus quidam Baderbornensis cum urina purum sanguinem excernebat. Miſtum sanguinis periodicum in Pastore Serveſtano annotavit Philippus Salmuth *Obs. med. Cent. III. Observat. 47. pag. 134.* De raro miſtu cruento cum consilio medico, v. Frid. Hoffm. *Med. consult. P. I. Cas. 9. pag. 42. seq.* Miſtionem sanguinis in ſene neglectam lethalem communicat Vitus Riedlin. *Linear. medic. An. 1700. Mens. Maj. Obs. 15. p. 530.* Post hæmorrhoides per plurimos annos in viro quinquaginta trium annorum moderate & convenienti tempore fluentes, postmodum autem per tres annos & quod excurrit, sponte sua subsistentes post horrorem & calorem febrilem miſtum sanguinis copiosum sine sanitatis detrimento observavit Johannes Matthias Neſterus, vid. *M. N. C. Dec. I. An. 8. Obs. 23. p. 42. sq.* Sexagenarius quidam ex vehementi saltatione in miſtum cruentum incidit, & licet huic malo per venæſectionem & aquas ferratas occurreretur, nihil tamen effectum est; imo post ſesquiannum sanguinis plus minus per aliquot septimanas cum urinæ ſtillicidio minxit ingenti & duro in abdomine tumore contra renem dextrum &c. juxta observationem Christiani Helwichii *M. N. C. Dec. III. An. 9.*

§ 10. *Obs. 119. p. 217.* Refert etiam Godofridus Steeghius *Medicin. pract. Lib. VIII. Cap. 41. fol. m. 409.* se vidisse, cui in dextro inguine excitato per intervalla dolore & tumore multus sanguis crassus per urinæ ductum prodiit. Miles quidam gregarius, hæmorrhoidum alias passus fluxum cum tolerantia naturæ, illo vero cessante, novumque sanguine affectante alveum, mictum patitur cruentum vel potius hæmorrhagiam penis; citra mictionem quippe sincerus, purus, exactoque rubore tinctus sanguis involuntarie, etiam in somno, sine ardore minimoque dolore profluxit copiosus: de tensione tamen abdominis subinde, & post mensem de prostratione virium, ob spiritus vitales depauperatos conquestus fuit, teste Johanne Adamo Genselio *Ephemerid. Acad. N. C. Cent. III. Observ. 51. pag. 113.* Secundum Edmund. de Meara *Histor. med. rarior. p. m. 172.* Joannes Knigth, civis Bristolienſis circa mensem Martii 1663 correptus fuit febre acuta cum dolore lumborum lancinante, nec non totius corporis æstu, jactatione & inquietudine. Secundo decubitus die vocatus phlebotomiam liberalem ex utroque brachio, ad vasa majora exoneranda, & ex saphena, ad revulsionem a lumbis faciendam, impero; quibus febris nonnihil imminuta fuit, dolorque & anxietas quieverunt. Postea morbo cum pepasmi indiciiſ deferveſcente, novo die perfecte judicatus est magno sanguinis fluxu per virgæ canalem, nec non excretionem tubulorum quorundam tenuium sanguine refertorum quartum ulnæ partem longitudine superantium, qui lumbricos teretes exacte referebant &c. Cum anno 1623 viri nonnulli juvenes Friburgenses saltando ac currendo sese exercerent, accidit, ut quidam ex eis, Antonius Marion nomine, homo viginti circiter annorum, robustus & plethoricus inter saltandum perinæum contra extremum scamni angulum allideret, sine ulla tamen cutis vulnera-

tione;

tione; quapropter etsi dolor protinus superveniret maximus, nulla tamen secuta est hæmorrhagia, unde factum est, ut aliquomodo sedato dolore cum reliquis sodalibus hilaris esset. Sequentē vero nocte adaucto dolore, cum sanguinem copiose emingere cœpisset, & intra paucos dies ad libras aliquot sanguinis per penem eminxisset, ac ita quidem ut vires mirum in modum imminuerentur, haud parum perturbatus fuit. Die 4 Martii & subsequente nocte ad libras circiter duas excrevit, præter urinam, quæ jam separatim cum sanguine permixta erat; & quod admiratione non vacat, vidit Guilhelmus Fabricius, Hildanus suis oculis, ægrum grumis sanguinis, qui magnitudinem ovi gallinæ excedebant, sine insigni molestia & conatu per ductum urinarium excrevisse. Inter effluendum autem veluti gelatina fuit, e momento tamen in grumos spissos concrevit. Et vix credibile est, quantum sanguinis per penem eminxerit; nihilominus tamen divino aspirante numine feliciter sanitati fuit restitutus & pristinas vires recuperavit, teste dicto Fabricio *Obs. Chir. Cent. VI. Obs. 46. fol. m. 556.* Juxta Henr. Smetii *Miscell. med. Lib. X. p. 525.* filiolus sartoris cujusdam per vesicam simul ac per alvum sanguinem emittebat, absque causâ manifesta. Generosus vir D. Wiljens, nobilis Anglus peste laborans tertia die per vias urinarias sanguinem purum ter quaterve magna quantitate reddidit: circa horam vespertinam obiit, annotante Isbrando de Diemerbroc. *Tract. de Peste Lib. 4. fol. 218. seq.* Sic refert Regnerus de Graaf *de Viror. Organ. pag. m. 110.* se cum chirurgo ad ægrum quendam vocatum esse, ex cujus membro virili, per urethram, quatuordecim circiter sanguinis libræ effluxere, idque interdum tanta vi, ut majori urinam excernere non posset. Scilicet Jan Huybrechz annos 25 natus, vir robustus atque vegetus, ultimo Januarii 1668 onustus sacco tritici, dum per

asserem supra aquam positum transiret, pedemque versus marginem figeret, asser invertebatur ea ratione, ut intra ipsius pedes asseris acies existeret, in quam pondere tritici ita comprimebatur, ut perinæi atque testiculorum mira contusio adesset, absque vulnere externo aut hæmorrhagia: donec dimidia post casum elapsa hora urinam emitteret, tunc enim primo tria circiter cochlearia effluxere, urina clara & sine sanguine mixta subsequente; nunquam tamen sanguis effluxit, nisi dum rursus urinam redderet. Quinto a casu die, cum supra sedem sese ponens partes contusas aliquantulum durius agitare, sanguis cum pulsatione tanto impetu per urethram effluxit, ut adstantes ipsum jamjam morituum crederent; lecti tegumenta & reliqua ipsi vicina non aliter sanguine erant conspurcata, ac si bos in loco illo, ubi æger decumbebat, jugulatus fuisset &c. feliciter dictus æger restituebatur. vid. etiam Fred. Dekkers *Exercitat. pract. Cap. VIII. p. 679.* Annotavit etiam Vitus Riedlinus *Linear. med. An. 1695. Mens. Octobr. Obs. 25. pag. 349. sq.* sanguinis per penem profusionem in Gallo quodam ob religionem profugo, qui equo succussorio insidens, aliquoties penis partes posteriores tam valde ephippio alliserat, ut inde & in equo adhuc, & postea descendens, haud parvam sanguinis purissimi quantitatem profuderit &c. Mictione sanguinis plurimos obiisse, ex aliis autoribus allegat Johannes Laurent. Bauschius *de Hæmat. Proæm. p. 11.* De sanguinis, vermiculos referentis, post vulnerationem in regione renis dextri, per penem excretionem vid. Joh. Meekren *Observ. med. chir. cap. 60. p. 274. sq.* Post diuturnum sinistri hypochondrii dolorem & sanguinis mictum civis quidam consularis vermem calami scriptorii crassitie & digiti longitudine, vivum cum lotio excrevit. vid. Joh. Schenck. *Observ. med. Lib. III. fol. m. 501.* De spontanea penis hæmorrhagia observationem communicat Georgius Hanneus *M. N. C. Dec. II. An. 3. Obs. 215. p. 413.*

Juvenem quendam post largum allii usum multum sanguinis eminxisse, refert Daniel Sennertus *Pract. Lib. III. Part. 8. Sect. 2. cap. 7. p. 889.* vid. etiam Henr. ab Heers *Obs. 13. p. 126.* Mictionem sanguinolentam lethalem annotavit Guill. Fabricius Hild. *Observ. 45. Cent. VI. fol. 556.*

§. 34.

Ex propriis cruentæ urinæ observationibus a me annotatis, ut paucas saltem adducam, ex *M. N. C. Dec. III. An. 7 & 8. Observationem 121. p. 196.* de miris maculis & vesiculis sanguineis in cute apparentibus, copiosaque sanguinis in puero per urinam emissionē, huc inferam: nimirum in gibbofo puero, undecim annorum, nomine Schweizer, per aliquot dies calorem mitem summam tamen virium prostrationem perpeffo, a calce ad verticem usque in omnibus totius corporis partibus maculæ vel potius vesiculæ ad unguis præter propter latitudinem, non cruentæ modo & atræ quoad colorem, sed & mature apertæ sanguinem aut potius cruorem fluidiorem, tum coagulatum seu inspissatum serius dissectæ profundentes, comparebant. Urinæ quandoque libra una, quandoque plures per diem & noctem, atramenti instar, lintea & chartam purpureo tingentis colore ab ipso emittebantur, ut tantam sanguinis copiam ab ejusmodi puero excretam sæpius mirarer, cum sanguinem potius spissiore, quam urinam cruentam, dicere licuisset. Hac cutanea & urinali excretionē per octo dies continuata tandemque finita, novas vires pristinumque sanitatis statum, per Dei gratiam, dictus puer recuperavit. Molitor etiam Locwicensis, natione Hungarus, quinquaginta annorum, post elevationem magni ponderis, sacci scilicet magni frumento pleni, per aliquot annos mictu cruento laborarat, a quo tamen malo, post varia medicamenta frustra adhibita, tandem decocto quodam vulnerario, per aliquot menses continuato, omnimode liberabatur. Porro Anno 1703 mense Januario

*Observationes
propria.*

venator quidam, nomine Süttig, de miſtu ſanguinis, tam clari, quam congrumati conquerebatur, nullamque huius mali manifeſtam ſe ſcire cauſam referebat. Ad quaſita vero, num unquam venationi veneræ deditus læſusque aut medicamentis diureticis uſus fuerit, regerebat, ſe per anni quadrantem, a tempore autumnali incipiendo, mane ante exitum, loco ſpiritus frumenti ſeu aquæ vitæ, ſibi antea familiaris, ſingulis diebus Rhob Juniperini bonam quantitatem aſſumſiſſe, poſteaſque per ſylvas & nemora equo concitato divagatum eſſe, atque ab illo tempore ſub initio quotidie ſatis largam ſabuli atque mucicraſſioris copiam cum urinis, & quidem interdum dolore excretam tandemque nonnunquam ſanguinis grumos obſervare, uſque dum per aliquot hucusque hebdomadas non, niſi concomitante ſanguine aut fluido aut congrumato, lotium reddiderit. Huic ægroto abſque præmiſſa purgatione ſequentia præſcribebam.

℞. Spermat. Cet. non rancid.

Lapid. ☿. ad ʒiſſ.

‡ diaphor.

Marg. Saxatil.

Pulv. Rad. Liquirit. aa. ʒiſſ.

Cinnab. nat. ʒ℞. M. pro aliquot vicibus.

Item ℞. Eff. traumat. balſ. ʒ℞.

Tinct. Catech. ʒij. M.

Quibus per aliquot dies continuatis ad me rediens de nullo amplius ad urinandum ſtimulo, de nullo inter excernendum dolore, uti hætenus, deque nullo ſanguinis cum urina excreti ſigno conquerebatur, ſed, quod hæc ſymptomata inter hoc tempus evanuerint ſummopere lætabatur.

§. 35.

Interdum etiam a nimio veneris exercitio in & post co-
itum sanguis per mentulam emittitur, quale exemplum
recenset Ehrenfridus Hagendornius *Histor. medic. phy-
sic. Cent. II. Hist. 42. p. 212.* Anno, inquit, 1678 Mense
Octobri, consilium petit rusticola quidam per socrum,
conquerens, se bene potum noctu cum uxore rem ha-
buisset, eamque nimis liberaliter exercuisse, unde non tan-
tum eadem nocte, sed & posteris diebus per intervalla
sanguinem se mingere vidisset, cum singulari virium jactu-
ra. Missis in rem medicaminibus idoneis, mox ille in-
felix sanguinis rivus desit, afflicto postmodum cum sani-
tate in gratiam redeunte. Sanguinem pro semine emis-
sum annotavit Philippus Salmuth *Observ. med. Cent. I. Obs. 81.
p. 50.* inquit. Civis quidam annorum circiter octua-
ginta, juvenculam ducens ipsique placere cupiens, medi-
camenta ex me cupiebat tardos excitantia maritos. Hæc
ego moderata præscripsi. At fortiora ille a pharmaco-
pola cum obtinisset eaque usurpasset, ad illum quidem
aptus fuit, sed sanguinem semper pro semine emisit; Epi-
lepticus vero post paucos menses moriebatur. Ita & ju-
venem quendam novi, qui eo quoque libidinis ac spurci-
tiei devenit, ut sanguinem tandem loco seminis emitteret.
Ex nimia venere in adolescente Germano Nobili urinam
cruentam se observasse refert Petrus Forestus *Observ. medic.
Lib. XXIV. Observat. 7. fol. m. 448.* Hanc observationem
recenset Johannes Langius *Epist. med. Lib. I. Ep. 47. pag. 208.*
Erat Bononiæ ex Gallia adolescens divitiis & stemmate
nobilis, gallo quovis gallinaceo falacior, qui puellam de-
peribat. Quæ cum illi noctem condixisset, illius amore
inescatus, consilio sui commilitonis, ne in veneris con-
flictu succumberet, ad coitus illecebram cantharidum pul-
verem in juscule quodam absorpsit. Postea cum ad pri-

A nimia
venere.

mam noctis facem pruritum circa pudenda sentiret, lætus, ac ratus, esse libidinis ex pharmaco tentiginem, amicam adiit, in concubia vero nocte, quum punctiōibus corpus vellicaretur, & in ore cedrini picis saporem perciperet, nec mente sibi probe constaret, ac animæ defectu & vertigine pene concideret, tristis, auxilii & consilii inops domum rediit, ubi cum cruento urinæ stillicidio ac ardore continuo distorqueretur, opem medici imploravit &c. Secundum Samuelis Ledelii relationem exhibuit interius quispiam pseudomedicus cantharides ad drachmas duas cum scinco marino & radice satyrionis, nobili cuiādam pro medicamento aphrodisiaco, & pro veneris stimulis irritavit spicula mortis: præter enim insatiabile coëundi desiderium, accessit tumor scroti, & deficiente semine exiit sanguis, ægro undecimo die mortuo. *vid. M. N. C. Dec. I. Ann. 9. § 10. Obs. 148. p. 323.* Referente Ambrosio Paræo *Lib. XX. cap. 28. fol. 446.* scortum quoddam, quo juvenem Abbatem in sui amore detineret, lauta cœna excepit, additis etiam conditibus pulvisculo cantharidum conspersis; Postera autem die merum sanguinem ano virgaque rigida Abbas reddebat &c. Alia exempla eorum, qui ab immoderato coitu sanguinem minxerunt, reperiuntur in Joh. Schenck. *Observ. med. Lib. IV. fol. 531.*

§. 36.

*Menses in
viris.*

Quandoque etiam in viris, pariter uti ordine naturæ in mulieribus menstruatim fieri solet, sanguis per penem excernitur, quale exemplum viri menstrua mulieris instar patientis recenset Zacutus Lusitannus *de Prax. medic. admir. Lib. II. Obs. 11. f. m. 69.* inquiens: imberbem & toto corpore depilem cognovi, effœminatum, mulieris aut spadonis instar, cui a vigesimo usque ad quadragesimum quintum annum, menstruæ purgationes per pudendum, statis

statis quibusque mensibus, quatuor aut quinque dierum spatio, in non parva copia emanabant, &, si forte non recte fluebant, superveniente cum torminibus lumborum dolore, vena secta in talo illi remedio erat. Inquit etiam David van Hoogstraten *Dissert. epist. de hodiern. medicin. stat. p. m. 23.* sibi notum esse exemplum viri, cui per singulos menses, menstruantium foeminarum more sanguis per penem effluxit: Novit etiam Gulielmus Musgravius duo exempla virorum, quibus hæmorrhagiæ menstruæ per penem prodibant. v. *Act. Erudit. Lips. An. 1702. Mens. Februar. p. 96.* Sanguinis fluxu periodico, quasi menstruo per urinam multos jam annos confectatus fuit Pastor Servestanus, referente Philippo Salmuth. *Observ. Med. Cent. III. Obs. 47.* Duas de viris menstrualem sanguinis fluxum per penem patientibus observationes communicat Johannes Baptista de Wenckh. *M. N. C. Dec. III. An. 9. & 10. Obs. 136. p. 258. seq.* quorum alter, villicus, vir centum & quinque annorum grandævus, multarum prolium fecundus parens, a pubertatis anno rite menstruale hoc tributum usque ad septuagesimum sextum annum persolvens sanus & robustus hilariter vixit. Alter autem civis Leobienfis quadragessimum circiter ætatis annum attigerat, & pari modo a pubertatis annis idem menstruum patiebatur profluvium, pluresque, quamdiu fluxus ille menstruus perduravit, genuit proles &c. Meminit etiam Cornelius Stalpart. van der Wiel *Obs. rarior. Cent. I. Obs. 80. p. 344.* se in duobus viris menstrua per virgam periodum animadvertisse. Fuerunt autem illi temperamenti frigidioris, nec multa lanugine malas tecti, ac poculis admodum dediti. Secundum Thom. Bartholin. *Histor. anat. Cent. V. Hist. 33. p. 55.* Famulo primario mercatoris Hassniensis singulis mensibus ordinato fluxu, sanguinem per inferiora expurgabantur. Item in Lotharingia & Germania visos nonnullos

nullos a se testatur Andreas Lacuna, qui purgationes muliebres ordinata vicissitudine paterentur, ac lac in mamillis gignerent. Augustæ vir nobilis, habitu corporis gracili præditus & decolor, postquam in pueritia calculo sectus esset, deinceps singulis mensibus fluxum sanguinis ex pene patiebatur, non secus ac mulieres per uterum solent. v. Georg. Hieron. Velsch. *Obs. med. Epis. 69. p. 43. seq.* Seduni lanio quidam singulis mensibus per urethram sanguinem reddebat menstruum. Quod cum in vulgus emanaret, abhorruit ab isto viro, nemoque deinceps carnes ex ejus macello emere voluit, referente Georgio Franco *M. N. C. Dec. II. An. 6. Obs. 83. p. 174.*

§. 37.

Per uterum.

Licet etiam in feminis menstruatim, per certos dies secundum naturæ ordinem per uterum ejusve vaginam, certa quantitas sanguinis, quem vulgo menses vocant, summo cum emolumento excernatur, interdum tamen etiam per easdem vias ex variis causis extraordinariæ annotantur hæmorrhagiæ. De periculosa enim hæmorrhagia per pudenda in puella hanc refert observationem Guilielmus Fabricius Hild. *Cent. V. Observ. 47. fol. m. 557.* Anno 1622 d. 5 Decembris puella quædam ex nobilissima familia Bernensi orta, quinque circiter annorum, cochleare oblongo manubrio, qualibus in culinis utuntur, in manu gerens, cum ex scamno in pavementum hypocausti decidisset, & mucrone manubrii infimam partem colli matricis versus intestinum rectum vulnerasset, tanta secuta est sanguinis profusio, ut parens ipsa, & adstantes, non semel ad me dixerint, se nunquam credidisse, corpus tam exile, ac juvenile tanta copia sanguinis præditum. Ad libras enim aliquot effluxisse, ausus sum affirmare. Restricto tamen sanguine pulvere nostro ad sistendum sanguinem, & refocillatis atque instauratis viribus, vulnus, quod ad
intesti-

ntestinum rectum fere usque penetrabat, brevi feliciter curavimus. Exemplum salutaris hæmorrhagiæ uterinæ recenset Sigismundus Grassius in matrona ultra septuagenaria *M. N. C. Dec. I. An. 9 & 10. Observ. 66. pag. 365. sq.* hunc sanguinis fluxum non menstruum, sed potius uterinum ideo dicit, quia periodice non est reversus. Annis superioribus usque ad annum ætatis quinquagesimum evacuata est illa menstruatim in tanto excessu, ut procidentia uterinæ & alia symptomata mortem non raro portenderent. Postea correpta est vertigine & variis prodromis apoplexiæ, quos præter spem mitigavit dicta hæmorrhagia uterina copiosissima. Cum evacuatio hæc esset enormis adeoque formidabilis, bufo ficcatus cum musco pruni sylvestris sindoni inclusus umbilico imponebatur, unde statim simul ac incaluisse, ægra fatente, sequeretur & torminum & fluxus remissio, ita ut non excerneretur posthac sanguis floridus, sed tantum, & quidem sensim, qui jam extravasatus erat, nigricans & grumosus; ut adeo hæc matrona longævitatē & valetudinem subsequenter hæmorrhagiis adscribere posset. Ad hæmorrhagiam uterī referendum etiam est, quod narrat Johannes Laurentius Bauschius *de Hæmat. Proæm. pag. 17.* inquit; sub initium anni 1658 curanda hic mihi oblata fuit rustici cujusdam uxor, quæ post octodecim mensium continuum menstruorum profluvium in tympanitidem incidit, ex quo demum 10 Julii anno 1660 mortua &c. Hæmorrhagiam uterinam cum foetus immaturī exclusionē, in uxore honesta, triginta circiter annorum, liberorum plurium matre, per quatuor menses rursus gravida; annotavit Johannes Jacobus Harderus *Apiar. Obs. 84. p. 318.* De gravida ex nimio sanguinis per uterum profluvio demortua, observationem communicat Marcus Gerbezius *M. N. C. Dec. III. An. 7 & 8. Observat. 76. pag. 120.*

Lethalem uteri hæmorrhagiam recenset etiam Paulus Spindlerus *Obs. med. L. XVII. p. 125.* Illustrissima scilicet Domina Comitissa J. C. a Z. gestationis tempore sæpe fluxum sanguinis ex utero inordinatum passa est, qui remediis convenientibus interceptus multoties; Idem eandem tempore legitimi partus adoritur copiosissimus, ita ut post partum, quamvis felicissime & sine magna difficultate editum, diutius continuans paulo post exspiraverit, maximo cum Illustrissimi mariti absentis luctu. In puella sexenni lethalem hæmorrhagiam uteri recenset Justus Fridericus Dillenius *Ephemerid. Acad. N. C. Cent. VII. & VIII, Observ. 47. pag. 92.*

§. 38.

*An abortus
promovendus?*

Circa ejusmodi gravidarum uxorum hæmorrhagias uteri, non immerito quæritur, an in tali casu, si scilicet ante partum, e. g. octavo gestationis mense gravidam insignis hæmorrhagia superveniat, obstetrix, quo foetus simul, vel tantummodo mater conservetur, manum admove- vere foetuique viam ad exclusionem quovis modo parare debeat? Quam obstetricum enchiresin ad promovendum abortum suadet Slegelius in Georg. Hieron. Velschii *Mictomimemat. Cent. III. Obs. 89.* inquit: Parisiensium quotidiana praxi expertum retulit Slegelius in *MSS. Adversariis*, quæ ex relicta Virsungii supellectile libraria accepimus, si gravida in immodicum sanguinis ex utero fluxum inciderit, ita ut judicetur, a jecore uterino, ab utero aliqua parte divulso, fieri, statim incumbendum esse, ut enitatur. Non enim fisti solet ejusmodi sanguinis profluvium, sed, si aliquandiu perstiterit, tam matrem, quam infantem e medio tollit. Si vero foetum statim ex utero rejecerit, matris viribus etiamnum constantibus, illa servari potest. Ejusmodi manus auxiliatrices suadet etiam obstetrix

obstetrix Gallica Louyse Burgeois de *Art. Obstetr. Part. I. cap. 5. p. m. 66. seq.* ibique exemplo probat. Hujus quoque mentem ita explicat Carolus Raygerus *Schol. in Paul. Spindler. Obs. 69. p. 126.* inter alia parturientium symptomata periculosissimum, nostrisque valde commune, & vel matri, vel foetui, vel utrique funestum est, sanguinis fluxus ante partum, quod tamen sicco pede plerique prætereunt, qui de morbis mulierum scripserunt autores. Sola obstetrix Gallica Louyse Bourgeois (quantum quidem ego scio forte alii plus) mentionem facit hujus casus, uniceque svadet, omissis medicamentis per os assumendis, neglectis clysteribus & aliis, manum admoveere & laborare, ut infanti exitus pateat; si enim obstetrix vellet observare cursum naturæ, & expectare, donec aquæ fluant, aut alia signa se prodant, infallibiliter exhaustis viribus matrem cum foetu perituram. Allegatæ tamen Slegelii sententiæ, scilicet partum vel abortum ab obstetrice promovendum esse, contradicit Georgius Hieronymus Velschius loco *Mictomim. allegato M. N. C. Dec. I. An. IV. & V. Append. p. 67.* inquit: nos plures (gravidas nimia hæmorrhagia laborantes) remediis liberavimus, ut deinde felicissime enixæ sint suo tempore. Nec proclive est conjectura certiori divulsionem placentæ uterinæ adsequi. Quin natura ipsa tantum se ad partum aut abortum accingit. Nec facile *ἰκτερίαια* danda, nisi fluori dolores etiam conjungantur. Et Carolus Raygerus *loc. supra all.* pergit: licet Louyse Bourgeois, quæ proponit, exemplis probet, ego tamen sub finem præterlapsi anni ad Illustrissimam quandam Comitissam vocatus, octavo mense gravidam cum partus doloribus magnoque fluxu sanguinis; Huic per os sumendum dedi magisterium coralliorum, lapidem hæmatit. præp. cum tinctura coralliorum in aqua plantaginis. Unde remisit quidem sanguinis fluxus, sed

prodiit circa meridiem filiola debilis, media nocte iterum extincta. &c. Id quod etiam mihi ipsi observare licuit, scilicet aliquoties post ejusmodi hæmorrhagias, propinatis medicamentis, idoneis, fœtum usque ad legitimum partus tempus in utero permanfisse, quod mercatoris cujusdam Dresdensis Domini Bertii, tunc temporis uxor, nunc vero jamdudum vidua, quæ octavo gestationis mense incredibilem fere sanguinis copiam per uterum effundebat, salvo tamen superstite fœtu, hoc tempore adhuc viva attestari posset: Quapropter non statim ac obstetrices in gravidis sanguinem floridum excerni vident, easdem mulieres ante legitimum pariendi tempus ad exclusionem impellere, sed medicorum potius consilium expectare, meo quidem judicio, debent. Admonet etiam Johannes Jacobus Harderus *Obs. 84. Schol. pag. 321.* tyrones & chirurgos, comparente sanguinis tali profluvio, ad enitendum fœminas temere adigendas non esse, fœtu etiam maturo existente, sed expectandum tantisper, ne ejus fluxum, concitato spirituum motu magis promoveamus. Neque etiam noviter nuptas, isto comparente, non concepisse imprudentius dicere debere; novimus enim quibus reapse gravidis sanguis ex utero manavit, & quidem aliquibus ad medium usque gestationis tempus.

§. 39.

*Per alvum
hæmorrhagia.*

In utroque etiam sexu sanguis in magna sæpe quantitate per alvum excerni solet, & quidem modo in dysenteria cruenta, modo etiam in hæmorrhoidibus, tam viro- rum, quam fœminarum. Referente Henrico Smetio *Miscell. Medic. Lib. X. p. 527.* Reinerus Donopæus nobilis vir hæmorrhagia per alvum copiosa libras saltem quinas confertim dejiciebat, clysteri adstringenti restitutus. Inquit etiam Johannes Rhodius *Observ. med. Cent. II. Obs. 93. p. 100.* Patavii anno 1628 clericorum Regularium ministrum novi, cui su-

pra

pra decimum jam annū per hæmorrhoides quotidie sanguinis fere quatuor unciaē manabant, sine labe viscerum aut facultatis naturalis debilitate. Et mulier ibidem suppressis menstribus quatuor menses integros ultra quatuor sanguinis uncias excrevit quotidie per hæmorrhoides, adeoque hoc temporis spatium libras unde triginta: imo fluxu ad horam saltem cessante, mox in animi deliquium incidit. Meminit Casparus Theophilus Bierlingius *Adversar. Curios. Obs. 21. p. 49.* Viri cujusdam ascite laborantis, qui, cum semper a vigesimo quarto anno usque ad quinquagesimum, singulis tribus mensibus ordinarie fluxum hæmorrhoidum habuisset, nunc vero ultra novem remansisset menses, redeunte solum unica vice tempore morbi, ubi unius diei spatium plus, quam quatuor mensuras sanguinis effluerunt. Sic civis quidam viginti septimanis continuis a fluxu hæmorrhoidali molestatus fuit &c. In Illustrissimi Ducis Florentiæ matre hæmorrhoidum fluxum admodum excedentem, ita ut quandoque decem, quandoque duodecim, quandoque etiam viginti quinque libræ sanguinis effluerint, annotavit Johannes Baptista Montanus *Consil. 153. fol. m. 369.* Nobilis Hispanus quotidie libram sanguinis per quatuor annos ex venis hæmorrhoidalibus excrevit, optima fruens valetudine, juxta Dominic. Panarol. *Pentec. II. Obs. 46. p. 56.* De menstruo hæmorrhoidum fluxu eoque nimio post mensium defectum in honesta matrona quinquagenaria observationem refert Casparus Kœllichen *Act. Hafn. Vol. I. Obs. 81. p. 165.* Hæmorrhoides fluentes in puello octo fere annorum observavit Michael Bernardus Valentini *M. N. C. Dec. II. An. 4. Obs. 97. p. 190.* Sequentem historiam de hæmorrhoidum fluxu a prima juventute usque ad decrepitam ætatem durante recenset Simon Schultzius *M. N. C. Dec. I. An. 4 & 5. Obs. 69. pag. 57.* Habitat

in horto meo senex quidam, octogenario major, sed robustus & salacissimus ex corbium sirpundorum opificio victum quærens, qui a prima statim juventute ad prædictam ætatem fluxum hæmorrhoidum patitur, & quidem quovis mense cum maximis dorsi doloribus & ventris torminibus ordinarie & uberrime redeuntem. Apud ipsum socer ejus commoratur mendicando vitam sustentans, nonagenario major, cui idem ab ipsa quoque juventute hucusque menstruatim contingit. Hæmorrhoidum fluxu plerosque Austriacorum Archiducum magnatumque menstruatim vacuari, annotavit in Philiatr. Germanor. Itineribus Joachimus Vitus Wigandus *Dissert. I. p. 58.* cujus verum nomen, juxta Georgii Abrah. Mercklin. *de Script. medic. p. 512.* est Johannes Valentinus Willius.

§. 40.

*Hæmorrhagia
cadaverum.*

Post mortem etiam in cadaveribus per varias vias erumpentem sanguinem annotarunt auctores; v. g. secundum Franc Rubei *Exercit. nocturn. Exerc. 33. p. 389.* post mortem piscatoris cujusdam annos triginta sex nati, & ex febre symptomata continua denati, maxima sanguinis putrefacti copia ex ipsius naribus, ore atque auribus erupit, usque ad duas libras & amplius. De sudore sanguineo post mortem durante sequentia refert Christianus Franciscus Paullin. *Obs. med. phys. in M. N. C. Dec. II. An. 6. App. p. 4.* Georgius Donnerwald, rusticus Albaccensis, ad nonam fere horam post mortem cruorem sudavit, sed notante Nobili Mauritio a Lohren, diu is miseram traxerat vitam cachecticam, ut ad leviolem quoque corporis commotionem, sudorem exantlaret rubro colore tinctum & mortuum tandem esse inter sudorem. De Francisco Xaverio narrat Breviarium Romanum, cadaver illius, viva calce per multos menses bis obrutum, sed penitus incorruptum, odore & sanguine manasse. Fluxum mensurum

gum post mortem Slagelosæ in Dania observavit ipse Paulini. Etenim Petri Olai filia, octodecim tunc annorum, ipsis diebus canicularibus, instante mensium fluxu, cum sociabus suis, die quodam dominico ad largum usque sudorem, choreas in horto parentis duxerat. Hinc sanguis calidior acriorque factus, præsertim in puella valde biliosa, impetuosius sequente nocte prorupit. Tentantur, more plebejo, varia, sed sine successu. Tertio demum die, circa quintam vespertinam vocatur D. Cortnummius. Sequor virum: sed circa octavam puellam offendimus extinctam, cujus e pudendis sanguis adhuc largiter fluebat ad binas fere horas, parva interdum mora data. De sanguinis profluxu in brachio, die tertio post mortem, observationem recenset Johannes Georgius Grubelius *M. N. C. Dec. III. An. 1. Obs. 50. p. 65. seq.* Mulier, inquit, triginta trium annorum, macilenta & sanguine adeo abundans, ut aliquando illi vena in pede ultro fuerit disrupta, anno 1689 secunda vice correpta fuit apoplexia fortissima. Huic sine omni motu & sensu jacenti mox venam brachii sinistri secare & ad uncias aliquot sanguinem emittere jussi &c. sed post horas quatuor ultimum exhalavit halitum. Cum vero ipsa sepulturæ esset proxima, tertio die post mortem, sanguinem ex vena secta effudit satis floridum, cum omnium adstantium admiratione & stupore maximo. De ruptione venarum post mortem ita loquitur Ehrenfridus Hagendornius *Histor. med. physic. Cent. III. Hist. 45. pag. 341. seq.* Est etiam in mortuorum sanguine quædam adhuc actio. Non desunt mihi exempla eorum, quibus vel eodem, vel altero a morte die, sanguinis vel per nares, vel per ora, exoneratio obtigit, ob particulas quasdam fermentescibiles, & in orgasmum adhuc pronas. Sic admiratione non caruit ruptio venæ temporalis sinistræ, quam in sene quodam septuaginta quinque annorum, ex

catarrho

catarrho suffocativo intra bihorium defuncto, non sine stupore notavi, quæ per biduum sanguine stillabat, licet strophiole is abstergeretur, tamen eo semper redeunte. Sic in Reverendo quodam viro, ex febre maligna decumbente, & hinc moriente, altero a morte die sanguineæ guttæ hinc inde in vultu videndæ erant. Nobilis viri, Bertholdi a Flerscheym uxori, graviter ægrotanti, quum in scapulis cutem, adhibitis cucurbitulis, inciderent scalpello, nemo sanguinis fluxum ulla arte vel carmine sistere potuit. Altero die mortua etiam cruentavit, donec ad sepulchrum efferretur. vid. Joh. Lang. *Epist. medicin. Lib. I. Ep. 40. p. 175.* Simon Clericus, natione Gallus, sanguineus & robustus, hæmorrhagiæ narium a juventute ita obnoxius fuerat, ut etiamsi sæpius sanguinis ad uncias aliquot, pro vice effluerent, singulis annis aut biennio semel tanto impetu erupit ut difficulter cohiberi posset. Tandem cum ad sanguinis profluvii præcautionem amuleto quodam collo appenso fluxum inhibuisset, apoplexia correptus fuit, ex qua protinus animam Deo reddidit. Post duodecim horas ab obitu, cum cadaver jam sepulturæ tradendum esset, sanguis copiose e naribus & ore emanavit, uti testatur testis ocularis Guilhelmus Fabricius, *Hild. Observ. Chirurg. Cent. III. Obs. II. fol. m. 192. seq.* Et *Observ. 12. f. 193.* refert Johannes Jacobus Crafftius, mulierem quandam Byfantinam, quæ menstrua retenta sæpe per os & nares excreverat, demum apoplexia mortuam, post trigesimam sextam mortis horam per easdem vias magnam sanguinis copiam ejecisse. Item *fol. seq.* meminit adolescentis, qui aquis submersus decimo sexto demum die repertus, merum, & non loturæ carnis similem, per os & nares, omnium cum admiratione excrevit. Vir quidam in ultima ætate beata morte abreptus, quinto demum post mortem die non ita exiguum sanguinis fluidi quantitatem e naribus

naribus excrevit, adeo quidem, ut, qui cadaveri curando ornandoque commodarunt, illius fluxum non nisi difficillime inhibere potuerint, pulveremque sympatheticum inspersum is aliquoties penetrarit, juxta Vit. Riedlin. *Millenar. Obs. 983. p. 697. seq.* De menstruo quarto die post mortem effuso observationem refert Christianus Helwichius *M. N. C. Dec. III. An. 4. Obs. 31. p. 85. seq.* carnosa, inquiens, firmoque corporis habitu prædita matrona catarrho suffocativo bruma sævienti suis eripiebatur. Cum consuetum tributi persolvendi tempus appropinquaret, quarto a morte die menstruum large erumpere cœpit, & per dies aliquot fluxus ille sese non cohibuit. In cæteris partibus omnibus cadaver nullum stillabat cruorem.

§. 41.

Plura adhuc alia tam in vivis quam defunctis observatæ hæmorrhagiæ exempla apud autores reperiuntur, quorum causam vel in sanguinis copia vel acrimonia, effervescentia, stagnatione & visciditate, vel etiam in vasorum atonia, imbecillitate, laxitate & disruptione seu læsione quærendam esse, quilibet judicabit; ex quibus causis non solum magnæ, sed etiam lethales sæpe hæmorrhagiæ oriuntur, uti ex hæcenus recensitis observationibus sufficienter liquet.

CAPUT VI.

De Pericardio.

§. I.

Quamvis ad sanguinis elaborationem & motum seu ^{Cor est san-} circulationem variæ partes & machinæ requirantur, ^{guinis circula-} maxime tamen præcipuum circuli sanguinis organum ^{tionis orga-} ^{num præci-}
Hæmatol. Rr *cor* ^{pum.}

cor esse testantur plerique medici illudque cum ipsi annexis vasis, arteriis scilicet atque venis circulationis causam & officinam nominant, imprimis autem cordi præclaras denominationes attribuunt; siquidem secundum Nathan. Highmor. *Corpor. human. disquisit. anat. Lib. II. Part. 2. cap. 5. fol. m. 144.* Cor sedes regia imperii hujus humani ab illis, qui in microcosmo analogas partes istis in majori mundo invenerunt, soli assimilatur, nec immerito. Est enim *ἀρχὴ τῆς θερμότητος καὶ τῆς ζωῆς*, hoc est, caloris, & quæ ab isto sustinetur, vitæ sedes. In hoc vestalis conservatur ignis; a quo, tanquam a sole radii, circumquaque spiritus & calor irradiantur. Quo refrigerato & extincto occidimus ipsi & extinguimur. Juxta Christian. Warlitzii *Scrutin. Lacrym. cap. 6. p. 107.* Aristoteles, Duncanus Liddelius, & Hieronymus Montaltus cordi animæ thronum adjudicant, cui & theologi communiter assensum præbent, unde vocabulum cor secundum tres ejus literas cameram omnipotentis regis interpretantur Johannes Riolanus *Anthropogr. Lib. II. cap. 12. fol. m. 232.* Cor nobilissimam totius corporis partem, irascibilis animæ sedem, facultatis & spiritus vitalis fontem, caloris nativi focum atque nostri corporis solem appellat. vid. etiam f. 543. item Gothofr. Mœbii *Fundam. Physiolog. Cap. XII. p. 226.* Constant. Varol. *Anat. Lib. II. cap. 1. p. 46.* Bartholomæus Baufnerus *de Consens. Part. Lib. I. cap. 12. pag. m. 93.* Cor vocat fontem principiumque vitæ. Juxta Johann. de Muralt. *Vademec. anat. Exercit. IV. p. 131.* Cor, gratiosi humoris fons & centrum regis instar, partium omnium in circumferentia positarum vitam vitali suo calore tuetur, propriisque sumptibus universi corporis familiam, tanquam munificentissimus princeps alit. Et juxta Jacob de Back *Dissert. de Cord. Sect. I. cap. 1. pag. 58.* a longo jam tempore audivit, Cor non tantum vitæ sed & universi corporis unicum esse princi-

principium, in quo suum anima cœpit domicilium, & e quo tanquam fonte facultates & spiritus vitales scaturiunt. Præterea humidi officina calorisque nativi focus & fomes, nostri corporis sol, cujus influxu omnia viscera calent & recreantur, esse dicitur: adde, hic, ut ajunt, artificiosus Zenonis ignis continetur, hic divinus & cœlestis calor servatur, quem Prometheum e cœlo furatum, ut hominem vita donaret, poetæ fingunt, atque ideo primum movens primusque motor dicitur, primaque & unica, si non conficiendi, saltem perficiendi sanguinis officina. Propter tot dotes tantasque dignitates totius corporis pars nobilissima, quæ digniorem sedem obtinens, tanquam monarcha proclamatur, microcosmici imperii habenas solus administrans.

§. 2.

Latinum vocabulum cor nonnulli a verbo curo deducunt, illi tamen, qui a corde curam esse suspicantur, recte facere videntur Christiano Becmanno *Manuduct. ad latin. Lingu. pag. 377.* sed Friderico Hoffmanno *Cardianastroph. admir. pag. 8.* a currendo nomen videtur sortitum, non solum, quod ab ipso curriculum vitæ nostræ trahamus, & in ipso vivere desinamus, verum etiam ob perpetuum motum; quo minus enim solis macrocosmici motus, nisi totam hujus universi machinam velis dirutam, ne momentum quidem subsistit, sed perpetuus est, usque dum dies universi novissima altissimum domicilium & omnia igne absumserit; eo minus solis microcosmici vitæ cursum moderantis beneficentissimi absque microcosmi intercipitur. Græce cor vocatur καρδιά item κῆρ juxta Steph. Blancard. *Lexic. medic. p. m. 160.* Aliis vero ἡ κῆρ, κῆρς, fors, fatum, morbus, mors fatalis, fatum funestum, calamitas, pestis, explicatur; sed τὸ κῆρ, contractum ex κέρ, cor redditur. vid. Johann. Scapul. *Lexic. Græc. Lat.*

*Cordis deno-
minatio.*

fol. 758. § 784. Cornel. Schrevel. *Lexic. pag. 449.* Benjam. Hederic. *Lexic. manual. p. 1062.* Inquit etiam Jacob de Back *l. a. p. 60.* Cor a græco κῆρ, contracto ex κέαρ, quod a κέω uro derivant: & græcum καρδίαν, quasi κρατείαν a quodam dominio & principatu dictum volunt, cum potius a verbo καρδᾶίνω, quod est moveo, vibro, deducatur. Ibi- dem etiam dictus Backius de cordis denominatione ita pergit: bene vernacula nostra lingua Hardt appellatur, quod durum latinis sonat, quia inter partes molles & carnosas durum est; vel quia (nam harden durare signi- ficat) in actione sua & motu, sine fatigatione perseveran- do durat.

§. 3.

Pericardii
membrana.

Antequam autem ad ipsam cordis descriptionem ac- cedamus considerandus venit ille sacculus seu capsula, cui cor est inclusum atque ab anatomicis pericardium, arcula, capsula, tunica, theca, involucrum membranaceum, ca- sa, cordituum, camera, panniculus & thalamus cordis re- galis vocatur, atque ex membranis consistit; siquidem juxta Georg. Philipp. Nenter. *Physiolog. medic. cap. II. §. 31. p. 27.* est pericardium membrana duplex instar sacculi cor in se continens. Et secundum Christian. Vater. *Physiol. experim. Sect. VII. cap. 5. pag. 462.* Cordis machina non so- lum membrana propria arctissime cohærente cingitur, sed præterea involucro alio membranoso firmissimo, a duplicatura mediastini derivato, includitur, quod peri- cardium dicitur. Hoc tamen laxius quodammodo & non nisi circa basin vasorumque exitum superius cordi cohæret. Philippus Verheyen *Anatom. Tr. III. c. 6. p. m. 245.* pericardium ita describit: Pericardium est membrana cordi fere immediate circumducta, illudque tanquam bursa in- cludens; lamella constat duplici: interna originem habere videtur a tunicis, vasa cordis communia cingentibus; exter-
na

na a mediastino. Ex sententia Joh. Mauritiï Hoffmanni *Ideæ machin. hum. Anat. Physiolog. Sect. XV. p. 129.* Pericardium substantiam obtinet firmam satis densamque, ex geminæ membranæ amplexu efformatam, quarum exterior in superficie sua convexa ex fibris inæqualiter hinc inde prominulis constructa, in concava autem fibris magis albicantibus ac rectis contexta deprehenditur. v. etiam ejusdem *Disp. de Pericard. Sect. I. §. 4. p. 6.* Pericardii membranam exterius e fibrillis laxioribus, interius e tensilibus, in modum lamellæ stratis coagmentari, ac inter utramque plures abscondi glandulas asserit Godofredus Bidloo *Anatom. corp. hum. Tab. 21.* Vel juxta Marcell. Malpigh: interius cooperitur pericardium densa & perpolita membrana, multum differente ab exteriori tunica. Sub hac locantur carneæ fibræ circulares, vel a basi ad conum ductum, vasa sanguinea quoque & nervi. Facta itaque compressione in interiori membranæ superficie, guttulæ minimæ, fere innumeræ a determinatis orificiis profiliunt, judicio non obscuro, pericardium minimis folliculis ditari v. Joh. Guil. Pauli *Annot. in Joh. von Horne Microsc. §. 32. pag. 85.* Inquit etiam Joh. de Muralto *Vademec. Experim. VI. p. 252.* Pericardium cordis involucri est membranofum, quo ab externis injuriis tutelam consequatur. Situm sequitur cordis, & ad basin illius oritur, partim a vasorum tunicis, partim a continui mediastini, ubi vasis transitum præbet, membranis. Dicitur igitur cordi continuum, & contiguum; illud ratione vasorum, hoc respectu motus, quia tantum a corde recedit, quantum motus necessitas requirit. De cordis membranis ita scribit Franciscus Stockhamerus *Microcosmograph. cap. 9. pag. 103.* ambitur cor membrana quadam crassa, superficiei ipsius exteriori laxè aptata, pericardium dicta, quæ exiguam portionem aquæ in spatio, quo a superficie cordis distat,

continet. Involvitur etiam cor una cum pericardio suo intra duplicaturam membranæ cujusdam, quæ mediastinum dicitur & a sternum ad dorsum transversim porrecta, pectoris cavitatem in duas cameras dividit. Johannis Riolani verba de pericardio sic sonant *Enchirid. anat. & patholog. Lib. III. cap. 4. p. 214.* est pericardium capsula cordis, quæ continet humorem aqueum ad humectationem cordis, a quo tantum distat in ejus circuitu separatum, quantum competit ad liberum cordis motum: Si pericardium habet propriam tunicam, saltem habet alienam, firmiter circumjectam a mediastino. Propter arctam utriusque connexionem substantia membranosa non evadit spissior, quam mediastini membrana in aliis locis. Idem Riolanus etiam *Anthropogr. Lib. III. cap. 7. fol. m. 217.* inquit: Pericardium duplici constat tunica, exterior soboles est mediastini, interior producit a tunica vasorum cordis. Nam intra pericardium vasa cordis sine communi tunica destituuntur, quoniam absorpta fuit in conformationem pericardii. Pericardium cum mediastino unam membranam constituebat in cadavere a Thoma Bartholino dissecto, uti *Anatom. renov. Lib. III. cap. 5. p. m. 349.* refert.

§. 4.

Observatio
Rzym. Vieussens.
sens.

Annotante Francisco Vieussens *Nov. Vascor. corp. hum. system. p. 75.* in viri cujusdam pectoris morbo defuncti cadavere, extima seu communis pericardii membrana sat lævis erat, sed lymphatico - nervea vasa, quibus binæ illius membranæ propriæ constabant, succo lymphatico, qui exiguißimas illorum cavitates copiosius subierat, & inibi concreverat, ita turgida erant, ut interior ejus superficies, naturaliter ad sensum lævis & æqualis, glandulis vesiculosis sibi invicem nexis & varie intextis tota interpuncta appareret: imo nonnullæ illarum glandularum ita dilatatæ erant, ut tubulos vesiculosos exhiberent, qui plumulæ

plumulæ columbinæ tubulum crassitie exæquabant & superabant. Communem pericardii membranam ab aliis sibi subiectis separatam, & per unam aut alteram horam aeri sicco expositam, adhibito microscopio inspexit dictus Vieussens, & eam, sicut reliquas corporis membranis, lymphatico-nerveis vasis cineritii coloris efformatam esseprehendit. Postmodum vesiculofas plures glandulas propriarum ipsiusmet pericardii membranarum nonnihil exsiccatas, etiam microscopio intermedio, examinavit, & illarum unaquæque, a crassiore ad minimam usque cineritiis quamplurimis tubulis diversimode implicitis efformata ipsi apparuit, nullo tunc cadente sub sensum vase rubro; quoniam pericardium paucis & exiguis ductibus sanguiferis irrigari solet, quorum sanguis, si aliquid ejus adhuc continerent, utpote aquosior & dilutior factus, rubrum sibi ingentum amiserat colorem, atque insensibilis evaserat.

§. 5.

Habere etiam pericardium vasa sua, venulas scilicet & arteriolas, item vasa lymphatica, testantur autores; verbi gratia secundum Thom. Bartholin. *Anat. Lib. II. cap. 5. p. m. 350.* venas parvas habet infra a phrenicis & supra ab axillari; arterias nullas facile apparentes; forte quia alias cordi vicinum est; habere tamen certum est, quanquam obscuriores. Lymphatici rami huc sparguntur ex trunco ad cor desinente, ut nonnihil lymphæ superflue ad thoracem mittant. Arteriolas pericardii non minus copiosissimas atque mediastini describit Ruyschius, lymphaticorum autem pericardiis cum pleura sive mediastino continuati mentionem facit Cowper, uti allegat Johannes Guil. Pauli *Annot. in Joh. van Horne Microc. p. 85.* Juxta Dan. Sauvry *Anatom. Cap. IV. p. 58.* habet pericardium arterias & nervos a vasis cor intrantibus, aut ex illo exeuntibus prove-

*Pericardii
vasa.*

provenientes. Habet etiam vascula quædam lymphatica in ductu thoracico terminata. Ex sententia Joh. Mauric. Hoffmanni *Id. machin. hum. anat. physiol. Sect. XV. pag. 131.* vasis pericardium dotatum est omnis generis, arteriolas quippe a propinquis mutuatur mediastinis, accedentibus quandoque aliis ab aorta paulo infra pulmonalis productionem enatis, ad sanguinis vivifici succique chylosi nutritii distributionem necessarias. Venas suscipit a phrenicis inferioribus & subclaviis superioribus, ad circularis motus supplementum datas. Selon Ame Bourdon *Nouv. descript. anatom. chap. II. Art. 4. p. m. 156.* le pericarde reçoit ses vaisseaux des axillaires & des phreniques, les nerfs recurrens & les diaphragmatiques luy donnent quelques-unes de leurs branches. Il a des lymphatiques, qui vont se rendre au canal thorachiques. Juxta Andreae Laurentii *Histor. anat. Lib. IX. cap. 9. fol. 347.* habet pericardium venas communes a phrenicis, & peculiarem a ramo subclavio, quam capsularem vocant. Adeo exiguæ sunt pericardii arteriæ, ut vix sub conspectum cadant, ab arteriis phrenicis ortum ducunt. Venam habet peculiarem, capsularam denominatam, quæ sanguinem ad axillares refert. Quasdam etiam lymphaticas habet, quæ in canalem thoracicum conveniunt, uti scribit Petrus Dionis *Anatom. demonstr. V. p. m. 262. seq.*

§. 6.

*Pericardii
connexio cum
diaphragmate.*

De pericardii cum diaphragmate connexione scribit Andreas Vesalius *de Corpor. hum. Fabric. Lib. VI. cap. 8. fol. 452.* Involucris cordis mucro & dextri ipsius lateris egregia portio septi transversî nerveo circulo validissime amploque admodum spatio connascitur, quod hominibus est peculiare. Simiis quippe & canibus & porcis involucrum a septo multum distat. Hanc tamen pericardii cum diaphragmatis centro nerveo adhæSIONem etiam in
bobus

bobus se observasse, ait Johannes Riolanus *Anthropogr. Lib. III. c. 7. fol. 218.* quo loco hujus colligationis pericardii & diaphragmatis rationem in dilatatione pericardii quærit, ut nimirum amplius spatium relinquatur cordi ad se dilatandum. Et Johannes Fridericus Ortlob *Histor. Part. Dissert. IX. §. 4. pag. 66.* ita scribit: habet pericardium hoc peculiare in homine, uti nuper quoque avtopsia confirmavit, quod parti diaphragmatis tendineæ a mucrone basin versus, palmam fere, firmissime adhærescat, dum in brutis interveniente demum mediastino eidem connectitur, quod quare fiat, sequente dissertatione dicetur. De capsula cordis tam arcte diaphragmati adnata, ut integer circulus albus nerveus divelli debuerit, vid. Theoph. Bonet. *Sepulchr. L. III. Sect. 21. Observ. 3. §. 6. Schol. fol. 1042.* Secundum Joan. Munnicks *Anat. nov. §. 39. pag. 97.* pericardium, parte inferiore, centro nerveo diaphragmatis valide adhæret in homine: in brutorum namque animantium anatome contrarium id observatur. *Dissert. X. §. 14. de respirat. p. 78.* inquit: quando diaphragma deorsum movetur, etiam pericardium trahit, & simul juvat, ut, qui contrahebantur cordis parietes; nunc iterum ad elongationem ab eodem expanso constringantur. Quæ tamen sententia nullam veri speciem habet, uti statuit Johannes Gothofredus Bergerus *Physiolog. med. Lib. I. cap. 4. pag. 35.* Sic Daniel Sauvry *Anatom. Cap. IV. p. 62.* hanc reddit rationem: Observandum est, in homine pericardium diaphragmati esse annexum in quadrupedibus vero phænomemon hoc non occurrere. Erat autem in homine opus ejusmodi connexionem, ne scilicet diaphragma nimium a pondere viscerum ibi suspensorum deorsum traheretur, utque eo facilius in pectus ascenderet: econtra quadrupeda illa opus non habent; quoniam in illis talis obtinet situs partium, ut viscera abdominis diaphragma potius

in pectus pellant, quam ab inde retrahant. Secundum verba Stephani Blancardi *Anatom. Part. I. cap. 2. p. 7.* homo præ cæteris animalibus hoc peculiare habet, quod ejus pericardium septi transversi medio semper accrescat, cum idem in quadrupedum genere liberum & aliquanto spatio ab ipso remotum sit. Diversitatis ratio non in eo posita videtur, quod diaphragma hominum pariter ac cæterorum animalium contrahi (juxta Rich. Lower. expandi) non debeat, cum par utrisque respirationis usus & necessitas id exigat; sed cum erectus sit hominis incessus atque figura, eoque facilius abdominis viscera suo pondere descendant, minore propterea diaphragmatis nisu atque systole ad inspirationem opus est. Porro cum in expiratione pariter necessarium sit, idem diaphragma relaxari & tensionem suam remittere, cum capsula cordis omnino connectendum fuit in homine, ne id forte, quamdiu rectus incedit homo, ab hepatis aliorumque viscerum appensorum pondere deorsum adeo deprimeretur, ut neque pulmo satis concidere, neque exspiratio debito modo peragi posset. Quocirca in quadrupedibus, ubi abdominis viscera in ipsum diaphragma incumbunt, ipsumque in pectoris cavitatem suo pondere impellunt, ista partium accretio expirationi quidem inutilis, inspirationi autem debitam diaphragmatis tensionem impediendo, prorsus incommoda fuisset. Ideoque pericardium in brutis a diaphragmate liberum relinquitur, ne diaphragmatis systole officiat, in homine autem septo alligatur, ut ejusdem inter expirandum diastolen adjuvet. Omnia hæc Blancardi verbae Richard. Lower. *Tr. de Cord. cap. 1. p. m. 8. seq.* desumpta sunt. Ipse autem Lowerus *l. a. pag. 9.* ita pergit: Verum si quæratur, quid sit, quod hujusmodi connexionem in humano pectore efficiat: ego causam, (si conjecturæ locus sit) certe aliam non video, quam quod

quod infans in materno utero conclusus, postremis gestationis mensibus capite deorsum ad matricem demisso, (quo partui magis opportunus fiat) plerumque jaceat; unde fit, ut viscera infimi ventris toto pondere suo diaphragmati otioso adhuc & ab omni motu ferianti incumbentia ipsum cordi propius admoveant & contiguum eousque detineant, donec sensim agglutinetur, & tam arcte tandem accrescat, ut liberare se non possit, aut iterum recedere. De hac connexione inquit Philippus Verheyen *Anatom. Tract. III. cap. 6. pag. 245.* Pericardium inferius connectitur centro seu parti tendinosæ diaphragmatis, at in solo homine; in brutis quippe conus pericardii maxime liber est: unde videtur hæc connexio juvare ascensum ejusdem centri, qui in homine propter habitum erectum alioquin foret difficilior. Exterius adnascitur mediastino; superius venis & arteriis cordis communibus, pro quorum transitu diversis locis perforatum est. De hac annexione vid. etiam Joh. Riolan. *Anthrop. Lib. III. c. 7. f. 218.*

§. 7.

De his pericardii foraminibus scribit Daniel Sauvry *Anat. ration. cap. IV. p. 58.* Cordis capsula est membrancea, a duplicatura mediastini oriunda & quinque in locis perforata, in duobus quidem pro vena cava, primo ascendente, dein descendente: reliquarum vero trium aperturarum una aortæ, duæ vero binis vasis pulmonaribus viam concedunt. Secundum Nathan. Highmor. *Disquisit. corp. hum. Lib. II. Part. I. cap. 6. fol. 127.* Membrana hæc continua est, nisi in basi, ubi a duplici cavæ exortu ab arteria pulmonaria in parte dextra, & in sinistra ab aorta & vena pulmonaria perforatur: Vel juxta Petr. Dionis *Anatom. Demonstr. V. pag. 262.* Pericardium quinque locis

Pericardii
foramina.

est perforatum, ut transitum præbeat vasis, quæ cor subingrediuntur, & ex eo egrediuntur: vid. etiam Thom. Bartholin. *Anatom. Lib. II. cap. 5. p. 349.*

§. 8.

Alia foraminula.

In pericardii etiam superficie interiori minima observari foraminula, annotarunt recentiores autores, siquidem Johannes Conradus Peyerus *Method. Histor. anat. medic. cap. 6. p. m. 90.* refert, crebra experientia sibi innotuisse, pericardii superficiem internam ad instar foliorum hyperici vulgaris innumeris foraminibus seu poris perviam esse, sed tunc demum conspicuis, quando supposito forinsecus digito pressa minutis aquæ guttulis sudant. Hæc foraminula, a Peyero annotata, sæpius etiam philiatris suis hucusque se demonstrasse ait Johannes Mauricius Hoffmannus *Id. Machin. hum. anat. physiol. Sect. XV. §. 1. p. 129.* vid. etiam Godofr. Klaunig. *Nosocom. Charit. Hist. 18. p. 70.* Post aperturam thoracis chirurgi cujusdam phthisi extincti pericardium variis in locis perforatum invenit Andreas Ernius *v. M. N. C. Dec. II. An. 4. Obs. 35. pag. 90. seq.* Et Georgius Fridericus Francus pericardium ex bove recens mactato exsectum microscopio subjecit, tuncque tunicæ exterioris superficiem externam ex fibris inæqualiter hinc inde prominulis constructam, internam autem fibris magis albicantibus & rectis intertextam deprehendit: interiori porro sive secundam tunicam, qua parte cor respicit, levem admodum, & facta cum digito subiecto pressione perplurima minuta foraminula lympham fundentem vidit, uti in *Disputatione de Pericardio Altdorfii sub Præsidio Joh. Mauric. Hoffmanni 1690. habita Sect. I. §. 4. pag. 7.* recenset. Porro tunica exteriori ab interiori divulsa, inter utramque tam in bovino, quam vitulino pericardio sese ipsi jucundo admodum spectaculo obtulerunt aspredines glandulosæ & corpuscula glandu-

glandulosa sphærica hinc inde emergentia, qualia etiam ex Marcello Malpighio & Joh. Gothofr. Bergero adducit. In puello sex annos nato pericardium diversis in locis a vermibus fuit perforatum. v. Nic. Blegn. *Zodiac. Medic. Gallic. An. III. Januar. Obs. 4. p. 7.*

§. 9.

In hoc cordis involucro neque interne, neque externe pinguedinem deprehendi, statuit Andreas Vesalius de *Corpor. human. Fabric. Lib. VI. cap. 8. fol. m. 452.* Cavitas, inquiens, pericardii lævis omnino est, tenui quodam humore oblita, ac adipe penitus destituta. Exterior quoque involucri hujus superficies adipe vacat. Quanquam secus arbitratus sit Aristoteles, cordis involucrum pingue esse asserens. vid. etiam Joh. Riolan. *l. a. f. 218.* secundum Thom. Bartholin. *Anatom. Lib. II. cap. 5. p. m. 350.* externa pericardii superficies est fibrosa, interna lubrica, & utraque sine pinguedine, nisi raro, quod in præpingui vidit Lindanus. Bina tamen ejusmodi exempla in duobus maxime differentibus subjectis mihi ipsi observare contigit, alterum quidem in juvene quodam, venationi adducto, nomine Stolle, triginta circiter annorum, homine robusto, pingui & quadrato, in cujus subitanea morte defuncti cadavere sub cute ingens pinguedinis quantitas apparebat; & aperto thorace pericardium hinc inde pinguedine quasi obtectum deprehendebatur. Econtra vero alterum exemplum præbet, persona externe summe macilenta, sartoris scilicet famulus, vel ita dictus Lohnjunge, novendecim annorum, cui nomen Gottfried Lehmann, hujus cutis per totum corpus, nulla fere apparente pinguedine, partibus musculosis agglutinata quasi erat, cum tamen post thoracis, (cujus tota cavitas flavo sero repleta erat) aperturam atque sterni sublationem totum pectus tantæ flavæ pinguedinis copia investitum es-

Pinguedo.

Observatio.

set, ut non tantum pulmones, maxime expansos, tam in parte superiore, quam inferiore obvolveret, cosque versus spinam dorsi costis annecteret, sed etiam totum pericardium, cujus situs cum corde erat transversus, item costas & diaphragma, quasi membrana ad crassitiem calami scriptorii obtegeret.

§. 10.

*Pericardium
crassum.*

Interdum deprehenditur pericardium nimis crassum, v. g. militis cujusdam, nomine Schmid, pericardium solito fuit crassius, & inter communem ac propriam suam tunicam antrorsum magis gelatina succinei coloris suffusum, juxta *Act. medic. Berolinens. Vol. VI. p. 100.* Secundum Gerardi Blasii *Comment. ad Joh. Vesling. Syntagm. anat. Cap. X. p. 137.* hæc membrana est admodum crassa, dura, densa, solida & compacta, adeo ut ad singulos cultri anatomici ictus strepitum edat. Densum pericardium etiam in crocodilo observavit Olaus Borrichius. vid. Gerard. Blas. *Anatom. Animal. Part. III. cap. 14. p. m. 275.* Meminit Johannes Conradus Peyerus *Method. Hist. anat. medic. Cap. 6. pag. 87.* se notasse in adolescente phthifico & hydropico, nomine Nicolao Stohler, cui pericardium triplo, imo quadruplo crassius erat, quam pro naturæ norma. Pericardii ad crassitiem semidigiti incrassati, ex Marcello Malpighio meminit Johannes Guil. Pauli *Annot. in Joh. van Herne Microc. §. 32. p. 85.* Pericardium duplo quam alias naturaliter esse solet crassius, corio ideo assimilandum, ex Theoph. Bonet. *Sepulchr. Lib. II. Sect. I. Obs. 73.* allegat, Joh. Maur. Hoffmann. *Patholog. Specim. XII. pag. 165.* In Cæmentario viginti & aliquot annorum pericardium crassum & diaphragmati ubique fere adhærens, intus hispidum & velut holoserico obductum observavit Johannes Jacobus Harderus. vid. *M. N. C. Dec. II. An. 10. Obs. 92. p. 157.* Pericardium duplo quam alias crassius

crassius, ut corium potius, quam tunicam repræsentaret, vid. in Th. Bonet. *Sepulchr. Lib. II. Sect. I. Obs. 73. f. 414.* qui tamen locus meæ editioni non respondet.

§. II.

Pericardium quasi carnosum, cui pinguedo instar *Carnosum* granulorum adhæsit, in Ianionis cujusdam filiolo sex annorum observavit Salomon Reifelius *v. M. N. C. Dec. II. An. 7. Obs. 12. p. 22.* Pericardium valde crassum penitusque carnosum, extrinsecus diaphragmati & pulmonibus infueto nexu ubique adnatum in Nicolao Schweigero observavit Johannes Conradus Peyerus *l. a. p. 84.* membrana hæc est admodum crassa, dura, densa, solida & compacta, adeo ut ad singulos cultri anatomici ictus strepitum edat. Firmitudo hæc contra præsens periculum est, in quod, si laxa hæc cordis capsa esset, cito inciderent, qui sublatis ad cælum pedibus, vel capite diu frequenter stare, vel manibus ambulare pro ludo habent, utrumque nostratibus pueris ad emendicandum stipem publicis in viis valde familiare; periculum autem mors est subita ex conversione cordis vasorumque ejus contorsione interceptioneque influxus sanguinis in cor & membra. vid. Ger. Blas. *Comment. in Joh. Vesling. Syntagm. anat. Cap. X. p. 137.* Pericardii substantia in cadavere Klerckiano potius carnosâ, quam membranosa fuit, & sextuplo naturali crassior firmiterque cordi adnata, ita ut digitis ab ipso sine dilaceratione separari non potuerit. vid. *Histor. morb. Vratislav. An. 1706. Observ. de Hydrop. Pector. Cap. I. §. 17. p. 15.*

§. 12.

Cum alias membrana pericardii superficiem interio- *Rugosam* rem mollem lubricamque, in muliere, circiter quinquaginta annos nata, cujus cor in exteriori superficie hirsutum

tum atque villosum erat, eandem membranam, rugosam asperamque se invenisse scribit Adamus Brendelius *Observ. med. Dec. II. Obs. 1. p. 7. seq.*

§. 13.

Cartilaginosum.

In Regina Maria Medicæ cor prægrande in latus dextrum inclinatum, firmiter affixum costis, interventu pericardii dextra parte cartilaginosa se vidisse ait Johannes Riolanus *Anthropogr. Lib. III. cap. 12. f. 234.* De pericardio cartilagineo in Lamperta ex Johanne Hier. Brunzero ita scribit Gerardus Blasius *Anatom. Animal. Part. III. cap. 19. p. m. 279.* sub fundo pulmonum in infimo thorace situm est cor, maxime rubicundum, in capsula quadam, quæ crassior membrana, seu potius cartilago est, cor involvit.

§. 14.

Pericardii figura.

De pericardii figura & amplitudine hæc habet Johannes Mauricius Hoffmannus *Id. Machin. hum. anat. physiol. Sect. XV. §. 2. pag. 136.* Figura pericardium visceri, quod ambit, nobilissimo respondet, illam vero utrum turbinatam conicam, an pyramidalem appellare quis malit, per me licet; a parte namque sua superiori latiori in inferiorem arctiorem paulatim descendit, interea tamen naturaliter tantum distat a corde, intermedio relicto spatio a connexionione libero, quantum perpetui istius mobilis opportunitas & humoris contenti necessitas postulabat. Juxta Andreæ Laurentii *Histor. anat. corp. hum. Lib. IX. cap. 7. fol. 347.* pericardii figura turbinata est, sicut & cordis; ex basi enim latiore in mucronem acutum sensim definit; Immediate cordi non adhærescit, sed tantum ab eo distat, quantum ejus motus postulabat. Ejus effigiem pineæ nucis formæ quam simillimam esse dicit Andreas Vesalius *Anat. Lib. VI. cap. 8. fol. m. 451.* quemadmodum enim ex orbiculari & non penitus depressa basi pinea nux in obtusum neque impense prominentem conum mucronemve definit,

definit, omnique ex parte orbicularis quodammodo secundum latitudinem visitur, sic quoque & cordis involucrum orbicularem basin & obtusum mucronem obtinet, pineamque nucem proxime refert. Valverda etiam pericardium cum nuce pinea, si tantum fingatur anterieus & posterius esse compressum, comparari optime posse scribit. Et Piccolhomineus ipsi pyramidalem figuram adscribit, eandem enim cum corde figuram, pyramidis scilicet speciem refert, uti Gerardus Blasius *Comment. in Joh. Vesling. Syntagm. anat. Cap. X. p.m. 137.* recenset. vid. etiam Felic. Plater. *Theatr. anat. Lib. II. cap. 16. p. m. 202.* Juxta Gabriel. Fallop. *Instit. anat. Oper. fol. m. 445.* involucrum cordis figuram obtinet pyramidalem, nucique pineæ apte admodum ab aliquibus assimilata fuit. Caspari Hoffmanno figura conica arridet, qualis ipsius etiam cordis est. v. Joh. Mauric. Hoffmann. *Disp. de Pericard. Sect. I. §. 6. p. 8.* Et secundum Ame Bourdon *de la Description anatomique Chap. II. Art. 4. p.m. 155.* le pericarde est de figure conique, & ressemble a une bourse.

§. 15.

Plura de pericardii definitione, figura, amplitudine, origine, situ & connexione &c. vid. in anatomicis hætenus allegatis & aliis autoribus v. g. Joh. von Horne *Microcosm. §. 32. pag. m. 84.* Georg. Frid. Franci *Disput. de Pericard. sub præsid. Joh. Mauric. Hoffmann. Sect. I. pag. 5. seqq.* Joh. Riolan. *Enchirid. anat. pathol. Lib. III. c. 4. p. 214.* *Anthropogr. Lib. III. cap. 7. fol. 217. seq.* Isbr. de Diemerbr. *Anat. Lib. II. cap. 5. fol. m. 160.* Thom. Barthol. *Anat. Lib. II. cap. 5. pag. 349.* Joan Munnicks *Anat. §. 38. pag. 96. seq.* Petri Dionis *Anat. Demonst. V. p. m. 262.*

Variâ

§. 16.

Pericardii de-
fectus an de-
tur?

Utrum vero pericardium in homine ordinarie repe-
riatur, ullumque usum præstet, nonnulli dubitasse viden-
tur, siquidem Daniel Sauvry *Anatom. nov. Part. I. cap. 4. pag. m. 58.* inquit, se non posse assequi, cur nonnulli, de cetero cauti & prudentes anatomici asserere audeant, pericardium nullum habere usum, illudque instar exempli partis nullam actionem habentis allegent; cum omnino nihil aliud dicere valeant, quam usum ejusdem esse ignotum. Atque quando in cane, forte ab ipsis dissecto pericardium defuisse ajunt, non adeo mihi quidem id credibile videtur, atque longe est verosimilius, id aut ruptum ab ipsis fuisse, aut cordi intimius adnatum, & agglutinatum, qualiter in homine ipso interdum inventum est: Sic pericardium brevius undiquaque superficiei cordis adhærens omnique penitus lymphâ exinanitum communicat Jo. Maria Lancisius *de mortib. subitan. Lib. II. p. 219.* Mulieris cujusdam melancholicæ, & ad motum quemlibet anhelæ, cum pulsu parvo & semper intermittente, mortuæ cor pericardio undique adnatum inventum fuisse refert Theophilus Bonetus *Sepulchret. Lib. II. Sect. IX. Obs. 15. fol. 676.* De ascite ex pericardii cum corde coalitu in adolescente Basiliensi Nicolao Sweigero historiam recenset Johannes Conradus Peyerus *Method. Histor. anat. medic. Cap. VI. p. 81. seq.* Et *p. 84.* inquit: Pericardium valde crassum penitusque carnosum apparuit, extrinsecus diaphragmati & pulmonibus insueto nexu ubique adnatum: intrinsecus autem superficiei cordis præterea adeo arcte undique adaptatum adglutinatumve, ut multo demum negotio inde avelli separarique potuerit. Et *p. 86. sq.* refert idem, Wepfferum duos secuisse juvenes, quorum utrique pericardium arctissime cordi accreverit, multo fero in pectore & cavo abdominis stagnante. Scribit etiam

Realdus

Realdus Columbus *de Re anatom. Lib. XV. p. 489.* se in Romana academia discipulum mortuum secuisse, cui pericardium defuerit, itaque subinde in syncopen inciderit. De hac vero observatione judicat Thomas Bartholinus *Anat. Lib. II. cap. 5. pag. 349.* forsan pericardium cordi arcte fuisse connexum, quod ipsi in agnello & in homine Francisco Sylvio, visum fuerit. In hydropica femina cor pericardio plane denudatum fuit, juxta ejusdem Bartholini *Hist. anat. Cent. IV. Hist. 20. p. 266.* cujus tamen fides Johanni Conrado Peyero pariter suspecta est, qui *Method. Hist. l. a. pag. 92.* inquit: opinari fas est, pericardium aut pulmonibus, aut ipsi cordi potius ita tunc adnatum præter naturam hæsisse, ut distinctum videri non potuerit: nam & in nostri adolescentis cadavere cor primo intuitu expers involucris putabatur, quod postmodum diligentior inquisitio detexit. Cor suo pericardio undique firmiter adnatum vide *Act. Med. Berolin. Vol. II. p. 106.* Item pericardium cordi contiguum plane & quasi annatum invenit Balduinus Ronssseus *Epist. medicin. 48. pag. 184. seq.* Cor magnum & amplum, sed sine pericardio, ullove vel minimo ejusdem vestigio, in Johannis Arminii, pharmacopolæ ministri, post vehementem cordis palpitationem defuncti cadavere fuit inventum, vid. Nicol. Tulpium *Observ. medic. Lib. II. cap. 25. p. m. 141-143.* Sylvianæ observationis pericardii ubique firmissime cordi adhærentis meminit etiam Thomas Bartholinus *Epist. medic. Cent. III. Ep. 94. pag. 406.* & ibidem *Epist. 93. p. 401.* Olaus Borrichius ait, in Nosocomio Lugdun. secante Sylvio pericardium ubique firmissime cordi adhærens, sine ulla aquæ pericardii guttula fuisse inventum. In tabido pericardium cordi contiguum plane, atque ita contiguum, ut annatum diceret, exhausto omni illo humore, qui inter cor & membranam hanc medius continetur, se invenisse refert Balduinus Ronssseus *Epist. 48. pag. m. 185.*

§. 17.

*In brutis.**In vacca.*

Non solum autem in homine sed in brutis etiam quandoque nullum vel cum corde coalitum, deprehendi pericardium legitur; quale exemplum de vacca refert Johannes Conradus Peyerus *l. a. p. 91.* scilicet Josepho du Verney & sibi in vacca, cujus cordi sartoria acus unciam cum semisse longa infixata erat, pericardium undique cum corde intimo nexu coalitum invenire licuisse; quod a sanguine & succo nutritio e compuncti cordis & pericardii vulnere stillante factum fuisse evidentissimum Peyerus arbitratur. In variis etiam animalibus nullum reperiri pericardium statuunt quidam anatomici, quibus tamen alii contradicunt. In echino scilicet terrestri pericardium deesse ait Thomas Bartholinus *Anatom. Lib. II. cap. 5. p. 349.* & Joh. Conradus Peyerus *l. a.* inquit, alios ante ipsum etiam notasse, erinaceo terrestri pericardium non esse; Idem confirmat etiam Gerardus Blasius *Observat. anat. p. 76.* inquit: in echino pericardium nullum, sed separato mediastino libere cor se offerebat omni integumento destitutum. De Glire ita scribit Daniel Sauvry *Anatom. nov. Part. I. cap. 4. p. 59.* solo glire excepto nullum animal hucusque visum est, in quo pericardium defuerit. Eundem pericardii defectum in aliis etiam animalibus v. g. in talpis, histricibus, anguillis &c. observari nonnulli statuunt anatomici, a quibus tamen alii dissentiunt; Inquit enim Stephanus Blancardus *Anatom. reform. Cap. II. pag. 8.* histricibus, talpis, aliisque quibusdam nullum esse cordis sacculum anatomici affirmant, sed membrana, cordis peripheriam cingens eo crassior erat; nam hujusmodi membranae tendinum officio funguntur, motibusque efficiendis auxilio sunt. Simiorum autem ac histricum generi inter mediastini duplicaturam a sternum circum cor tale spatium relinquitur, ut id loco pericardii facile inserviat: sed

sed in talpis tale mediastinum seu septum non habetur. Si glires domestici cultro anatomico subjiciantur, adeo tenue pericardium inveniemus, ut oculos aliquando fugiat: Idem ardeis accidit: in anguim genere e contra crassissimum existit, &c. In anguillis pericardium apici cordis intercedentibus fibris semper laxè devinciri aliquoties se observasse ait Johannes Conradus Peyerus *l. a. p. 92.* quo loco ita pergit: Rajæ marino pisci negat pericardium esse Nicolaus Stenonis de ejus anatome in epistola ad Pisonem, sed in qua solum cor hospitatur succincta pectoris cavitas liquore madens alterius involucris defectum usque adeo supplere mihi videtur, ut alterius pericardii formatione luxuriei potius quam necessitati consulisset natura. Cæterum, quod de anguilla modo asseruimus, in raja etiam notare est, cordis conum & latera non omni prorsus nexu libera existere.

§. 18.

Licet proinde ex his & similibus exemplis scripserint *Pericardium* quidam autores, quod pericardium necessarium non sit, *an necessarium sit?* eoque cor carere, atque homo sine eo vivere possit, vid. etiam Georg. Franci de Franckenau *Satyr. medic. VII. p. 101.* minime tamen talia exempla juxta Petri Dionis *Anatom. Corp. hum. Demonstr. V. pag. 263.* sufficiunt, ut nos ad partem illam tanquam inutilem reputandam adigant; cum præterea, quæ in natura sunt de raro contingentibus, regulam non faciant; Quapropter concludere debemus, quandoquidem in omnibus hominibus usitate reperitur, id cordi necessarium esse. Hanc vero partem suam quoque, instar aliarum, usum habere, secundum Daniel. Tauvry *Anatom. Part. I. cap. 4. p. 59.* demonstrative vel ex eo probatur, quod in omnibus fere animalium, quotquot hucusque cultro anatomico subjicere licuit, speciebus reperiatur. Inquit etiam Richardus Lower *Tr. de*

Cord. Cap. I. p. 4. Pericardium cordi subsidium tam necessarium præstat, ut in avibus minoribus, serpentibus, ranis & in omnibus præterea vel minimis animalculis, quæ hætenus disseccare licuit, nunquam desideretur. Homini præsertim ad bene valendum necessariam esse cordis capsulam, defendit Johannes Conradus Peyerus *l. c.*

§. 19.

*Pericardii
usus.*

Usum autem pericardii plerique anatomico-physiologici duplicem statuunt, alterum ut cor ab externis injuriis tutelam habeat, alterum ut in cordis commodum certum liquorem contineat. Secundum Thom. Bartholin. *Anatom. Lib. II. cap. 5. p. 350.* primus pericardii usus est, cordis esse domicilium firmum, ne illud in motu duriores partes tangat; secundus, ut in eo contineatur humor serosus vel aqueus. Juxta Johann. Friderici Ortlob *Histor. Part. Dissert. IX. §. 4. p. 66.* Exterius cor quasi in theca conditur membranea aut sacculo inclusum videtur, quem pericardium dicunt. Id equidem ne hinc & illinc labatur, sed motum potius constantem edat; Cor firmat, laxius tamen eidem adhæret, & nonnisi circa basin & vasa continuum est. vid. etiam Isbrand. de Diemerbr. *Anatom. Lib. II. Cap. 6. f. 260.* Sic Bartholomæus Baufnerus *de Consens. Part. Lib. II. cap. 6. p. 134.* inquit: Pericardium cordi consentire dicitur propterea, quod non tantum involucri ac domicilium ipsi sit, verum etiam, quod figuram ejus perfecte æmuletur, & ita exæquet, ut ea haud obstante justum intervallum dilatandi & contringendi detur. Insuper vaporibus ab humoribus cordis foras pulsus excipiendis est, ut iisdem cor ex perpetuo motu æstuans madefaciat motumque faciliorem reddat. Usum pericardii hunc esse statuit Johannes Mauricius Hoffmannus *Ideæ machin. hum. anat. physiol. Sect. XV. §. 5. p. 132.* scilicet ut cor cum mediastino in loco suo firmet, ne cum
pressione

pressione noxia & appulsu ad partes vicinas ultra modum recedat, quoties vel proni vel supini jacemus, aut ad alterum latus devolvimur; tum & præcipue aquæ vel liquori contento, utiles cordi suppetias ferenti, conceptaculum sive alveum præbeat. Inquit etiam Daniel Sauvry *Anat. Part. I. cap. 4. p. 59.* Scriptores negare non poterunt, pericardium cora corruptionibus, quæ in pectore oriri possent, defendere: nec etiam inficias ire queant, aquam illo includi, superficiem cordis exteriorem humectantem, quæ, deficiente tali humido, per indefinentes ac violentas motiones, quas peragit, facile exsiccare posse. De usu pericardii, ait Richardus Lower *l. a.* optima fit conjectura ex liquore, quem continet; præterquam enim quod cordis parenchyma involucro isto munitum, nec corrumpitur ab empyemate, nec pulmonibus adnascitur, & cæteris adjacentium partium injuriis minus exponitur; præterea in vacuo inter cor & membranam ambitu serum quoddam, seu aqua tenuis, semper reperitur, qua externa cordis superficies continuo humectatur, quæ alioqui ex perenni agitatione & calore inarescere & corrugari, adeoque ad motum inepta reddi poterit. Juxta verba Constantii Varolii *Anatom. Lib. II. cap. 1. pag. m. 52.* ut cordis motus libere fierent, constructum est illi domicilium amplum & membranofum (pericardium vocant) ligamentis validis in sua sede contentum, prohibens, ne quidpiam cor premat motumque illius impediat. Sic etiam Petrus Dionis *Anatom. demonstr. V. p. 263.* inquit: Pericardii duplex est usus, alter ut cordis sit involucrium, ne vicinas partes tangat, nec ab iis ullum patiatur incommodum; alter vero ut liquorem contineat; qui cor in motibus ejus continuis humectet atque refrigeret; quique eadem opera impedit, ne exsicceatur. Pericardium tunicæ usum non præstare cordi, quia disjunctum ab eo: domicilium

micilium cordis potius, vel securum vallum cordi circumjectum appellatur, quam tunica, uti ex Galeno notat Johannes Riolanus *Anthropogr. Lib. III. cap. 7. fol. 218.*

§. 20.

Ad respiratio-
nem.

Præter duplicem hunc pericardii usum illi adhuc alium & quidem ratione respirationis attribuit Johannes Fridericus Ortlob *Hist. Part. Dissert. X. §. 14. pag. 78.* in-
quiens, singularis illa in homine pericardii cum diaphragmate connexio (de qua paulo ante §. 6. egimus) in respiratione multum confert, quatenus scilicet intumescencia ventriculorum in systole cordis pericardium ad superiora, & sic diaphragma quoque retrahit. Opus hoc erat in homine, erecto corpore incedente, neque de robore sufficiente ad hunc effectum in corde dubitabit, qui ex Borello de vi maxima musculi cordis eruditur. Imo quando diaphragma deorsum movetur, etiam pericardium trahit, & simul juvat, ut, qui contrahebantur cordis parietes, nunc iterum ad elongationem ab eodem expanso constringantur.

§. 21.

Usus exter-
nus ad crumenas.

Non solum autem pro usu ipsius subjecti seu hominis inservit pericardium, sed interdum etiam rustici, qui ipsius firmitudinem norunt, ex pericardiis animantium sibi crumenas faciunt, in quas argentum suum & aurum deponunt, vid. Gerard. Blasii *Comment. in Job. Vesling. Syntagm. anat. Cap. X. p. 137.*

§. 22.

Pericardium
nimis distentum.

Interdum pericardium a quodam liquore nimis distenditur, referente enim Olao Borrichio in Centurionis hydrope enecti sectione, quod stupori proximum, pericardium ita reperiiebatur ampliatus distentumque ut tres libras (& quod superat) acris turbidique liquoris sinu suo complecteretur; vid. Thom. Bartholini *Act. Hafniens. An.*

1671. § 1672. *Obs. 89. p. 184.* Pericardium sanguine coagulato prorsus repletum ac distentum post vulnus annotavit Isbrandus de Diemberbroc. *Anatom. Lib. II. cap. 6. p. m. 267.* De pericardio ad capitis fere magnitudinem extenso, & instar vesicæ vento inflatæ turgido vide *Act. physic. medic. Volum. II. Obs. 7. p. 17. seq.* Si pericardium sat nimis fero distentum plurimo, inde assiduam palpitationem & præfocationem inferat, nullis remediis vacuantibus, tam per venæsectionem, quam per purgationes usurpatis curabilem, sic suadet Johannes Riolanus *Anthropogr. Lib. III. cap. 7. pag. 219.* quidni ad locum adhæSIONis pericardii sterni pyroticum escharoticum apprimetur, atque tenuissima terebra sensim pertundetur, ut inclinato & prono corpore illius aquæ stagnantis portio exhauriatur, quæ certum exitium ægrotanti minatur & intentat? Situs pericardii ex anatome facilitatem & securitatem hujus remedii demonstrat. Cordis & pericardii, post arteriæ aortæ rupturam, sanguine repleti mentionem facit Christianus Warlizius *de morb. biblic. cap. 9. p. 302.* vid. etiam Georg. Hier. Velsch. *Obs. med. Episagm. 35. p. 22.*

§. 23.

Varia in pericardio præter naturam quandoque reperiuntur v. g. vermes, de quibus inquit Richardus Lower *Tract. de Corde Cap. II. §. 4. p. 107.* sæpenumero vermes intra capsulam hanc geniti, arrosione sua magnas magnas cordi aliquando molestias faciunt, atque cordis tremore, anxietate, pulsu sæpe intermittente, dolore pungente, & syncope se produnt: quam symptomatum atque animalium catervam cataplasmate e foliis cinaræ, tanaceti, & absinthii vulgaris, aceto vini albi acerrimo incoctis & cum paucis mithridatis mixtis, regioni cordis bis applicato penitus dissipatam vidi. Vermes aliquando in pericardio genitos fuisse ait etiam Nathanael Highmorus

Hæmatol.

U u

Anat.

In pericardio
varia.

Vermes.

Anat. Lib. II. Part. I. cap. 6. fol. 128. Vermes cor erodentes intra pericardium gigni certum est & scordio enecari scribit Johannes Riolanus *Enchirid. anat. pathol. Lib. III. cap. 4. p. 219.* In palatio magni Hetruriæ Ducis civis Florentinus, circumforaneum fabulantem audiens, morte subitanea correptus est, quæ mors cum & adstantibus hominibus & familiaribus ipsius maxime suspecta esset, disseccari cadaver curant; in quo dissecto, nihil mortis causam, quam vermem vivum in cordis capsula fuisse, a medicis repertum est. vid. Joh. Schenck. *Observ. medicin. Lib. II. fol. m. 272.*

§. 24.

Calculi.

De calculis in pericardio sequentem observationem communicat Josephus Lanzonus *M.N.C. Dec. III. An. 7 & 8. Obs. 75. p. 119.* Honestæ quædam fœmina, annorum ætatis trigintatrium, temperamentibiliofi, trium filiorum mater, suppressione mensium primo afficitur, ita ut se gravidam esse existimaret; at ventre non tumescente tertio a catameniorum cessatione mense, frequentem syncopen patitur, a qua tandem necatur; Aperto cadavere ala pulmonis dextra atrii coloris reperitur, inque ea aperta materia atrata tartarea apparet; in corde nihil novi, in pericardio vero tres lapillos invenimus subviridis coloris, quorum duo exigui erant, alius autem magnus & duarum prorsus unciarum ponderis; cætera in hujus mulieris corpore sana erant. In milite præfidiario, hydrope pectoris defuncto Professor Tubingensis Zellerus pericardium totum granulis lentium magnitudinem æquantibus, repletum invenit, unde tunica ejus interna tota aspera fuit reddita. vid. *Histor. Morb. Vratisl. 1706. Append. de Hydrop. pector. cap. 1. §. 17. p. 15.*

§. 25.

Sanguis.

De pericardio non vulnerato sanguinem in se continente

nente notatu dignam observationem recenset Henricus Meibomius *de Abscess. intern. natur. Membr. II. Art. 5. pag. 106.* inquit: cum alia de causa globulo transfossi pectus aperirem, pulmo laceratus a globulo deprehendebatur, pericardium erat integrum; cor vero erat contusum & sanguis quoque extravasatus in pericardii cavitate existeret, quod iis etiam minus credibile videbatur, quibus hoc referebam, sensus tamen me hoc docuerat. Cordis & pericardii, post disruptum arteriæ aortæ truncum, sanguine repleti, meminit Christianus Warlitzius *de Morb. biblic. cap. IX. p. 302.*

§. 26.

In pericardio simiæ & galli tumores scirrhusos visos fuisse ex Joh. Schenckii observationibus allegat Matthias Moronus *Direct. med. pract. p. 355.* Et in dissectione simiæ, quæ indies emaciebatur, insignem in pericardio tumorem, qui humorem, qualem hydatides emittere solent, continuerit, Galenum deprehendisse, scribit Nathanael Highmorus *Anatom. Lib. II. Part. I. cap. 6. f. 128.* vid. etiam Zacutus Lusitan. *de Medicor. princip. Hist. Lib. II. Hist. 41. f. 255.* & ipse Galenus *de Locis affect. Lib. V. cap. 2. fol. m. 28.* In cordis membrana in palpitationi subiectis ægris hydatidas se observasse refert Guernerus Rolincius *Epitom. meth. cogn. & curand. affect. Lib. II. Part. 2. cap. 1. p. 161.*

§. 27.

Quandoque in pericardio pus reperiri, confirmat Philippus Salmuth *Observ. med. Cent. I. Obs. 15 p. II.* fecabatur, inquit, scemina quædam Patavii, quæ pleuritide laboraverat, atque pro tali curata fuerat, cui etiam sectio respondit. Posteaquam vero ad cor perventum esset, totum pericardium pure plenum, & quasi illo obductum, cordis substantia illæsa, reperiatur. In milite præsidario triginta annos nato, & febre maligna extincto pericar-

Scirrhus.

Pus.

dium loco aquæ purulentam albam continebat materiam unciaë unius fere pondere, uti refert Georg. Fridericus Francus de Frankenau *M. N. C. Dec. III. An. 5 & 6. Obs. 176. pag. 407.* In pharmacopolæ cujusdam pericardio ultra libras quatuor saniosi sanguinis & materiæ purulentæ se invenisse scribit Guilhelmus Fabricius Hild. *Obs. Chirurg. Cent. I. Obs. 43. Oper. fol. 39.* Pericardium pure sanioso scattens in Jacobo Ruano repertum vid. Theoph. Bonet. *Sepulchr. Lib. II. Sect. 8. Obs. 38. fol. 667.* Hanc observationem prolixè recenset idem Fabricius *l. a. Cent. II. Obs. 27. fol. 106.*

§. 28.

*Pericardii
inflammatio.*

Varia etiam in ipso pericardio observanda occurrunt, siquidem juxta Johannis Riolani *Enchirid. anatom. pathol. Lib. III. cap. 4. p. 219.* Pericardium ipsum particeps esse potest inflammationis dolorificæ & valde periculosæ, quia vicinum cordi, ac proinde patitur frequentes syncopas, tumque pulsus celerior, febris auctior, sitis vehementior, quam in pleuritide aut inflammatione pulmonum. Inflammationem pericardii ab humore calidissimo pronatam, immania & funesta importare symptomata, scribit Zacutus Lusitanus *de Medic. princ. Histor. Lib. II. Dub. 26. fol. 256. & de Prax. admir. Lib. II. Obs. 138. fol. 37.* Pericardii inflammationem cum cordis tremore, vide Theoph. Bonet. *Sepulchr. Lib. II. Sect. 8. Obs. 41. fol. 659.* item *Sect. X. Obs. 13. fol. 682. & Obs. 18. f. 685.* v. etiam Joh. Schenck. *Obs. Lib. I. fol. 288.* De pericardii exesione sequens observatio in *Histor. Academ. reg. scient. Parisiens. Ann. 1699. Obs. 7. p. 166.* legitur: Juvenis quidam scorbuticus, qui aspectu non multum morboſi exhibebat, subito exspirabat. Inventum est ejus pericardium ita exesum, ut parum admodum ejus superesset, cor vero undique ulcerosum erat, & quidem
fatis

fatis profunde. Pericardium penitus absumptum erat in cadavere Joannis Penant, in cujus lævo cordis sinu anguis bifidus flagellofus Anno 1637 reperiiebatur, v. Marci Aurel. Severini *Tract. de recond. abscess. natur. p. 281. sq.* Pericardium cum notabili cordis putredine totum corruptum observavit Franciscus Rota. vid. Frid. Hoffmann *Cardianastroph. pag. 1.* & Joh. Schenck. *Observat. medicin. Lib. II. fol. 274.* Tantam sæpe in thorace corruptionem fuisse, ut & mediastinum, pulmones dividens, ipsumque pericardium, cor obvolvens, ea infecta fuerint, ait Fel. Plater. *Prax. Med. Tom. III. c. 5. p. m. 444.* In quibusdam fissum & erosum pericardium, coaluit, ægris postea feliciter viventibus, ut demonstrat exemplum servi Marulli Mimographi, apud Galenum, & exempla duo apud Benivenium, juxta Joh. Riolan. *Anthropograph. Lib. III. c. 7. fol. 219.* Cordis capsulam ab ulcere exesam in quodam Veronensi annotavit Petrus de Marchettis *Obs. medicin. chirurg. Obs. 47. p. m. 75.*

§. 29.

Dari etiam pericardii vulnera & quidem ab extra instrumentis ferreis inflicta, per experientiam notum est, quorum alia sine, alia cum cordis læsione fieri solent, siquidem hæ læsiones nunquam absque pericardii perforatione ad cor penetrare possunt. Circa illa, quæ sine cordis læsione fiunt, ab autoribus disquiritur, an semper lethalia nec ne sint judicanda; id quod alii affirmant, alii negant. Affirmativam sententiam defendit Dominicus de Marchettis *Anatom. Cap. X. p. m. 113.* inquiens: pericardii vulnera lethalia sunt, sicut ego vidi plures, qui, vulnerata solummodo capsula, absque cordis læsione, periire. Hermannus Fridericus Teichmeyerus *Institut. medico-legal. Cap. XXXIII. p. 215.* inquit: de vulneribus pericardii auctores non conveniunt. Alii enim omnia vulnera pericardii absolute lethalia pronunciant, alii vero sub conditionibus vulnerum pericardii lethalitatem admittunt.

Vulnera.

An lethalia?

affirmatur.

Quicquid tamen sit, vulnera pericardii certissime mortem inducunt, 1) enim pericardium est membrana tendineo-nervosa. Ergo spasmis & convulsionibus vulnera pericardii concomitantur, 2) quando pericardium vulneratur, lymphæ pericardii effluit, cujus præsentia tamen ad motum cordis facilitandum absolute necessaria est. 3) Quoniam pericardium in superiori parte cum vasis sanguiferis, arteria magna pulmonali, vena cava & pulmonali cohæret, a parte inferiori vero cum tendinosa diaphragmatis parte jungitur; ideo diaphragma convellitur, & ab inflammatione pericardii etiam paraphrenitis, seu inflammatio diaphragmatis, lethalis oritur. 4) Neque pericardium, neque cor vix vulneratur, quin & simul aliæ partes vicinæ vulnerentur. Hinc ex complicatione & multitudine vulnerum, lethalitas per se sequitur. Vulnerato pericardio necesse esse protinus animal omne mori, ad Thomam Bartholinum perscripsit Hieronymus Bardus. vid. Bartholin. *Epistol. medicin. Cent. I. Epist. 71. p. 296.* Causam talis lethalitatis hanc reddit Jean Baptiste Verduc *Tr. de l'Usage de Parties Tom. II. Chap. 2. p. 62.* On dit que les playes du pericarde sont mortelles, parce que la liqueur s'étant écoulée & tarie, on devient hectique, à cause que le cœur n'est plus rafraichi, de sorte qu'il est nécessaire, que le corps se desseche; mais si les playes du pericarde ou tété quelquefois mortelles, ce n'est pas à cause que la liqueur s'est écoulée, mais c'est que les vaisseaux étoient coupez.

§. 30.

Negatur.

Negativæ vero sententiæ alii subscribunt, siquidem Galenus *de Locis affect. Lib. V. cap. 2. fol. m. 29.* inquit: panniculus cor ambiens, quomodocunque affectus sit, inter ignobiles partes reputatur, nisi quando ipso inflammatione infestato dispositio per consensum ad cor transcurrat.

Cum

Cum enim ipse solus afficitur, exemplo reliquarum partium omnium, quæ ad custodiam & tegumentum ceterarum nobiliorum factæ sunt, nullum affert periculum. De læsione pericardii ejusque sanatione scribit Thomas Bartholinus *Anatom. Lib. II. cap. 5. p. m. 350.* ferosum pericardii humorem regenerari posse, in iis videmus, quibus læso pericardio copiosius effluxit; nam in Johanne Saviolo pugione fauciato pericardio, aqua singulis pulsibus cordis e vulnere profiliit, cujus tamen cura Veslingio feliciter successit. Et Johannes Riolanus *Anthropograph. Lib. III. cap. 7. fol. m. 219.* id affirmat, in quibusdam, inquiens, fissum aut erosum pericardium coaluit, ægris postea feliciter viventibus, ut demonstrat exemplum servi Marulli Mimographi, apud Galenum, & exempla duo apud Benivenium, ergo aquam illam regenerari oportuit. Anno 1625. die 27. Januar. Spigelius pericardium vulneratum specillo tangens animi deliquium excitabat. Integras ipsius particulas cum pure excretas animadvertit, parte postica thoracis incisa, quam papillam fica penetrarat. Saucium postquam gravi periculo exemisset, cogitare cœpit, num sine pericardio hominis vita posset constare? uti refert Johannes Rhodius *Obs. med. Cent. II. Obs. 38. pag. 73.* De ictu in cordis tunica convalescente hanc observationem refert Antonius Benivenius *Observ. 65. pag. 229. seq.* Ex nobili familia nati fratres duo, eodem victu viventes, cum inter cœnandum orta inter eos lite, alter alterum gladio, in ipsius cordis sede percussisset, plurimus sanguis ex vulnere efferreretur, languescunt illico venæ, pallet facies, sudor frigidus toto corpore manat, arteriæ non elevantur, omniaque demum mortis signa apparent. Verum ne nihil omnino agerem, jubeo hominem his rebus foveri, quibus cordis vires refici possent; cumque æger usque ad mediam noctem eodem se

se

se habitu haberet & de ejus funere potius, quam de vita cogitaret, cœpit paulatim spiritus reverti. Quare sumpta spe curam prosequor, donec aliis atque item aliis præfidiis usus hominem tandem, Deo adjuvante, ad pristinam sanitatem reduco. Ex quo plane cognovimus, non ictum cor, ut putabamus, sed ejus tantum tunicam leviter fuisse perstrictam. Utrum vero Benivenius hoc loco pericardium, vel ipsius cordis tunicam intelligat, ob nimium sanguinis effluxum & alia, dubius adhuc sum, licet varii autores hanc observationem circa pericardium allegent. Consentaneum quoque mihi reperio Bernhardum Suevum *Tr. de Inspect. vulner. lethal. Part. II. cap. 8. p. 68.* ubi inquit: si historia Benivenii accuratius examinetur, satis monstrat, in casu narrato non solum pericardium læsum fuisse, sed etiam cor, id quod symptomata probant: videlicet *αἰμορραγία*, lipothymia, sudor frigidus, virium dejectio & alia. Sequentem observationem de pericardii parte ablata ex Cardano recenset Johannes Schenckius *Observat. medicin. Lib. II. fol. m. 268.* in Antonio Algiate ablatam partem pericardii vidimus: & sanatus est, sed suspiria alta ducebat, nec multis annis supervixit: functio tamen cum ignobilis sit, mortem non necessario infert. Quatuor enim modis membra fauciata mortem inferunt, vel necessitate officii, ut pulmo: vel præstantia naturæ, ut cor: vel sanguinis profluvio, ut jecur, arteriæ magnæ & venæ: vel symptomatum pravitate, ut nervosa, ventriculus, vesica. Nam quod insanabilia sint, ridiculum est dicere lethalia: Ossa enim & cartilagines & ligamenta sic vulnerata, mortem inferrent. Pericardium ergo non per se lethale est, sed quia vulnerari non potest, quin multa alia membra nobilia lædantur. De læsione autem pericardii dictus modo Suevus *l. a.* inquit: ejus vulnera per se lethalia non sunt, est enim pars ignobilis,

vasa-

vasaque & nervos habet admodum paucos & parvos. Adhæc cordi immediate non adhæret, sed tantum ab eo distat, quantum ejus motus & humor aqueus postulabat. Per accidens tamen lethalia fieri possunt, præsertim si sint magna & tanta, ut aqueus humor effluat. In consensum præterea diaphragma & cor trahere possunt. Est enim pericardium tendinosæ diaphragmatis substantiæ annexum & cordi contiguum. Utrum vero liquoris pericardii defectum ejusve vulneratione factam profusionem hæctica excipiat, de his juxta Johann. Bohnii *Tr. de Vulner. Renunciat. Sect. II. cap. 3. p. 307. & Edition. poster. cap. 4. p. 130.* dubitare jubet sana ratio, nec ætiologiam lethalitatis hujus (si qua est) admittere conveniet.

Quantum autem aquam seu liquorem pericardii, cujus hætenus sæpius mentionem fecimus, attinet, varia circa eundem observanda veniunt, & primo quidem ejusdem ortus seu scaturigo, dum nonnulli aquosam hanc substantiam a vaporibus humoribusque serosis in vapores elatis, ac densitate hujus membranæ constipatis, condensari statuunt, vid. Nathan. Highmor. *Disquisit. anat. Lib. II. Part. I. cap. 6. fol. 127.* De quæstione, quo pacto urina cordis gignatur, quæ in pericardio colligitur, ita scribit Theodorus Craan *Tr. de Homin. Cap. XVI. pag. 143.* huic quæstioni facile satisfecerimus, ubi meminerimus eorum, quæ modo dicta sunt de poris cordis & efficacia effervescentiæ cordis, scilicet sanguinis ejus, & sic facile intelligemus, commodius per eosdem poros expelli vaporis instar, partes aqueas seu liquores, qui postea aut frigore, id est, minore calore, aut a membrana cor cingente, in motu suo nonnihil retardantur, & tandem coagulantur in liquorem, vel aquam, quam vocant cordis urinam, &c. Secundum Francisci Stockha-

Liquoris
Pericardii or-
tus

An a vapo-
ribus.

meri *Microcosmograph. Cap. IX. p. 103.* aqua pericardii etiam verisimiliter ex condensatis vaporibus a corde exhalantibus ibique allisis oritur. Juxta Joan. Vesling. *Syntagm. anat. Cap. X. p. 138.* Pericardium liquorem continet tenuem, ex resolutis circa sese vaporibus collectum. Hanc sententiam omnium probabilissimam judicat Gerard. Blasius *Commentar. in dictum Veslingii locum p. 139.* ubi ita pergit: ast unde vapores illi? Hofmannus *Lib. I. de Thor. c. 11.* dicit, cordis æstum exprimere & exsudare facere humorem per vaporum tunicas non aliter, quam cum ex ligno viridi incenso exstillat aqua, putarem potius, ipsam substantiam cordis transmittere hos vapores circa pericardium frigidum & densum colligendos, arteriæ enim & venæ non nisi cordi adstant. Alii, inquit Johannes Riolanus, *Anthropogr. Lib. III. cap. 7. fol. 219.* putant, ex vaporibus æstuantis cordis, frigore vel potius densitate membranarum pericardii concretis produci non secus ac vapores in alembico sublimati aquefcunt: vel in ollis ad ignem positis videmus coire guttas in operculis. Et Isbrandus de Diemerbroc. *Anatom. Lib. II. cap. 6. fol. m. 261.* scribit: Pericardium liquorem in se continet serosum, e vaporibus ex corde protrusis ac in pericardio nonnihil condensatis, genitum. Hæc est vera ejus generatio, neque audiendi sunt, qui illum ex potu, saliva, adipe cordis, aliisque causis produci arbitrantur. Liquorem pericardii ex vaporibus, in sanguinis per cordis thalamos transeuntis ebullitione exhalantibus progigni, forte non incongrue nonnulli affirmant, juxta verba Johannis Jacobi Harderi in *Pæon. & Pythag. Exercit. anat. med. III. p. 14.* ubi ita pergit: sanguinem enim in circulum euntem in continuo motu seu fermentescencia existere constat, in qua, præprimis ubi vitalia organa ingreditur ubertim vapores profiliunt, qui via ob pericardium, interjectum pari copia exhalandi a natura præclusa,

clusa, in hoc ipso, veluti in clauistro, aut, si mavis, sub alembico probabiliter in aquam condensantur subtilem & tenuem. vid. etiam Theod. Craan *Oeconom. anim. Part. I. Quæst. 48. p. m. 40.* Veslingii sententiæ, hanc aquam scilicet a vaporibus resolutis ipsius cordis produci, quoque adstipulatur Dominicus de Marchettis *Anatom. cap. X. pag. 112.* nam dum vapores, elevati a corde, exhalare non possunt, extra pericardium in aquam convertuntur. Vaporibus & potui hujus liquoris ortum concedit Julius Cæsar Claudinus *Respons. medicin. XXXIX. p. 235.* Hæc opinio de vaporibus & exhalationibus humidis, ab humoribus foras a motu & calore protrusis, & ad pericardii densitatem pulsis Thomæ Bartholino *Anatom. Lib. II. cap. 5. p. 351.* verisimilis est.

§. 32.

Huic vero de vaporibus opinioni alii contradicunt; Supervacaneum enim & incongruum Johanni Conrado Peiero *Exercitat. III. ad Job. Jacob. Harder. p. 17.* videtur ad halitus sive vapores e corde diffusos atque pericardii frigore postea densatos recurrere: etenim cor longe crassius & compactius est, quam ut per illud vapores e ventriculis transpirare queant, nec præcordiorum frigiditas tanta, quæ vapores tanquam in alembico facile cogat. Fervet quippe æstuante corde omnis vicinia, porro humor ille ferme crassior apparet, adeoque angustissimis cordis poris minus proportionatus. De cætero si vaporibus e corde prodeuntibus humor iste originem deberet, necesse foret, ardenti febre laborantes omnes hydropem cordis protenus incurrere: nam quo intensior æstus, eo vaporum proventus uberior. &c. Secundum Danielis Sauvry *Anatom. Part. I. cap. 4. p. 60.* verba, errant, qui crediderunt hanc aquam ex vaporibus ex corde egredientibus, & ope pericardii retentis oriri. Si objicias, ejusmodi

Negatur.

vapores indefinenter elevari, indeque aquam pericardii, si ex iisdem ortum sumeret, in nimia quantitate generatam iri. Diemerbroek satis quidem apposite respondet, pericardium posse dilatari. At vero, me iudice, duas alias objectiones non solvit: quarum prior est, quod liquores nullum habentes motum, corrumpantur.

Et vitium capiunt ni moveantur aquæ.

Altera, quod si membrana & caro cordis istos nequiverunt cohibere vapores, pericardium utpote minus compactum, id præstare non poterit. Rejicimus proin hanc opinionem, quoniam non concipere valemus, quomodo ex duris illis, densis & compactis carnibus memorati halitus elevari possint. Et Richardus Lower *de Corde cap. 1. pag. 4.* de hujus aquæ scaturigine inquit: unde humor iste proveniat & a quo potissimum fonte profluat, hætenus non ita recte pronunciatum est: Plerique enim humores serosos ab æstu cordis in nubem elevatos ac densitate membranæ pericardii coërcitos in aquam istam condensari & proinde pro ratione temperamenti plus in calidioribus, in frigidis autem minus abundare statuunt. Verum si hanc originem hujus aquæ atque causam esse concedamus, utique non apparet, quare majore copia plerumque hic loci non congeritur: quippe cum humores a continuo cordis æstu in nubem fuscitari atque a membrana hac intus cohiberi & in aquam converti debent, quid impedit, quo minus in copiam justo majorem, quantamque hæc capsula continere non poterit, augeatur; præterea, cum continui incrementi fuerit, nisi simul & exitum alicubi habeat, aut diutina stagnatione corrumpi, adeoque cordi infesta reddi, aut saltem nimia ejus inundatione cor ipsum obrui necesse sit.

§. 33.

Alii hunc liquorem ex pericardii membrana derivant, *Ex pericardio.* de pericardio enim fert Johannis Conradi Peyer *Method. Histor. anat. medic. p. 89.* sententia, liquorem ejus inde prodire, unde ab antiquo denominationem suam habuit, videlicet ex ipso pericardio: nam alias indagare vias etiam post inquisitionem diligentissimam hucusque non potuimus, ex densatis autem vaporibus illum conflare semper nobis suspectum fuit, quia sæpenumero turbidum, crassum tamque copiosum eum invenimus, ut fieri nequeat a vaporibus talem suppeditari. Exploratum etiam est, optimum pericardii humorem ignis ope inspissatum coire ac densari, quod compositis e vapore minime contingit. Id vero crebra experientia nobis innotuit, pericardii superficiem internam ad instar foliorum hyperici vulgaris innumeris foraminibus seu poris perviam esse, sed tunc demum conspicuis quando supposito forinsecus digito pressa minutis aquæ guttulis sudant. Et in Pæonis & Pythag. *Exercit. anat. & med. III. p. 17.* idem Peierus ex ipso pericardio humorem hunc provenire existimat, quoniam hoc interne plurimis foraminibus ad instar foliorum hyperici aliquoties animadvertit, roridas aquæ guttas compressione fundentibus. vid. etiam ejusdem *Merycolog. Lib. II. cap. 2. p. 119.* Sic Danieli Sauvry *l. a. p. 61.* admodum verisimile est, pericardii humorem esse lympham in membrana pericardii a sanguine secretam, five sola pororum dispositio id præstet, five imperceptibiles quædam glandulæ adsint: si vero hic liquor copia paulo majori adest, cor sese ditans illum versus membranam urget, eumque per poros ejusdem in lymphatica pellit, quæ genuina vasa sunt liquorem hunc revehentia. Et *cap. 13. p. 215.* inquit idem autor: secretiones in corpore nostro contingentes non solis glandulis adscribendæ veniunt: ac

utut hic vel ibi nullas reperiamus glandulas, ut v. g. in pericardio &c. nihil obstat, quin membranam illam liquorem ibi reperiundum separasse asseramus. Johannis Conradi Peieri judicio membranæ sunt lymphæ scaturigines, in quibus si quis glandulas concipere velit invisibiles, per eundem licet. vid. *Pæon. & Pythagor. Exercit. anat. med. XXI. p. 117.*

§. 34.

*Ex pericardii
glandulis.*

Secundum Malpighium *de Structur. Glandular.* pericardium glandula est vel glandulosum corpus, proprium quod humorem perpetuo separat. Hoc namque interius cooperitur densa & perpolita membrana, multum differente ab exteriori tunica. Sub hac locantur carneæ fibræ, circulariter, vel a basi ad conum, ductæ, vasa sanguinea quoque & nervi. Facta itaque compressione in interiori membranæ superficie, guttulæ minimæ, fere innumeræ a determinatis orificiis profiliunt, judicio non obscuro, pericardium minimis funiculis ditari; uti ait Johannes Guilielmus Pauli *Annotat. in Joan. van Horne Microcosm. §. 32. p. 85.* Et Joh. Gothofr. Bergerus *Physiolog. med. cap. XII. de secretionē aquæ pericardii pag. 241.* scribit, non magnopere de origine aquæ pericardii laborabimus, posteaquam Malpighii industria edocti scimus, interiorē ejus capsulæ tunicam acinis glandulosis, vel potius apicibus arteriarum dotatam esse, pressamque multas ex his minimas guttulas, quas etiam ante notavit Peierus, sudare &c. Aquam pericardii in interna pericardii superficie glandulosa a sanguine secerni & in venas reintrare, eamque sic continua quadam vicissitudine quasi renovari, credit Abrahamus Cyprianus *Epistol. de fœtus human. ex uter. tub. excis. p. 68.* De his glandulis scribit Johannes Maria Lancisius *de subitan. Mortib. Obs. IV. pag. 219.* in pericardii, unde quaque superficie i cordis adhærentis, interna facie, a corde per vim avulsa, inæqualia atque duri-

duriuscula corpora, obstructarum glandularum speciem referentia, visa esse. Membranam pericardii exterius e fibrillis laxioribus, interius e tenfilibus in modum lamellæ stratis coagmentari ac inter utramque plures abscondi glandulas asserit etiam Godefridus Bidloo. *Anat. corp. hum. Tabul. XXI.* Juxta Christiani Vateri *Physiolog. experimental. Sect. VII. cap. 5. Thes. 6. p. 462.* Pericardium laxius quodammodo, & non nisi circa basin vasorumque exitum superius cordi cohæret, indeque communiter liquorem aliquem limpidissimum & insipidum, interdum nonnihil continet, e porulis ipsius involucris exstillantem, quemadmodum plures in corpore partes internas ejusmodi maiore perfundi videmus. Hanc lympham ex acinis glandulosis pericardii, qui in hydropicis, figillatim hydrocardia extinctis, sæpe satis conspicui sunt, dimanare, statuit etiam Ad. Brendel. *Obs. anat. Dec. II. Obs. 1. p. 8.* Missis pluribus aliorum ingeniosis commentis; existimat Johannes Mauricius Hoffmannus *Ideæ Machin. human. anatom. physiolog. Sect. XV. §. 9. pag. 135.* aquæ pericardii scaturiginem esse petendam ab aspredinibus glandulosis minimis duabus membranis interjectis, interioris membranæ conspicuis orificiis loculum seu folliculum glandulosum continuari, eo quod pressum pericardium sæpius etiam post alterum diem guttulas reddiderit, idemque in corpore nobilissimi pueri pericardium admodum crassum, crasso & inæquali glanduloso corpore, quod in lobulos laciniabatur glandularumque congeriem referebat, exterius ambi-ri contemplatus sit.

§. 35.

Ex vasculis lymphaticis in pericardium talem liquorem deponi suspicatur Nicolaus Steno, uti refert Isbrandus *Ex vasis lymphaticis.*

dus de Diemberbroek *Anat. Lib. II. cap. 5. fol. m. 261.* Lymphaticorum pericardii cum pleura seu mediastino continuati mentionem facit Cowper juxta Joh. Gulielm. Pauli *Annotat. in Joh. van Horne Microcosm. §. 32. pag. 85.* & ipse Horn *l. a.* in cordis capsula humorem naturaliter contentum ex ipsius vasis, procul dubio transudatione, egredi dicit. Ex lymphaticis dictum liquorem exstillare, dubitare non debemus, si copiosior sit, & tenuiores illorum sint tunicae, uti sentit Thomas Bartholinus *Anatom. Lib. II. cap. 5. pag. 351.* De his vero vasis lymphaticis ita scribit Daniel Sauvry *Anatom. Part. I. cap. 4. pag. 60.* Steno vasa lymphatica pericardii liquorem subministrare ait, at vero tantum abest, ut ipsa vasa quippiam capsulae cordis inferant, ut potius humorem inibi contentum revehant, & in ductum thoracicum effundant.

§. 36.

In corde.

Alii ex ipsius cordis glandulis & vasis hujus aquae fontem quaerunt, siquidem juxta Richardi Lower *Tract. de Cord. cap. 1. pag. 5. seq.* animadvertere oportet, naturam in variis corporis partibus, ubi operis aut functionum eadem aut par ratio est, iisdem plerumque machinis atque instrumentis uti, & quemadmodum glandulas lacrymales ad humorem suggerendum, quo oculi illinantur atque madefiant, (absque quo ficci & motui inhabiles evaderent) pariter & juxta cordis basin diversas glandulas constituit, e quibus humor intra capsulam exstillat, & in vacuo isto spatio huc illuc agitatus cordis superficiem undique alluit, quo promptior & facilius ejus motus redderetur. De hac Loweri opinione ita judicat Daniel Sauvry *l. a. pag. 61.* melius divinaisset Lowerus, a glandulis in basi cordis collocatis hanc aquam filtrari dicens, dummodo istas inibi reperire liceret glandulas. Stephano Blancardo *Anat. Cap. II. p. 9.* humor pericardii est lymphæ quædam,

quædam, quæ ex glandulis supra basin cordis jacentibus, vel immediate exstillatur vel mediantibus lymphaticis surculis intra pericardium vehitur. Hujus lymphæ secernendi munus glandulæ inter auriculas cordis sitæ tribuit Johannes Frid. Ortlob *Histor. Part. Dissert. IX. §. 4. p. 66.* Amé Bourdon dans la *Nouvelle Descript. anat. chap. II. Art. 4. p. 157.* inquit: On n'est pas d'accord touchant l'origine de cette humeur, mais il y a plus d'apparence, qu'elle vient des glandes, qui sont la baze du coeur. Et Petrus Dionis *Anat. Demonstr. V. pag. 264.* hunc liquorem glandulis, quæ basi cordis insunt, segregari existimat, eundem in pericardium guttatim destillare, prout ab illis glandulis filtratur; eum autem ibi mediocri quantitate conservari, quoniam illæ glandulæ sic dispositæ sunt, ut ex eo separari tantum possit determinata quantitas magnitudini suæ atque porositati respondens, quæ circiter eadem est, quæ motibus & calore cordis quotidie assumitur. Juxta Michael. Alberti *Introduction. in Univers. Medic. Cap. VII. §. 37. p. 78.* pinguedo, quæ basi cordis adhæret, est tegumentum & involucrum vasorum circa illam regionem cor ingredientium, per quam præterea illa humiditas segregatur, quæ in pericardio reperitur. De ejusmodi glandulis ad Johannem Conradum Peierum ita scribit Johannes Jacobus Harderus: in cuniculi scemellæ anatome juxta cordis basin, deprehendimus glandulas plures albicantes & tumidas, similes tuis intestinalibus. Glandulæ istæ cordis tunicæ inhærebant firmiter, illaque separata, cum luci obtenderentur, melius in conspectum veniebant. Ope microscopii in vasa illarum inquirere facilius esset, quibus beari contendunt, quotquot pericardii succum exinde derivant. vid. Pæon. & Pythag. *Exerc. anat. 20. p. 114.* Cui Hardero *Exerc. 21. p. 116.* Peierus ita respondet: de glandulis ad basin cordis observationem

Hæmatol. Y y tuam

tuam legi, nec differre illæ mihi videntur ab iis, quas olim notaverat Lowerus, qui pericardii humorem ex hoc fonte scaturire putavit. Easdem glandulas ipse etiam sæpius vidisse memini in diversis animalibus, easque nunc a basi cordis remotiores, nunc ipsimet pericardio extrinsecus annexas aut involutas pinguedini. Non-dum tamen ex illis ductus aut canalis singularis apparuit, & malo ex pericardii manifestis poris humorem tantisper adhuc deducere, dum manifestior ortus pateat.

§. 37.

Vasa lymphatica cordis.

Juxta Emanuelis Kœnigii *Regn. anim. Sect. I. pag. 61.* Peierus inquit: præ aliorum sententia magis probabilis est, quam Schelhamerus fovet, nimirum quia cor perpetuo movetur, sicque sanguinis motus per id nonnihil sufflaminatur, ex ejus fibrarum interstitiis aliquid feri effundi & hinc colligi; quia vero plura circa basin cordis vasa lymphatica conspiciuntur, non absolum erit judicare, liquorem hunc in nimia quantitate, quam par est pro motu cordis facilitando in pericardio collectum in ea suscipi & ductui thoracico instillari, ut denuo sanguini re-affundatur. Alii hanc aquam ex serositate vasorum cordis generari fatentur. vid. Dominic. de Marchett. *Anatom. cap. X. p. 112.* ubi pergit: Riolanus, ex Hippocratis sententia statuit, aquam in pericardio collectam a materia potulenta nasci: nam dicit, dum per œsophagum descendit, aliqua portio in capsulam migrat. Ipsius Riolani verba *Anthropogr. Lib. III. cap. 7. p. 219.* sic sonant: hunc humorem assidue generari & consumi facile probatur ex Hippocrate, humorem cor emingit bibendo, ipsum assumens & absumens, pulmonis nimirum potum lambens. Et juxta Caspar. Bauhin. *Theatr. anat. Lib. II. cap. 17. p. m. 203.* humor in cordis involucrio contentus ortum ducit

A potu.

par-

partim ex humore, quem vasa, venæ scilicet & arteriæ cordis immittunt, quem cor, ut Hippocrates loquitur, bibendo adsumens & pulmonis potum lambens emingit: ob fervorem enim in corde existentem humor aqueus, quemadmodum in ligno urente videmus, exprimitur, partim ex potus portione, cum hujus aliquid roris modo penetret, dum bibendo veluti per parietes asperæ arteriæ delabatur, & in arterias venosas aliquid influit &c. Porro Andreas Laurentius *Anatom. Lib. IX. Quæst. 5. fol. 247.* illis opinionibus assentitur, & posse humorem hunc e vaporibus densatis e vasorum fero exsudante, & e potus portiuncula in thoracem illabante, generari existimat. Verum an potus in pulmones ferri posset, ibidem *Quæst. 25. fol. 377.* inquit, humoris pericardii natales non tam glandulis per hoc dispersis, quam ipsius cordis vasis coronariis illum continuo de se dimittentibus tribuit Georgius Fridericus Francus in *Diapedes. restit. v. Act. Erudit. Lips. Ann. 1717. Mens. Januar. p. 29.* Ex cordis vasis, procul dubio transudatione egredi hunc humorem, ait Joannes von Horne *Microcosm. §. 32. p. m. 85.*

§. 38.

De hujus aquæ fonte seu scaturigine ita judicat Joh. Mauricius Hoffmannus *Ideæ Machin. human. anat. physiol. Sect. XV. §. 8. p. 134.* non est ut cum Hippocrate in *Lib. de Cord.* asseramus, cor eandem emingere, postquam pulmonis potum lamberat, nam mictionis deficiunt hic instrumenta & tubuli excretorii, pulmonis potus nullus nisi serum, quod ex cordis ventriculo dextro cum sanguine per arteriam pulmonalem advehitur, aut ex glandulis tracheæ depluit, inde autem vel per vasa lymphatica revehitur, vel cum sanguine per venam pulmonalem auriculæ cordis sinistræ & ventriculo proximo oblatum

Hoffmanni
sententia.

per arteriam aortam Asiæ hominis minori disperfatur. Neque Caspari Bauhini dogma moramur, statuentis, ob fervorem in corde existentem humorem aqueum, quem admodum in ligno urente videmus, exprimi, nam simile id valde claudicat, quia Vestæ potentis, æternum quæ adytis effert penetralibus ignem, domicilium hic nullum offendimus, & si tanta hujus adesset ferocia, cordi ipsi tabificam exsiccationem miraretur. Neque transsudationem aquæ ex vasis cordis coronariis admittimus, quia diapedesin ejusmodi in statu naturali nuspiam observamus; hinc neque ejusdem per cordis substantiam expressionem a sanguine cordis thalamos subeunte defendere possumus, utpote nec sub systole, nec diastole probabilem; non illic, quia fibræ omnes tunc arctius constrictæ & compressæ fluidum contentum omne necessario in spatia patula, auricularum quidem in ventriculos subjacentes, ventriculorum in arteriarum patentia ora, protrudunt; non hic, quia alternatim patentibus auricularum & ventricularum amplioribus cavitatibus, sanguinem cum vehiculo suo recipientibus fluidum contentum nunquam intercapedines fibrarum angustissimas sponte subibit. Hinc neque a sanguine vasorum coronariorum aquam pericardii emulgeri sibi quis persuaderi patietur, qui secum perpenderit, sanguinis ex arteriis in venas transitum in cordis substantia musculari, more cum aliis, musculis communi, peragi, & si feri tantillum sub intermedio per fibrarum cavernulas & interstitia transitu separatum fuerit, ad vasa lymphatica mox remandari, nec ullam ejusdem per carnosum fibris circumpositum tomentum, id simul prohibente membrana propria supra expansa, alibi expressionem fieri. Hactenus Hoffmannus. De diversis hujus aquæ pericardii fontibus ita sentit Julius Cæsar Claudinus *Respons. medicin. XXXIX. p. 235.*
quæ-

quæcunque sint hujus aquæ generationis principia, five nimirum dicas generari ex vaporibus a corde elevatis, ac frigiditate membranarum concretis, five ex sero a vasorum quatuor tunicis exudante, five ex portione potus per latera asperæ arteriæ in pulmones, & ab his in pericardii cavitatem illabente, omnibus assentior &c.

§. 39.

E vasis lymphaticis thymi & aliarum glandularum, cum quibus cordis capsula seu pericardium jungitur, ejusdem humorem egredi statuit Johannes de Muralto *Vademec. anatom. Exper. IV. §. 8. p. 253.* quo loco addit: ex ipsis cordis vasis hunc liquorem transsudare, veterum opinio est, cui nondum adstipulor. In thymo illum humorem, qui in pericardio continetur, separari docet etiam Philippus Verheyen *Anatom. Corp. hum. Tr. III. cap. 5. pag. m. 245.* Muraltum autem pericardii humorem e thymo derivasse, nec tamen manifestos canales aut vasa demonstrasse, miratur Johannes Conradus Peierus, *vid. Pæon. & Pythagor. Exercit. anat. med. III. p. 17. M. N. C. Dec. II. An. 5. Obs. 32. p. 56.*

Ex thymo.

§. 40.

Utrum vero talis pericardii liquor in omnibus hominibus, & quidem secundum naturam, reperiatur, dissentiant autores, quorum nonnulli dubitant; inquit enim Andreas Vesalius *Anatom. Lib. IV. Cap. 8. fol. m. 452.* an hominibus secundum naturam se habentibus hoc cordis involucrum aquam contineat; quam serosi humoris modo in ipsius cavitate inter dissecandum repositam observavimus, mihi non admodum conspectum est. Et Johannes Bohnius *de Renunciat. Vulner. Sect. II. cap. 3. p. 307. Edition. An. 1689. & Edit. An. 1711. cap. 4. p. 130.* an fluidum hoc

An in omnibus hominibus reperiatur?

corporibus vivis, & secundum naturam constitutis, ut pars integralis, insit, non immerito se dubitare ait; Item in *Circuli anatom. physiol. Progymn. XX. p. 323.* idem autor nullam pericardii aquam secundum naturam statuit: fabulantur, inquiens, multa de usu aquæ in capsula cordis stagnante, dum eorum alii cordi refrigerio existere, alii hujus calorem intendere, alii motum juvare, illam sibi fingunt, nemo tamen unquam de illius existentia dubitavit, nisi quod in hydropicis & hecticis copiam ejus majorem testentur omnes, qui morbis defunctorum cadavera secuerunt. Uno verbo, nulla est, & si reperiatur, aut morbo aut mortis generi suam scaturiginem debet: si nimirum alterutrum aut utrumque horum tale extiterit, quod circulationem ad tempus turbet, & ejusmodi violentam ac præternaturalem seri transudationem atque congestionem præstet, unde in decollatis aut simili velocissimo mortis genere ereptis, alias vero sanis, sæpe ne guttula quidem cernitur. Hunc pericardii liquorem juxta Eman. Kœnig. *Regn. animal. Sect. I. cap. 15. p. 61.* quidam ex mortis agone demum in cordis capsula colligi volunt. Et Gerardus Blasius *Comment. in Joh. Vesling. Syntagm. anat. Cap. X. p. 138.* de hoc pericardii liquore ait: locus generationis hujus liquoris in omnibus hominibus cujuscunque sexus aut ætatis, in mortuis æque ac viventibus. In mortuis quidem adesse sensus ipse probat; in viventibus autem reperiri, hæc maxime probare videntur.

1) Quod in brutorum animantium vivorum dissecto pericardio inveniatur, qui tamen non magis necessarius in brutis videtur, quam in hominibus, nec in his minus necessarius, quam in illis. 2) Quod Vesalius aliquoties pericardium hominum supplicio publico in partes quatuor dissectorum, statim, dictum ac factum, cum cor adhuc viveret, examinaverit, & semper eum humorem invene-

invenerit. vid. ipse Vesal. *Anatom. Lib. VI. cap. 8. fol. m. 452.* ubi refert, cuidam se Bononiæ cor vivo eximi spectasse, qui etiam aquam in involucro seu pericardio continere videbatur. De quæstione, an in vivente animali aqua pericardii reperiatur? vid. And. Laurent. *Anatom. Lib. IX. cap. 9. fol. 347.* Scribit etiam Joannes Riolanus *Anthropograph. Lib. III. cap. 7. fol. 218.* sæpius in dissectione viventium animalium, ut canum & ovium, aquam intra pericardium se invenisse, idque etiam in fœtibus observari. Cum Johannes Mauricius Hoffmannus sæpius mactationi boum adesse atque extispicinam instituere licuerit, bovis juvenis habitus sani & εὐσαφης, vix trucidati thoracem illico aperiri curavit, moxque dissecto pericardio inquisivit, num aqua ibidem adsit, nec ne, & ecce! invenit illam in notabili quantitate limpidissimam, sapore leniter falso imprægnatam, uti ipse *M. N. C. Dec. III. An. 9. § 10. Obs. 177. p. 312. seq.* refert.

§. 41.

Reperiuntur etiam varia eorum exempla, in quorum pericardio nullus liquorprehenditur, uti Laurentius Civininus in Relatione de Anatomia Alexandri Marchetti ad Antonium Vallisnerium perscripsit; in dicti scilicet Marchetti, qui post intolerabilem urinæ ardorem atque stillicidium, forti apoplexia, occidit, moles cordis admodum magna & copiosa pinguedine tecta, pericardium autem omni prorsus aqueo humore, quo alias cor humectatur, orbatum erat. vid. *Ephemerid. Acad. Nat. Curios. Cent. VII. § VIII. App. p. 77. 79.* In Comitibus Belcarrensis pericardio dissecto nil aquæ istius apparuit, cui cor solitum est innatare. vid. *Act. Philosoph. Anglican. Mens. Jul. 1665. p. 65.* In muliere circiter quinquaginta annos nata pericardium aqua destitutumprehendit Adamus Brendelius

Nulla aqua
in pericardio.

delius *Dissert. inaugur. Dec. II. Obs. I. p. 8.* In cujusdam infantis quinque annorum pericardio nihil omnino aquæ fuisse repertum, in Frider. Nitzsch. *Ephemer. Erudit. 1668. p. 840.* In monacho a rabioso cane petito pericardium sine humore repertum ex Capivaccio allegat Rosinus Lentilius *Fatromnem. theor. pract. cap. 8. p. 40.* Ipsius autem Hieronym. Capivaccii verba *Prætic. Medicin. Lib. VII. cap. 12. pag. m. 1083.* sic sonant: cum dissectum esset monachi cujusdam a cane rabido demorsi cadaver, tria notanda apparuerunt: primo nulla aderat humiditas aquosa in pericardio, tota erat consumpta ab igneo veneno. Secundo sinus cordis conspiciebantur aridi & sanguine prorsus destituti. Tertio, in pericardio portio quædam fuit observata ferme combusta, & in pulverem redacta. Pericardium carnosum cordique firmissime adhærens seu adnatum, nulla plane cavitate relicta, nulla consequenter aqua pericardii præsentē ac conspicua. v. *Act. phys. medic. Vol. II. Observat. 2. pag. 11.* Pericardium omni humore vacuum, (squalidum, rugosum, cordique adhærens) in Veneto fuisse repertum v. Georg. Hier. Velsch. *Observat. Episagm. 35. pag. 22. seq.* In caupone quodam cordis substantiæ pericardium adhærebat, accretumque erat, nullo in eo humore contento, teste Cornelio Stalpart. van der Wiel *Observat. rar. Cent. I. Obs. 37. pag. 148.* Cordis involu-
crum aqua, quæ illi ex naturæ lege inest, omnino destitutum reperit Caronius. vid. Nicol. Blegn. *Zodiac. Medico-Gallic. An. 1. August. Observat. 4. pag. 128.* Puelli sex annos nati pericardium ne liquoris guttam continuisse refert anonymus quidam, vid. ibidem *An. III. Januar. Observ. 4. p. 7.* Hæcticæ in dubium argumentum Johanni Georgio Volkamero est consumpta omnis in pericardio humiditas, inque ejusmodi dissectione nec unius guttulæ vestigium superfuisse idem refert *M. N. C. Dec. I. An. 6 & 7. Obs. 71. p. 100.*
quo

quo loco ita pergit: hujus in febre hectica defunctis lymphæ absentiam sæpissime deprehendi, cum penitus absumpti, antequam emigrarent, si quandoque plorare vellent, nullas amplius lacrymas, ceu rivulos fontis cor ambientis effundere potuerint, sed siccis saltem genis & diductis labiis miserabilem efformarint faciem Hippocraticam. Laticis hujus in pericardio existentis ubertas universo sufficit corpori, pro humido illo primigenio; calidum in corde nativum circumfluente; quod, si deficere inceperit, tabidum reddi hominem necesse est. Hoc sine antiqui balneis aquæ dulcis tepidioribus æstumque cordis attemperantibus usos fuisse credendum est, ut, quod in centro præstare nequiverit, in circumferentia, humectando universum corporis ambitum, præstarent. In anatome viri pro hydropico habiti pericardium omni destitutum lymphæ cordique pertinacissime adhærens apparuit, annotante Hiarne *M. N. C. Dec. I. An. 4 & 5. Obs. 166. p. 112.* Et in sceminæ Russæ triginta sex annos natæ sectione cor inventum est flaccidum sine ulla pinguedine & absque humore in capsula ejus, juxta relationem Simonis Schultzii *M. N. C. Dec. I. An. 6 & 7. Observ. 156. pag. 221. seq.* In Nosocomio Lugdunensi in subiecto quodam pericardium ubique firmissime cordi adhærens, sine ulla aquæ pericardii guttula fuisse inventum, ad Thomam Bartholinum scripsit Olaus Borrichius, vid. Bartholin. *Epist. medic. Cent. III. Epist. 93. p. 401.* Pericardium aqua destitutum in ascitici sectione observavit Philippus Jacobus Hartmannus in *M. N. C. Dec. II. An. 5. Obs. 72. p. 165. 167.* In Ambrosii Conradi pericardio nulla continebatur aqua, arcta tamen ipsi cum corde, beneficio filamentorum latorum planorumque, cohærentia sic ut a corde id separare difficillimum esset Jobo a Meekren *Observ. med. chir. cap. XXXV. pag. 154.* Casimiri Marchionis Brandenburgici ob mæro-

rem & vigilias, humore, qui involucro cordis continetur, exhausto & exsiccato, cor exsectum & exsiccatum pyri tosti faciem repræsentavit, uti ex Melanchth. de Anim. refert Theoph. Bonet. *Sepulchr. Lib. II. sect. 7. Obs. 108. fol. 607.* In locum tenentis Generalis ab Arnschild sectione, pericardii aqua prorsus fuit desiderata v. Mich. Bernh. Valentin.

Observatio. *Pandect. med. leg. Part. I. Sect. III. p. 388.* Cum hæc de pericardii liquore tractarem, recens a meretrice quadam editum atque in cloacam s. v. desuper dejectum infantem secandi occasio, die 10 Februar. 1733, se mihi offerebat, qua data, dicti puelli, perfecti atque maturi, cor ejusque capsulam studio indaganti, ne guttulam quidem talis humoris observare mihi contingebat, ut adeo, an talis aqua in omnium recens natorum pericardio deprehendatur, ad usque plures inquirendi occasiones, dubius adhuc maneam.

§. 42.

*Aqua multa
sen hydrops.*

Alii vero autores talem humorem semper & in omnibus subjectis secundum naturam reperiri statuunt, & quandoque in magna satis copia, atque ad pericardii usque hydropem augeri variis exemplis confirmant, siquidem juxta Richard. Lower *Tract. de Cord. cap. 1. p. 4.* in vacuo inter cor & membranam ambit serum quoddam, seu aqua tenuis, semper reperitur, qua externa cordis superficies continuo humectatur. Ad quæstionem an ille humor secundum naturam in omnibus reperiat? respondet Albertus Kyperus *Anthropol. seu univers. medicin. Lib. I. cap. 16. §. 20. p. m. 389.* dubitant aliqui; sed vero præter rationem, cum usum per se in eo præstet. Secundum Thomæ Bartholini *Anatom. Lib. II. cap. 5. pag. 350.* hic humor in omnibus animalibus naturaliter constitutis, tam vivis, quam mortuis reperitur, imo & in foetu, ut patet ex sectionibus vivorum & mortuorum: in aliis tamen
plus

plus vel minus. Et Nathan. Highmorus *Anat. Lib. II. Part. I. c. 6. f. 127.* inquit: aquosa hæc substantia ratione temperamenti magis vel minus copiose invenitur. In pueris enim, sceminis, & temperamentis frigidis, iisque, qui sero abundant, affatim colligitur. In calidioribus sero illa materia magis confumitur; corpora enim illorum poris magis abundant magisque inde expiratur. Unius vel alterius cochlearis quantitate hunc liquorem in pericardio gigni, statuit Isbrandus de Diemberbrock *Anat. Lib. II. c. 5. fol. 261.* In mortuis hanc aquam copiosiore esse, præsertim si diutius a morte aperiantur, sceminis ac maribus copiosiore colligi seroso sanguine abundantibus, aut viscerum obstructione chronica prehensit, uti ex Spigelio allegat Johannes Mauricius Hoffmannus *Disquisit. corp. hum. anat. patholog. Specim. XII. §. 3. p. 167.* Johanni Friderico Ortlob. *Histor. Part. Dissert. IX. §. 8. p. 66.* vapor hic serosus in animali mortuo condensatur, & exigua in quantitate, in breviori mora vitam finientibus, majore, in suffocatione pereuntibus colligitur &c. Humor ille serosus, cui cor innatat, secundum Petri Dionis *Anat. Corp. human. Demonstrat. V. p. 263.* in omnium generum animalibus, cum mortuis, tum vivis reperitur; in aliis majori, in aliis vero minori copia. Mulieres & senes eum copiosiore habere putantur, quam juniores, ob caloris debilitatem. Et juxta Johann Riolani *Anthropogr. Lib. III. cap. 7. fol. 218.* nemo dubitat, in mortuis intra pericardium serosum humorem contineri, in quibusdam largiorem, in aliis pauciore. Communiter tamen, teste Vesalio, mulieres viris copiosiore habent, & in senibus uberiores, quam in juvenibus observavi. Et *fol. 219.* idem Riolanus in viventibus intra pericardium paucum humorem contineri scribit. De quæstione, an aqua pericardii in vivente animali reperiatur? vid. Andr. Laurentii *Hist. anat. Lib. IX.*

Quæst. 5. fol. 347. ubi inquit: nos in viventibus omnibus, & ægris & sanis humorem hunc colligi, in his parcius, in illis copiosius, existimamus.

§. 43.

*Quantitas
variat.*

Ratione quantitatis dictus humor in subjectis variat, naturaliter enim, secundum Johannis van Horne *Microcosm. §. 32. p. m. 84. seq.* in hac cordis capsula humor paucus naturaliter continetur; & de hac differentia ita loquitur Gerardus Blasius *Comment. in Vesling. Syntagm. anat. cap. X. p. 138.* quantitas in sano est cochlear unum aut semis, vel uncia una aut duæ. In morbofis copiosior longe est, sic ut etiam aliquot unciarum sæpe adesse reperiatur. Bartholinus cum Bauhino, Claudino, aliisque in hæcticis exiguum quidem credit, Lindanus sæpe nullam, ast avtopsiæ contradicunt boni hi autores. Schneiderus nonnunquam tres, quatuor, quinque aut sex uncias, aliquando libram humoris aquei in pericardio invenisse se testatur *Lib. II. de Catarrhis.* Inter sanos etiam quicumque ficciores sunt; parum ejus habent, qui humidi, plus; hinc & in fœminis & pueris copiosior, quam in viris & adultis. Inquit etiam Amé Bourdon *dans la description anatom. Chap. II. Art. 4. pag. 156.* il s'en trouve beaucoup dans le pericarde des femmes & des vieillards, & peu dans ce luy des hæctiques & pleuritiques. In viventibus animalibus cordis involucrum paucam continere aquam, ait Dominicus de Marchettis *Anatom. Cap. X. pag. 112.* An in hæticorum pericardio magna vel exigua humoris quantitas reperiatur, vid. in Georg. Seger. *Epist. III. de Lymph. Bartholin. pag. 41.* In centurionis cujusdam triplici hydrope enecti pectore pericardium ita erat distentum, ut tres libras acris turbidique liquoris sinu suo complecteretur,

retur, uti in Thomæ Bartholini *Act. Hassn. Vol. 1. Obs. 89. pag. 184.* refert Olaus Borrichius. Pericardii aquam in mortuis semper copiosiore esse, præsertim si diutius a morte aperiantur, ex Spigelio refert Philippus Jacobus Hartmannus *M. N. C. Dec. II. Observat. 70. pag. 161.* Copiosissimus & sanguinolentus liquor in sceminæ ulcere ventriculi extinctæ pericardio ab Adamo Christiano Thebesio fuit repertus. vid. *Ephem. Academ. N. C. Cent. III. & IV. Obs. 120. p. 276. seq.* Aqua multa flava in pericardio annotata legitur in Stephani Blancardi *Anatom. pract. Cent. II. Obs. 9. p. 270.* Et ibidem in *Obs. 8. p. 267.* hydropis pericardii, five duarum librarum aquæ reperiatarum mentio fit. Pericardium multa aqua ultra magnitudinem naturalem distentum annotavit Otto Heurnius *Obs. 14. p. m. 38.* In milite præfidiario pericardium totum granulis lentium magnitudinem æquantibus & undecim aquæ unciis repletum, Professore Tubingensem Zeller. invenisse refert Collegium Nat. Cur. Vratilav. *de Hydrop. Pector. p. 15. & 32.* Ultra triginta uncias aquæ limpidissimæ dulcis satis saporis, in juvenis viginti duorum annorum pericardio, valde extenso, reperit Gerardus Blasius, cujus vid. *Observ. medic. Part. I. Obs. XIX. p. 32.*

§. 44.

Plura adhuc pericardii hydropis vel nimix in eodem repertæ humoris quantitatis exempla ab autoribus annotata hinc inde deprehenduntur; quale pericardii hydropis historiam annotavit Godofredus Klaunigius *Nosocom. Charitat. Hist. XVI. p. 67. seq.* in Jacobo Scheidero, fabro lignario, in cujus defuncti aperto thorace nil nisi uter ab aqua intus fluctuante se mirifice commovens oculis apparuit, illeque sacculus amplæ vesicæ aqua turgidæ

Plura exempla.

dæ similis erat. Dissecto demum hoc marsupio quatuor fere libræ limpidissimi seri effluxerunt, & cor flaccidum, quod in sinistro thalamo parvum fibrosum polypum custodiebat, in conspectum venit. Artis pyrobolaria officialis quidam Anno 1721. gravi pectoris morbo intra decendium confectus moriebatur Berolini, in cujus sectione inter alia pericardium cor investiens admodum turgescibat, & vix mucro cultri illum tetigerat, ubi ingens aquarum copia, loturam carnum initio referens, tanquam ex fonte propullulabat, quæ quo diutius & profundius effluebat, eo tinctior sanguine, imo cum sanguine remixta esse apparebat. Quantitatem ejus exacte determinare possibile non erat, dum spongiis statim extergi debuit, quo citius vasis sanguiferi rupti vestigium detegi posset; parum tamen a mensuræ quantitate abfuit. *Act. medicor. Berolinens. Vol. X. Sect. 5. p. 74. seq.* In pharmacopolæ, Georgii Benedicti, hydrocardia laborantis, pericardio ultra libras quatuor saniosi sanguinis & materiæ purulentæ invenit Guilhelmus Fabricius Hildanus, uti refert *Observ. Chirurg. Cent. I. Obs. 40. fol. m. 39.* vid. etiam *Cent. IV. Obs. 51. f. 324.* Viri cujusdam viginti quatuor annorum, pericardium aqua limpidissima, saporis nullius repletum adeo fuit, ut instar vesicæ alicujus distentum occurreret. vid. Everard. Blasii *Observat. anatom. p. 124.* Magnam quoque aquæ flavescentis copiam in pericardio pueri variolis extincti fluctuantem observavit Adamus Brendel. *Observ. anat. Dec. I. Obs. 10. pag. 32. seq.* Pericardii hydropem anno 1714. observavit etiam Christianus Henricus Erndl in equisone quodam regio, ex cujus incisa sub sterno membrana seu pericardii capsula magna viridiuscula aqua ichorosa cum impetu exilliebat, qua tota pericardii cavitas adeo erat repleta & extensa, ut plus quam duas vel tres libras medicinales

les in se contineret, vid. *Ephemerid. Academ. Nat. Cur. Cent. III. & IV. Obs. CXXI. p. 321. seqq.* Fœminæ pericardium discissum feri uncias viginti circiter effudit. vid. *Theoph. Bonet. Sepulchr. Lib. IV. Sect. I. Obs. 19. fol. 1414.*

§. 45.

A nimia autem dicti liquoris in pericardio reperti ^{Symptomata.} quantitate varia annotantur symptomata. Pulsum scili- ^{Pulsus formi-} cet formicantem ob pericardium aqua refertum. vid. ^{cans.} *Theoph. Bonet. Anat. pract. Lib. II. Sect. 9. Obs. 16. & 21. fol. 676. seq.* Secundum verba Johannis Riolani *Enchirid. anat. Lib. III. Cap. 4. pag. 219.* sæpe in pericardio copiosus humor colligitur, qui suffocationem affert & cor obruit, ^{Suffocatio.} ubi pergit; Si non possis exhaurire istud serum per hydragoga, licetne terebra sternum aperire, intervallo pollicis a cartilagine xiphoide? qui pericardium ibi adnexam ad suspensionem cordis. Dubia salus certa desperatione potior, fatius est anceps remedium experiri, quam nullum: ubi nulla spes salutis, nisi ex machina Deus affulserit. De cordis palpitatione ita dicit Wolff- ^{Cordis palpi-} gangus Hæferus *Hercul. medic. Lib. II. cap. 1. p. m. 106.* in- ^{tatio.} ter alia mala, quæ ex perversa dispositione pericardii provenire possunt, est etiam cordis palpitatio. Quando scilicet cordis involucrum nimio sero, & quidem statis temporibus ebulliente, repletur. In Maximiliano Imperatore causa palpitationis fuit *υδρονανγδια*, aqua in pericardio ubertim redundans, ex Cratone refert Guernerus Rolfincius *Epitom. method. cognosc. affect. Lib. II. Part. 2. cap. 1. p. 161.* quo loco etiam in cordis membrana, in palpitationi subjectis ægris hydatidas se observasse annectit. Id confirmat etiam Carolus Piso *de Morb. a serof. colluv. Sect. III. Cap. 2. p. 235.* inquiens: apertis cadaveribus diu-
turna

turna laborantium palpitatione pericardium plurima turgens aqua reperitur, ut in quibusdam observavi, & Petrus Barotus in corpore cujusdam Gorzensis oppidi incolæ Jacobi Loret longe ante palpitatione laborantis & spirandi difficultate; in quo reperit pericardium immanem in tumorem elatum, pluribus libris aquæ distentum. Sequentem observationem recenset Nicolaus Tulpius *Observ. medic. Lib. IV. cap. 19. p. 326.* Stephanum Jonam juvenem, vegeti corporis, defatigatum impense ex pedestri itinere, corripuit inopinato quasi insultu, acutissimus sinistri lateris dolor, cum spiritu difficili ac summa cordis palpitatione; quorum symptomatum ergo ubi diffecaretur post mortem cadaver, invenit Tulpius cor flaccidum ac justo majus, aquam vero pericardii exuberantem ad quindecim cochlearia, quæ ipsius copia procul dubio palpitationem cordis produxit. Minime tamen Isbrandus de Diemberbroc. *Anatom. Lib. II. Cap. 6. fol. m. 261.* talem liquoris in pericardio copiam pro causa palpitationis cordis agnoscit, inquiens, notavimus, majorem copiam istius liquoris non facere palpitationem cordis, quod tamen ex Galeni sententia communiter tradunt medici, nam in omnibus iis, in quibus post mortem in pericardio humoris istius aquei majorem copiam reperi, antea dum morboſi viverent, nullam omnino cordis palpitationem, sed contra pulsum languidum ac rariorem inveni. Neque etiam a copia istius liquoris tanta fit pericardii angustia, (etsi id vulgo prædicetur,) ut cor se in eo libere movere nequeat, atque hinc palpitet; sed contra semper animadvertimus, pericardium hinc adeo latum laxumque reddi, ut cor in eo multo facilius moveri possit, quam in paucò liquore.

§. 46.

Liquoris pericardii color non semper idem apparet, sed se- Liquoris Pe-
ricardii color.
cundum Nathan. Highmori *Anatom. Lib. II. Part. I. cap. 6. fol.*
m. 127. in sanis est limpidi coloris, in hydropicis urinæ tur-
batae similis, in aliis, præcipue febre morientibus acuta, lo-
turæ carniū assimilatur, uti in puero quodam observavit.
Secundum Albert. Kyper. *Anthropol. Lib. I. cap. 16. §. 20. pag.*
389. Color istius liquoris obscurus est, aliquando loturæ
carniū similis, an & vivis sicut in mortuis, non quidem
certo constat, attamen non improbabile videtur. In Chirurgi
cujusdam, Joannis Agers pericardio humor quidam erat satis
copiosus, non tamen abundans, sed non sanguinolentus, ve-
rum clarus & albus, instar aquæ pellucidus, teste Joh. Rudol-
pho Salzmanno *Observat. anatom. p. 57. 60 seq.* Pericardium
communiter liquorem aliquem limpidissimum & insipidum, in-
terdum nonnihil tinctum continere, ait Christianus Vater
Physiolog. experim. Sect. VII. cap. 5. §. 6. p. 462. Aquam
pericardii aliquam feri lymphatici portionem esse, fluiditas
tali similis, color plerumque limpidus, sapor aqueus aut
temperate falsus, item alia ab analogia petenda argumenta
innuunt: huc etiam facit, quod aqua pericardii in statu præ-
ternaturali morbosas feri reliqui in corpore notabiles quali-
tates exacte æmuletur, & in biliosis magis flava, in scorbu-
ticis rubicunda, in hydropicis turbida vel respectu coloris
lixiviosa notetur; ita sentiente Johanne Mauricio Hoffmanno
Id. Machin. human. anatom. Physiol. Sect. XV. §. 7. p. 133.
Nonnulli autores pericardii liquorem urinæ similem esse
statuunt. Scribit enim Joannes Riolanus *Anthropogr. Lib.*
III. cap. 7. fol. 218. adest in pericardii tunica humor modi-
cus veluti urina, ut videatur cor in vesica diversari; & Ga-
lenus *de Usu part.* nullam hujus humoris mentionem
fecit, sed *lib. V. de loc. affect. cap. 2.* notat, se in anatomiis
animalium sæpe vidisse in pericardio humorem copiosum urinæ
similem,

similem. Ad Joannis Veslingii vero *Syntagma anatom.* Cap. X. p. m. 138. Gerardus Blasius sequentia addit: Liquor pericardii qualitatibus omnino cum urina convenire dicitur, sed diversitas magna adest. Liquor enim hic aquosus, insipidus est, non acris aut falsus, limpidusque ac nullo colore infectus. Urina autem nec tenuis adeo, nec sine colore in sanis. Præter id, quod viscosa ac pinguis urina minime sit, aqua autem illa plus satis &c. Secundum Petri Dionis *Anat. Corp. human. Demonst.* V. p. 263. humor ille serosus, cui cor innatat, urinæ similis est, non tamen acris vel falsus; in quibusdam carniū loturæ similis est. Aquæ flavescens copia magna in pueri, variolis extincti pericardio fluctuavit, teste Adamo Brendelio *Observ. anatom.* Dec. I. Obs. 10. p. 33. In Studiosi cujusdam, per multos annos maxima cordis palpitatione vexati, inciso pericardio aqua flavescens scaturiebat, cujus quantitas vase duarum librarum vix asservari poterat, annotante Johanne Friderico Bauero *Act. phys. med. Nat. Curios.* Vol. II. Obs. 7. p. 17. seq. In hydropici cujusdam pericardio aqua sat copiosa & nonnihil quasi croco tincta reperta fuit, referente Johanne Jacobo Francisco Vicario, *Ephemer. Acad. N. Cur. Cent. I. & II. Obs.* 3. p. 24. In puerorum duorum pericardio humor biliosus luteus foetidus fuit repertus, vid. Joh. Mauric. Hoffmann. *Disquisit. Corp. hum. anat. pathol. Specim.* XII. §. 5. p. 169. Ultra quatuor libras saniosi sanguinis & materiæ purulentæ in pharmacopoliæ quinquagenarii pericardio invenit Guilhelmus Fabricius *Observ. chirurgic. Cent. I. Obs.* 43. fol. m. 39. Secundum Joann. van Horne *Microcosm.* §. 32. p. m. 84 seq. in cordis capsula humor paucus naturaliter continetur, modo flavus, plerumque rubicundus. Juxta Isbrand. de Diemerbr. *Anat. Lib. II. Cap. 6. fol. m. 261.* pericardium liquorem in se continet serosum, in naturaliter constitutis corporibus rubicundum. Et Daniel Sauvry *Anatom. nov. Part. I. Cap. 4. p. 58.* inquit: In-
 ter

ter hoc involucrum & cor aqua fluctuat subrubra. Vel juxta verba Philippi Verheyen *Anatom. Tract. III. Cap. 6. p. 246.* humor ille serosus est; at subsalsus & nonnihil rubescens instar loturæ carnis. De ichore turbido in pericardio reperto, vid. Joh. Jacob. Harderi *Apiar. Obs. 58. p. 238. & Obs. 66. p. 260.*

§. 47.

Varios etiam aquæ vel liquori pericardii usus autores Usus liquoris adscribunt, imprimis autem, ut tam pericardium, quam ipsum cor humectetur atque rigetur, corque in suo loco & motu retineatur, sicque a variis injuriis defendatur, uti ex ipsorum verbis apparet, siquidem secundum Nathanaelis Highmori *Disquisit. Corp. hum. anat. Lib. II. Part. 1. Cap. 6. fol. 127.* Pericardii ejusque aquæ usus est, cor in medio & loco naturali, in quacunque corporis positione retinet; deinde aquam hanc perpetuo conservat; cujus dignitas & usus est magnus: Cor enim exsiccatum motu continuo humectat, asperum lubricat. Juxta Isbrand. Diemerbroeck *Anatom. Lib. II. Cap. 5. fol. 261.* hic liquor extrinsecus cor humectans & lubricum faciens; illius motum reddit faciliorem nimiamque siccitatem prohibet: ejus vero diuturnior defectus siccitatem & tabem non semel induxit: Johannes Fridericus Ortlob *Histor. Part. Dissert. IX. §. 4. p. 66.* inquit: Quemadmodum omnes partes animales internæ madore quodam perfusæ inveniuntur, si aperiantur, ita etiam cor vapore quodam seroso continuo irrigatur, ut fibræ eo melius motui perpetuo præstando aptiores sint. Ad quæstionem, quis pericardii humoris usus sit? respondet Albertus Kyperus *Anthropolog. Lib. V. cap. 16. §. 20. p. 389.* initio rigare, lenire & humectare, tum cor, tum pericardium, ac deinde facere, ne facile cor in motu suo offendatur. Hinc accidit, ut eo absente cor rigidius appareat, & multis palpitationibus ac lipothymiis afficiatur. Inficias ire nequeunt scriptores, aquam pericardio includi, superficiem cordis exteriorem humectantem, quæ, deficiente tali humi-

do, per indefinitas ac violentas motiones, quas peragit, facile exsiccari posset, uti sentit Daniel Sauvry *Anat. nov. Part. I. cap. 4. pag. 59.* In vacuo inter cor & membranam ambitu serum quoddam seu aqua tenuis semper reperitur, qua externa cordis superficies continuo humectatur, quæ alioquin ex perenni agitatione & calore marcescere & corrugari, adeoque ad motum inepta reddi poterit, juxta Richard. Lower *de Corde cap. 1. pag. 4.* Potissimum, ad mentem Georgii Philippi Nenteri *Physiolog. med. Cap. II. p. 27.* aqua pericardii lubricando & humectando cordi inservit, quo eo facilius moveri queat. Usū aquæ pericardii præcipuum facit Johannes Mauricius Hoffmannus *Ideæ Machin. human. Anatom. Physiolog. Sect. XV. §. 10. p. 135.* ut fibras cordis motrices blanda sua alluvie, vel rorido etiam saltem madore, flexiles mollesque præstet, & contra rigiditatem ex siccitate & squalore alias metuendam defendat, tum ipsam etiam continentem suam membranam mollem servet &c. Sequentes liquoris pericardii usus recenset Thomas Bartholinus *Anatom. Lib. II. cap. 5. p. m. 351.* Usus 1) cor humectare & refrigerare, motumque facilem reddere. Unde quibus absumptus est, cor torretur: Quod Casimiro, Marchioni Brandenburgico evenit; & juveni illi Romano apud Panarolum &c. 2) ad adipis concretionem facere. 3) Ut cor in natando minus grave fiat, & in nullam partem impingat, 4) Pericardium humectare, ne scilicet inflammetur &c. De pericardii & humoris in eo contenti usu, dicit Petrus Dionis *Anat. Corp. hum. Demonstrat. V. p. 263.* Pericardii duplex est usus, alter ut cordis sit involucri, ne vicinas partes tangat, nec ab iis ullum patiatur incommodum; alter vero ut liquorem contineat, qui cor in motibus ejus continuis humectet atque refrigeret; quique eadem opera impedit, ne exsiccetur. De aquæ pericardii usu ita judicat Johannes Gothofr. Bergerus *Physiolog. medic. Lib. I. cap. 18. p. 242.* cum hic unus ejus roris, quo interior pericardii superficies perfunditur, unus videatur, ut libe-

rum cor inter ejusque capsulam & necessarium illius motui spatium conservet, ac utriusque coalitum prohibeat, quem propter inopiam defectumque illius aquæ, non minores cordi molestias, quam, molem ejus ac redundantiam, creasse, fidæ medicorum observationes testantur. Qui vero præterea eas aquas in fines alios in pericardio colligi asseverant, ut nempe vel cordis ficcitatem, æstumque & squalorem temperet, vel ejus motum, more aquarum navim vehentium, expediat, hos quidem minus audiendos esse existimaverim. De liquore pericardii ita scribit Jean Joseph Courtial *dans le suite des Observations anatomiques sur les Os. Obs. VII. pag. 79.* il est vraisemblable, que la serosité, qui coule des glandes de ces parties, sert à enduire la membrane interne de la cavité, que ces corps membraneux tapissent, afin qu'étant lisse & unie, les mouvemens continuels des parties contenues s'y fassent avec plus de facilité, & qu'elles ne s'y attachent, comme il arrive, lorsque ces glandes cessent de separer cette liqueur. On pourroit dire encore, que cette serosité sert à humecter & a rendre souples les fibres des parties contenues, surtout de celles, qui battent ces membranes par leurs mouvemens, afin qu'elles obeissent plus facilement aux dilatations & aux contractions continuelles, auxquelles elles sont assujetties. Si desit aqua in pericardio. Cor sensim contabescit arefactum, ut in pluribus observatum, juxta Joh. Riolan. *Enchirid. Anat. pathol. Lib. III. cap. 4. p. 219.* Hæc pericardii lympa, quæ ex acinis glandulis pericardii, qui in hydropticis, sigillatim hydrocardia extinctis, sæpe satis conspicui sunt, dimanat, si non motum cordis adjuvat, ejus tamen cum pericardio coalitionem impedit, v. Adam Brendel. *Obs. Anat. Dec. II. Obs. I. p. 8. seq.* Et secundum Steph. Blancardi *Oper. medic. Tom. I. Instit. Medic. Part. I. cap. 4. p. 195.* cordis facilis ut esset motus, pericardio seu cordis sacculo dotatur, in quo plerumque liquor quidam reperitur, qui procul dubio ex lymphaticis ibi effunditur, & per alia in ductum chyliferum

rum exantlatur. Motus ergo cordis mediante hujus liquore admodum facilitatur, eodem modo ac acatia, & naves, cum in flumine, minori difficultate moventur, quam si adhuc in navalu esset. Quemnam usum aqua pericardii habeat, dubium est; probabile tamen Georgio Philippo Nentero *Physiolog. med. cap. 4. Membr. 4. Art. I. Part. 7. p. 160.* videtur, aquam pericardii, & cor & pericardium ipsum humectare, & simul coalitum cordis & pericardii impedire, ac hoc ipso efficere, ut cor eo liberior in capsula sua moveri queat. Plura de liquore pericardii collegit Christianus Fridericus Garmannus *de Miracul. mortuor. Lib. I. Tit. 7. §. 10. p. 222.*

§. 48.

Aquæ pericardii
quassatio
audita.

De quassatione aquæ in pericardio etiam foris auribus percepta hanc observationem refert Cornelius Stalpart van der Wiel *Observ. rar. Cent. I. Obs. 36. p. 144.* visitasse me quandam pauperulam annorum septendecim puellam memini, cui vultus tumidus admodum ac pallens erat, neque unquam purgationes menstruæ fluxerant: huic ipse, post idonee purgantium usum etiam venam aperiri jussi, ac mox sanguinem valde aquosum, viscosaque ac tenaci obtectum crusta sive pelli reperi. Laborabat hæc puella cordis palpitatione, quin & distincte admodum, pulsante corde, ipsius aquæ agitationem in pericardio audire licebat. Johannes Arminius, pharmacopolæ minister, ob adversam valetudinem, frequentibus medicamentis a puero magis imbutus, quam adjutus, devenit tandem in tam vehementem cordis palpitationem & irrequietum agitati visceris impetum, ut verberantis ictus distincte nonnunquam audirentur, præ foribus conclavis, in quo id temporis decumberet. vid. Nicol. Tulp. *Obs. medic. Lib. II. cap. 25. p. 141.* Aliud exemplum memorat Petrus Forestus *Observ. med. Lib. XVII. Obs. 1. fol. m. 26.* de juvene quodam robusto, vigesimum octavum annum agente in pago, Schaga dicto, anno 1549 febre continua acuta correptus in cordis palpitationem

nem

nem adeo vehementem & violentam incidit, ut etiam extra domum, in qua æger decumbebat, a transeuntibus (potissimum, si fenestræ occlusæ aures admoverent) palpitation cordis exaudiretur. Hercules Saxonia de Veneto quodam Procere refert, quod ipse cor quasi aquæ innatare senserit; & Raymundus Joh. Fortis similem historiam recenset de alio, similem fluctuationis cordis perceptionem in semet ipso experto, uti Johannes Mauricius Hoffmannus ex dictis autoribus *Disquisit. anat. patholog. Spec. XII. §. 3. p. 168.* allegat. Bina quoque auditæ cordis palpitationis exempla mihi ipsi observare licuit, & primum quidem anno 1692. in currum venatoriorum inspectoris, (*Wagenmeisters*,) nomine *Braunens* filia, quæ a secundo ætatis anno usque ad duodecimum, quo ego ad eam, tunc temporis variolis laborantem, accersebar, tantam perpeffa fuerat cordis palpitationem, ut admota aure quilibet ictus distincte audiri, simulque cordis ad costas pulsatio manu explorari posset; quæ tamen cordis palpitation post variolarum sanationem in ipsa jam dudum maritata perdurabat. Alterum cordis palpitationis, cum aliquali costarum elevatione, exemplum anno 1697. in frumenti dimensoris, *eines Kornmessers* filia, novem annos nata, & quidem gibbosa, cui a vehementissima cordis palpitatione sinistri lateris costæ plus digiti crassitie elevatæ erant omnisque cordis pulsus investita puella non solum videri sed audiri quoque poterat. Dicta autem persona demum anno 1718. summe gibbosa extra matrimonium moriebatur. De costarum dislocatione ex palpitatione cordis observationem Gregorio Horstio communicavit Bartholomæus Merklinus, quam vid. in *Horstii Oper. Lib. III. Obs. 17. fol. 139.* ubi Merklinus ita scribit: Opinionem de costarum dislocatione aut expansione violenta cordis pulsatione effecta, quam olim studiosus, vel cum studiis etiamnum operam darem, argumentis & rationibus firmis inductus paradoxam & a vero alienam opinabar, veram firmam ratamque comperi.

Observatio

An sit excrementum

§. 49.

Utrum vero hæc pericardii aqua sit excrementitia nec ne, dissentiunt autores, uti ex ipsorum verbis constat: humorem enim istum non mere excrementitium aut instar roris stillatitii aqueum, sed feri potius nutritii e sanguine promanantis partem esse, exinde confirmat Richardus Lower *Tr. de Cord. Cap. I. p. 6.* quod ignis calori vel paululum admotus non aliter, quam serum sanguini post venæsectionem innatans, aut lymphæ e glandulis secreta in gelatinam albam incrassatur: Qualem consistentiam nec sudor neque urina qualicunque coctione acquirit, sed vel omnino in auras exhalat, aut in faeculum induratur. Unicum tantum super hac re obiter notandum est, nempe aquam in pericardio contentam illam solummodo huic experimento idoneam esse, quæ in animali bene constituto & violenta morte perempto reperitur, cujus utpote sanguis sero nutritio diluitur: Nam in animalibus morbo defunctis, aut longa inappetentia & inedia confectis, quorum nempe sanguis succo chyloso prorsus destituitur, neque eadem ratio & impar successus. Cæterum in sanioribus tam manifesta res est, ut aperto jugulati bovis pericardio magnam plerumque concretæ gelatinæ copiam invenias, quæ extincto tantum calore partis aut sponte sua, aut a frigore in istam consistentiam condensatur, non aliter quam decoctum Cornu cervi, ubi frigido aeri exponitur, in gelatinam subito concrevit. De pericardii liquore ita sentit Johannes Conradus Peyerus *Method. Histor. anat. medic. cap. 6. pag. 90.* ex densatis vaporibus illum liquorem conflare, semper nobis suspectum fuit, quia sæpenumero turbidum, crassum, tamque copiosum eum invenimus, ut fieri nequeat, a vaporibus talem suppeditari: Qua in re consentientem Lowerum, exactum cordis scrutatorem habemus. Exploratum quin etiam est optimum pericardii humorem ignis ope inspissatum coire ac densari, quod compositis e vapore minime contingit. Aquam
in

in pericardio contentam, non excrementitiam, sed naturalem & alicujus utilitatis esse, cum variis argumentis erudite Patavii Antonium Molinettum ostendisse, refert Georgius Hieronymus Velschius *Obs. med. Episagm. XXXV. p. 22.* Serum sanguinis in pericardio non esse aqueum sed fibrosum & alimentare confirmat Johannes Nicolaus Binningerus *Observ. medic. Cent. I. Obs. 13. p. 14.* Serum in sanguine glutinosum tali experimento probat Thomas Bartholinus *Histor. Anat. Cent. III. Hist. 49. p. m. 97.* Serum in pelvi ex sanguine emisso sua sponte separatum lebeti seu vitro indidimus suppositisque ignitis carbonibus, vel huic calidis cineribus, sivismus aquosam humiditatem exhalare. Remansit tum gelatina densi glutinis instar majori plerumque copia, quam fuerat serum, nam bullis excitatis ampliore in pelvi & vitro occupavit locum, [vid. etiam Christ. Frid. Garmann: *de Miracul. mortuor. Lib. I. Tit. 7. §. 20. p. 222. seq.* Secundum Stephani Blancardi *Anatom. reform. Cap. II. pag. 8.* intra pericardium humor quidam continetur, qui ignis calore albuminis ovi, vel gelatinæ cornu cervi instar concrescit, quod & cæteræ lymphæ contingit. Ideoque nec aquam simplicem, nec serum, sudorem aut vaporem cordis putandum esse censeo, ut quidam veterum scripta testantur, sed lympa quædam. Et juxta Thom. Bartholini *Anatom. renovat. Lib. II. cap. 5. p. 352.* aqua pericardii, sicut reliquarum partium lympa, pura aqua non est, sed pinguior aqua. Sic ex sententia Danielis Sauvry *Anatom. nov. ration. Part. I. Cap. 4. p. 62.* natura hujus liquoris a natura lymphæ non differt, quoniam eandem consistentiam, eundem saporem, eundem colorem &c. habent: Et quando aut frigori aut calori exponuntur, brevi temporis spatio in quandam gelatinæ speciem abeunt. *Et Cap. VII. p. 124.* ait idem, lympa facile congelatur aut inspissatur, ac aliquantulum unctuosa est, proinde non possumus cum Bar-

tholino asserere, illam esse aquam simplicem a nutritione partium resultantem. Glissonius credebatur, ipsam productam esse a vaporibus sanguinis cum succo nerveo condensatis. Enim vero præterquam quod illa de succo nerveo hypothesis, mera sit chimæra, monstrari potest, vapores in aquam quidem converti posse, sed non in ejusmodi aquam, quæ unquam in gelatinam abitura sit, ut lympa.

Aliis partibus
advehitur

§. 50.

Minime tamen ab initio in pericardio collectus liquor semper in eodem permanet, sed aliis quoque partibus advehi dicitur; in hoc enim sacculo, inquit Stephanus Blancardus *Anatom. l. a. pag. 9.* hic liquor continuo manere haud debet, sed ex eodem per vasa lymphatica iterum in ductum thoracicum effunditur. Si enim ibidem loci semper morari teneretur, corrumpere, ac acorem contraheret. Vitium contrahunt, ni moveantur aquæ: intellectu igitur facile est, cor hinc valde corruptum iri, ac per consequens necessarium erit, lympham hanc assiduo affluere & refluere. Item quia cor perpetuo movetur, sicque sanguinis motus per id non-nihil sufflaminatur, ex ejus fibrarum interstitiis aliquid feri effunditur, & hinc colligitur; quia vero plura circa basin cordis vasa lymphatica conspiciuntur, non absolum erit judicare liquorem hunc in nimia quantitate quam par est, pro motu cordis facilitando, in pericardio collectum, in ea suscipi & ductui thoracico instillari, ut denuo sanguini reaffundatur, uti ex Schelhamero refert Emanuel Koenig *Regn. animal. Sect. I. p. 61.*

§. 51.

Regeneratio.

Posse etiam quandoque liquoris pericardii post illius læsionem & vulnerationem effluentis quantitatem, consolidata punctura iterum restitui, non modo supra paragrapho vigesima septima adduximus, sed etiam Petrus Dionis *Anatom. Corp. human. Demonstrat. V. pag. 264.* idem confirmat, inquiens: si Veslingio fides habenda, serositas ista reproduci potest iis,
in

in quibus aliquo vulnere pericardii effluxit: Exemplum enim affert viri cujusdam, quem curavit ab ictu pugionis, quo illa parte confossus fuerat, quamvis ad singulas cordis pulsationes serofitas illa per vulnus effunderetur. Autoritas illa satis ostendit, serofum humorem reproduci ad supplementum ejus, quod ex eo quotidie consumitur. Quod in hac sententia mentem meam obfirmat, est, quod cadaveribus quibusdam apertis, eam usque ad heminae seu pintae quadrantis quantitatem invenerim, quamvis duo tantum cochlearia vel circiter esse soleant: Unde concludo hanc reproductionem necessario admittendam esse, quoniam probabile non est, hanc copiam jam a primo vitae instanti pericardio inextitisse. Et Isbrandus de Diemberbroeck *Anatom. Lib. II. cap. 5. fol. m. 261.* dicit: deficit pericardii liquor, cum per ejusdem vulnus, exulcerationem aliamve continui solutionem, cordis ille sudor in eo condensatus effluit, nec in eo detinetur. Observatum tamen a practicis, eum per vulnus pericardii elapsum, postea occluso vulnere fuisse regeneratum, & ægros sanitati restitutos: Inquit etiam Gerardus Blasius *Comment. in Job. Vesling. Syntagm. anat. cap. X. pag. 138.* cum pericardii liquor naturæ fluxilis sit, & materiam ex qua semper proximam habeat, experientia etiam testetur, regeneratum eum esse, posteaquam omnis periit effluxu, quis non auctorem hic admittat. Patet id in iis, quibus pericardium læsum, sive a causa externa sive ab interna fuit, & iterum sanatum.

§. 52.

Interdum etiam ratione pericardii ejusque liquoris qui- Liquor ex la-
busdam medicis ex sacra scriptura (dum Johannes Evangelista tere Christi
Cap. XIX. vers. 24 seq. ex Salvatoris nostri, in cruce pen-
dentis, latere, militis cujusdam lancea aperto latere, san-
guinem & aquam effluxisse scribit) quæstio, an talis aqua e
pericardio provenerit, oriri solet; quam sententiam alii affir-
mant, alii negant. Inquit enim Gerardus Blasius *Comment. in*

Joh. Vesling. Syntagm. anat. Cap. X. p. m. 138. hanc aquam fuisse pericardii plurimi volunt, putamus tamen nos, eam non fuisse aquam pericardii; nam 1) illi hoc volunt ideo, ut eo probent, cor Christi fuisse perfossam, ac sic eum revera mortuum; Sed illum revera mortuum fuisse, jam constabat, ut docet dictus Evangelista *l. a. v. 30. ad 34.* ideo nec fregerunt ejus crura. 2) etiamsi confossam fuisset pericardium & cor, an ideo aqua illa effluxit per vulnus, & non in thoracis cavitatem? 3) Sanguis, qui effluxit, necessario copiosus fuit, quia recenter erat mortuus & magnum vulnus inflictum, ut *Cap. 20. v. 26.* patet, ubi Thomas immisit manum in illud; quomodo vero potuit parva illa quantitas aquæ pericardii discerni a copioso sanguine? Quid ergo fuit? Bartholinus *in Tract. de later. Christi apert.* liquorem hunc ex cavitate thoracis effluxisse scribit; sed credimus nos potius, copiosam eam aquam effluxisse, ut Christus impleret præfigurationem atque testaretur, se eum esse, qui figuratus erat per petram, ex qua multum aquæ effluxit, ut Israelitarum magna turba sitim sedare posset. Fuit ergo mysterium nobis incognitum. Thomas autem Bartholinus *Tract. citat. Cap. III. pag. 12. de Quæst. an ex corde effluerit sanguis & aqua, item Cap. IV. Ex pericardio non esse derivandos liquores lateris Christi, p. 23 seq.* prolixè agens varia ex Patribus & recentioribus adducit. Videatur etiam ejusdem Bartholini *Anatom. Lib. II. cap. 5. p. 352.* item *Epistol. medicin. Cent. I. Epist. 69. p. 284. seq.* item *Epist. 72. p. 297. seq.* De hoc miraculo sequentia refert Johannes Riolanus *Anthropogr. Lib. III. cap. 7. fol. m. 219.* Cum paucus humor in viventibus intra pericardium contineatur, miraculosum est, & præter naturæ legem, quod ex latere nostri Salvatoris lancea perfossa illico sanguis & aqua effluerint. D. Joannes Evangelista latus non exprimit. At Textus Arabicus Codicis Evangeliorum Romæ excusi, dextrum latus designavit, ut miraculi magnitudinem designaret, quam significare voluit Sanctus

ctus Evangelista, testis oculatus, quando ter geminatam hanc assertionem apposuit, & qui vidit, testimonium perhibuit, & verum est testimonium ejus, & ille scit, quia vera dicit, ut & vos credatis, quod in comprobando ullo, quantumvis maximo etiam miraculo, in tota scriptura similiter scriptum non invenitur. Chiffletius *Lib. de linteis sepulchral. Christ. cap. 31.* probat ex Syndone Taurinensi, & Sudario Vefuntino, aliisque auctoritatibus, Christi latus dextrum lancea perfossam fuisse. Propterea docte Carpus *Comment. in Mundini Anatom.* docet, aquam, quæ effluxit e latere Servatoris nostri miraculosam fuisse & e dextro latere profuissse. Ideoque Laurentius imperite, ne dicam impie, e capsula cordis effluxisse scripsit. Si serum una cum sanguine per vulnus redditum sit, pericardium vulneratum significat, ut in Christo apparuit, cui, cum lancea latus perforatum esset, fluxit sanguis & aqua, quod certissime significavit, Christum verum hominem, & in cruce mortuum fuisse.

§. 53.

Pluribus etiam de latere Christi aperto agit Georgius Wolfgangus Wedelius *Exercit. medico - philolog. Dec. III. Exercit. I. p. 1 seq.* & inter alia p. 3. inquit: communiter dextro lateri inflicto putatur vulnus, eoque nomine & reliquæ Sudarii apud Chiffletium, & pictorum mos & alia afferri solent momenta, quibus & versio Æthiopica consentit, quæ latus dextrum pertusum refert. Sed, si fateamur, quod res est, citra stringentem rationem ullam. Utut enim parum intersit, id ipsum nosse, nec minus dextro, quam sinistro latere idem omne expediri potuerit, videtur tamen omne id conceptum & inductum, sine penitiori cogitatione præsentis status. Si enim vel intentionem vulnerantis attendamus, vel positum naturalem, ac ordinarium, quo dextra manus lædentis ad feriendum sinistram oppositum latus vulnerati magis propria est, nec casu id vulnus, sed ex malitia & directa in-

tentione factum cogitemus, non possumus, quin sinistrum affectum pronunciemus: ferrum adverso sub pectore condit. Nulla enim probabilis est ratio, læva manu id inflictum fuisse, quod hanc præ dextra habuerit expeditiorem, ut quibusdam id naturale, an acquisitum potius est. Ideoque medio fere thorace, inter quintam circiter & sextam costam, tanquam loco magis *ὑψηλῶς* introductam lanceam statuere liceat; idque tanto magis, quod ad definiendum locum non parum confert effluens materiale. Unde & Persica versione unus ex satellitibus hasta sub axilla Jesu percussisse dicitur; hic enim limitaneus lateris est terminus a summa extremitate. Consequens immediatum, e vestigio vulnus concomitatum, est effluxus sanguinis & aquæ. Id vero miraculum est sine pari, majus futurum, si exhauserimus circumstantiarum reliquarum ambitum. Et quidem non ex cute vel carne vulnerata leviter derivandus fuerit hic effluxus miraculosus. Illud enim vulnus & levius fuerit, nec adæquatum reliquis, si cuspide lanceæ superficialiter statuamus vulneratum latus. Nec ex pericardio, seu cordis capsula fluxit solum. Non enim fluxerit inde nisi aqua, quæ paucula inest; & si pericardium vulneratum fuit, quid obstat, non cor quoque apertum fuisse? ubi vis enim præ oculis esse debet furibunda & contumeliosa vulnerantis actio, qui non obiter vel dicis gratia id præstare videbatur. Multo minus e cavitate thoracis effluxus hic factus statui potest, quod ibi vacuum detur; accedit, elatiori loco vulnus inflictum, quam ut ex cavitate illa, corpore præsertim erecto, exire humor, vel maxime ibi collectus, potuerit. Nil obstat, quo minus asseramus, in cordis thalamos penetrasse vulnus; ita enim omnia phænomena quam luculentissime clarent, nec ulla difficultas superest, quæ aliter sentientes non uno nomine premit &c. Deinde dictus autor *p. 5 seq.* plura de hoc miraculo annectit.

CAPVT VII.

DE CORDE.

§. I.

Absoluto Capite de Pericardio, tanquam cordis camera, ^{Cor est ma-} non immerito ad ipsum cor, eidem inclusum, quod vul-^{china,} go princeps machinæ corporis hydraulico-pnevmaticæ viscus appellari solet, progredimur. Cor autem animæ primam radicem & primum vivens esse, ab ovo, cui gallina incubat sequenti modo eruere nititur Johannes Rudolphus Camerarius *Memorabil. Medic. Cent. V. part. 20. p. 275.* inquiens: Si ovum, quod sub incubante gallina est, secunda, tertia aut quarta die aperias, atque accurate intuearis, cor esse membrum princeps, facile animadvertitur. Nam foetum & membra primo formari & in eo primum cor, & cor in prin-princeps, cipio duas venas emittere, post foetus autem generationem membranas foetui inservientes concreescere, manifeste cernitur. Et quidem die octava cor non solum ipsum constat, sed una cum venis colore simillimis, rubro nempe, conspicitur & aperte micat seu movetur. Quarta die membranarum corpora jam confirmata & densiora facta minus perspicua esse incipiunt: septima autem propter concretionem omnem fere foetum obscurant seu contegunt, cor tamen ob eolorem rubrum conspicuum, ut vena etiam videtur. Septimo demum die mucor quidam luteus conspicitur cordi subiectus. Atque in hoc jecoris loco totis novem diebus a prima formatione sanguis nullus videtur: corde tamen interea maxime sanguinis pleno & sanguine affluente urgente, ut & vena amplissima, infra cor toto corpore protensa. Ex quibus omnibus clarum evadit, animam in corde, quasi radice hæ- rere, & cor primum esse, quod vivat, & quasi animalis rationem habeat. De cordis ortu & conformatione &c. vid. Joh.

Joh. Vesling. *Observ. anat.* 18. p. 96. in Th. Bartholin. *de insolit. Part. viis.*

§. 2.

Cordis dignitas

De cordis dignitate scribit Riolanus *Anthropogr. Lib. III. Præfat. fol. 202.* Nostri corporis rex est unicus cor in pectoris folio sedens, molliter exceptum pulmone. Cor instar benefici regis opes & divitias, quas intus & foris accepit, reliquis partibus universi corporis liberaliter impertit. Cerebrum, in quo consilii locus residet, ipsi cordi ministrat: Nec ejus facultates vigerent absque cordis opera, quod omnia in se possidet, nullius rei indigum; reliquæ partes tanquam mancipia cordi ministrant & inserviunt. Et *cap. XII. fol. 232.* inquit idem autor, ut solem cor mundi, ita cor eleganter veteres hominis solem vocarunt. Cor etenim æthereo calore, motu perpetuo & situ medio; non modo solem æmulatur, verum etiam spiritus innati splendore, spirituum vitalium generatione, genitales solis vires mirum in modum exprimit. Denique sol nullam patitur corruptelam atque privationem motus, ita solum cor diu vitiis non maceratur, neque vitæ supplicia trahit graviora. Itaque inter partes corporis nulla deprehenditur tanto artificio, tantoque apparatu exornata sicuti Cor, quia principium totius corporis debuit in se continere id omne, ex quo reliquum corpus conflatur, adeo ut in corporatura cordis, omnes partes corporis similes reperiantur, ac si deberent cordi suum ortum. Nam invenies in corde carnem, membranam, cartilaginem, ligamenta, fibras, venas, arterias, nervos, ossiculum, adipem, & interdum pilos, quando pilosum evadit; unde colligere licet, cor esse fundamentum reliquarum partium corporis, vid. etiam *fol. 543.* Cor Danis Hierte, quasi ἱερον sacrum dicitur, & pars princeps animalis est. v. Th. Bartholin. *Anat Lib. II. c. 6. p. 353.* Juxta Joh. von Horne *Microcosm. §. 9. pag. 5.* principaliter dependent omnes partes a corde, veluti principe, imo microcosm

cosmi sole & monarchia. Sic Georgius Wolfgangus Wedelius *Physiol. Sect. III. Cap. 14. p. 139.* ita scribit: Cor esse primum vivens patet experientia oculari anatomica, ubi punctum saliens cor repræsentans primo omnium vitæ edit specimina. Patet id ex sacris, siquidem *Proverb. 4. v. 23.* ex corde fluere vita a Salomone dicitur. Primo movetur & ultimo cor, ergo primum vivens est & ultimum moriens. Adeoque usus cordis essentialis est, esse animæ sedem radicalem & vitæ principium. Secundum Gothofr. Mœbii *Fundam. Physiol. cap. XII. p. 226.* Quicquid sol in macrocosmo, idem cor in microcosmo esse videtur. Sol effulsis radiis caloreque benignissimo, omnes res sublunares fovet, conservat & auget. Cor quoque *ἑρμῆς καὶ τῆς ζωῆς ἀρχή* coloris & vitæ omnes cæteras totius corporis partes influxu suo fovet, restaurat & conservat. Sol ut omnes terreni globi tractus illustret, perpetuo movetur; cor quoque veluti in animali, & ad ignis cœlestis imitationem, motus per totam perennitate viget, ut etiam corporis partes remotiores, caloris nativi influxu, ceu polares regiones gelu rigentes a solis recurso, queant refocillari.

§. 3.

Cum de cordis derivatione ac dignitate sub antecedentis Cordis de Capitis initio mentio facta sit, ad ejusdem descriptionem & ^{scriptio.} anatomen primario pergendum est: & quia ejusdem statum naturalem anatomici atque physiologi sufficienter describunt & explicant, aliquot tantummodo autores hoc loco citare, illud autem, quod extraordinarie vel præter naturam quandoque apud ipsos vel alios notatu dignum hinc inde occurrit, exinde communicare decrevimus. Sicuti autem plerique autores anatomici de omnibus humani corporis partibus & ita simul de corde agunt, ita alii econtra de corde & aliis partibus in specie tantum tractare solent. Ex illis de corde evolvi possunt plurimi autores, a nobis ob evitandam prolixitatem hoc loco non citandi.

Hæmatol.

Ccc

§. 4.

§. 4.

An sine corde
vita.

Rana sine cor-
de saltans.

Quamvis autem ad vitam hominis & animalium tanta sit cordis necessitas tantusque usus, ut, teste Aristotele, nullum unquam animal eodem carens visum fuerit, recensentur tamen similia sine corde viventium animalium & hominum exempla; & animalia nonnulla exsecto corde, respirare adhuc, intente clamare & fugere aliquo usque indicat Johannes Schenckius *Observ. medic. Lib. II. de Cord. fol. 269.* Tale exemplum de ranis refert Robertus Boyle *de Utilit. Philosoph. experim. Part. II. Exerc. I. p. 113.* vivam, inquam, aliquam vulnere aperui, & cura cor ejus extraxi, orificio vulneris, ultra necessitatem majoris, neutiquam obstructo: Rana tamen non secus quam antea saltabat hinc inde, intestina propendentia post se trahens; & ubi requiescens leviter tangebatur, denuo prosilire, aquæ vero injectæ, dum manibus meis comprehensum tenebam cor, natare incipiebat. Alias vero ranas corde extracto per incisionem, punctas aut vulnere aliquantum compresso, frequentioribus ac validioribus saltibus, quam vero priorem, profitile vidimus: palpebras non secus quam ante vulnus acceptum, clauderant aperiebant: vasculo aqua non penitus repleto injectæ, crura anteriora & posteriora natationi non aliter coaptabant, quam prius, partibus suis, præcipue corde nondum orbata: aliquando in ipsa aquæ superficie, requiescebant, aliquando in vasculi fundo; nonnunquam vivida agilitate extra vasculum prosilientes in ipso conclavi ad horæ spatium & quod excedit, cordium exemptioni superstites permanebant. Secundum Johann. Daniel. Majoris experimentum *M. N. C. Dec. I. An. 8. Obs. X. p. 15.* hoc experimentum potest institui: Si cor ranae excindatur, facta ad jugulum apertione, & sic rana aquæ imponatur, diu in eo supervivet. Ibidem etiam dictus Major meminit, canem robustiorem, corde suo cito orbatum, & bene ligatis vasis hæmatogogis maximis

pone

pone cor, iterum dimissum, passus fecisse aliquot per cubiculum, postquam tentamen vitæ superstitis in eo olim fieret. Sequentem historiam refert Thomas Bartholinus *Histor. anat. Cent. VI. Hist. 15. p. 36.* Janus auceps, homo nefarius, oī una nocte quam plurimos solus securi percussit occiditque. tandem comprehensus morti tremendæ & acerbissimæ adjudicatus fuit. Per urbem enim rheda vectus forcipibus ignitis hinc inde misere fuit discerptus, & ad supplicii locum deductus. Primum illi fracta crura & brachia, mox lingua faucibus evulsa, lora ex tergo excissa, deinde celeri carnificis manu pectus apertum, extractum cor, & in faciem projectum. Omnia ille cordotus intrepido animo pertulit & constanti, quumque pulsans cor ad latus projectum jaceret, inter alia tormenta caput expedite movebat, adstantes torvo vultu aspiciebat, & cor suum accuratius contemplabatur, donec caput amputaretur. Ibidem etiam ex Verulamio certi hominis mentio fit, qui eo supplicii genere, versus proditores in Anglia recepto evisceratus, postquam cor avulsum penitus esset, & in carnificis manu, tria aut quatuor verba precum auditus est proferre. vid. etiam Joh. Jac. Wepffer *de Apoplex. pag. 24.*

S. 5.

Quendam absque corde vixisse, ex Telesii Philosophia, Cor consum-
dubiose tamen refert Joannes Riolanus *Oper. fol. 547.* In tum.
hujus viri, diuturno morbo emaciati, post mortem aperti thorace cor nullum, sed solum pericardium fuisse repertum, scribit Cornelius Stalpart van der Wiel *Observ. rar. Cent. I. cap. 35. p. 148.* Similem casum de cordis substantia carnosâ plane consumpta annotavit Melchior Fribe *M. N. C. Dec. I. An. 3. Obs. 65. p. 110. seq.* in Promæ condæ cujusdam aperto thorace cor, quod ipsius substantiam, plane consumptum, instar loculi varii & corrugati occurrebat. De abortu humano monstroso, in quo pulmones & penetrâle cordis deerant, vid. Georg. Christ. Gœller. *Observatio M. N. C. Dec. II. An. 2. Obs. 143. p. 315.*

Quædam animantia exempto corde non tantum vivunt, sed & currunt & vociferantur, inquit Georgius Hornius *Histor. natur. Lib. II. cap. 19. p. 137.* quo loco etiam Indi cujusdam meminit, qui, corde exempto immolato, ad Hispanos, cum de scalis præceps daretur, dixit: Equites mactarunt me. Quid de historia Svertii, qui in Hispano quodam cor non invenerit, sit judicandum, vid. Paul. Ammann. *Iren. Num. Pompil. p. 143.* Observationem ex Schelwigii communicatione recenset Simon Schulzius *M. N. C. Dec. I. An. 3. Obs. 263. p. 475 seq.* de catellis exsecto corde adhuc viventibus; duobus enim catellis cæsonibus eorum corcula eripiebantur, qui tamen motu membrorum, & quod maxime mireris, etiam sono quodammodo, ad quadrantem horæ, referrent. Quomodo in cane cor abscindi possit, ut adhuc illi vita parumper superfit, docet Realdus Columbus *de Re anat. Lib. XIV. de Viv. Sect. p. 473.* Evulso corde in cane motum se vidisse ait Joh. Dan. Hørstius *Manud. ad Medic. Part. I. Sect. 2. p. 75.* De salmonibus post exsectum cor diu viventibus, inquit Arnoldus Montanus *in Gesandtschafft an den Kayser zu Japan fol. m. 385.* Man muss sich nicht wenig verwundern, dass der Lachs allhier (zu Funda in Japan) so lange lebendig bleibet, ob ihm schon das Herz ausgeschnitten ist; und dass selbst das ausgeschnittene Herz nicht eber stirbet, als nach vier und zwanzig Stunden. Lugduni in Gallia mactatum fuisse gallum, in cujus toto corpore cor non fuerit inventum ex Isibordo ab Amelunxen refert Christianus Franc. Paullini *M. N. C. Dec. II. An. IV. Append. p. 201.* An sine corde vivere possit animal, & an ipso exempto loqui aut per breve tempus ambulare, vid. Casp. a Reies *Elys. jucund. quæst. Camp. Quæst. XXXII. pag. m. 376.* Plura vid. etiam Georg. Franc. *Satyr. Medic. VII. p. 138.* Thom. Bartholin. *Anat. Lib. II. cap. 6. p. 353.* Corde exsecto felis ad horam vixit. vid. Jessen. a Jessen *Anatom. Pragens. p. 91.*

Gallus sine
corde,

§. 6.

Interdum econtra tam in hominibus, quam animalibus, ^{Corda duo, in homine,} duo vel gemina corda observata leguntur; de genuino enim corde scribit Johannes Rhodius *Mantiss. anat. Obs. 12. p. 11.* Franciscus Plazzonus cordis appendicem invenit alterius veluti rudimentum: cujus ectypon in theatro publico Anno 1622. & 1624. ostendit. De corde bifido Christophorus Gioe narravit Thomæ Bartholino, in Norwegia a se visum latronem, qui scelerum pœnas luebat. Quum exenteraretur, a carnifice, cor habuisse singularis figuræ, mucrone non acuto, ut fieri solet, sed bifido, ut distincti ventriculi manifestius externa facie apparuerint, dexter nempe & sinister, interjecto hiatu. v. Thom. Bartholin. *Histor. medic. Cent. I. Hist. 67. p. m. 103sq.* In monstro bicipiti duo reperiebantur corda perfecta riteque distincta, unico tamen involucro seu pericardio comprehensa, annotante Picharto in Nicol. Blegn. *Zodiac. Med. Gallic. An. I. Mens. Aug. Obs. 9. p. 129. seq.* A Strasbourg les Medecins qui ouvrirent un monstre, trouverent deux cœurs enfermez dans un seul pericarde. Le gauche etoit deux fois plus gros, que le droit. vid. *Memoires des Arts & Sciences de l'an 1672. p. 260.* duplex cor in homine fuisse inventum, nostro & priscorum ævo fuisse inventum. vid. Zacut. Lus. *Medic. Histor. 38. f. 250.*

§. 7.

De binis cordibus in cane ait Christianus Franciscus Paulini *Cynograph. Curios. Sect. I. cap. 3. p. 43.* retulit mihi amicus, sibi olim in evisceratione Molossi duo corda fuisse ostensa raræ curiositatis gratiæ. Ego autem puto, dextri ventriculi minus commodam agglutinationem bicipitis vel geminos apices habentis cordis speciem præbuisse. Duplici tum corde, tum in ^{In Canis.} Elephantis sensu animi elephantus esse dicitur, & altero quidem ira incendi, altero mitigari & leniri Maurorum sermonibus, inquit Conradus Gesnerus *de Quadruped. Lib. 1. fol. m. 414.* Quæ verba

- In Gallo** verba etiam extant in Claudi Aeliani *de Animal. Libr. XIV. cap. 6. fol. m. 289.* quod nil nisi fabula. Gallum quispiam Diis sacrificans cor invenit, duos vertices habens, uti ex Galeno allegat Joh. Schenckius *Obs. medicin. Lib. II. f. 269. & Zacut. Lusit. de Medic. princ. Histor. Lib. II. Hist. 38. fol. 250.* In Gallina duo corda fuisse reperta, ex Rudbeck allegat, Christ. Franc. Paullini *l. a.* Aliud exemplum v. *Ephem. N. C. Cent. VIII. Obs. 8. p. 264.* Omnes in Paphlagonia perdices bina corda habere, dicit Theophrastus, Philosophorum peritissimus, juxta Aul. Gellii *Noct. Attic. Lib. XV. cap. 15. p. 530.* Plantade e Societate Regia Montepessulana duos commemorat pullos, quibus duo corda largita est natura, intervallo dimidii digiti distantia. vid. *Act. Erudit. 1712. Mens. April. p. 147. seq.*

§. 8.

**Tria corda
in anser.**

De tribus in uno anseris cordibus sequentem Observationem recenset Christianus Mentzelius *M. N. C. Dec. I. An. 9. & 10. Obs. 108. p. 267. seq.* Anno Christi 1678, circa diem Martini, quo anseres pinguiore s maſtari ſolent, Marienwaldæ in Neo-Marchia illarum quædam avium cultro interfecta, & exenterata tria distincta exhibuit corda unico pericardio inclusa. Duo erant satis distincta & æqualia, consuetam anserini cordis magnitudinem & figuram externam præsentantia: tertium in medio duorum situm, perexiguum fuit, sicuti appoſita figura monſtrat, quam pictor ejus loci aliquoties delineavit. Narratum mihi quoque tunc temporis, quendam Nobilem Polonum, nomine Bojanovsky, eodem anno furem ſuſpendi juſſiſſe, in quo tria quoque corda fuerint viſa, cum cadaver forte diſſectum fuerit; qua tamen de re nihil certi poſſum affirmare, cum nuda ſaltem id relatione habeam ab aliis, licet fide dignis hominibus. Hæc autem corda anſerina licet ea meis oculis non perluſtraverim, fidem tamen huic rei adhibere coactus fui, cum omnes ejus loci incolæ id conſtanter affirmarint, & pictor ad vivum exemplar delinearit. Corda iſta a nobili ſcæmina ejus loci

loci Præfecti uxore fuerunt quidem exliccata, incuriatamen perdita, sic ut illa postulans ego curiose in eorum ventriculos & interiorem structuram inquirere non potuerim.

§. 9.

Quamvis autem in corpore humano secundum statum naturalē plerumque omnium membrorum symmetria reperitur, sæpe tamen cor ratione magnitudinis differt; siquidem in pharmacopolæ ministro, Johanne Arminio, reliqua viscera admodum parva, cor contra magnum & amplum fuisse, refert Nicolaus Tulpius *Observ. medic. Lib. II. cap. 25. p. 141.* Cor stupendæ magnitudinis, viginti duarum unciarum anno 1668. in Nosocomio Amstelodamensi e scæminæ quadragenariæ circiter pectore exsecuit Theodorus Kerkringius, hujusque cordis sola dextra auricula cor hominis ordinarium magnitudine æquabat. v. Theod. Kerckring. *Spicileg. anat. Obs. 16. p. 39.* Totum fere thoracem replens cor in Equite Guichardino vidisse Andream Laurentium, refert Christ. Frid. Garmanus *de M. M. p. 217.* Cor plane insolite magnum & triginta uncias civiles ponderans in religioso quodam observavit Marcus Gerbezius *M. N. C. Dec. III. An. 9. & 10. Obs. 223. p. 329. seq.* Cor longe maximum, quale ac quantum portentum hætenus nec viderat, nec apud alios legisse meminerat Johannes Jacobus Harderus, & quod in circuitu octodecim pollices longitudine spithamam & latitudine digitos octo continebat, ultra tres libras medicas pependisse judicatum ait Harderus *Apiar. Obs. 74. p. 284. seq.* vid. etiam Pæon. & Pythag. *Exercit. anat. 23. p. 128. 130. & Exercit. 24. p. 133.* Cor virginis libras civiles tres ponderasse dicitur. Cor monstruosum vide Isbrand. de Diemerbroek. *Anat. Lib. II. cap. 6. p. 263.* In puero tredecim annorum cor stupendæ magnitudinis, sanguine nigerrimo plenum & extensum conspiciebatur a Joh. Georgio Greifelio *M. N. C. Dec. I. An. I. Obs. 70. p. 171. seq.* Illustrissimi cujusdam Colonelli cor bovino majus fuit, totam
thoracis

thoracis capacitatem replens, uti annotavit Antonius de Pozzis. v. *M. N. C. Dec. I. An. 4. & 5. Obs. 31. p. 32.* Cor bovis cordi vix cedens in homine audacissimo observavit Güntherus Christophorus Schelhammerus. *M. N. C. Dec. II. An. I. Obs. 131. p. 332.* In septuagenaria, quæ veneficio tacta dicebatur, cor triplo, quam pro consuetudine & proportionem subjecti majus, quod adeo intumuerat parte sui dextra, ut universum thoracis latus dextrum repleret, observavit Petrus Pawius *Obs. 21. p. 35.*

Observatio. In mercatore Palæo Dresdensi, Zenckero, Anno 1701. die 21. Maji a me dissecto, aqua limpida tota tota thoracis cavitas erat adimpleta, & quidem adeo, ut statim in prima cartilaginis incisione eadem exsiliret, ipsum autem cor insolitæ magnitudinis atque crassitie, & ultra duos palmos. Cor quadruplo naturalem magnitudinem excedens, bubuli cordis amplitudine ex nimia in corporis teneritudine helluationibus annotavit Otho Heurnius *Histor. 28. p. 26.* Cordis magnitudinem naturali triplo majorem in viro quinquagenario, potui olim dedito observavit Hieronymus Laubius *Ephemerid. Acad. Nat. Curios. Cent. X. Obs. 84. p. 408.* Anno 1661 in defuncti Cardinalis Mazarini dissecto cadavere cor insolitæ magnitudinis tophacea quadam materia imprægnatum inventum fuit, vid. Frid. Hoffmanni *Cardianastroph. admir. p. 1. seq.* Phthisici cujusdam cor tam vastum erat, ut sæpe in bobus non majus sit, aut ponderosius vid. Thom. Bartholin *Histor. anat. Cent. I. Histor. 50. pag. 68. v. etiam Hist. 45. p. 64.* Cor quatuordecim libras Italicas æquans in viro quodam Antonium de Marchettis reperisse, refert Ernestus Fridemannus Schelhaßius *M. N. C. Dec. III. An. 3. Obs. 166. p. 296.* In Veneto quodam Petrus de Marchettis *Observ. med. chir. 49. pag. m. 77.* cor adeo amplum observavit, ut tria naturalis magnitudinis æquaret. Cor tantæ molis, quod thoracem totum occupabat, vidit Dominicus de Marchett. *Anat. cap. X. p. 115.* De Corde decem digitos transversos longo v. Bartholin. l. a. *Histor.*

Histor. 32. p. 46. In Viro illustri, sexagesimum ætatis annum ingresso cor novem unciarum in sicco prorsus & exsucco reperit Johannes Georgius Volckamerus v. *M. N. C. Dec. II. An. 6. & 7. Obs. 71. p. 97.* Duplo majorem solito substantiæ molem cor juvenis cujusdam annos viginti quinque nati, nactum erat, media quin imo in sua substantia, alba glandula, digiti pollicis magnitudinem excedente, vitiatum, uti Petrus Blandinus perscripsit ad Guilhelmu[m] Fabricium, cujus vide *Observ. chir. Cent. IV. Obs. 50. fol. m. 323.*

§, 10.

Econtra etiam quandoque parva corda ab autoribus Corda parva sunt annotata. Inquit enim Johannes Riolanus *Anthropogr. Lib. III. cap. 12. fol. 234.* se in quodam nebulone ferocissimo, qui dum virgis a carnifice cæderetur, lictoris subsannantis ensẽm arripuit eumque vulnere perfodit deprendisse cor pusillum admodum & durissimum instar cartilaginis, ut nullum unquam viderit solidius. In fœmina quadraginta circiter annorum cor parvulum observavit Hieronymus Laubius *Ephemer. Acad. N. C. Cent. V. & VI. Obs. 21. p. 35.* Cor solita magnitudine minus in puero novem annos nato observavit Theodorus Kerckringius *Spicileg. anat. Observ. VI. p. 43.* quod durum fuit longeque infra ætatis suæ magnitudinem, vasis tamen præditum tam amplis, ut viri perfectæ ætatis capacitatem æquarent: Cauponis cujusdam cor mediocri pyrum magnitudine non superavit, teste Cornelio Stalpart van der Wiel *Observ. rar. Cent. I. Obs. 37. p. 147. seq.* Alexandri de Harfy Cor minimum fuisse refert Theophilus Bonetus *Sepulchr. Lib. IV. Sect. 21. fol. 1070. seq.* In Comiti Solmensi Braunfelsensi Anno 1693. dissecto non fuisse cor, sed solam massulam musculosæ carnis putridæ, teterrimum spirantem odorem viceque cordis fungentem, recenset Johannes Aegidius Euthius *M. N. C. Dec. III. An. 2. Obs. 9. p. 16.* De corde admodum parvo & flaccido vid. Casp. Theoph. Bierling. *Adversar. curios.*

Hæmatol.

D d d

Obs.

Obs. 1. p. 5. Cor parvitate memorabile vix bimuli æquabat pugnum in phrenitico quodam ex xenodochio Regiomontano, referente Philippo Jacobo Hartmanno *M. N. C. Dec. II. An. 5. Obs. 62. p. 120.*

§. II.

Cor an crescat
& decreseat.

De magnitudine cordis ejusque incremento & decremento, ita scribit Joannes Riolanus *Anthropogr. Lib. III. Cap. 12. fol. 234.* homo si creditur Aristoteli, proportionem corporis reliquis animalibus cor grandius obtinuit, quod augeri per singulos annos ac binas drachmas ponderis ad quinquagesimum annum accedere, ab eo detrahi tantundem, & ideo non vivere hominem ultracentesimum annum defectu cordis Aegyptii existimant, referente Plinio, quod fabulosum arbitror. Idem sentit etiam Theodorus Kerckringius *Spicil. anatom. Obs. XVI. pag. 39.* inquit: pendet cor hominis plus minus septem uncias. Nam cor hominis per singulos annos ad binas drachmas augeri, idemque post quinquagesimum annum eadem proportionem minui (unde referente post Herodotum Plinio, Aegyptii existimabant, non ultra centesimum annum hominem vivere) jamdudum explosa sententia est. Penderet enim sic cor hominis ordinarie uncias plus quam duodecim, cui experientia repugnat. Et Jean Baptiste Verduc dans la Suite de la Pathologie de Chirurgie Chap. XXVIII. p. 870. dit: le Naturaliste Plin rapporte après Herodote, que le cœur de l'homme croissoit toutes les années de deux dragmes, ce qui continuoit jusqu'à cinquante ans, & qu'après il diminueoit de même, de sorte qu'il étoit impossible de vivre plus de centans &c. Iplius autem Plinii verba, hactenus impugnata extant in ipsius *Histor. natur. Lib. XI. cap. 37. fol. m. 204.* quibus tamen præter experientiam ex Baricello & aliis autoribus contradicit Philippus Jacobus Sachs a Lewenheim *M. N. C. Dec. I. An. I. Obs. 70. Schol. p. 172.* De hac questione, an cor hominis crescat & decreseat? v. etiam Christ. Frid. Garmann de *Mirac. Mortuor. Lib. I. Tit. 7. p. 213, 216 seqq.* Thom. Bartholin. *Anatom. Lib. II. cap. 6. p. m. 355.*

§. 12.

Deinde etiam ratione magnitudinis & parvitat^{is} cordis olim ^{An a corde}
inter autores dissensus oriebatur, dum alii a corde magno ho- ^{magno magna-}
minis magnanimitatem, a parvo autem pusillanimitatem deri- ^{nimitas.}
vabant, cui tamen per experientiam recentiores contradicunt,
ita ut magna corda timiditatem indicent. Secuit, verbi gratia,
Guntherus Christophorus Schelhammerus cadaver hominis,
dum viveret, validis lacertis adeoque rebus^{ti}ssimis, pariter ac
audacissimis; animo vero & membris viscera quoque interna
respondebant, potissimum sanguini dicata, cor, quod bovis cor-
di vix cedebat quod magnanimum signat, fecus ac vulgo quibus-
dam visum est. Non minus ampla erant vasa, at in his emul-
gentia duplicata etiam, quatuor scilicet arteriæ, quatuor iti-
dem venæ &c. v. *M. N. C. Dec. II. An. I. obs. 131. p. 332.*
De corde magno ejusque virtute Marcus Gerbezius hanc ob-
servationem atque judicium communicat *M. N. C. Dec. III.*
An. 9. & 10. obs. 233. p. 399. animositas audaciave hominum
communiter vel ab ipso vulgo cordi imputatur, adeo, ut qui
cæteris animosiores sunt, alio nomine etiam cordati nominen-
tur. Num tamen cordis potius majori, vel alteri cuiquam ejus-
dem prærogativæ? ambiguum reddidit Religiosus Cisterciens-
is a me cultro anatomico subjectus, utpote cui tanta cordis
moles erat, ut id ad bilancem positum triginta uncias civiles
ponderarit, absque eo, quod homo hic unquam a quoquam ab
ipsis incunabulis fuerit animosus audaxque observatus. Hinc
potius videtur singularis animositas calori nativo copioso, spiri-
tibusve vitalibus singulariter volatilibus energeticisque esse
imputanda, quam cordis insolitæ amplitudini: vel certe si
cordis moli, tunc potius minori, quam majori, qualis sæpe
pusillorum est, utpote in qua vis unita est tanto fortior. Corda
magna cordatos reddere, quia cordis magnitudo & facilius cir-
culationem promoveat & sanguinem spiritusque vitales accen-
dat, uti Sachs a Lewenheim ex Th. Bartholino adducit

M. N. C. Dec. I. An. I. Obs. 70. Schol. p. 172. qui Bartholinus *Histor. anat. Cent. IV. Hist. 6. p. 221 seq.* in cadavere virili cor vastum reperisse ait: ille tamen homo audax fuerat, ut cicatrices in capite frequentes & rimæ in cranio testabantur. Rosinus Lentilius *Paralelism. ad Observ. in Dec. I. An. 4. & 5. Obs. 31. in M. N. C. Dec. III. An. 3. App. p. 85 seq.* sequentia habet: in thorace Illustrissimi cujusdam & de universo Imperio Romano, quin christiano cœtu, summe meriti Comitis A. O. R. 1693. ex hydrope pectoris defuncti mihi quidam *ἀντίπληγ* cor præsigni mole, repertum, quale vix unquam in bove reperiatur, adseveravit, quippe quod propemodum æquarit humanum caput. Hoc suo invictissimus iste Heros exemplo, quam vanum sit, quod scribunt quidam, cor magnum esse timiditatis argumentum, comprobavit. De corde Cardinalis Maferini ita scribit Theodorus Craan *Tract. de Homin. Cap. XVI. p. 147.* habebat dictus Cardinalis cor insolitæ magnitudinis, de quo dicebant veteres, quod esset pusillanimis; sed hujus rei falsitatem probamus a priori & posteriori. A priori, quod nulla detur talis connexio cordis cum animi passionibus; a posteriori, quod hic Cardinalis fuerit vir magnæ audaciæ & fortitudinis, generose enim multa gessit bella. Caupo ille Hagensis paulo ante ex Cornelio Stalpart van der Wiel memorati, cujus cor mediocri pyrum magnitudine non superabat, robustus audaxque atque intrepidus fuit. In Nosocomio Amstelodamensi e foeminæ quadragenariæ circiter pectore cor viginti duarum unciarum exsecuit Theodorus Kerckringius, cujus vide *Spicileg. anatom. Obs. XVI. p. 39.* quo loco solam dextram auriculam cor hominis ordinarium æquasse addit. An vero, pergit idem, magnanima fuerit hæc magni cordis foemina, non scio, illud intellexi, sæpe illam multumque bibere solitam. An ideo potatores nostri tam rixosi & jactabundi, quod cor eorum potationibus augeatur, non existimo. Porro parvitatem cordis non esse signum aut causam animositatis vel audaciæ, defendit Jacobus Primerosius *de Vulgi Errorib. Lib. II. c. 23. p. m. 183 seq.*

§. 13.

Quandoque etiam a statu morboſo cor decreſcit atque **Cor flaccidum** corrumpitur ita ut evadat flaccidum, quale exemplum cordis minuti & flaccidi legitur in *Act. Medicor. Berolin. Vol. II. p. 93.* in milite ex male curata lue venerea phthiſico factò. & *p. 95.* in milite gravi hæmoptyſi defunctò cor valde flaccidum & col- **Marcidum** lapſum erat. Cor marcidum & flaccidum ad conjecturam philtri & toxici exiguum aut omnino nullum indicium ſubminiſtrat juxta Mich. Bernh. Valentin. *Pandect. med. legal. Part. I. Sect. 3. Caſ. 20. p. 349.* De corde marcido & parvo v. *Act. Berol. l. a. p. 80.* In juvene quodam poſt cauſum tabefactò & poſt mortem diſſectò inventum eſt cordis involucrum rugoſum & ipſa cordis ſubſtantia reperta eſt marcida, referente Zacuto Luſitano *de Prax. Medic. admir. Lib. I. Obſ. 148. Oper. fol. 38.* cor penitus exſiccatum & exſanguè in Ducis Saxonie Georgii filio fuit repertum vid. Henr. Anſhelm. de Ziegleri *Schauplatz der Zeit fol. 180.* Cor flaccidum & exſiccatum vid. Petri Poter. *Obſerv. Cent. III. cap. 59. p. 346.* Cor admodum flaccidum in Juvene vidit Joh. Melch. Verdries *Ephem. Cent. VII. & VIII. Obſ. 90. p. 432.* Cordis ſubſtantiam extenuatam & exſanguem in diſſectionibus aliquando ſe vidiffe ad Petrum Blandinum ſcripſit Guilhelmus Fabricius, *Hild. Obſ. chirurg. Cent. IV. Obſ. 51. f. 324. & fol. 326.* Cordis ad tunicam uſque attenuati exemplum adducit. Cordis carnoſam ſubſtantiam plane conſumptam annotavit Melchior Fribe *M. N. C. Dec. I. An. 3. Obſ. 65. p. 110.* In cadavere pueri variolis extincti cor valde turgidum erat, veluti ab inflato aere tumere ſolet, juxta Adami Brendeli *Obſerv. anat. Decad. I. Obſ. 10. p. 33.* De corde pallido & flaccido multoque eruore diſtento vid. Joh. Conr. Peyer *Method. Hiſt. cap. VI. p. 84.* Cor tabidum cum hydrocardia obſervavit Johannes Gothofr. Bergerus, cujus vide *Phyſiolog. med. Libr. I. cap. 18. p. 242.* Cor ſine pericardio ipſum autem flaccidum admodum

Cor tomento-
sup

ac facile lacerabile ex Sponii communicatione Johannes Jacobus Harderus *Apiar. Obs.* 52. p. 233. *seq.* In puello cor ut pyrum arefactum observavit D. Joh. Michaelis *Oper.* p. 70. In vidua post febrem quartanam cordis parenchyma videbatur colore pallidum, prorsus flaccidum, substantia sua carnosae ita absumpta, ut nihil ferme præter venarum & arteriarum filamenta sub membrana latentia apparerent, teste Johanne Helwigio *Obs.* LXIX. p. 226. Et *pag. seq. in Scholio in Casimiro*, Marchione Brandenburgico, mœrore ac vigiliis consumpto cor flaccidum pyri tosti faciem repræsentasse inquit. Idem etiam *Obs.* LXXII. p. 231. ex esu ostrearum cor flaccidum & pallidum annotavit. Cortomentosum observavit Dominicus Panarolus *Observ. medicinal. Pentecost. I. Obs.* 48. p. m. 28. inquit: Pleuritide interemptum secui, qui maximam saniei copiam, tum in pleura, tum in pulmonibus firmiter costis adhærentibus habebat; sed cordis inspectio maximum stuporem pariebat. Illud enim totum albidum & tomentosum instar pellis, quæ Italis vulgo cerviotto dicitur aspeximus. Pus enim, ut credo, cum propter crassitiem & copiam per anacharsim exspui non posset, tunicæ cordis, ob immensum ipsius calorem, dum aliquo modo exsiccaretur, adhærebat, unde totum tomentosum nobis conspicuum fuit.

§. 14.

Cor pilosum

Corda quoque hirsuta vel pilosa ab autoribus annotata leguntur. De corde enim pilis referto sequentia refert Antonius Benivenius *de abdit. morbor. caus. cap.* 83. p. 251. *seq.* Jacobus latro e patibulo, quo suspensus fuerat, veluti jam mortuus, sed qui tamen adhuc viveret, depositus atque curatus convaluit. Verum ut erat homo ingenio malo pravoque ad eadem statim scelera revolutus, quibus antea extremum promeruerat supplicium, iterum capitur atque suspenditur. Quare hominis admirati nequitiam mortui cadaver incidendum curavimus, & inventum est cor ejus ob eximiam

miam caliditatem undique pilis refertum. Hoc idem inventum est in corde Aristomenis Græci, qui solus perhibetur integras acies pugnando in fugam vertisse. Est ergo non tantum scelesti ingenii signum, sed quandoque etiam raræ fortitudinis. Cor in exteriori superficie hirsutum & villosum in muliere quinquaginta annos nata observavit Adamus Brendelius *Observ. anat. Decad. II. Obs. 1. p. 7. seq.* dicta autem forma diu multumque de sensu ardoris in corde & difficili spiritu conquesta est, qui intendebatur, si concitatus incedebatur, vel magna festinatione scalas ascendebat &c. Aristomenis Messenii modo memorati, cor, ob eximiam caliditatem exsectum Athenienses pilis refertum invenerunt, cum eum aliquoties captum & astutia elapsum cepissent, juxta Valerii Maximi *Lib. I. cap. VIII. de Mirac. §. 15. p. m. 125.* De hoc Aristomene ita scribit Plinius *Histor. nat. Lib. XI. cap. 37. fol. m. 204.* Aristomenes Messenius trecentos occidit Lacedæmonios. Ipse convulneratus & captus semel per cavernam latomiarum evasit, angustos vulpium aditus fecutus. Iterum captus, sopitis custodibus somno, ad ignem advolutus lora cum corpore exussit. Tertio capto Lacedæmonii petus dissecuere viventi hirsutumque cor repertum est. vid. etiam Chr. Fr. Paulin. *Philosoph. Feyer Abend c. 85. p. 792.* Quendam Ferraræ dissectum fuisse, cujus cor intus passim fuerit pilis vestitum ex Amato Lulitano refert Cornelius Stalpart van der Wiel *Obs. rar. Cent. 1. Obs. 93. Sch. p. 384.* Inquit etiam Philippus Jacobus Sachs *Gammalog. Lib. II. c. 7. p. 777.* novissimum pilosi cordis exemplum 1650. vidit Patavii Johannes Scultetus in Polono audacissimo, ictu globi intereunte, cujus cadaver in Theatrum mense Februario delatum in præsentia Johannis Aloisii Molini præfecti, & Johannis Grimani Capitanei & totius studiosorum numerosissimæ cohortis aspectu inventum fuit cor undiquaque pilosum. Vide etiam ejusdem Sachsi *Ocean. macro-microcosm. §. XXXV. p. 32.* Juxta Ludov. Coëlii Rhodig. *Lectio. antiqu. Lib. IV. c. 16. fol. 139.* scribunt Græci, Hermogenem cor habuisse hirsutæ ac magnitudinis extra mortalium reliquorum rationem insigne. Id ipsum fere de Leonida in Paralleliis Plutarchus prodidit. At periti naturalium risu id excipiunt. De corde canis Ale-

xandri

xandri piloso, vid. Christ. Franc. Paullini *Cynograph. curios. Sect. I. c. 3. §. 13. p. 42.* Variapilorum cordis exempla allegat etiam David Græbnerus *Medicin. Vet. restit. c. XVI. p. 121.* Josephus Lanzonus *M. N. C. Dec. III. An. 5. & 6. Obs. 122. p. 251. seq.* Mich. Frid. Lochnerus *Ephem. N. C. Cent. VIII. Obs. 1. p. 237.*

§ 15.

Corda adiposa.

Sæpe etiam corda adiposa & pinguedine obtecta in sectionibus apparent. Corenim novem unciarum sub pinguedine satis copiosa insieco prorsus & exsucco pericardio reperit Johannes Georgius Volkamerus. vid. *M. N. C. Dec. I. An. 6. & 7. Obs. 71. p. 97.* Pauli Sansoni, dextro cordis ventriculo, circa initium pinguedinem adhæsisse, & pinguedinem candelæ sebaceæ similem in sinistro cordis sinu, vidisse Hippolytum Boscum; idemque in quodam Nobili Scoto, Leidæ renum ulcere extincto notasse Paulum Schlegelium Hamburgensem, refert Johannes Rhodius *Obs. medic. Cent. III. Obs. 4. p. 110.* In viro quodam quinquagenario, potui olim dedito, post mortem cor, cujus magnitudinem naturalem magnitudinem triplo majorem adstantes mirabantur, copiosa pinguedo fere occultabat, observante Hieronymo Laubio *Ephemerid. Acad. N. C. Cent. X. Obs. 84. p. 408.* Lanionis Stuttgardiensis filioli sex annorum cor ingens polypum aluit, & externam pinguedinem quasi granulatim per totum parenchyma dispersum, qualis & pericardio quasi carnosio adhæsit, cui quoque cor ipsum accrevit. vid. *M. N. C. Dec. II. An. 7. Obs. 12. p. 22.* Cor magnum & adiposum Guelferbyti in Archipincerna fuit repertum ab Alardo Hermanno Cummeno. vid. *M. N. C. Dec. I. An. 3. Obs. 118. p. 188. seq.* Helmstadii cor in substantia totum adiposum in cadavere Studiosi cujusdam a Johanne Bossio in lucem fuisse protractum, refert Fridericus Hoffmannus *Cardianastr. p. 2.* In pharmacopæi cujusdam cadavere cordis capsula omnis feri fuit expers, cordis autem universa superficies pinguedine sebosa obducta, uti ex communicatione Caroli Sponii recenset Theophilus Bonetus *Sepulchret. Lib. III. Sect. XXI. §. 15. fol. 1056.* De exenteratione Episcopi Bambergensis Johannes Matthias Nesterus inter alia de ejusdem corde, pinguedine obducto, sequentia ad Christ. Frid. Garmannum in schedula transmisit: *Das Herz ist rings*

rings herum mit Fett eines Fingers dick, gleich einer Mandel mit Zucker überzogen; als man es von einander geschnitten, ist es innwendig gantz schön und trocken gewesen, hat gewogen 1 Pfund 6 Loth juxta Garmanni *Epist. Med.* 188. p. 370. *Cornimia incrustatum* pinguitie in juvene occiso observavit Georgius Hannæus *M. N. C. Dec. III. A. 2. Obs. II. p. 18.* Ante aliquot annos in quodam sartoris servo ab alto præcipitato totam thoracis cavitatem tanta pinguedinis copia adimpletam observare in sectione licuit, ut neque pulmones, neque pericardium in ipso latens in conspectum venirent, sed omnia, imo pleura flava pinguedine obtecta atque superfusa apparerent, cum tamen dictus sartor summe esset macilentus. De causa autem & modo, quo adeps in corde & ut plurimum in ejusdem basi, raro autem vel nunquam in ejus mucrone generetur, ac colligatur, vid. Theod. Craan *de Homin. cap. XVI. p. 142 seq.* item *Quæstionem*, adeps eordis unde oriatur & cujusnam sit usus, vid. ejusdem Craanen *Oeconom. animal. Qu. 47. p. 39.* *Journal des Sçavans Tom. V. p. 68.* Thom. Bartholin. *Anat. Lib. II. c. 6. p. 356.* Christ. Frid. Garmann *de Mirac. mort. Lib. I. Tit. 7. §. 21 seq. p. 223.* Secundum Isbr. de Diemerbr. *Anatom. Lib. II. c. 6. fol. m. 264.* Cordis tunicæ exteriori ad humectationem adeps durior circa basin accrescit, quem Riolanus in mulieribus invenit copiosiore & magis flavum, quam in viris. Hic nonnunquam tanta copia in brutis cor obvolvisse deprehensus est, ut olim testantibus historiographis, non semel haruspicibus imposuerit, qui viso tanto adipe victimis cor deesse putarunt. Sic etiam scribit Spigelius, se Patavii in Struthiocamelo publice dissecto, cor tanta adipis quantitate oblitum invenisse, ut facile multis præsentibus fidem facere potuisset, cor huic avi defuisse. Secundum Vopisci Fortunati Plempii *Fundam. Med. Lib. II. cap. 7. fol. m. 112.* adeps iste vere est adeps; etenim ad candelæ flammam liquatur.

§. 16.

Licet autem cordis substantia sit satis solida, crassa & densa, propriaque membrana obtecta, quandoque tamen illud corruptum ac vitiosum observatur, siquidem juvenis quidam, qui aspectu non multum morborosi exhibebat, subito exspirabat: Post mortem vero inventum est ejus pericardium ita

Hæmatol.

Eee

exe-

Observatio.

Cor ulcerosum.

exesum, ut parum admodum ejus superesset, cor vero undique ulcerosum erat, & quidem satis profunde v. *Histor. Acad. Reg. Scient. Paris. Obs. acad. VII. p. 166.* Scribit etiam R. albus Columbus *de Re anat. Lib. XV. p. 489.* se in corde ulcere exedente profundo circa auriculam dextram affectum se invenisse scribit Jobus a Meekren *Obs. med. chir. cap. XXXV. p. 150.* De ulcere in corde exemplum refert Lazarus Riverius *Obs. med. chir. Lib. I. Obs. 87. p. 84.* In corde humano ulcera sordida & cava inventa fuisse, ex variis autoribus allegat Ph. Jac. Sachs a Lewenh. *M. N. C. Dec. I. An. I. Obs. 31. Sch. p. 106.* De cordis parte putrefacta inquit Antonius Benivenius *Obs. medicin. cap. 42. pag. 197.* inciso abscessu, qui supra septimam vertebra innatum longo temporis intervallo sinum fecerat, intimamque membranam sua sanie prorsus eroderat, minima ipsius cordis pars oculis cernentium patefacta est. In foemina sexagenaria dextrum cordis ventriculum non solum interne erosum, sed etiam exulceratum & putrefactum vidisse refert Stephanus Blancardus *Anat. pract. Obs. 39. p. 119. item Obs. 40. p. 124. seq. & Obs. 83 sq. p. 222.* in virginibus cor exesum & exulceratum, & *Cent. II. Obs. 6. p. 263. seq.* in rustico cor ipsum suppuratum idem annotavit. Capsulam cordis totamque fere hujus substantiam ad fibras usque abucere exesam, in quodam Veronensi invenit Petrus de Marchettis, uti *Obs. med. chir. 47. p. m. 75.* commemorat. In Valentino Boccatio non modo membrana cordis propria absumpta erat, sed & exterior caro cordis ab humoris acris vi profunde exesa in lacinias & villos carneos putrescentes abierat, reliqua substantia interiori contracta, flaccida & marcescente, juxta relationem Olai Borrichii in Thom. Bartholin. *Act. Hafniens. An. I. Obs. 89. p. 183. seq.* Quandoque etiam cor penitus consumptum autores annotarunt, e. g. exemplum alicujus viri diuturno morbo emaciati, in cujus post mortem aperti thorace cor nullum, sed solum pericardium repertum, ex Tileffio adducit Jobus a Meekren *Observ. med. chirurg. cap. XXXV. p. 148.* In Francisci Julii, Consilarii, cadavere cor omnino consumptum observarunt tres medici, in Michael. Bernh. Valentini *Pandect. Med. legal. Part. I. Sect. 3. Cas. 27. p. 388.*

erosum

consumptum

p. 388. adducti : Un homme age d'environ quarante ans, ayant un jour fait la debauche avec, quelques uns de ses amis jusques bien avant la nuit, fait enfin obligé de se retirer dans une chambre & de se jeter sur un lit se sentant mal. Le lendemain on le trouva mort; mais en cherchant la cause, on trouva les viscères du bas ventre fort sains, mais ayant ouvert le thorax, on trouva une masse noire, qui paroissoit au milieu ressemblant a un sac. C'estoit le pericarde, qui contenoit la membrane du cœur remplie d'un sang noirâtre. Le cœur estoit cependant tout consumé.

§. 17.

Situm cordis humani, & quidem ejusdem basin in media *Cordis situs* thoracis cavitate, & in totius corporis, demtis artubus, medio deprehendi, tam experientia, quam autoritas probat, ita tamen ut ipsius mucro sinistrorsum jaceat, vel versus sinistram papillam inclinet; unde etiam ejusdem motus vel pulsus ut plurimum in sinistro latere percipitur, & cor a vulgo in sinistra thoracis parte residere putatur. Interdum tamen etiam superior cordis pars seu basis ad sinistram, cuspis vero ad dextrum latus vergere observatur. Vidit enim Joannes Riolanus in Regina, Matre Regis Ludovici XIII. Maria Medicæa cor prægrande in latus dextrum inclinatum, firmiter affixum costis interventu pericardii dextra parte cartilaginosa uti refert *Anthr. L. III. C. 12. fol. 234.* Et *fol. 870.* exemplum de cordis basi sub sinistra mamma reperta, mucrone sub dextra locato, & aliud de infante sedecim mensium provecto, in cujus aperto thorace cor in dextrum latus propendens repertum fuit, recensetur. Cor dextro in latere pulsare manibus suis ultra centies in typographo se sensisse, ad Thomam Bartholinum perscripsit Georgius Wolffgang. Wedelius, *vid. Act. Hassniens. Vol. II. Obs. 44. p. 135.* Hunc typographum dictus Wedelius *M. N. C. Dec. I. An. 2. Obs. 194. p. 296.* nominat Wolffgangum Christophorum Cramerum eique semper cor in dextro latere pal- *Cordis palpi-* pitasse atque cum aliis multis sæpius tactu veritatem percipere *tatio.* licuisse addit. *vid. etiam Joh. Phil. Burggrav. Fatric. curios. c. IX. p. 96. seq.* Juxta Frid. Nitzschii *Ephem. Erudit. Part. IV. p. 840.* Cor infantis contra omnem consuetudinem in dextro latere repertum fuit; basis enim versus mediastinum propendebat, mucro vero versus mammillam dextram. In Nobilis cujusdam filio cor

maximum fuit deprehensum, cujus conus ad latus dextrum magis vergebat, cum naturaliter sinistrum spectet, uti ait Dominus Baux in Nicol. Blegny *Zodiac, med. Gallic. An. II. Jun. Obs. 9. p. 129.* De corde a ventriculo in thorace e sede sua in dextrum latus depulso vid. *Ephem. N. C. An. III. & IV. Append. p. 256.* De cordis cuspide ad dextram thoracis partem vergente vid. Thom. Bartholin. *Hist. anat. Cent. II. Obs. 29. p. m. 190.*

§. 18.

Observatio de
situ trans-
verso.

In Mercatore palæodresdensi, Zenckero, cujus supra circa magna corda mentionem fecimus, cor minime in situ naturali, sed ita positum, ut nec basis in superiori, nec mucro in inferiori vel decliviori parte positum sed potius in linea recta, & quidem cum basi versus dextrum, cum cuspide vero versus sinistrum latus jacens deprehenderetur. Quale exemplum mihi etiam Anno 1732. die 29 Dec. in bibliopecti, nocturno tempore gladio interfecti sectione observare iterum contigit.

§. 19.

Cor in hypo-
chondrio.

De corde in hypochondrio sinistro palpitante hanc observationem recenset Georgius Hannæus *M. N. C. Dec. II. An. 8. Obs. 114. p. 250.* Medicus quidam in Holsatia, paucis par, plurimis superior, narravit, in quadam urbe hujus Chersonesi natum esse puerulum, membra, vultum satis bellum & elegantem, sed cor naturali loco non situm, palpitans enim illud senserat loco humiliori, & quidem hypochondrio sinistro, mortuum ad anatonem petiisse, verum parentes permittere noluerunt. Mire vero cor demersum dicta ostendit Observatio, & longe infra consuetos habitans limites electo, loco diversorii, hypochondrio.

§. 20.

Cor inversum.

Cordis inversi exemplum annotavit Valentinus Andreas Mcellenbroccius *M. N. C. Dec. I. An. 2. Obs. 76. p. 139.* inquit, Mense Januario 1671. anni Halæ Saxonum Collegium medicum foeminam viginti annorum ob crimen incendii & furti decollatam, cultello anatomico subjecit, in qua præter palmones diaphragmati & pleuræ firmiter annexos, cor plane inversum ac sinistrum ejus ventriculum dextram thoracis partem occupantem observavit. Anno 1650. Parisiis in sicarii cujusdam cadavere inter alia cordis cuspis ad dextram thoracis partem vergebat. vid. Thom. Bartholin. *Hist. anat. Cent. II. Hist. 25. p. 190.* quam

Obser-

Observationem etiam refert Isaacus Cattierius *Obs. II. p. 53.* De cordis inversione in foemina Halensi cujus mentio modo ex Moellenbrockio facta est Fridericus Hoffmannus Tractatulum de Cardianastrophe edidit, de quo videatur Theodori Craanen judicium *Dissert. de Homin. Cap. XVI. p. 133.* In littore Hyberniae piscem observari magnitudine scombri, cujus inversae figurae; apicem enim (cui annectitur arteria magna) spectare caput, basin vergere deorsum, ex Olai Borrichii Epistola refert Thomas Bartholinus *Epistol. medicin. Cent. IV. Epist. 92. p. 521.* Quod confirmat etiam Robertus Boyle *de Utilit. Philos. experim. Part. II. Exercit. 1. §. 33. p. 118.* inquit, ad Hyberniae oras maritimas piscem quendam scombri magnitudine observavi, cujus cor, figura comparata cum caeterorum animalium cordibus inversa, basin seu cordis extrema latiora versus caudam, apicem autem seu partem acuminatam arteriae magnae cohaerentem versus caput protendit. Et juxta Joann. Riolani *Anthropogr. Lib. III. cap. XII. fol. m. 234.* Aelianus & Athenaeus piscem asellum cor in imo ventre habere testantur.

§. 21.

Cordis figura a plerisque anatomicis pyramidalis turbi-
nata conoidalis reperta scripturi; quod alii triangulare habent, Figura pyramidalis.
quasi versus caelum pateat, & versus terram occlusum sit, vid. Planum
Christian. Warlitzii *Scrutin. Lacrymar. p. 107.* Cor planum
eique firmiter adhærens pericardium Hagæ in caupone fortioris
vini potusque poculis admodum addicto observavit
Cornelius Stalpart van der Wiel *Observ. varior. Cent. I. Obs. 37. p. 447.* Hujus scilicet cauponis cor medioere pyrum
magnitudine non superabat, formæque erat non rotundæ, sed
planæ admodum atque depressæ. Et in Schol. in dictam Observationem
pag. 149. addit sequentia: Non incelebris nuper medicus
Ultrajectinus G. Stratenus novisse se militem Gallum-
quendam mihi retulit, cujus defuncti cor planum esse com-
pertum fuerat, orbi, quo prandentes utimur, mediocri, ma-
gnitudine par, pericardioque carens; ac cujus viventis carpi
arteriam maxima semper notaverat imparitas. In cadavere
pueri sex annorum, octimestri morbo fatigati variisque affectibus
tentati inter alia cor figurae erat rotundæ atque in basi ab-
scissu tentabatur, vid. Nicol. de Blegny *Zodiac. Medico-Gallic.* Rotundum.

An. IX. Januar. Obs. 4. p. 7. Item cor globosum & in latitudinem magis quam in longitudinem, in cuius sinistro sinu anguis reperiēbatur, annotavit Marcus Aurelius Severinus *de recondit. Abscess. natur. pag. 281.* Juxta Vopisc. Fortunat. *Plempii Fundament. Medicin. Lib. II. Cap. 7. fol. III.* Cor figuræ est pyramidalis, & nuci pineæ non absimilis, vel pyro isti grandiusculo, quod a pondere huiusmodi librale nuncupant, ex basi enim ampliore in mucronem desinit. Plura de cordis figura adducit Joannes Riolanus *Anthropogr. Lib. III. cap. 10. fol. 234.*

§. 22.

Cor an sit
Musculus? ne-
gant alii.

Cor an sit musculus, plurimi equidem negarunt medici, & quidem ex his rationibus, 1) quia in eo sanguis vitalis spirituosus atque in nullo musculo humor aliquis aut spiritus generetur. 2) quia cor omnium musculorum substantiam duritie superat. 3) quia fibræ carnosæ musculum non faciant, alias ventriculus & vesica urinaria etiam ad musculos referri debeant. 4) quia cor cavitates & valvulas habeat, quæ in nullo musculo reperiuntur. 5) quia a musculis motus voluntarius pro arbitrio & per intervalla fiat, cor vero naturali & perpetuo motu ad vitæ finem usque moveatur. Hisque & aliis rationibus tales medici cor a sanguificandi munere, quod ipsi vulgo adscribitur, excludunt atque inter serviles musculos reponunt.

§. 23.

Affirmatur.

Cor autem omnino musculum esse, præter Hippocratem *Libr. de Corde*, ubi viscus hoc fortissimum musculum appellat, plurimi insignissimi anatomici probaverunt; v. g. Willisius, qui dicit, cor est musculus pro rotando sanguine factus. Philipp. Verheyen, in *Corp. hum. Anatom. p. m. 252.* scribit: Propria cordis substantia omnino muscularis est, & pro maxima parte caro proprie dicta, multiplici varioque fibrarum tractu deducta, vid. etiam Laur. Heisterus *Comp. Anat. Nenter Physiol. C. 2. §. 32. p. 27.* Lowerus *de Corde.* Clerc in *Bibliotheca Anat. Part. 2. p. 84.* Frid. Hoffmannus *Med. ration. System. T. I. L. I. C. II. §. VII.* Thom. Barthol. *Anat. ren. L. II. C. VI.* Lancisius *Tr. de motu cordis & aneur. L. I. Sect. II. Propos. XXVIII.* alii.

§. 24.

§. 24.

Primario autem circa cor ratione circulationis sanguinis, in eodem necessarii sunt certi sinus, qui etiam ventriculi & cavitates appellantur, & quorum ordinarie duo tantum deprehenduntur, de quorum structura aliisque ad eorum usum necessariis partibus anatomici & physiologi evolvi possunt, nobis vero hoc loco solummodo rariora, & quæ extraordinarie reperiri solent, adducere libet, sive in homine sive aliis animalibus fuerint observata; v. g. Dominus Mery in dissectione testudinis marinæ triplicem notavit ventriculum cordis, quorum tertius in medio basis cordis situs est, magisque prominet, quam reliqui. Dexter a sinistro sejungitur septo carnoso & spongioso, in cujus medio foramen est ovale, simile illi, quod in foetu humano inter venam cavam & pulmonalem reperitur &c. vid. *Act. Erudit. Supplement. Tom. II. Sect. 5. pag. 229.* De corde testudinis terrestris & bello anatomico inter du Verney & Mery vid. *Histor. Academ. Reg. Scient. An. 1699. p. m. 47.* Et p. 49. inquit du Verney: tribus equidem ventriculis cor ejus gaudet, cum in homine duobus tantum instructum sit; sed universi illi tres ventriculi proprie unus solummodo sunt, cum unus in alterum hiet semperque communicationem inter se absque ullo impedimento obtineant. De tribus in corde hujus animalis ventriculis a Mery repertis vid. etiam *Act. Erudit. An. 1693. Mens. Maj. p. 232.* Cor triplici ventriculo præditum in infante annotavit Theodorus Kerckringius *Spicileg. anat. Obs. LXIX. p. 139.* Plura de tribus ventriculis in brutorum & hominum cordibus repertis v. Joan. Riolan. *Anthropogr. Lib. III. c. 12. f. 235.* Miratur Lud. Coelius Rhod. *Lect. antiqu. Lib. IV. cap. 16. p. 139.* Plinium scribere, in majorum animalium corde triplex visitari specu, in nullo autem non geminum. v. Garman. *de M. M. Lib. I. T. 4. §. 11. p. 207.*

tres in testudine marina.

§. 25.

Quamvis etiam in quibusdam non nisi duæ cavitates, ut Ventriculus ordinarie, reperiantur, altera tamen earum a statu naturali durus, quandoque recedit, quale exemplum annotavit Henricus Smetius *Misc. med. Lib. X. p. 523.* his verbis An. 1561. cum in emporio illo totius Europæ celeberrimo, Antverpia, medicinam facere cœpissē, ætatis meæ 24. in mercatoris cujusdam dissecto corpore

corpore vidi dextrum cordis sinum, cui venacava inseritur, interiore sui parte durum, exasperatum undique & quodammodo squamosum, ut inserta manus mea squamarum scabritie offenderetur, quò in loco continebatur frustum condensati humoris pituitosi lenti albicantis, longitudine digiti medii, crassitie pollicis, &c.

§. 26.

Ventriculus
unus.

Ratione numeri ventriculorum cordis unicus interdum observatur, uti annotavit Antonius de Pozzis M. N. C. Dec. I. An. 4 & 5. Obs. 40. p. 37. in Viro viginti septem annorum, gracilis corporis habitus, temperamenti calidi & sicci, qui quatuor annis continua cordis palpitatione laboravit, tandemque syncope correptus interiit, corde palpitante non in loco proprio, sed circa diaphragma lateris sinistri valde demisso. Aperto cadavere cor maximum apparuit, solum unam continens cavitatem seu ventriculum, in quo sedecim sanguinis nigerrimi adnumeratæ sunt. Loco dextri ventriculi vena cava ascendens, in ingentem elevata fuit tumorem. Dicite jam, si ambo ventriculi cordis necessarii sunt, an in uno præparentur, & in alio perficiantur spiritus?

§. 27.

Cor sine ven-
triculis.

Imo corda sine ventriculis dari, probare videtur Joannes Riolanus Anthropograph. Append. Oper. fol. m. 547. exemplo Poloni, in quo, postquam Lutetiæ obiit, talis observata est cordis conformatio, quod erat solidum absque ventriculis, anastomosibus vasorum cordis in fœtu adhuc remanentibus. Hoc tamen Poloni exemplum Christiano Friderico Garmano de Miracul. Mortuor. Lib. I. Tit. 7. §. 23. pag. 224. verosimile non videtur. Et Theodorus Craan Dissert. de Homin. Cap. XVI. p. 133. inquit: Isaacus Catierius Tract. de Observ. mentionem fecit cordis sine ventriculis reperti; posset quidem concedi, quod exigui fuerunt in hoc corde ventriculi, & nullo modo possumus credere, nullos omnino fuisse, quia sine his nulla sit fermentatio, sine qua œconomia nostra nequidem per momentum subsistere potest. Scribit etiam Realdus Columbus de Re anatom. Lib. XV. p. m. 489. se vidisse quosdam, in quibus sinister ventriculus cordis deesse videbatur, tam exiguae molis erat.

§. 28.

Septum
cordis.

Inter utrumque cordis sinum seu ventriculum in statu naturali reperitur paries intermedius seu septum cordis, qui cordis cavitatem in duos ventriculos dividit, ejusdemque cum ipsis est substantiæ; refert tamen Marcellus Donatus de Medic. Histor. mirab. c. II. p. 615. Realdum Columbum vidisse in nonnullis cordis septum, quo illius ventriculi distinguuntur, cartilagineum; quæ verba ex Columbi loco jamjam allegato desumpta sunt. Johannes van Horne Microcosm. §. 33. p. 86. inquit. Inter utrumque cordis ventriculum hæc intercedit differentia, quod sinister ventriculus angustiori cavitate sed crassissimo constet pariete; dexter spatiosus quidem, at graciliori carne, & figura semilunari præditus sit: imo, si bene examines, vel, foris adtus videtur, illa enim abscissa particula cor nihilominus priorem figuram retinet. Hinc facile est intelligere, parietem intermedium, seu septum cordis, non esse quid distinctum a sinistro ventriculo, licet utrumque dividat, & præterea foveis multis sit excavatum; cavere tamen tibi persuadeas poros illos apertos & pervios esse.

✻ ○ ✻

INDEX AVTORVM.

A.

Academiæ regiæ scientiar. Parisiens. Histor. 8 Lips. 1699.
Acta Eruditorum Lips. 4. Lips. 1682. sq.
Acta Haffniensia Thom. Barthol. 4 Hafn. 1673. sq.
Acta Medica Berolinensia, 8 Berol. 1707
Acta Philosoph. Anglican. Oldenburg. 4 Lips. 1674
Alberti. Mich. Introduct. in univers. medicin. 4 Hal. 1718
Asellius. Casp. Diss. de Lactibus.

B.

de Back. Jac. Diss. de corde.
Barbatus. Hieron. de Sanguine & ejus sero.
Bartholinus. Casp. Specim. histor. anat. 4 Hafn. 1701
Bartholinus. Thom. Anatomia renov. 8 Lugd. 1673
 Vindic. anatom.
 Acta Haffniens. 4 Hafn. 1663
 de Lacteis & thoracicis & lymphath.
 de Insolitis part. viis. 8 Hafn. 1664
 Tr. de Latere Christi aperto.
 Epist. medicin. 8 Hafn. 1663
Bauhinus. Casp. Theatr. anatom. 4 Basil. 1621
Bauschius. Jo. Laur. de Lap. hæmat. 8 Lips. 1665
Bausnerus. Barthol. de Consens. part.
Bayle. Franc. Problemat.
von der Beck. Dav. Experim. circa natural. rer. princip. 8 Hamb.
 1664
Beckherus. Dan. Medicus microcosmicus. 4 Lugd. 1633
Becmannus. Christ. de Origin. latin. lingu.
Bellefontaine. Louis la Medecine dogmat. mechanique. 8 a Amst.
 1712
Benedictus. Alex. de Re medica fol. Basil. 1549
Benedicti. Chph. Theatrum tabidorum. 8 Lond. 1696

- Benivenius. Ant. de abditis morbor. causis, 8 Colon. 1581
 Obs. med.
- Berger. Jo. Gottfr. Physiolog. medica. 4 Vitemb. 1702
- Bidloo. Gotthfr. Anat. corp. hum. fol. Ainst. 1685
- Bierling. Casp. Theoph. Thesaur. theoret. pract. 4 Jen. 1690
 Adversar. curios. 4 Jen. 1679
- de Bils. Lud. Respons. ad admonit Joh. ab Horne.
- Binninger. Joh. Nic. Observ. med. 8 Montbelg. 1673
- Blancard. Steph. Instit. medicin. vid. Opera.
 Anatomia reformata. 8 Lugd. 1687
 Lex. medic. 8 Lugd. 1699
 Collectanea medico phys. 8 Lips. 1690
 Opera med. theoret. practic. 4 Lugd. 1702
- Blasius. Gerard. Comment. ad Jo. Vesling. Syntagm. anatom. 4
 Patav. 1677
 Zootomia s. Anatom. animal. 4 Amstel. 1674
- Blegny. Nic. Zodiacus medic. gall. 4 Genev. 1680
- Boerhave. Herm. Instit. med. 12 Frf. 1710
- Bohn. Jo. Circul. anatom. physiolog. 4 Lips. 1686
 de Erroribus pathologico anatomicis. Lips. 1684
 de Vulner. renunciat. 4 Lips. 1711
- Bollmann. Henr. de Febribus intermittentibus. 4 Marb. 1695
- Bonetus. Theoph. Med. septentr. fol. Genev. 1686
 Sepulchret. fol. Genev. 1679
- Bontekœ. Corn. de human. vita sanitat. morb. & morte
- Bootius. Arn. Obs. med.
- Borellus. Petr. Hist. med. phys. 8 Frf. Lips. 1676
- Bourdon. Ami. Nouvelle description anat. 12 Paris. 1687
- Bourgeois. Louise de Art. obstetr. 4 Oppenh. 1619
- Boyle. Rob. de Utilit. philos. experiment. 4 Lindav. 1692
- Brendel. Adam. Obs. anatom. 4 Vitemb. 1716
- a Brœckhuysen. Benj. Oeconomia corpor. animal. 8 Norimb. 1672
 Ration. philos. med.
- Broen. Joh. Medicin. theoret. 4 Lugd. 1694
- Bruno. Jac. Pancr. Propyl. medic. physiol.
 Lex. med. Castell. 4 Norimb. 1682
- Brunnerus. Balth. Consil. medic. 4 Frf. & Lips. 1733
- Burggrav. Jo. Phil. Jatric. curios. 8 Frf. 1706

C.

- Camerarius. Elias. Medicina conciliatrix. 4 Frf. 1714
 Diff. de Ufu & abusu potuum Thee & Coffee.
 Diff. inaug. de Subsidiis pro arte medica ab
 antlia pneumatica petendis, 4 Tub.
 Camerarius. Jo. Rud. Memorabil. medicin. 8 Tubing. 1683
 des Cartes. Ren. de Homine.
 de Formatione foetus.
 Charleton. Gualt. Oeconomia animalis. 12 Hag. 1681
 Chiffletius. Lib. de Linteis sepulchralib. Christ.
 Claudinus. Jul. Cæsar. Respons. medic. 8 Frf. 1607
 Cockburn. Guil. Oeconomia corporis animalis. 12 August. 1696
 Cole. Guil. de Febribus intermittentibus.
 Columbus. Reald. de Re anatomica. 8 Frf. 1593
 Connor. Bern. Evangelium medic. 8 Amstel. 1699
 Consentinus. Thom. Corn. Progymnasm. physic.
 Conring. Herm. Introductio in univers. art. med.
 Courtial. Jean. Joseph. les Suites des observations anatomiques
 sur les os.
 Craan. Theod. Oeconomia animalis, 8 Amstel. 1703
 Diff. de Homine, 4 Lugd. 1689
 Cyprian. Abr. Epist. de foetus humani excisione. 8 Lugd. 1700

D.

- Dekker. Frid. Exercit. pract. 4 Lugd. 1694
 Deodatus. Claud. Pantheum hygiastic. 4 Brunrut. 1628
 Deusingius. Ant. Exam. anat. Bilsian.
 Exercit. de Chylificat. & chyli mot.
 de Motu sanguinis.
 Diemerbroek. Isbr. Opera anatom. med. fol. Ultraj. 1685
 Dionis. Petr. Anatom. corpor. human. 8 Genev. 1696
 Dodonæus. Remb. Prax.
 Obs. med. 8 Colon. 1581
 Donatus. Marcell. de Hist. med. mirab. 8 Frf. 1613
 Doncker. Laur. de Febre petechial.
 Drelincurtius. Carol. de Concept. 12 Lugd. 1685
 Diff. de Lienosis, 8 Lugd. 1711

INDEX AUTORUM.

E.

Elsholtz. Jo. Sigism. Destillat. curios.
 Entius. Ge. Opera medico physica. 8 Lugd. 1687
 Ephem. Acad. Nat. Cur. 4 Norimb. 1715. sq.
 Essais d' Anatomie.
 Ettmüller. Mich. Opera med. fol. Frf. 1695
 Euth. Jo. Ægid. Anatom. umbilic. curios.

F.

Faber. Honor. Tr. de Homine.
 Fallopius. Gabr. Instit. anat. oper. fol. Frf. 1600
 Fernelius. Joh. Physiolog. 4 Traj. 1656
 Forestus. Petr. Obs. med. fol. Frf. 1602
 de Franckenau. Ge. Franci. Satyr. med. 8 Lips. 1722
 Diapedes. restit.
 Freund. Jo. Emmenolog. 8 Roterod. 1711

G.

Galen. Opera. fol. Venet. 1562. sq.
 Garmann. Christ. Frid. de Miracul. mortuor. 4 Dresd. Lips. 1709
 Gellius. Aul. Noct. attic. 8 Genev. 1621
 Gesnerus. Conr. de Quadrupedibus. Fol. Tigur. 1651
 Geuderus. Melch. Frid. Diatribe de fermentatione. 8 Amst. 1689
 Gladbach. Jo. Prax. med. idea noviss. 8 Herborn. 1694
 Glissonius. Franc. Anatomia hepatis, 12 Amstel. 1655
 Goëlicke. Andr. Ottom. Hist. anatom. nov. & antiqu. 8 Hal. 1713
 Goræus. Jo. Definit. med. fol. Lutet. 1569
 Græbnerus. Dav. Med. vet. restituta. 4 Lips. 1678

H.

Hagendorn, Ehrenfr. hist. Med. phys. 8 Rudolphst. 1690
 du Hamel. Jo. Bapt. Philosoph. vet. & nov.
 Hannemann. Jo. Lud. Fascic. quat. epistolar.
 Harderus, Jo. Jac. Apiarium, 4 Basil. 1687
 Pæon. & Pythag. Exercit. anat. 8 Basil. 1682
 Harveus. Guil. Exercit. anat. de Motu cordis & sanguinis circulo.
 Harveus. Gideon. de Vanit. philos.
 Havers Clopt. Osteolog. nov. 8 Frf. & Lips. 1692
 Heer. Henr. Obs. med. 12 Lugd. 1685
 Heide. Ant. Cent. obs. med.

Heinsius.

INDEX AUTORUM.

- Heinsius. Ern. de Purgant. in febr. curat.
 Heister. Laur. Orat. de Incrementis anatom. 8 Wolfenb. 1720
 von Helmont. Jo. Bapt. Opera fol. Lugd. 1667
 Helwig. Joh. Obs. phys. med. 4 August. 1680
 Heurnius. Jo. de Morbis pectoris.
 Highmorus. Nathan. Corp. hum. disquis. anat. fol. Hag. 1651
 Hildanus. Guil. Fabr. Obs. chir. fol. Frf. 1656
 Hippocr. Opera in fol. Basil. 1536. Edit. Foessii
 Histor. Acad. Reg. Scient. Paris. An. 1699. 700. 8
 Morbor. Vratislav. An. 1700. sq. 4. Vratisl.
 Hoboken. Nic. Anat. secundum human. 8 Ultraj. 1675
 Hœchstetter, Phil. Obs. med. 8 Frf. Lips. 1674
 Hœferus. Wolfg. Hercules medicus. 4 Norimb. 1675
 Hoffmann. Jo. Maurit. Idea machin. human. anatom. 4 Altorf.
 1703
 Diff. de Pericardio Altorf. 1690. habita
 Hoffmann. Frid. Medicina rational. systemat. 4 Hal. 1718. sq.
 Fundam. medicin. 8 Hal. 1695
 Not. in Petr. Poterii Opera, 4 Frf. 1698
 Cardianastroph. admir. 4 Lips. 1671
 Hollerius. Jac. de Morb. intern. curat. 8 Paris. 1567
 von Horne. Jo. Opuscula anatom. chirurg. cum annotat. Joh.
 Guil. Pauli. 8 Lips. 1707
 de Ductu rorifero.
 Horst. Greg. Opera medica omnia. Fol. Norimb. 1660
 Horstius. Dan. Manuduct. ad medicin. 12 Ulm. 1660

I.

- Journal des Sçavans. 12 Amsterd.
 Juncken. Jo Helfr. Chymia experimentalis, 8 Frf. 1681.

K.

- Kerckringius. Theod. Observ.
 Spicileg. anat. 4 Amstel. 1670.
 Kergerus. Mart. de Fermentatione, 4 Vitemb. 1663.
 Klaunig. Gottfr. Nosocomium charitatis, 4 Vratisl. 1718.
 Kœnig. Eman. Regn. animal. 4 Colon. 1682.
 Kozack. Jo. Sophron. de Sale, 4 Frf. 1663.
 Kyperus. Alb. Anthropol. 4 Lugd. 1660.

L.

- Lajus. Jo. Phil. Diff. de Mens. suppress. 1660. Gieß. habit.
de Lamzwerde. Jo. Bapt. Histor. natur. molar. uter. 8 Lugd.
1686.
- Lancisius. Jo. Maria. de Mortib. subitan.
- Lange. Christ. Miscell. curios. md. 4 Frf. 1666.
- Lange. Christ. Jo. Opera medica, fol. Lips. 1704.
- Laurentius. Andr. Histor. anat. corp. hum. fol. Frf. 1600.
- Lentilius. Rosin. Eteodrom. medico practicus. 4 Stutg. 1711.
Miscell. med. practica, 4 Ulm. 1698.
Jatromnem. theoret. pract. 8 Stutg. 1712.
- a Leeuwenhoeck. Ant. Arcan. naturæ detect.
- von der Linden. Jo. Ant. Select. medic.
- Linzing. Petr. Ern. Instit. med. 8 Erlang. 1701.
- Lister. Mart. Diff. de Humoribus, 4 Amster. 1711.
- Lowerus. Richard. Tr. de Corde.
- Lusitanus. Amat. Curat. medic.
Zacut. de Medic. princ. histor.

M.

- de Marchettis. Dom. Anat. 12 Patav. 1656.
Petr. Observ. med. chir. 8 Patav. 1675.
- Mauriceau. Franc. Observat. sur la grosseffe des femmes. 4
Paris 1695.
- de Meara. Edm. Exam. diatrib. Thom. Willis. de febr. b.
Histor. med. rarior.
- Mercklin. Ge. Abr. Syllog. cas. incant.
de Transfusione sanguin. 8 Norimb. 1679.
de Scriptis medicorum.
- a Meckren. Job. Observ. med. chirurg. 8 Amstel. 1682.
- Meibomius. Henr. de Abscess. intern. natura.
- Miscell. Natur. Curiosor. 4.
- Mœbius. Gottfr. Fundam. physiolog. 4 Jen. 1661.
- Moellenbrock. Val. And. de Arthrit. vago scorbut. 8 Lips. 1672.
- Montanus. Jo. Bapt. Consil. med. fol. 1583.
- de Moor. Barth. de Instaurat. medicinæ.
- Moronus. Matth. Directorium medico. pract. 4 Frf. 1663.
- Morton. Rich. Exerc. de Morb. univers. acutis, 8 Amstel. 1696.
- Müller,

INDEX A U T O R U M.

- Müller. Jo. Matth. Cas. med. chir.
Munnick. Jo. Anat. nov. 8 Lugd. 1699.
de Muralt. Jo. Vade mecum Anatom. 12 Tigur. 1672.
 Clavis medicin. 8 Norimb. 1697.
Musitanus. Car. Trutina chirurg. s. Chirurg. theor. pract. 4. Co-
lon. 1698.
Muys. Joh. Prax. med. chir. 8 Amst. 1695.

N.

- Nenterus. Ge. Phil. Physiolog. med. 8 Argentor. 1714.
Nuck. Ant. de Ductu salivali novo.

O.

- Oldenburg. Henr. Acta philosoph. anglic. 4 Lips. 1674.
Ortlob. Jo. Frid. Historia part. s. Physiologia. 4 Lips. 1697.

P.

- Panarolus. Dom. Observ. med. 4 Hanov. 1654.
Paræus. Ambr. Thes. chir. fol. Frf. 1610.
Paschius. Ge. de Nov. Invent.
Pauli. Sim. de Febrib. malign. 4 Argent. 1678.
Pauli. Jo. Wilh. Progr. de princip. natur. mechan.
 Annot. in Jo. von Horne Microcosm. 8 Lips.
 1707.
Paulini. Christ. Franc. Observ. med. phys. 8 Lips. 1706.
 Philosophische Luststunden, 8 1706.
 Cynograph. curios. 4 Norib. 1685.
Pechlinus. Jo. Nic. Obs. med. phys. 4 Hamb. 1691.
 de Vulner. thorac.
Pequetus. Jo. Experim. nov. anat. 12 Amstel. 1667.
 Diff. anat. de Circul. sanguin.
Petermann. Benj. Bened. Observ. med. 8 Lips. 1707.
Peyerus. Conr. Method. histor. anat. medic.
Piens. Franc. de febribus in genere. 8 Noviomag. 1669.
Pitcarnius. Archib. Element. medicin.
Platerus. Fel. Observ. med. 8 Basil. 1644.
 Quæst. physiol. 8 Basil.

Plem-

I N D E X A U T O R U M.

- Plempius. Vop. Fort. Fundam. medicin. fol. Lovan. 1644.
 Plinius. Hist. nat.
 Porta. Casp. Medicin. brevis. 8 Lugd. 1688.
 Poterius. Petr. Opera med. chym. 4 Frf. 1698.
 Primerosius. Jacob. Destruct. fundam. medicin. Plemp. 4 Roterod. 1657.
 de Vulgierrorib. in medicina, 12 Roterod. 1668.

R.

- a Rejes. Casp. Elys. jucund. quæst. camp. 4 Frf. 1670.
 Rhodius. Jo. Observ. medic. 8 Frf. & Lips. 1676.
 Mantiff. anat.
 Ridlin. Vit. Lineæ medic. 8 August. 1705. sq.
 Riolan. Jo. Opera anat. 4 Lond. 1649.
 Jo. Fil. Enchir. anat. & pathol. 8 Lips. 1674.
 de Circul. sangu.
 Anthropogr. fol. Lutet. 1649.
 Riverius. Lazar. Observ. medic. 8 Hag. 1659.
 Rohault. Jo. Tract. phys.
 Rolfinck. Gvern. Epitom. method. cognosc. & curand. corp. affect. 4 Jen. 1675.
 Ronseus. Bald. Epistol. medicin. 8 Lugd. 1618.
 le Roy. Henr. Philosophie naturelle.
 Rubeus. Franc. Exercit. nocturn.
 Rumler. Jo. Udalr. Observ. med. 4 August. 1667.
 Ruysch. Frid. Dilucid. valvul. in vasis lymphat. 12 Lugd. 1687.

S.

- Sachs. Phil. Jac. Ocean. macromicrocosm. 8 Vratisl. 1664.
 Salmuth. Philipp. Observ. medic. 4 Brunsv. 1648.
 Saltzmann. Jo. Rudolph. Observ. Anat. 12 Amst. 1669.
 de Sandries. Jac. de Natur. sanguin. stat. 8 Frf. 1712.
 Schelhammer. Gunth. Chph. Diss. de Lymphæ ortu.
 Schenck. Jo. Observ. med. fol. Frf. 1665.
 Schneider. Conr. Vict. de Catarrhis, 4 Viteb. 1660. sq.
 Schrader. Frid. de Microscopior. usu.

Screta.

INDEX A U T O R U M.

Scretæ. Henr. de Febr. castrenf. malignit.
 Scultetus. Jo. Armament. chirurg. 4 Erf. 1668.
 Sennert. Dan. Instit. medic. 4 Witteb. 1667.
 Severinus. Marc. Aurel. de recondit. abscess. natur. 4 Erf. 1643.
 Sinap. Mich. Aloyf. Paradox. med.
 Smetius. Henr. Miscell. med. 8 Erf. 1611.
 Solenander. Rein. Consil. medic. fol. Hanov. 1605.
 Sperlette. Jo. Physica nova.
 Spindler. Paul. Observ. medic. 4 Erf. 1691.
 Sponius. Jac. Aphorism. nov. ex Hippocr. Operibus, 8 Lugd.
 1684.
 Steeghius. Gottfr. Medicin. pract.
 Stockhammer. Franc. Microcosmograph. 12 Vienn. 1682.
 Suevus. Bernh. Tr. de inspect. vulner. lethal.
 Swammerdam. Jo. de Respiratione.
 Sylvius. Franc. Disp. medic.

T.

Targirus. Joach. Medicina compendiar.
 Tavry. Dan. Anatom. rational. 8 Ulm. 1694.
 Teichmeyer. Herm. Frid. Instit. medico legal. 4 Jen. 1727.
 Thonerus. Augustin. Observ. medic. 4 Ulm. 1651.
 Thruston. Malach. de Respiratione, 8 Lugd. 1671.
 Tiling. Matth. de Placenta uter. 12 Rintel. 1672.
 Tulpius. Nic. Observ. medic. 8 Amstel. 1652.

V.

Valentini. Mich. Bern. Pandect. med. legal. 4 Erf. 1701.
 Vater. Christ. Physiol. experiment. 4 Vitemb. 1701.
 Varolius. Constant. Anatom. 8 Patav. 1591.
 Verduc. Jo. Bapt. Traité de l'usage des Parties, 12 a Paris 1696.
 Verheyn. Phil. Anat. corp. hum. 8 Lips. 1699.
 Vesalius. Andr. de Corp. hum. fabric. fol. Venet. 1614.
 Veslingius. Jo. Syntagm. anat. 4 Patav. 1697.
 Vicarius. Jo. Jac. Franc. Basis universæ medic. 8 Ulm. 1700.
 Vieussens. Raym. de mixt. princ.

INDEX AUTORUM.

Systema vaſor. corp. hum. 8 Amſt. 1705.
Viridetus. Jo. de prim. coction.

W.

Waldſchmid. Joh. Jac. Inſtit. medic. rational. 8 Lugd. 1689.
Wallæus. Jo. Opera.
Warlitz. Chriſt. Valetudin. ſen. ſalom. 4 Lipſ. 1708.
Scrutinium lacrymar. 8 Vitemb. 1705.
de Morbis biblicis, 8 Vitemb. 1714.
Wedel. Ge. Wolfg. Phyſiolog. medic. 4 Jen. 1690.
Patholog. med. dogmat. 4 Jen. 1692.
de Morb. infant. 4 Jen. 1706.
Exercit. med. philolog. 4 Jen. 1686.
Welfch. Ge. Henr. Obſerv. med.
Wepferus. Jo. Jac. de Apoplexia, 8.
Werloſchnigg. Jo. Bapt. Curat. verno autumnal.
Wiel. Stalp. von der, Obſerv. rar. 8 Lugd. 1681.
Willis. Thom. Pharmacop. rational.
Wolff. Ido, Obſerv. chir. med. 4 Quedlinb. 1704.
Woodward. Jo. de Medic. & morbor. ſtat.

Z.

Zacchias. Paul. de affection. hypochondr.
Quæſt. med. legal. fol. Frf. 1688.
de Ziegler. Henr. Anſhelm. Schauplatz der Zeit, fol. Leipzig
1700.
Zypæi. Franc. Fundamenta medicin. 8 Bruxell. 1684.





INDEX RERVM.

A **abortus** an promovendus 306
Acetum coagulat sanguinem 123
Aer est causa circulationis sanguinis 161 sqq.
Aer an sanguini permisceatur 166 sq.
Anastomosis quid 130. 143
 - - causæ ejus 130
 - - defenditur 131 sqq
 - - negatur 138 sqq
 - - ab Ortlobio 140
 - - a Kerkringio 138
 - - Pecqueto 140
 - - Harvæo 141
 - - Diemerbrock 142
 - - Bayle 143
 - - Morton 144
 - - Fabro 145 sq.
 - - Deusingio 146 sq.
 - - Schelhamero 147
 - - Ettmüllero 148
 - - du Hamel 149
 - - Charleton 150
 - - Bohnio 151
 - - Leewenhœck 152
 - - Verduck 152 sq.
Arcula cordis quid est 316
Arteriæ non sanguificant 31
 - - cohærent cum venis 133
 - - coronariæ unde ita dictæ 136

B.

Bartholini sententia de sanguinis circulatione 70 sq.
 - - de usu & necessitate circulationis 169
de Bellefontaine sententia de sanguinis circulatione 71
Bergeri sententia de sanguinis circulatione in foetu 80
Bierlingii sententia - - 86
Blancardi sententia - - 67
Bohnii sententia de chyli motu per vasa lactea 15 sq.

de sanguificatione 27 sq.
 sanguinis motu in adultis 63
 - - in foetu 76
observatio de sanguinis circulatione 115
sententia de usu & necessitate circulationis sanguinis 174

C.

Camerarii sententia de sanguificatione 54
Capitis dolor ex retentione mensium 240
Capfula cordis quid 316
Castorum sanguis semper est frigidus 223
Charletoni sententia de chyli via 4
 - - de sanguinis circulatione 71
Chylus, ejus origo 1
 - - iisdem, quibus lac gaudet partibus 1
 - - sanguinis partes constituit 1
 - - ejus viæ 2
 - - exprimitur in intestina 4
 - - derivatur in venas lacteas 4
 - - deferitur in receptaculum chyli 4 sq.
 - - ex receptaculo ad venas subclavias sinistras 5
 - - ex venis subclaviis in auriculam cordis dextram 7
 - - an transeat per vasa lactea 9 sqq.
 - - ejus viæ quid 16
 - - an ad epar feratur 19
 - - ejus conversio in sanguinem ubi incipit 34
 - - unde ruborem contrahit 37
 - - venæ subclaviæ infusus sensim sensimque rubescit 194
 - - Circu-

INDEX RERUM.

Circulationes sanguinistres in gravida		aer & respiratio	161 sq.
	90	usus & necessitas	169 sq.
Circulatio sanguinis an veteribus fuerit nota	90 sq.	secundum Bartholin	169
affirmatur	91 sqq.	Bohnum	174
an Salomoni	92	Connor	171
Hippocrati	93 sqq.	Diemerbrock	170
dubitatur	95 sq.	Highmorum	173
an Aristoteli	96	Hoffmann	174
veterum opinio de ea	97	Kyperum	172
ejus inventio	101	Riolanum	173
inventores	101 sqq.	Verduc	172
quid ?	70. 73	Vicarium	171
in foetu	75	Waldschmid	170 sq.
juxta sententiam Bartholini	80 sq.	Zypæum	173
de Bellefontaine	81	Cockburnii sententia de chyli via	7
Bergeri	80	Coitus cum sudore cruento	288
Bierlingii	86	Connor sententia de usu & necessitate	
Blancardi	78 sq.	circulationis sanguinis	171
Bohnii	75	Coqui cur plerumque pinguescant	164
Broen	85	Cor est officina sanguinis	32
Craanii	84	primum generatur	33
Mery	88	ex chylo sanguinem conficit	35
Nenterii	85	calidissimum est viscus	35
Ortlobii	76	solum non sufficit ad sanguificationem	38
Palfyn	88	suum esse habet a sanguine cordiali	38
Stockhameri	77	est musculus	38
ejus probatio	109	est primum vivens & ultimum moriens	39
per ligaturas	110	est principium motus & circuli sanguinis	156
experimenta	113 sqq.	æmulatur antliam & machinam hydraulicam	156
valvulas	116 sqq.	in corpore eodem modo velut elater in horologio existit	157
sanguinis quantitatem	117	cur perpetuo agitetur	162
siphunculum	119	exsuccum	233
antliam	120	est sanguinis circulationis organum præcipuum	313 sq.
flatum	121	sol corporis nostri vocatur	314
chylum in sanguine	121	est fons ac principium vitæ	314
spiritum acidum	123	animæ domicilium	315
microscopium	123	ejus denominatio	315
statuam circulatoriam	126	est machina & membrum princeps	383
Circulatio sanguinis a recentioribus negatur,	127 sqq.	Cor	
ejus modus verus	148		
principium & causa	155 sq.		
est cor	155		
cor & arteriæ	159		
sanguis	161 sq.		

INDEX RERUM.

Cor ejus dignitas	384
descriptio	385
an vita sine eo	386
consumptum	387
corda duo in homine	388
in cane	388
in elephanto	388
in Gallo	389
in perdicibus	389
in pullis	389
tria in anfore	389
magna	390
parva	393
an crescat & decrescat	394
an a corde magno magnanimitas	395
flaccidum	397
marcidum	397
tomentosum	398
pilosum	398
adiposum	400
ulcerosum	400
erosum	401
consumptum	401
ejus situs	402
ejus palpitatio	402
in hypochondrio	403
inversum	404
ejus figura	405
planum	405
rotundum	405
an sit musculus	406
ejus ventriculi	406
sine ventriculis	408
ejus septum	408
Cordialia remedia sunt figmenta ani-	
cularum	38
Cornelii sententia de sanguificatione	60
Corpus nostrum viginti octo aut ad	
summum triginta sanguinis libris	
rigatur	225
Craanii opinio de via chyli	6

D.

Diemerbroek sententia de anastomo-	
sibus	141
de usu & necessitate	

circulationis sanguinis	170
Ductus thoracicus, ejus origo	17

E.

Epar an officina sanguinis	24
affirmatur	24 sq.
negatur	25 sq.
proficiscitur a sanguine	27
Ettmüller sententia de sanguinis circu-	
latione	69
Exosculatio quid?	130

F.

Faber Honoratus, an inventor circula-	
tionis sanguinis	109
Fermentatio, an fiat in sanguine	49
Fibræ quid?	133
Fœtus nutritur sanguine	29
Foramen ovale ubi situm	77 sq.

G.

Gallus sine corde	387
Gingivæ, e gingivis sanguinis proflu-	
vium	252 sqq.
Globuli in sanguine	185
eorum inventor primus, quis	185
continuo moventur	187

H.

Hæmoptysis periodica a retentione	
mensium	235
ab hirudine inscite deglutita	236
Hæmorrhagia oris periodica	251
narium larga & lethalis	265
per pollicem	275
per pudenda	304
uterina	305
per alvum	308
cadaverum	310 sq.
Hæmorrhoidum fluxus excedens	209 sq.
per aures	268
Harveus an inventor circulationis san-	
guinis	102 104 sq.
G g g 3	Har-

INDEX RERUM.

Harvæus ejus sententia de anastomo-
sibus 141
Heinsii sententia de via chyli 8 sq.
Highmori sententia de usu & necessi-
tate circulationis sanguinis 173
Homo cur sine sanguine vivere possit
234

I.

Inosculatio quid 130
Involucrum membranaceum cordis
quid 316

K.

Kerckringius negat anastomofin arteri-
arum cum venis 138
Kyperi sententia de usu & necessitate
circulationis sanguinis 172

L.

Lac loco sanguinis in venis repertum
122
cum sale tartari volatili coctum
rubicundum induit colorem
196
Lacrymatio sanguinis 259 sqq.
Langii sententia de chyli circulatione
9
de sanguificatione 43
Liquor pericardii vid. Pericardium.
Liquor ex latere Christi 379 sqq.
Loweri sententia de transitu chyli in
sanguinem 11
Lymphatica vasa non differunt a venis
lacteis 5

M.

Menses per os excreti 246
per gingivas 254
oculos 263
mammas 270
vulnus digiti 274
pedes 277
inguina 281

Menses per umbilicum 293
in viris 302 sq.
post mortem 311
Mictio cruenta 294 sq.
Moellenbrock sententia de chyli via 7
de Moor sententia de sanguinis circu-
latione 58 sq.
Motus sanguinis intestinalis quid 60
circularis quomodo fiat 66
Muralti sententia de sanguinis circu-
latione 69
Musculus nullus se ipsum movet, sed
ab alio movetur 161

N.

Nenteri sententia de sanguinis circu-
latione 74

O.

Ortlobii sententia de sanguificatione
44
de sanguinis motu in
adultis 62
in foetu 76
negat anastomofin vasorum
140
Oscula vasorum quid 130

P.

Palfyn sententia de sanguinis circu-
latione 88
Pecqueti opinio de chyli circulatione 3
de anastomosibus 140 sq.
Pericardium quid? 316
constat lamella duplici 316 sq.
connectitur cum diaphrag-
mate 320
pingue 325 sq.
crassum 326
carnosum 326
rugosum 326
Peri-

INDEX RERUM.

Pericardium cartilaginofum	326	Plethora, quomodo diffinguitur	228
cordi adnatum	330	Portæ fententia de chyli via	8
an neceffarium fit	333	de fanguinis motu	67
nimis diftentum	336	Principium movens, fpiritus	159 fq.
exefum	340	Pulmones funt inftrumtum prima-	
ejus denominatio	316	rimum fanguificationis,	164
defcriptio	316 fq.	Pulfus quid indicat	118
vafa	319 fq.	R.	
foramina	323 fq.	Rana fine corde faltans	386
figura & amplitudo	327	Receptaculum chyli ubi fitum	6
defectus, an detur	330	Refpiratio eft caufa circulationis fan-	
ufus	334	guinis	161 fq.
ad refpirationem	336	Riolani fententia de ufu & neceffitate	
ad crumenas	336	circulationis fanguinis	173
varia in eo reperta	337	S.	
vermes	337	Sanguificatio ubi fit	24
calculi	338	an in epate	24
fcirrhi	339	affirmatur	24
pus	339	negatur	25 fq.
inflammatio	340	an in corde	32 fq.
vulnera an lethalia	341	an a fanguine cum fpiritu	
negatur	342	vitali	40
liquoris ortus	345	an a fanguine cum orga-	
an a vaporibus	345 fq.	nis	42
negatur	347	quid	45
ex pericardio	349	ad eam præfupponunt	
ex ejus glandulis	350	nonnulli digestionem	47
ex vafis lymphaticis	352	alii effervescientiam	47
in corde	352	alii fermentum peculia-	
a potu	354	re	48
ex thymo	357	ejus caufa	50
an in omnibus homi-		an fiat per conquaffatio-	
nibus oriatur	357	nem	55
quantitas variat	364	Sanguis quid	33 fq.
fymptomata	367	non proficifcitur ab hepate	27
color	369	fit ex fanguine	46
ufus	371	fermentat in corde	50
quaßatio audita	374	in arteriis exe corde verfus partes,	
an fit excrementum	376	in venis e contra cor verfus a	
regeneratio	378 fq.	partibus movetur	113
nulla aqua in pericardio	359	continuo a centro ad peripheriam	
hydrops	362	& a periphèria ad centrum mo-	
		vetur	134
		Sanguis	

INDEX RERUM.

Sanguis cur circulatur	162 sq.	Bergeri	80
est liquor heterogeneus	64	Bierlingii	86
constat ex minimis globulis fluido		Blancardi	78 sq.
innatantibus	185	Bohnii	75
citrinus	209	Broen	85
croceus	209	Craanii	84
niger	209	Mery	88
maculosus	209	Muralti	82
albus	209	Nenteri	85
arteriosus differt a venoso	215	Ortlobii	76
viscidus	218	Palfyn	88
crassissimus	218	Stockhameri	77
congelatus	218 sq.	probatur per experimenta	113 sq.
muris alpini mutatur in pingue-		valvulas	116 sq.
dinem	219	sanguinis quantitatem	117
coagutatur a frigore	219	siphunculum	119
frigidus	222	antliam	120
piceus	223	flatum	121
causticus	223	chylum in sanguine	121
aqua specie gravior est	191	spiritum acidum	123
Sanguinis derivatio	174 sq.	microscopium	123
definitio	175	statuam circulatoriam	126
particulæ	176	a recentioribus negatur	127 sq.
materia	I	principium & causa ejus est cor	156
de materia ejus differentes foveat		cor & arteriæ	159
autores sententias	176 sq.	usus & necessitas	169
generatio quomodo fit	2 sq.	secundum Bartholinum	169
in quo consistat	34 sq.	Bohnum	174
officina an hepar	24	Connor	171
motus est duplex	60	Diemerbrock	170
intestinus quid	60	Highmorum	173
fermentationi adscri-		Hoffmannum	174
tur	64	Kyperum	172
negatur	65	Riolanum	173
motus quomodo in adultis se ha-		Verduc	172
bet	66	Vicarium	171
rubedo, unde dependeat	61	Waldschmid	170 sq.
percolatio in visceribus	153 sq.	Zypæum	173
globuli	185 sq.	Sanguinis proportio inter serum & gru-	
proportio partis purpureæ ac se-		mum quænam sit	192
roso gelatinosæ	189	determinare non potest	193
Sanguinis circulatio quid	70 73	color unde	193
in foetu	57	a calore & motu	193 sq.
juxta sententiam Bartholini	80 sq.	a particulis sulphureis & oleosis	194
Bellefontaine	81	Sanguinis	

INDEX RERUM.

Sanguinis color a sale & sulphure	195 sq.	poplitæa	280
a sale volatili	199	ex basilica	280 sq.
a sulphure & aere	200	salvatella	281
ex alcali & oleo subtili	201	per in guina	281
a globulis	205 sq.	ilia	282
præternaturalis	208 sq.	sub alis	282
animalium	214	per sudorem	283 sqq.
consistentia	217 sq.	e lateribus	287
quantitas	224	in regione epatis	292
raro viginti quatuor libras exce-		per umbilicum	292 sqq.
dit	226	in regione lienis	293
abundantia	226 sq.	per venas urinarias	293
defectus	229 sq.	per penem	301
præternaturalis excretio	234 sqq.	a nimia venere	301
excretio per os	235	per uterum	304
ex pulmonibus	235. 237	per alvum	308 sq.
ventriculo	235	post mortem	310
eum tussi	235 sq.	per sudorem	310
ex compressione thoracis	235	epudendis	311
ex rupta pulmonum vena	237	e vena secta	311
per vomitum	239	e naribus & ore	312
per os absque tussi	250 sq.	Septum cordis	408
per gingivas	252	Servita, Paul, inventor circulationis	
critica	252	sanguinis	102
in prægnante lethalis	254	Serum in sanguine semper copiosius	
post dentis evulsionem	255	est grumo	192
ex venulis per salivam	257	Sperlette sententia de sanguinis circu-	
ex venis sublingualibus	257	latione	68
exlabio	258	Spiritus acidus coagulat sanguinem	123
ex palpebris	258	Spiritus animalis quid?	2
oculis	258 sq.	sunt causa circulationis sangui-	
lacrymarum instar	259	nis	159 sq.
oculi tumore cancroso	260	Sputum sanguinis ob pulmones glo-	
poro alæ sinistrae narium	267	bulo transfossos	238
vena in gena sinistra aperta	267	Stockhameri sententia de sanguinis cir-	
auribus	267 sq.	latione in foetu	77
per porois cutis	269	Succi candidi & lactescentes affuso oleo	
e syncipite	269	sulphuris rubescunt	195
ex occipite	269	Sudar sanguineus	283
ex gena	269	pedum	276
per mammas	269 sqq.	sub alis	282
per interstitium mammarum	273	ab timore & anxietate	284 sq.
per digitos	272 sq.	ex intensione muscutorum per	
ex pedum digitis	276	brachiorum motum	285
ex crure	279	H h h	Sudor

INDEX RERUM.

Sudor sanguineus a devoratione rob
sambuci cum pulvere card. bened. 286
post mortem 310

T.

Targiri sententia de sanguificatione
45 sq.
Taury sententia de motu & via chyli
5
de sanguinis rubedine 61
Temperamenta unde 1
Theca cordis quid 316
Tubus arteriosus ubi situs 78
Tunica cordis quid 316

V.

Valvulae venarum Harvæo occasionem
dederunt circulationem sanguinis
invenire 116
Vasa desinant in capillamenta 130
sanguifera tandem dividuntur in
fibras 134
Vateri sententia de modo circulatio-
nis sanguinis 73
Venæ non sanguificant 31
coronariæ ubi oriuntur 137
cohærent cum arteriis 133
Venæ lacteæ a quonam inventæ 3
ubi terminantur 6
an in intestina hient 11
primi generis quæ 16
secundi generis quæ 16
quid sunt 16
copiosissimis donatæ sunt valvu-
lis 17
an chylum exsugant 19

quando & a quo detectæ 19
Venarum ruptio post mortem 311 sq.
Verheyen sententia de modo circula-
tionis in fœtu 77 sq.
Vicarii sententia de chyli circulatione
18
de sanguificatione 56
sanguinis motu 67
usu & necessitate circula-
tionis sanguinis 171
Vita an sine corde 386
Vomitùs sanguinis 239 sq.
menstruus 240
a menstrui retentione 241. 249
lethalis 241. 247
in prægnantibus unde 241 sq.
ex liene compresso 242
quandoque est salubris 245
a lumbricis 245
post crapulam 246
ex vociferatione 247 sq.
post vulnera 250

W.

Waldschmidii sententia de chyli via
8
usu & necessitate cir-
culationis sanguinis 170
Willisii sententia de sanguificatione 57

Z.

Zypæi sententia de usu & necessitate
circulationis sanguinis 173

